



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.


We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>





F
26
.A2
D6



**HISTORIA
DE
ABIPONIBUS**

**EQUESTRI, BELlicosAQUE
PARAQUARIÆ
NATIONE**

**LOCUPLETATA
COPIOSIS BARBARARUM GENTIUM, URBIVM,
FLUMINUM, FERARUM, AMPHIBIORUM, INSECTORUM, SER-
PENTIVM PRÆCIPVORVM, PISCIVM, AVIVM, ARBORVM,
PLANTARVM, ALIARVMQVE EIVSDEM PROVINCIÆ,
PROPRIETATVM OBSERVATIONIBVS,**

**AUTHORE
MARTINO DOBRIZHOFFER**

**PRESBYTERO, ET PER ANNOS DUO DE
VIGINTI PARAQUARIÆ MISSIONARIO.**

PARS SECUNDA.



V I E N N Æ,
TYPIS JOSEPHI NOB. DE KURZBEK
CÆS. REG. AUL. TYPOG. ET BIBLIOP.
ANNO 1784.

1. The first part of the document discusses the importance of maintaining accurate records of all transactions and activities. It emphasizes that proper record-keeping is essential for transparency and accountability, particularly in financial matters. The text outlines various methods for organizing and storing data, including digital databases and physical filing systems. It also mentions the need for regular audits and reviews to ensure the integrity and accuracy of the records.

2. The second part of the document focuses on the role of communication in achieving organizational goals. It highlights the importance of clear and concise communication, both internally and externally. The text provides guidelines for effective communication, such as using appropriate language, being open to feedback, and ensuring that all team members are informed and aligned. It also discusses the benefits of regular communication, such as improved collaboration and faster problem-solving.

3. The third part of the document addresses the challenges of managing a large and diverse team. It acknowledges that managing a large team can be a complex task, requiring strong leadership skills and effective delegation. The text offers strategies for managing a large team, including setting clear expectations, providing ongoing support and training, and fostering a positive team culture. It also mentions the importance of recognizing and rewarding team members for their contributions.

4. The fourth part of the document discusses the importance of innovation and creativity in driving organizational growth. It emphasizes that innovation is a key driver of success in a competitive market, and that organizations must encourage and support creative ideas and initiatives. The text provides examples of innovative practices and offers suggestions for how to foster a culture of innovation. It also mentions the importance of staying up-to-date with the latest trends and technologies in the industry.

5. The fifth part of the document discusses the importance of risk management in ensuring the long-term success of an organization. It highlights that risk management is a critical component of any business strategy, and that organizations must identify and mitigate potential risks before they become a problem. The text outlines various risk management techniques, such as risk assessment, risk mitigation, and risk transfer. It also mentions the importance of having a contingency plan in place to deal with unexpected events.


6. The sixth part of the document discusses the importance of sustainability in business operations. It emphasizes that sustainability is no longer just a buzzword, but a key factor in the success of a business. The text outlines various sustainable practices, such as reducing waste, conserving energy, and supporting local communities. It also mentions the importance of reporting on sustainability performance and being transparent about the organization's environmental and social impact.

7. The seventh part of the document discusses the importance of customer satisfaction in driving business growth. It highlights that customer satisfaction is a key driver of repeat business and positive word-of-mouth. The text provides guidelines for improving customer satisfaction, such as listening to customer feedback, providing excellent customer service, and offering high-quality products and services. It also mentions the importance of being responsive to customer needs and addressing any issues promptly.

8. The eighth part of the document discusses the importance of financial management in ensuring the financial health of an organization. It emphasizes that financial management is a critical component of any business strategy, and that organizations must maintain accurate financial records and budgets. The text outlines various financial management techniques, such as budgeting, forecasting, and financial reporting. It also mentions the importance of having a strong financial foundation and being able to manage cash flow effectively.

9. The ninth part of the document discusses the importance of human resources management in building a strong and productive team. It highlights that human resources management is a key factor in the success of an organization, and that organizations must attract, develop, and retain top talent. The text outlines various human resources management techniques, such as recruitment, training, and performance management. It also mentions the importance of creating a positive work environment and providing opportunities for professional growth.

10. The tenth part of the document discusses the importance of legal and regulatory compliance in ensuring the legal integrity of an organization. It emphasizes that legal and regulatory compliance is a critical component of any business strategy, and that organizations must stay up-to-date with the latest laws and regulations. The text outlines various legal and regulatory compliance techniques, such as legal audits, policy development, and training. It also mentions the importance of having a strong legal team and being able to handle legal issues effectively.



Anthropology
Dulau
5-20-24
10260

I N D E X.

CAPUT I. De Abiponum territorio, origine, & variis nominibus.

- II. De nativo Americanorum colore. De Patagonum proceritate neutiquam gigantea.
- III. De forma Abiponum, corporisque conformatione.
- IV. De avitis, communibusque formæ corruptelis.
- V. De labiis, ac auribus Barbarorum perforatis.
- VI. De Abiponum firmitate, ac vivacitate.
- VII. Cur Abipones tam vegeti, & vivaces?
- VIII. De Abiponum religione.
- IX. De Abiponum Magis, re tamen ipsa præstigiatoribus, veteratoribusque.
- X. Conjecturæ, cur Abipones malum demonem pro avo suo, Pleyadasque stellas pro illius imagine habeant?



CAPUT XI. De nationis Abiponicæ divisione, paucitate, ejusque causa præcipua.

- **XII. De Abiponum magistratibus, Capitaneis, Caziquiis, deque regiminis forma.**
- **XIII. De victus, itinerum, aliisque economicis Abiponum rationibus.**
- **XIV. De vestium forma, materia, ac utensilium cæterorum fabrica.**
- **XV. De Abiponum moribus, consuetudinibusque.**
- **XVI. De Abiponum lingua.**
- **XVII. De aliis linguæ proprietatibus.**
- **XVIII. Variarum Americæ linguarum specimen.**
- **XIX. De Abiponum nuptiis.**
- **XX. De Abiponum conjugio.**
- **XXI. Memorabiliora de foeminarum Abiponensium partu.**
- **XXII. Ludi genethliaci ob natalem masculæ prolis Caziquii.**
- **XXIII. De morbis, medicis, & medicinis Abiponum.**
- **XXIV. De morbo quodam Abiponibus peculiari.**
- **XXV. De variolis, morbillis, lueque pecorum.**
- **XXVI. De Abiponum medicis, ac medicamentis.**



CAPUT XXVII. De ritibus, qui Abiponum mortem comitantur, qui consequuntur.

- **XXVIII. De luctu, exequiis, funeralibusque ceremoniis.**
- **XXIX. De solenni ossium translatione.**
- **XXX. De Serpentibus insignioribus.**
- **XXXI. Plura de eodem argumento, & aliis infectis.**
- **XXXII. De remediis contra venenatos insectorum ictus.**
- **XXXIII. De aliis infectis noxiis, eorumque remediis.**
- **XXXIV. Ejusdem argumenti de infectis continuatio.**
- **XXXV. De militari Abiponum ingenio.**
- **XXXVI. De Abiponum armis.**
- **XXXVII. De speculatoribus, consiliisque bellicis Abiponum.**
- **XXXVIII. De profectio in hostem, com-
meatu, & castris Abiponum.**
- **XXXIX. De assultu, & quæ hunc præce-
dunt, industriis.**
- **XL. Quibus modis formidabiles se reddant
Abipones, & quando jure formidandi
sint?**
- **XLI. Quinam Hispanorum militum nomine
veniant in Paraquaria?**



CAPUT XLII. Quæ Cæſorum ſors apud Abipones victores?

- **XLIII. De Abiponum armis, & aciei forma, dum aliis cum barbaris conſigunt.**
- **XLIV. De anniverſaria Victoriarum memoria & computationis publicæ ritibus.**
- **XLV. De ritibus Abiponum, dum quis de re militari bene meritus inauguratur, renunciaturque Capitaneus.**





HISTORIA DE ABIPONIBUS.

CAPUT I.

De Abiponum territorio, origine,
& variis nominibus.

Bellicosa Abiponum natio in Chaco Provincia,
Paraquariz omnis umbilico, confidet, rectius di-
cam, vagatur; Haud illis equidem certæ sedes, nec
alii limites, nisi quos vicinorum metus fixerit. Hic
si absit, seu ab Austro ad Boream, seu a solis
A 2 ortu

ortu ad occasum latissime quaquaversum, longissimeque excurrunt, prout vel hostis invadendi opportunitas, vel evadendi necessitas iter suserit. Boreale litus fluminis, quod jam magnum, jam rubrum Hispani, Indi lñatè vocant, natale Abiponibus solnm extitisse superiori seculo, ex libris, tabulisque coarvis, liquet. Inde jam belli, quod Hispani saltenses ineunte hoc seculo Chaco intulerant, declinandi, jam Australibus Hispanorum Colonia inferendi grátia Austrum versus demigrarunt denique, Valle, quam Calchaquics, equestris item natio, olim tendere, occupata. Hoc territorium, quod ad ducentas prope leucas patet, Hispanis nec quidquam repugnantibus insident etiamnum, ac suum putant. Cæterum quibus olim e terris in has Paraquariz oras delati sint Abiponum majores, nullus est vel conjecturæ locus. Illos trajectis aquis ingentibus, sinò vectos huc quondam adventasse, nobis edixerat Ychamenraquin Princeps Abiponum in Sancti Hieronymi oppido Caziquius, pro Delphica tripode, pro nationis tabulario apud suos habitus, seque id ab antiquioribus accepisse, affirmavit præterea. Verum primis ultima non cohærent, ut adeo inter fabulas rejiciendum. Neque, quod quidem sciam, usquam præsto sunt literarum monumenta, e quibus verisimile quid de hoc exsculpas. At vero hæc de Abiponum in Paraquariam adventu controversia ad cæteros perinde Americanos pertinet, centies excussa, vix unquam, nî fallor, dirimenda. De hoc equidem argumento Solorzanus Hispanus undecim, si rite memini, sententias recenset, rejicitque singulas. Conjecturas alias adfert noster Gumilla in historia sua de fluvio Orinoco illustrato, alias alii. Quidquid dicas, erit, quod jure opponatur, & quod opponentibus respondeas, ægre invecias. Sæpius mihi in-

men-

mentem venit cogitare : Americanos ex ultimo Euro-
pæ septentrione olim ortos Cœli mitioris desiderio
in illos terrarum tractus, quos hodie Americam di-
cimus, paulatim irrepsisse, alicubi forsitan cum Eu-
ropæ finibus conjunctos, tenui certe freto disjun-
ctos; quod vel lintribus, vel quocunque cymbarum
genere, vel natatu transmiserint. Morum, rituum-
que, queis Lappones, & novæ zemblæ coloni uti
dicuntur, imitationem quamdam in Abiponibus non
obscurè deprehendimus, ut alibi opportunius adno-
tabo. Hos barbaros inñata quadam propensione
acus magneticæ instar ad septentrionem, ceu ad
patrium quondam solum inclinare semper observavi-
mus; Casu enim sinistro fors irritati: *Ab eo septentrio-
nem versus Mabaik quer creægem*, voce minitabunda
fere exclamant. Quamvis ejusmodi cõminatione
illud duntaxat significare mihi videbantur: Reditu-
ros se ad Borealia illa Paraquariæ loca, ubi illorum
gentiles barbari extra Hispanorum obedientiam, ex-
tra Christianorum disciplinam arbitrato suo vivunt
etiamnum.

Verum concedamus id gravissimorum authorum opi-
nioni: Americanos ex septentrionali Europa oriundos
esse, cur, amabo, Indi ex utroque parente Ameri-
cano prognati barba carent omnes, quæ tamen
Boreales Europæ populi abundant? Aeri, climati,
Cœli regioni cave id tribuas; Etsi enim plantas ali-
quas ex Europa in Americam translatas celeriter,
insigniterque degenerare videamus, experimur tamen
Hispanos, Lusitanos, Germanos, Gallos in Europa
egregie barbatos in nulla Americæ parte imberbes
evadere, eorum item filios, nepotesque barba Euro-
pæam originem luculentissime testari. Nostra ipso-
rum id experientia didicimus, quibus post viginti

annos in Paraquaria actos nunquam barba, sæpe tonfor, ac novacula defuit, forficulis diu, frequenterque supplenda. Si quem Indum mediocriter barbatum conspexeris, illius vel patrem, vel avum Europæum fuisse, quamvis mater Americana fuerit, nil dubita. Rarissimi enim pili, qui Indis utrinque Americanis lanuginis instar circa mentum hic, illic aliquando pullulat, barbæ nomine videntur indigni.

Paraquaria quidem Africæ propinquior. Equis tamen ex hac in illam demigrasse incolas dixerit? Secus enim Paraquarios perinde, ut Afri sunt passim, atrii, certe fusci, plumbeive coloris esse oporteret. Angli, Hispani, lusitani, queis Africanorum mancipiorum seu mercæus, seu famulatus est familiarior, nōrunt plane ex utroque parente Afro, ubi ubi terrarum, nigram procreari sobolem, cum tamen in Paraquaria proles ex Indo, Indaque natæ coloris sint Candiduli, quem ætate procedente sol ardentior, fumusque ex foco, quem diu noctuque suis alunt in tuguriis, tantillum obscurat. His accedit: Americanos non crispis, laneisque, ut Afri, Crinibus esse, sed planissimis, licet semper nigerrimis. Sed absint hæc omnia, ingens Oceani, qui Africam ab Americæ Australis litoribus longissime separat, latitudo trajectum reddit difficilem, & liceat mihi dicere, prope incredibilem illo scilicet ævo, quo acu magnetica destituti nantæ vix extra litoris conspectum navigare ausi. Turbinis violenti procella ad Americæ ripas eiektos Afros dices? Verum qua, quæso, via feræ nocentiores eo eluctatæ sunt? Istud enimvero novis arduam quæstionem intricat difficultatibus. Paraquariæ litoribus Bonæ spei promontorium objicitur, cujus incolæ Hottentotti moribus


ribus barbaris aliquem Indorum Paraquariensium imaginem exprimunt, corporis tamen conformatione, ritibus, lingua penitissime differunt; Id quod libellus me docuit a Germano scriptus, qui in illo Bonæ spei promontorio diutius quondam fuerat commoratus. Erunt forsitan complures, qui Asiam Americanorum matrem, & nexu aliquo, quem nemo adhucdum detexerit, cum America colligatam majori jure contendant? Per me licet. Neque, si Americanos ad unum omnes ex luna delapsos affirmaveris, repugnabo, quin expertus Indorum inconsistentiam, animorum volubilitatem, mutabilitatemque, lunæ propriam, pedibus, manibusque in tuam irem sententiam, ni sapientum omnium cachinnos jure reformidarem. Ex incredibile linguarum varietate, quæ apud innumeras Americæ nationes vigent, nullos de illarum origine est conjecturæ locus. Ne inde quidem lineamentum Europæ, Africanæ, Asiaticæque linguæ per universam tam diverso ore loquentem Americam usquam deprehendas. Hæc mea, hæc aliorum, quibuscum rem contuli, est sententia. Verum de Americanorum origine copiosius disserere, hæc mei est instituti. Consule, si lubet alios, quibus propositum erat hoc argumentum pertractare. Quo tamen plures legeris, plus dubitabis. Illud certissimum, hac in questione, quot capita, totidem sententias esse.

Posteriores tamen animos ne despondeant. Spes equidem affulget amplissima, adfore aliquando tempus, quo Americæ, cum aliqua noti orbis parte connexio, certe propinquitas major notescat, si modo Angli, Russique suas ad maris, terræque angulos omnes explorandos navigationes prosequantur porro, quæ nostra ætate ab illis sumptibus, peri-

culisque maximis susceptæ optato quidem successu, non omni tamen fructu caruerunt. Quamvis enim sagacissimi hi marium speculatores ex septentrione ulterius semper progressi gentes, insulasque novas (quarum celebrior othalta) fretaque veteribus ignota detexerint, vicinaque Americæ, Asiæque litora eminus videre sibi visi sint, haud tamen illa sunt assecuti unquam. Idem prope illis, quod Moyse olim, fatum, cui altissimo ex monte Nebo Palæstina diuturno itinere quæsitæ a Deo ostensa quidem est eminus, ejus tamen ingressus neutiquam concessus. Catharina secunda Russorum augusta hodie Imperatrix, victoriis, belli, pacisque studiis clarissima uti quidquid ad imperii sui splendorem, ad rei militaris, navalisque perfectionem, ad literarum, ætiumque nobilissimarum augmentum facere videretur, sibi cordi sumpsit maximopere, sic nullis perpercit sumptibus, ut ignoti Oceani recessus, vicinaque Europæ Boreali Americæ, Asiæque litora tandem detegerentur. Id negotium navarchis dexterrimis datum. Behring, & Tschirikow Capitanei duabus cum navibus in ochotz constructis ex Kamtschatka portu Austrum versus excurrerunt. Post varios casus, naviumque, ut res poscebant, flexus terras conspexerant eminus, quas Americanas esse, & observatis ad nauticæ regulas omnibus gradus pauculos abesse putarunt a Californiæ litoribus septentrionem inter, & occasum (Nord-west) sitis, Insulas adhuc ignoratas, gentes Americanis Borealibus perquam similes deprehenderunt præterea. Videbantur sibi votorum metam attigisse. Verum ante victoriam triumphum cecinere. Nam Capitaneus Kreniziu anno 1768. idem negotium, idemque iter binis cum navibus aggressus eandem quidem, aliasque novas insulas vidit, sed artificis omni-

omnibus nequidquam usus nusquam videre potuit illas terras, quas illius antecessores Behring, & Tschirikow vidisse sibi videbantur, ac pro Americæ continente habuerunt. Delusos fuisse illorum oculos Krenizin aiebat, dum insulas arduis montium jugis insignes Americæ terram firmam putarunt, eodemque prorsus loco, ubi Americanum territorium illi perperam sibi finxerant, quaquaversus mare longe, lateque patens a se esse reperiunt. Verum qui erroris, credulitatisque nimis arguebantur antecessores in successorem suum Krenizin culpam omnem terræ illius non conspectæ retransferunt causantes: Illum nimis septentrionem versus navigasse; si enim Austrum versus proram flexisset plusculum, haud dubie, quæ ipsi viderant, ab illo spectanda fuisse, affirmarunt. In re tam obscura quis sententiam ferat? Ego quidem, si aberrarunt forsitan, utrosque excusandos, puto. In mari tam procelloso, sub Cælo densis nubibus sæpe obducto sol in ipso meridiei puncto plures interdum dies observari haud potest, neque alia ratione, quo demum in situ versentur, resciri. Nebulæ in longius quandoque tempus productæ obstant oculis, & rerum etiam vicinissimarum eripiunt conspectum. Expertus hæc scribo. Lusitani nautæ e mali supremi fastigio detexerant Maderam insulam, quam nos pro nubecula habuimus. E contrario per Mediterraneum in Italiam renavigantes cum Norvegiæ nubem putavimus Minoricam Bailearem insulam. Adeo Cæli obscuritate navigantium oculi non raro falluntur.

Ex repetitis, licet non nihil discordibus Russorum observationibus arguunt plerique omnes, ex Europa septentrionali ad Americam, Asiamque tran-



situm per mare patere navigantibus, illasque orbis partes intervallo haud maximo a se sejungi. Quid si igitur Tartari, gens vaga, per varias litori vicinas insulas, ceu per scalas totidem, ex alia ad aliam, ac denique in Americam paulatim irrepere? Id fieri potuisse sibi persuadeant alii; Ego, ut id factum esse credam, a me impetrare haud possum. Si enim Navarchi nauticæ scientissimi, acu magnetica, navibus firmis, nautis idoneis, aliisque ad perumpenda maris, ac Cœli tumultuantis obstacula præfidijs liberaliter instructi, eandem viam tentatis frustra omnibus toties remensi scopum necdum effectuti sunt suum, ecquis demum existimet, barbaros stupidos, navicularia arte vix leviter tinctos, acus magneticæ usu, necessariis ad observandum in meridie solem instrumentis destitutos, navigioliis imbecillis, vel ex arbore cavatis, vel ex arborum cortice, ferarumve pelle concinnatis per pelagi procellosi longiores tractus ad ignota Americæ litora eluctatos fuisse? Nisi constet, hæc tenui solum freto ab Europa, Asiave separari, quod felicissimus illorum marium scrutator Cook Anglus dicitur asseruisse. Hic enim cum duabus navibus, quibus Resolution, & Discovery nomen, e California iter prosequens Russorum in mappis errores detexit, queis iterum, iterumque deceptus, gravissimeque, dum iis fidem adhibuit, periclitatus est, ut Angli scribunt. Navigatione septentrionem versus juxta continuam litorum Americanorum seriem producta, tot meditationum, indagationumque finem, fines scilicet extremos Asiæ, Americæque detexit, quas freto sat angusto a se dividi observavit, in quo septentrionem versus tantillum progressus advertit mare minus profundum. In quo gradu longitudinis, latitudinisque hos Asiæ, Americæque fines
Cook

Cookprehenderit, necdum, quod sciam, ab Anglis vulgatum est. observato tamen navium cursu, quem sagax hic navarchus tenuit, fors citra erroris periculum licet nobis conjicere: Has Asiæ, Americæque extremitates intra gradum sexagesimum quintum, & septimum latitudinis, & in ducentesimo circiter gradu longitudinis a meridiano primo in Greenwich collocato sitas esse, quam longitudinem, latitudinemque terræ Nijada, seu Americæ D. Maty stachtan olim designavit. Verum ab hoc multum discrepat mappa geographica Russorum imperii ab Engel in lucem edita; Hic enim Americæ extremitatem Austro, occasuique inulto propius admovet. Hæc dubia, controversiæque dissipabuntur, spero, ut primum Angli vulgaverint ipsas ephemerides navigationis ultimæ præclarissimi Cook, qui nisi barbarorum furentium telis succubuisse, tot marium prius, ac tempestatum victor, plurimum lucis in re tam obscura nobis superstes affudisset. Avidissime expectamus, quid demum nunciaturi sint Russi, qui paucos ante menses ad speculanda illa maria, resumendumque controversiæ examen excurrerunt. Planius ista, uberiusque pertractat Clarissimus Robertson.

Ex Europa septentrionali ad occasum vergente (Nordwest) in Americam transitum quoque navigantibus patere, nemo dubitat. Anno 830. Norvegi detexerunt Groenlandiam, & coloniis istic constitutis reviserunt frequenter. Angli quoque, Sueci, Dani &c. ad extremas illas septentrionis oras delati, sed jam maris glacie (quæ Joanne Miinkens Navarcho Dano teste, alicubi trecentos, quæ trecentos sexaginta pedes alta est) jam barbarorum oblectantium ferocia ulterius progredi prohibebantur. Qui superiore sæculo Groenlandiam lustrarunt, asserunt,



runt, illius litora Borealia, qua occasum respiciunt (Nord-west) angusto duntaxat freto ab America separari, & maris sinum, ad quem illud fretum navigantes ducit, probabiliter cum America connecti, Groenlandos cum Americanis commercium habere, barbaros Americanos, quos Esquimaux vocitant, a Groenlandis corporum conformatione, vestitu, lingua, vivendi ratione vix differre. Hæc Cranzius in sua de Groenlandis historia. Quæ quidem omnia si ut verissimilia, sic vera, certaue forent, nullus porro de Americanorum origine dubitandi locus superesset. Cum tanta sit per immensam Americam nationum varietas, cumque istarum singulæ forma, lingua, moribus, ritibus, vestibusque insigniter differant, veri semper mihi similis visum est, non eandem omnibus Americanis originem, patriamque olim exstitisse. cum Americanis populis sat diu versatus rideo, spernoque illos scriptores, qui affirmant: Eum, qui unum Americanum viderit, vidisse omnes; Indum Indo, ut ovum ovo, omnino simillimum esse. Verum de hoc argumento, quod multorum fatigat curiositatem, fusius, & prope invitus disserui; Neque enim mei est instituti.

Quamvis igitur, unde Abipones mei olim venerint, asseveranter tibi affirmare non ausim, dicam tamen, ubi nostra ætate versentur. Ingens terræ portio, quæ a septentrionibus Austrum versus flumine grandi Inatæ, & Sanctæ fidei territoriis, ab oriente ad occidentem jam Paraguayi fluvii solius, jam cum Parana conjuncti litoribus, & Jacobopolitana regione clauditur, stativa Abiponibus præbet varia in contubernia distributis. Agriculturæ, fixique ac stabili domicilio impatientes ultro, citroque comeant idem

identidem. Jam aquationis, cibariorumque opportunitas, jam, dum propinquum sibi hostem suspicantur, securitas perpetuæ migrationis adfert necessitatem. Illos, qui latronculorum ludum probe callent, imitantur, Abipones, latronum dexterrimi; Strage Hispanorum coloniis Australibus illata Boream versus longissime recedunt. Assumptionis urbe septentrionali cædibus, latrociniiisque vexata ad Austrum celerrime properant. Si Quaraniarum oppida, si Correntinam urbem infestis petiere armis, ad latibula, quæ occidentem versus noſunt, suis se cum familiis recipiunt. Si denique Jacobopolitarum, si cordubensem agrum invasere, inter paludes, insulas, arundineta, quæ Parana passim offert, se, suosque contubernales abdunt sagaciter. Quo enim remotiores, magisque occulti, eo certius oculis, manibusque ultricibus Hispanorum se subducunt, qui viarum vel ignorance, vel asperitate impediti acceptas a Barbaris injurias vindicare, ut ut velint, minime possunt. Lacus interdum, palusve interjecta, quam Abipones lusitando transmittunt, Hispanos equites insequentes ad reditum cogit.

Univerſa Abiponum regio pagum, quin ne tugurium quidem unum stabile quamvis non habeat, vix tamen locus suppetit ullus, aliquo qui nomine non eſſet insignitus, quod vel eventui memorabili, vel cuiſpiam vicinæ illius proprietati originem debet suam, uti Hebræis quondam erat familiare. Juvat hic celebriora quædam loca adnotare: ſic Ne-tagîanac Lpâtage, nidus avium, quæ ciconiis hujatibus perſimiles hoc loco prægrandi in arbore quot annis nidificant. Liquinîanala crux, quæ iſtic olim ab Hispanis fixa. Nihîrenas Leênereſque ſpecus tigris-

gridis. Paët latetà ubera contracta. Atopenhèña
lanaté Percorum aquatiliū diversorium. Lareca
caëpa Arbores altæ. Lalegiaicavalca Reculæ albæ.
Grando immanis magnitudinis hoc quondam loco
delapsa bestiarum tantam multitudinem mactaverat,
ut omnis latè campus cadaverum ficcis ossibus al-
besceret. Pluribus aliis locis fluvii, a quibus al nun-
tur, nomen præbuere. Notiores sunt: Evò'ayè
Parana, vel Paraguayus fluvius. Latè flumen gran-
de, vel rubrum. Ychimaye Hispanis Rey, Rex.
Neboquelatèl mater palmarum, Hispanis Malabrigo.
Narahagem Inespin. Lachaoquè nâuè, ycalc,
ycham &c. Rio negro, Verde, Salado &c. flu-
men nigrum, viride, salsum &c. Omitto minoris
notæ amnes, qui sine numero, haud tamen sine
nomine.

Dixi, Abipones seculo superiore, ad fluminis
magni lîatè ripas habitasse, subindeque, dum sal-
tenses, alizque e Tucumanis conflatæ copiz majori
armorum, quam victoriarum strepitu Chacum in-
vaserant, ad Australes Paraquariæ plagas descendisse.
Año tamen labentis seculi sexagesimo multæ Abipo-
num familiæ rebus jam tranquillis ad Magni flumi-
nis ripas partim, partim ad remotiora trans flumen
loca Borealia recesserunt, Hispanorum Australium
metu, quibus repetitis assultibus multum damni de-
dere. Quid quod & Colonia postrema Abiponum,
cui a Rosario nomen inditum, a me condita, ac
per biennium procurata Boream versus a flumine gran-
di decem prope leucas aberat, qua quidem in sta-
tione barbaros Tobas, qui Nataquebit se se vocant,
paulo ante contubernia habuisse sua, nobis consta-
bat. De hac colonia alius erit disserendi locus.

De Nationis, quæ historiz meæ argumentum, nomine dicenda per transenam pœcula. Abipones a Mocobiis, Tobis, & Yapitalakis vocantur Calla-gaik; A' Quaycuriis Comidi; A' Vilelis Luc-uani, quod homines ad Austrum habitantes significat. Ab Hispanis olim Callegaës, vel frontones dicebantur ob largam frontem, cum sincipitis comas ad trium digitorum latitudinem cvellant, per quam affectatam calvitie frons extenditur. Erit fortasse etymologus ridiculus aliquis, qui putidam eruditionem affectans vocabulum *Abipon* a Græco *ἵπς*, equus, & A privativo absurdè derivet, ut, quemadmodum homines literarum, vel religionis Divinæ expertes amisos, atheos dicimus, ita Abipones, quasi Abipones homines sine equis appellemus. Quo quidem quid absurdius, veritative magis repugnans dici potest? Etsi enim, ut Americani cæteri, ante Europæorum adventum equos ne de nomine quidem nôrint, hac tamen ætate nullam esse existimo per omnem Americam nationem, quæ equis abundet magis, quam Abipones. Illorum in coloniis novi non paucos quadringentorum, quin & plurium equorum possessores. Neque id mirum cuiquam. In illis terrarum tractibus versantur, ubi infinita equorum sylvestrium agmina per immensam planitiem oberrant, qui nemine mortalium repugnante nullo negotio capiuntur, brevissimo temporis intervallo perdomantur, ac citra quinq̃es sumptus ab altrice natura conservantur; Campus equidem aquam illis, pabulum, stabulumque ministrat semper. Non desit Abiponi industria, equi, quotquot voluerit, nunquam deerunt. Bello ardente, una sæpe incursione ter, quaterve mille equos Hispanorum e prædiis quondam rapuere.

CAPUT II.

De nativo Americanorum colore.

Pictores Europæi hominem fusci coloris, distortis, sinisque naribus, minacibus oculis, vasto abdomine, a capite ad calcem nudum, ac hirsutum, Fauno, quam homini omnia similiorem, verbo monstrum hominis pharetra, arcu, hasta, vel clava armati, plumis versicoloribus coronati dum penicillo exprimunt, videntur sibi Indi Americani germanam imaginem egregie, feliciterque perfecisse. Et vero antequam Americam viderem, tales mihi Americanos ipse meo in cerebro depinxi; sed oculi meum me deducere errorem. Pictores, quæ fidem adhibui, Americanæ gentis Calumniatores palam dixi, ac poetarum more fabulantes; Hi res sibi objectas verbis pingere, illi penicillo fingere impune solent. Plurimarum nationum Indis innumeris a me cominus spectatis illa formæ vitia, quæ passim Americanis affinguntur, nusquam deprehendi. Si verbis diffidis, oculis, quæso, crede meis. Americanorum nemo æthiopum more niger est, nemo candidissimi, ut Germanorum, Anglorum, Gallorum plerique, est coloris; Multi tamen multis Hispanis, Lusitanis, Italis candidiores. Id mihi exploratissimum. Vuku sunt Americani albicante, quæ tamen albitudo apud nationes aliquas ad triticium, apud alias ad obscuriorem propius accedit colorem. Quod discrimen jam a Cœli, sub quo degunt, regione, jam a vitæ, quam profitentur, rationibus, jam a cibariorum, quæ aluntur, diversitate nasci, expe-

experimur. Si enim, ovidio teste, *fuscantur corpora campo*, Indos, qui solis æstibus patente in campo, torrentur quotidie, fusci coloris plus habere oportet, quam alios, qui sylvis nativis immerfi sub umbra per omnem ætatem latent æterna, ut nec solem videre unquam possint, neque a sole videri. Sylvicolas ejusmodi vidi quamplurimos vultu tam candido, tam Venusto, ut haberi pro Europæis possent, Europæa si veste ornarentur. Fœminæ præ maribus semper albiore, quia & rarius extra tectum prodeunt, & si quando iter equo faciant, inæto huic sexui pulchritudinis studio formæ magis invigilant suæ, quæ ne solis ardore labefactetur, umbellam e struthionum plumis longioribus contextam vultui prætendunt suo.

Mirabar sæpe, barbaros Aucas, Puelches, seu Patagones, aliosque Magallanicæ terræ habitatores Australi, qui in Paraqnaria frigus afflat, polo viciniore, Chilenfibus alpibus tanta nive rigidis confines vultu esse magis fusco, quam Abipones, Mocobii, Tobæ, alique populi, qui decem circiter gradibus septentrioni, qui istic calidus, propriores in Chaco habitant, atque adeo caloribus plus vexantur. Quis nescit, Anglos, Gallos, Svecos, Danos, Belgas, Germanos frigidior sub Cœlo natos Hispanis, Lusitanis, Italis sub Cœlo magis æstuoso degentibus vultu plerumque candidiore esse? Cur igitur Indi Australes Paraquariæ frigidioris incolæ minus candent, quam Abipones septentrioni propriores, ubi auram hauriunt ardentior? Physicis id discutendum lubens permitto. Quid si alimenta varia ad coloris varietatem conferant aliquid? Australibus illis barbaris caro struthionum, equorumque, quibus abundat campus, pro cibo est præcipuo, & fere

unico. Hæc forsitan ad fuscandam eorum cutem facit non nihil? Nam Groenlandos, æternas licet inter nives, ac glaciem sepultos coloris tamen esse non candidi, sed ex fusco, & flavo mixti, referunt historici, illudque balænarum adipi tribuunt; Hunc enim & vorant, & potant, semperque cupediis adnumerant. Quid si dicamus, ut solis æstu præservido, sic rigidissima urentis frigoris aura corporum albitudinem labefactari? Quod si ita, cur, amabo, non mediocriter albescent insulæ ignis (terra del fuego) incolæ in 55. latitudinis gradu, ultimis Americæ Australis finibus, poloque antarctico tam propingui, ubi Januario mense istic æstivo advenas Europæos frigore periisse, scribunt, mensæque Martio, qui autumnus pars, montes nivibus obrui, geluque atrocissimum passim sævire, memorant. Id quod nautæ Hispani, a quibus in Europam sum translatus, amplissime confirmarunt. Nam, dum paulo ante in insula Maloina, seu Malvina, seu ut alii loquuntur, Macloviana, insulæ ignis vicina, aliquamdiu versabantur, nullum faciebant finem immensæ illa, quæ istic tolerarunt, frigora prædicandi. In ipso portu navim oppletam quotidie nivibus, congelatisque prope corporibus suas adeo obriguisset manus, ut, ni Cremati vini haustu identidem incaluisset, nauticis functionibus se fuisse impares, dictitabant. Nationes hæc Australes quidni novam nobis injiciant suspensionem, illas ex Africa suam olim traxisse originem, colorem illum suum obscuriorem, Afri hæreditarium, Americæ intulisse. Hæc si cui arriserit opinio, dispiciat iterum iterumque, qua demum ratione immensum pelagus, quod Africam a Paraquaria dividit, sine magneticæ acus usu transmiserint.

De barbaris Magallanicæ oræ incolis cum injecta sit mentio, juvat hoc loco opinionem refellere, quæ de Patagonibus multorum in animis dudum inveteravit. Hos Gigantes, & Polyphemi Cyclopis fors progeniem scripserit plures, plurimi credunt etiamnum. Verum, crede mihi, falluntur hi, fallunt illi. In commentariis de itinere architalassi Batavi Olivier Von Nord, qui anno 1598. continuata per triennium navigatione quatuor cum navibus orbem totum circumvectus, fretum Magallanicum quoque trajecit, Patagones decem, vel undecim pedes alti dicuntur. Angli, qui Byron duce idem fretum anno 1764. transierant, octo pedes altitudinis iisdem tribuerunt. Boni viri videntur illos barbaros vel microscopio contemplati, vel alia decem-peda usi. Nam anno 1766. Capitanei Wallis, & Carteret mensi sunt Patagones, & solum sex pedes, vel sex pedes & sex circiter pollices illos altitudinis habuisse affirmarunt. Anno 1767. Clarissimus Bougainville eos denuo mensus est, & eandem, quam Wallis, proteritatem in illis deprehendit. Pater Thomas Falconer Anglus, Philosophus, Medicus, meus in Paraquaria socius, annos complures Magallanicæ regionis Apostolus ridet Europæorum opinionem, Patagones gigantibus adnumerantium, testaturque Caziquium terræ illius facile principem Kangapol, qui Patagones inter omnes proceritate maxime eminuit, septem circiter pedes altum sibi visum fuisse. Quid si & hujus oculi fallabantur? Meum jam testis pariter oculati testimonium accipe. Recens ex Europa appulsus in urbe Boni aeris numerosum vidi istorum barbarorum agmen. Nullum equidem illorum mensus, sed pluribus per interpretem collocutus sum. Fateor, plerosque omnes proceritate esse eximia, haud tamen tanta, ut

gigantum nomen mereantur; Quod si enim Patagones gigantibus accenseamus, Indos omnes equestres Paraquariæ: Abipones, Mocobies, linguas, seu oaécacalòt, Mbayas &c. gigantes dicamus, necesse erit; Horum plerique enim corporis proceritate Patagonibus haud cedunt, licet istos vastioris corporis, vultus magis fusci, formæque minus venustæ non diffitear. Europæis in exercitiis equites, pediteque innumeros, in urbibus passim, quin & rusticorum in tuguriis quam plurimos videmus quotidie Patagonibus neutiquam inferiores. Hæc fabula de giganteis Patagonum corporibus ex inventis illo in litore ossibus, quæ gigantum fuisse putabantur, seu nata, seu confirmata est. Fuit equidem illorum, qui Magallanicum seculo superiore æquor lustraverant, quispiam, qui in portu desiderato (el puerto deseado) ossa humana sexdecim pedes longa se vidisse, asseruit. Hispani ad speculandas illas oras a Rege Catholico, ut supra retuli, anno 1745. missi tria istic barbarorum cadavera invenerunt, in quibus nec moles, nec longitudo corporum insolita observabatur. Pater Thomas Falconer, cujus proxime memini, refert: se quoque in ripis Carcaranal, seu fluvii tertii, qui mox Paranz miscetur, vidisse Gigantum ossa varia, coxendices, costas inmanes, craniorum fragmenta, dentes molares in radice tres digitos diametri habentes. Ejusmodi ossa è Paraquayi, & Paranz litoribus frequenter erui, alii asserunt. Quin & Inca Garcilassus de la Vega, Peruviani imperii Livius, idem de Peruvio scribit, testaturque, apud Indos Peruvianos opinionem a majoribus suis acceptam persistere: Gigantes terrarum suarum olim incolæ in pœnam Sodomitici sceleris a Vindice Deo extin-

extinctos fuisse. Ast noveris, historicum hunc ejusmodi esse, ut in illius verba tutò jurari non semper possit; frequenterque vetularum arbitraria commenta pro majorum documentis obtrudi in historiis. Verum concedamus, ejusmodi ossa ubi ubi reperta, quæ forsan balænarum, aliarumque bestiarum grandium erant, gigantum fuisse, hoc argumento quis evincet, illius terræ, ubi inventæ eorum reliquæ, habitatores gigantes fuisse? Poterant enim hæc ossa aliunde allata fluviorum alluvione in mare, ex hoc in remotissimas oras devolvi. In montium altissimorum visceribus sane elephantum ossa, anchoræ, navigiorum prægrandium frustra detecta sæpius legimus, quæ per subterrancos meatus haud dubie è mari olim advecta. Lege Kircheri mundum subterraneum, lege alios hoc super argumento. De Gigantum ossibus crede, quidquid lubnerit, dummodo me suatore, Patagones pro Gigantibus desinas habere.

C A P U T III.

De forma Abiponum, corporisque conformatione.

Abipones forma sunt plerumque liberali, facie concinna, iisdemque, quibus Europæi, oris lineamentis, colorem si excipias, qui, ut prius memoravi, in adultioribus haud equidem est omnino



corporis altitudini animorum excelsitas responderet, Austriacos inter pyrobolarios possent militare. In quatuor Abiponum coloniis, neque plures numerarunt, versatus septennium tres novi duntaxat, qui præter nationis morem exigui fuere corporis, sed iidem animositate, militari ingenio, factis grandibus apud suos perinde, ac Hispanos maximi nominis. Primus horum Debayakaikin Caziquiorum Abiponensium facile princeps, ob staturæ exiguitatem ab Hispanis El *Petizo* parvus appellatus, sed toti late provinciæ olim formidabilis. Frequens mihi de hoc recurret sermo. Kevachichi alter, plurimarum palmarum Dux. Tertius Hamihegemkin impiger ad belli labores, intrepidus, astutus. Dum nostra ob repentinum hostis numerosi adventum trepidabat colonia, incolis tum venatione occupatis prope vacua, hic genii bellicosi, & callidi ingenii dedit documenta, hostibus tum astu, tum audacia in fugam præcipitem actis. Ne mireris tantos animos tantillis homunculis fuisse. Ubi minus corporis, plus sæpe spirituum est. Audi statim 1. Thebaidos: *Major in exiguo regnavit corpore virtus.* Audi Claudianum de bello Getico Alanam gentem bellicosissimam laudibus prosecutum: *Cui natura breves animis ingensibus artus finxerat, immanique oculos infecerat ira.* Minutissimo grano piperis quid mordacius? Scorpii, serpentes alii parvuli vix spithamam longi præ vastissimis anguibus sæpe nocentiores in America. Alexander Macedonum, Attila Hunnorum duces ambo parvi corpore, militari animositate maximi fuere. Verum ignosce, quæso quod parvis in rebus exemplis utar tam grandibus! Haud equidem ignoro, Alexandrum, Attilamque cum barbaris Debaya kaikin, Kebachichi, Hamihegeinkin in comparisonem venire neutiquam posse; Nam hi Hispanorum Para-

qua-

quariensium mastiges pagos vastarunt, & prædiâ;
 Illi mundi flagella, bellicque fulmina urbes munitas,
 & provincias sub jugum misere.

Barba, quod alias dixeram, carent Abipones, mentumque glabrum gerunt reliquorum, qui quidem ex utroque parente Americano orti, Indorum more. Si quem Indum barbatulum videris, alterutrum illius parentum, certe avum Europææ originis fuisse, nil dubita. Cur Americani omnes imberbes sint, hæc quæstio nodus gordius est, quem, qui solvere adnitebantur, novis difficultatibus implicarunt. Quod quidem naturæ arcanum qui detexerit, erit mihi magnus Apollo. Haud inficior, Americanorum in mento lanuginis aliquid interdum succrescere eo fere modo, quo arenosis, sterilibusque in agris hinc illinc tritici culmus spectatur. Verum & teneram hanc lanuginem, quam nemo barbam dixerit, sibi minime tolerandam putant, quin, ut funditus cum radice evertatur, iterum, iterumque curant. Audi insolitam tonsitrinæ methodum. Vetula tonsoris officio fungitur. Humi ad focum confidens tonstricula Abiponis jacentis caput gremio complectitur suo. Vultum tondendi cinere calente affatim conspergit, perfricatque liberaliter, id quod smigmatis supplet vices. Mox volsella, seu forcipula cornea, quæ elastica vi pollet, pilos singulos evellit diligenter. Quod negotium citra doloris sensum peragi, barbari affirmant, atque ut dictis fidem haberem, illorum aliquis applicata mento meo forcipula convincere me amice voluit de veritate. Infausti tonsoris manibus vix, ac ne vix quidem me poteram extricare. Nam credere malui, quam gemerè. Navaculæ usus neque universalis Europæ, neque antiquissimus fuit. Forficulis rescare,



candenti carbone cremare, vofcella evellere barbā ſolebant veterum non nulli. Hinc & Varrone teſte l. 2. de re ruſtica c. 11. Lanæ vulſuram in ovibus, quam conſuram antiquiorem eſſe; Poſt Romanam conditam anno quadringentefimo quinquageſimo quarto tomfores (viroꝝ) primum ex Sicilia in italiam veniſſe a P. Ticinio Mena adductos, ait. Id refero, ne mireris Paraquarienſes barbaros etiamnum vofcellam præ navacula malle.

Dolorem, qui vetulæ manu per forcipulam inferitur, ſilentio concoquunt Abipones, ut faciem glabram, lævemque habeant; ſcabram enim, hirtutamque averſantur. Hinc neuter ſexu pilos, quæ oculi a natura muniantur, tolerat; Nam & palpebras, & ſupercilia ſibi evelli jubent identidem. Hæc oculorum nuditas, quamvis incredibiliter turpet faciem vel elegantiffimam, præcipuum ab illis putatur elegantię, pulchritudiniſque adjumentum. Europæos, quorum oculi denſo horrent ſupercilio, explodunt, aſpernantur, ſtruthionumque, quibus ſcilicet luculentiora ſunt ſupercilia, germanos fratres appellant. Per adjacentes pilos obtundi oculorum aciem, atque obumbrari, ſomniant. Hinc quoties mel per ſilvas conquiſituri excurrunt, vacuiſque domum redeunt manibus, excuſatio illis in promptu eſt: ſucceviſſe ſibi ajunt ſupercilia, ciliave, atque ideo apes volantes, alveariorum indices, haud potuiſſe a ſe diſcerni. Ridiculus nobis proſecto Abiponum oculos pilis nudantium ritus, ſed antiquorum exemplo confirmatus. Si enim Herodoto fides in Euterpe, ſacrificuli Iſidis in Ægypto caput, ſupercilia, palpebras, corpus univerſum radere conſueverunt, idque, ne quis forte pilus alicubi ſuccreſcat, tertio quoque die ab illis repetitum fuit. Ad quos
Ægy-

Ægypti Sacerdotes alludens Martialis: Extirpa, mihi crede, pilos de corpore toto, cecinit. Eudoxum Geometram supercilia, ciliaque sibi abrafisse, Laertius refert, confirmatque Synesius in calvitii encomio. Quid quod lex data Hebræis ore divino: Levita radans omnes pilos carnis suæ. Numerorum 8. C. E quibus conjice, pilos vultu exterminandi consuetudinem, quæ apud Abipones. Mocobios, Tobas, Quaicurus, aliosque equestres Paraquariæ populos viget, antiquitatem sapere. A' pilis ad capillos tranſeamus.

Crinibus omnes densis, corvoque nigrioribus pollent Abipones. Communis hic capillitii color universis, quas vidi, per Paraquariam nationibus. Albicimus, vel rufus in lucem si ederetur factus, monstri instar illis foret, vix homines inter tolerandus. Pro nationum, temporum, statuumque varietate varia est capillorum structura. Abipones Sylvestres, coloniis necdum adscripti, comam sibi raserant, & relicto per capitis ambitum crinium circulo monachorum ritu tondabantur, quem apud barbaros sylvicolas in Mbaëberà, apud aliosquoque populos observavi. ~~Forminæ~~ tamen nationis Mbayæ reliquo capite attonso Crines aliquos servant intactos, qui, ut crista in casside militari, a fronte ad verticem assurgunt. Tonforiis cultris, forficibusque cum fere careant barbari, conchâ ad lapidem exacutâ, vel piscis palometæ mandibula eum in finem utuntur. Plerique Abipones coloniarum nostrarum inquilini crines promissos in funem colligunt, ac Europæorum militum more contorquent. Idem eorum mulieribus mos hoc tamen discrimine, quod hæc illud capillorum volumen fasciola alba Gossypina circumligent, uti hujates nigra involvere consueverunt. Quoties templum adeundum, quoties recepto
more




more de vita functis lamentandum, crines solvunt, sparguntque per humeros. E contrario Indi Quarani, quamdiu religionis expertes sylvis immorabantur, Comam promittere; Nunc, nostra sacra amplexi variis in coloniis, illam Sacerdotum more decurant. Quaranicæ tamen mulieres, cælibes perinde, ac conjugatæ iisdem in oppidis crinibus promissis, quos in funem cogunt, albaque e Gossypio fascia circumdant, domi, forisque utuntur; Quamvis ad sacras in templo functiones passis. fluentibusque per tergum capillis religiose accedunt. Hispani quoque ruricolæ ligatis militari more crinibus templi limen attingunt, solatis ingrediuntur. Persuadent sibi enimvero Americani omnes, hoc observantiæ genus esse reverentiæ significationem, divinis quæ ædibus debeatur. Erubescant illi Europæi, qui capite non solum superstitiose calamistrato, cincinnorum fimbriis ornato, sed & mille crepundiis onerato audent templis pedem inferre.

Mane somno defunctæ Abiponenses foeminae humi sedentes maritorum sibi assidentium capillos concinnant, torquent, ligantque. Fasciculus setarum ex apro, vel urfi formicarii cauda illis pro pectine, pro calamistro est. Comam natura crispam apud Indos rarissime invenias, arte crispatam nunquam. Tardissime, & non nisi decrepiti incanescunt; calveſcunt paucissimi. Illud memoratu, risuque dignum, quod Abipones, Mocobii, Tobæ &c. nullo sexus, vel ætatis discrimine crines a fronte ad verticem usque evellant ea ratione, ut calvitium tres fere digitos latum in eorum sincipite videatur, quod illi *Nalemira* dicunt, nationisque suæ nobilissimum, & quodammodo religiosum insigne arbitrantur. Nam &

re-

recens natis infantulis Præstig atoris, præstigiatrixque manu (Hi enim veteratores & medicorum & Sacerdotum officio apud illos funguntur) coma suicipitis rescatur: Quæ cerimonia parentibus tantum cordi est, quantum Hebræis masculorum circumcisio, baptismusque Christianis, videturque mihi ab antiquissimis Peruvianis in hos Paraquariæ barbaros manasse; Illis equidem Solenne fuit prolibus binulis comas primas rescindere acuto silice, cultrum supplente. Id a consanguineis cognationis ordine sibi succedentibus peractum, eodemque profus tempore sic initiato infanti nomen inditum fuit. Hunc attondendi suicipitis morem extra Americam quoque gentibus aliis antiquissimum fuisse, ne crines in prælio obsessent, ex Plutarcho patet, qui in Theseo hæc habet: *Verum cum pugnacissimi essent Germani, & cominus certare cum hoste præcipue didicissent --- igitur ne ex crinibus occasionem adversariis se invadendi præberent, eos tondebant.* Quamquam Francos illum crimium apicem in fronte sparsisse legimus, ut præliantes viderentur hosti terribiliores.

Id præterea in more positum apud Abipones, ut viduæ, non sine multo fœminarum planctu, viro-
rumque compotatione, caput radatur, & cucullo, qui e cannabinis Caraquatà filis cinerei, atrique coloris est, tegatur, quem abjicere nefas prius, quam ad novas denique nuptias pervenerit. Viduo multas inter ceremonias coma decurtatur, illiusque capiti galericulus retiformis illigatur, qui non, nisi, postquam rursus crines adoleverint, dimittendus. Ad luctum de Caziquio mortuo contestandum viri omnes Cæsariem rescindunt suam. Apud Quaranos Christianos pœna probrosissima, & ignominæ plena putatur, si quam malæ frugis fœminam capillorum spolia-




spoliatione multaverint. En! quot Crinium vicissitudines, quantæ metamorphoses apud barbaros! Verum nullus sim, si non plures apud cultissimos Europæos videantur quotidie. Quot capita, totidem capillorum formas, & singulis bienniis novas inventiones videmus, ridemusque. Maximum, quin unicuique quorundam negotium capillus, de quibus cum seneca ausus dicere: *Quis est istorum, qui non malis rempublicam turbare, quam comam suam? Hos tu otiosos vocas inter pestem, speculumque occupatos? Nemo illorum, qui non compitior esse malis, quam honestior.* L. de brevitate vitæ c. 11. Formam, quam liberalis natura indidit Abiponibus, exposui. Jam, quibus eam modis corrumpant, restat dicendum.

C A P U T IV.

De avitis, communibusque formæ corruptelis.

Pulchritudinis cura barbarorum etiam mentibus innata. Ast hunc in finem mediis utuntur, quibus pulchritudo omnis profligatur. Abipones profecto ornare se dum volunt, se turpant, fœdantque maxime. Puellas, puellisque elegantes passim inter illos videas, apta figura membrorum, coloris, sermonisque ea suavitate præditos, quam multi invideant Europæi. Verum hæc illorum venustas fluxa est, ac ut in floribus, exique ævi, dum enim adolescunt,
mar-



marcescunt. Næiva equidem illorum elegantia stigmatibus, aliisque, quos referre aggredior, trecentis modis aboletur. Europæorum quam multi pulchri esse desinant, dum exterorum avidi imitatores peregrinos, semperque novos comendi corporis modos venantur. Abipones formam depravant suam, visuque terribiles esse incipiunt, quia antiqui meris tenacissimi, & avitis majorum suorum sanctionibus ad amentiam ulque devoti. Illorum enim exemplo vultum notis variis insigniunt suum, quarum alix utrique sexui communes, scæminis propriæ. Spina acuta carni insculpuntur, inspersoque vulnere recenti cinere nigrescunt, ac fiunt perennes. Crucis figuram fronti impressam, duas lineolas ad oculi utriusque angulum, aures versus protensas, quatuor præterea lineas transversas, ac craticulæ instar cancellatas supra nasi radicem inter supercilia pro insignibus velut gentilitiis vultu circumferunt omnes, & per illa a nationibus cæteris internoscuntur. Hos figurarum ductus spinis exarant verulæ non soli cuti, sed vivæ carni impactis, quos cinis, ut dixeram, vulneribus cruore manantibus inspersus nigros reddit, nullo, aut modo aut tempore unquam delendos. Hæ quid figuræ denotent, quid portendant, nescio, nesciuntque ipsi, qui his signantur, Abipones. A' majoribus se suis hunc accepisse ritum, id solum nôrunt, & illis satis est. Plurimæ Americanorum nationes vocabulo, quo crux significetur, penitus Carent. Hinc dum Christianis sacris initiati crucis se signo muniunt, latino nomine *Crux*, vel Hispanico *Cruz* utuntur, quod tamen alii aliter corrumunt. Indi Peruviani lingua Quichua dicunt: *Cruspa*. Quaranii: *Cruzû*. Chiquiti: *Curuzis*. Zamuci, & qui eadem lingua loquuntur, Ygarofi, Kaipotades, Karaoi, Tunachi, Ymonii &c.: *Curuzirê*.

Lu-



Lules, Ilistines, Vilelæ Cruz Hispanorum more rite enuntiant. Plures tamen Paraquariæ populi vocabulo sibi proprio crucem significare nôtunt. Hanc. vocant Abipones: *Likinrúnala Močobii Larizenrânîes Tobæ: Lotisdaghûadac. Mataquayi, seu ychibachi: Lekakilús - Mbayæ: Nikenága.*

Non solum vidi crucem Abiponum singulorum frontibus insculptam sed & Cruces nigras rubris multorum e lana vestibus intextas. Id mirandum sane vel hoc ex capite, quod Christi religionem nondum edocti hoc præstiterint, cum nec significationem, nec merita Sanctæ Crucis perspexerint. Fors ex Hispanis Abiponum, vel ex Abiponibus Hispanorum olim Captivis Crucis venerationem aliquam, vel virtutem cunctis saluberrimam didicere. Quid si dicamus, hanc Crucis apud Abipones expressionem Hispanorum in Americam adventu longe antiquiorem? Illud certum, Crucem ex splendido marmore, quod alii jaspide[m] cristallinum vocant, sculptam apud Incas Peruvianos Reges magno in pretio, & fors etiam veneratione quondam fuisse. Longitudine tres ulnæ partes, latitudine tres digitos, totidem crassitudine æquabat. Omnes anguli fuere pares, splendorisque eximii. Insigni artificio crux illa constat, sed a quo artifice, quotempore elaborata, unde allata sit, passim ignorabatur. In palatio regio urbis Cusco, & in loco sacrato, quem Huaca appellarunt, servata est semper, ab Hispanis dein Peruvii expugnatoribus, quibus crux pretiosa cum Regiis thesauris in prædam cesserat, ad eundem urbis templum princeps translata. Mihi verisimillimum videtur, crucis seu notitiam, seu æstimationem ex Peruvio in vicinam Paraquariam, ut ritus alii, illatam fuisse, dum Indorum Peruvianorum quam

quanti plurimi Hispanorum metu in illam provinciam commigrarunt. opportune mihi in mentem venit illius, quod Nicephorus l. 18. c. 20. refert: Tureas a Cosroe Persarum Rege missos Constantinopolim, qui crucem frontibus suis inustam ostentabant. Rogati, eccur signum, quod non colerent, fronte gestarent? respondere: Edoctos se a Christianis crucis insigne ad pestem atcendam valere, dictique veritatem luculenter expertos se fuisse. Pia hæc crucis stigmata ex Christianorum institutione frontibus Turcarum impressa etiam Paulus Diaconus memorat; & Cardinali Baronio teste ad annum quingentesimum nonagesimum primum sacra, hæc industria Turcæ tunc a peste immunes exstiter. Jacobitz, Jacobi Syri hæretici sectatores circumferebant signum crucis frontibus candente ferro inustum, ut refert Joachimus Abbas in appendice nationum Christianarum. Dictum S. Joannis Baptistæ: *Ipsè vos baptisabit in Spiritu Sancto, & igni.* Matthæi 3. c. v. II. perperam intellectum a Jacobitis illorum hæresi assam dederat; Nam crucis figura ignito ferro frontibus catechumenorum inusta apud eos pro baptismo fuit. Tranquillis Ecclesiæ temporibus dum Christiani veteres Christi religionem impune profitebantur, Christi nomen manibus inussere suis, ut sancius testatur. Quid, quod & Afri Alarues, et si religionis Christianæ ignari crucem brachio impressam gesserunt. Eandem brachiis inustam suis plerique nautarum Hispanorum, Lusitanorumque, quod ipse spectavi toties, habent eum in finem, ne a Mauris in captivitatem abducti Christianos se esse possent inficiari. Ast quo fine barbari Abipones & frontibus, & sæpe vestibus crucis figuram impresserint, ultro fateor me ignorare.



puellis scævitiem, ita habilitatem illarum in istis pingendis suspexi. Nam figuras alias atque alias mira lineamentorum proportionem, punctorum varietate, ac ductuum utraque in maxilla æqualitate exprimunt curatissime, quin tamen alio præter spinas variaz magnitudinis utantur instrumento. Quot feminas Abiponenses videris, totidem figurarum variationes earum in vultibus deprehendes. Quæ maxime picta, plurimumque compuncta aculeis, hanc noveris esse patritiam, ac nobilissimo loco natam. Illam vel captivam, vel plebeji generis esse nil dubitaveris, quæ ternas duntaxat, quaternasve vultu lineolas nigras circumfert. Apud Thraces quoque nobilis feminae insigne fuisse faciem stigmaibus compunctam, refert Herodotus l. 5. aitque, Ignobiles pura facie fuisse, & nullis notis impressis insignita. Idem Dio Prusæus in oratione 14. confirmat: Christiana postquam disciplina Abiponum in coloniis radices fixit, eliminata nobis suasoribus ferali hac consuetudine eam feminae retinent formam, quam unicuique natura impressit. Dolendum sane, mirandumque, quod Europææ a cunabulis Christianæ fuci, ac pigmentorum abusu ridículas se reddant iis, quibus stident placere. Dum pinguntur equidem, venustatis nativæ jacturam faciunt perinde, ac Americæ, dum spinis compunguntur. Color sanguine diffusus, non fuco adscitus laudem feret, oculisque probabitur spectatoris.



CAPUT V.

De labiis, ac auribus barbarorum perforatis.

Praeter hæc vultus stigmata aliis quoque utuntur ad se se, ut quidem putant, ornandos, re tamen ipsa ad formæ humanæ extinctionem; Artubus enim suis jam mutilatis, jam pertusis ab hominis ad bestię figuram videntur abiisse. Abiponibus, ut plerisque omnibus per Americam Indis, solenne fuit quondam vel ferro ignito, vel arundine acuta labium inferius terebrare. Parato sic foramini arundinem alii, alii tubulum ex osse, vitro, gummi, vel flavo ære, quod ab Hispanis accepere, conflatum rostri instar insertum circumferunt. Solis maribus, vix dum etiam septenibus, is ornatus permittitur, nunquam foeminis. Apud Abipones recentiores mos hic exolevit dudum, viget tamen nostra adhuc ætate inter Quaranos sylvicolas, inter Mbayas, Quanas, Payaguas &c. Ob immanem labii appendicem ab Abiponibus *Peregmak* dictos. Hi elegantissimi, ornatissimique sibi videntur, dum fistulam æneam, quæ calami scriptorii diametrum æquat, longitudine spithamam excedit, e labio ad pectus protensam non sine ostentatione gestant. Verum hoc pulchritudinis imaginariæ instrumento Europæis advenis formidabiles se reddunt; Nam vasta proceritate tumidi, coloribus e succo variis totum corpus picti, crinibus colore, qui sanguini simillimus, purpureo tinctis, ala ingentis vulturis uni auricularum

affixa, globulorum vitreorum fascibus per collum, per brachia, genua, & suras relucens, tabacum fumum ex praelonga arundine haurientes foro inambulant, omni ex parte terribiles visu formæ.

Quod labii pertusi hiatui inseritur, cujuscunque demum sit materiæ, *Tembetâ* vocant Quarani, & quamdiu religionis expertes nemora pervagantur, adhibent ad unum omnes; Ast hunc labii appendicem abjiciunt ad Romana sacra in coloniis traducti, labii foramine, quippe quod nec lateribus, cementoque claudi, neque ulla arte coalescere unquam potest, solo remanente, per quod, dum colloquuntur, saliva ubertim profluit aliquando, & in enunciandis rite vocibus tantillum impediuntur. Indi plebei omnes, quos in sylvis *Mbac berâ* detexi, & adolescentes, & adulti arundine tenui, curtaque pro *Tembetâ* utebantur; Trium *Caziquiorum* vero illud ex gummi, seu resina aurei coloris fuit. Vitreum esse, primo aspectu jurâsseim. Sole plusculum exarsuante gummi illud nobile ex arbore *Abatitimbay* copiosissime emanat, & in subjectos *tembetâ*, crucis, globuli, alteriusve, quam expressam cupiunt, figuræ modulos effunditur sensim: Aura, accedente lapidis instar induratur, nullo humore liquandum: vitri tamen instar pellucidum manet. Ni enim hæc resina arboris *Abatitimbay* insigni duritie polleret, *tembetâ* ex illa constans barbarorum labio diebus integris inserta, ac salivæ semper innatans mollesceret denique, & dissolveretur. Dolui sæpe hoc gummi pretiosissimum ex America non afferri, artificibus Europæis vario usui futurum.

Neque putes unicum esse apud Barbaros labii terebrandi modum. Anthropophagi enim, quos Hispani Caribes, Quaranii Abaporú dicunt, venandis, devorandisque hominibus per sylvas occupati inferius labium non pertundunt, sed ad oris longitudinem sciunt adeo, ut vulnere in cicatricem coeunte duplici bucca instructi videantur. Sparfi per nemora oberrant, a nostris hominibus non sine periculo ad religionem persuadendam sæpe, sed frustra conquistati. Caro humana ab Indiis Brasiliz, Paraquariæque prope omnibus cupedias inter quondam numerabatur. Multi illorum Christianæ disciplinæ nostris in oppidis dudum assuefacti, quamcunque seu bubulam, seu ferinam carnem præ humana sibi insigniter fastidiosam, insipidamque videri, hujus desiderio ardere se, fatebantur interdum. Mocobios, Tobasque adhuc barbaros fame urgente, aliæ si desint dapes, humanis etiamnum carnibus vesci, novimus. Istorum centuriæ aliquot Abiponum in conceptionis oppido Caziquium Principem Alaikin in campis remotioribus cum suorum turma rusticantem, compotantemque sub diluculum per insidias oppressere. Pugnatum est acriter aliquandiu. Abiponibus sauciis fuga dilapsis Alaikin cum sex comilitonibus in acie cæsus, assatus subinde, devoratusque a famelicis victoribus fuit, qui opiparo hoc epulo egregie refectione, ovantesque abiere. Puer quoque Abipon duodecennis, ad mensam nobis famulari solitus, ab iisdem barbaris tunc jugulatus, & vitulinæ carnis instar absumptus mensæ eupedias auxit bellariorum loco. Vetulam tamen Abipouensem multis vulneribus ibidem trucidatam in campo reliquerunt intactam, quod illius caro jam durior, nullique proin usui esset *Cachérgaid Lpahé Chigát eyga, tan la ybót*, ut Mocobiorum quidam, pugnae,



mensaque illius particeps, biennio post mihi multa hac super re sciscitanti reposuerat. Hac occasione anthropophagorum, qui labium cæterorum more non terebrant, sed ad buccæ mensuram secare consueverunt. Jam de aurium ornatu, vel rectius, cruciata pauca.

Inaurium usus ut antiquissimus, sic apud nationes varias varius, apud Americanos plerumque ridiculus, sæpeque incredibilis est. Missis reliquis, quæ hoc de argumento in mentem veniunt, de Abiponibus meis duntaxat disseru. Auriculæ pueris æquè, ac puellis teneris perforantur. Virorum plerisque nullus inaurium est usus; seniores tamen nonnulli cornu bubuli, ligni, ossis frustulum, fila lanea varii coloris, nodulum e cornu fictum auribus perforatis infigunt. Conjugatarum mulierum vix ulla inauribus caret. Illarum figuram accipe. Folium palmæ prælongum duos digitos latum in spiram convolvunt (uti ligularum sericearum volumen esse solet) quæ peripheriam majoris hostiæ, quæ in sacrificio utimur, aliquando excedit. Auriculæ pertusæ foramini lignellum majus semper majusque intruditur. Quæ industria annis procedentibus illa auriculæ cutis adeo extenditur sensim, amplificaturque foramen, ut illam ex palmæ folio spiram, quanta quanta est, arctissime circumplectatur, & ad humeros prope defluat. Ipsum palmæ folium in spiram convolutum vi elastica, qua pollet, auriculæ foramen magis indies, magisque dilatat. Exaggeratam, cave, putes hanc spiræ magnitudinem, auriculæque capacitatem. Hisce, quibus ad scribendum utor, oculis, vidi quotidie innumerabiles feminas monstrosa hac inauri oneratas, quin & viros aliarum nationum permultos. Nam & barbarissimi Oaëkakalot, & Tobæ, alii-

alique extra Paraquariam Americani populi isdem prorsus, quibus Abiponenses forminz, inauribus superbiunt. Ferdinandus sextus Rex Catholicus historiam fluminis urinoco a nostro Patre Gumilla scriptam avidissime legerat. Incidit forte in libri paginam, ubi refert, barbaros quosdam pro locandis inauribus tanta auricularum foramina habere, ut globus eburneus, quo in tabula (vulgo Billard) rudiculis luditur, comode per illa transmitti possit. Tunc enimvero subridens Monarcha: videtur mihi vir bonus poetam, non historicum agere aliquando, exclamavit. In has voces erupit Rex non de historici fide, rei que veritate hæsitans, sed novitate tantarum inaurium attonitus Indorum stultitiam demirans. Matritensium tamen aliqui hoc Regis dictum cuipiam ex Paraquaria advenz ogganniebant, amice illi insinantes, fabulam interdum pro historia ab Americanis vendi Europæ. Verum de rei, quam Rex prope incredibilem duxit, veritate certissimus Paraquariensis reposuit: Patrem Gumilla verum, sed parum scripsisse de immani inaurium mole; Auricularum foramina multo ampliora varias apud Paraquariæ nationes se vidisse. Nosque omnes, quotquot inter barbaros illius provinciæ versati sumus, idem vidimus quotidie, & verissimum uno ore testamur. Æthiopes ex insula Madagascar in Paraquariam adductos inauribus nihilominoribus uti, ipse in valle calamuchita spectavi. Quaranicæ mulieres annulos ex ære, qui tres aliquando digitos diametri habent, non auricularum foramini inclusos, sed ex illo pendentes gestant Europæorum ritu.

Inaurium multiplicem usum, ut multa alia, Paraquarii didicisse videntur ex vicino, & Australi Americæ dominante Peruvio. Illius Rex clarissimus,

legislatorque Inca Manco capac in benevolentia significationem subiectis sibi populis facultatem olim impertiit, exemplo suo aures perforandi suas ita tamen, ut aurium foramina altero tanto minora essent, quam illa, quibus ipse uteretur. Pro provinciarum varietate varias singulis populis in aures assignavit: Hi perforatis auribus infigebant ligni particulam; Illi fasciculum lanae albae, qui mole sua pollicem non excederet; Isti juncum; Alii arboris corticem. Tribus nationibus auricularum foramina solito ampliora indulta. Quot quot stirpis erant Regiae, pro inauribus annulos latissime patentes adhibuere, qui ex longa fascia suspensi ad pectus portigebantur. Paraquarii Peruvianorum olim imitatores progredientibus seculis varias demum, alias aliis magis ridiculas inaurium formas excogitarunt, quarum nullam Europaeus sine risu spectaverit. Haec aures terebrandi consuetudo, ut divinis e literis patet, mundo prope Coeva, nationibusque prope universis communis erat, quamvis diversa apud plerosque inaurium figura, significatioque. Indis orientalibus, Persis, Atheniensibus nobilitatis insigne fuit auris perforata, cui jam aurum, jam gemma, jam ebur ab opulentioribus appendebatur, ut Arrianus de gestis Alexandri adnotavit.

Cum Abipones superciliis, ciliisque nudent oculos, labia, auresque pertundant, faciem spinarum aculeis compungant, totque figuris insigniant, barbae lanuginem e mento evellant, comaeque ingentem portionem e sincipite, vehementer mirabar sapius, quod nasum intactum, illæsumque conseruent, cujus cartilaginem Afri, Peruviani, Mexicanique olim perforant, monileque aliquod foramini inseruere. Patre Josepho Acosta Authore L. 7. Histor. C. 17. Tikorik Mexicanorum Rex Smaragdum insignem e naribus terebra-

rebratis pendentem ostentabat. Brasili jam a prima ætate non labium inferius modo, sed & alias faciei partes perforant, illarumque hiatis lapillos vulgares prælongos inserunt, tetro sane, ut Maffejus nover. L. 2. Histor. Indic. ait, spectaculo! opus tessellatum, vel Mosaicum dixeris Brasilorum vultus. Sed his liberaliores fuere Parthi in se deformandis, qui ornatus gratia omnes prope corporis artus perforarunt, illisque lapillos, grana pretiosa inseruerant Tertulliano teste L. 1. de cultu Fœmin. C. 10. Si Diodoro ficulo L. 4. C. 1. fides, etiam fœminæ Æthiopum ad Arabiæ fines labia terebrata pro vultus ornamento habuerunt. Ex his liquet non solos Americæ barbaros stigmatum variorum usu desipuisse. Diversissimi tamen diversis populis erant horum stigmatum fines, ac significationes. Apud Thraces, teste Herodoto L. 5. apud Dacos, & Sarmatas juxta Plinium L. 22. nobiles his stigmatibus designabantur interdum: sæpe alias servi, ut pecoribus Domini sui nomen inuritur. Quandoque Æthiopum frontibus, qui e fuga retracti, vel ingenio suo fugaces putantur, Hispani heri primam nominis sui literam candenti ferro imprimi curant. Vegetius L. 2. C. 5. *Victuris in castris punctis milites scriptos*, ait. Quod de militiæ tyronibus belli imperatoris nomine notatis intelligendum putat Justus Lipsius L. 1. de Milit. C. ultimo. Apud Hebræos idololatriam olim denotabant stigmata. Hinc 3. Reg. 18. V. 28. de Baalis sacrificulis: *Incidebant se juxta ritum suum cultris, & lanceolis, donec perfunderentur sanguine*. Ethnici equidem, dum sacra faciebant Magnæ matri, Bellonæ, Dianæ, corpus dilaniabant, perfodiebantque suum modis, instrumentisque variis, impresso jam fronti, jam volæ manus, jam cervici stigmate. Id quod C. 19. levitici interdicatur Judæis: *Neque figuras aliquas, aut stigmata facietis vobis.*



Sæpe tamen alias notæ corporibus impressæ gentis originem, patriamque prodidere. Affirmat Herodotus L. 4. Lybies, ut e Trojanis ortos se probarent, quædam stigmata corpori inurebant suo, ex quo infertur, apud Troes eiusmodi stigmatum consuetudinem olim viguisse. Britanni quoque veteres tota corpora pungebant, expungebantque figuris variis, Cæruleo colore imbutis, ut Julius Cæsar L. 5. de bello Gallico, & Herodianus L. 3. meminerunt. Quod Martiali argumentum præbuit epigrammatis 54. L. 2. Claudia cæruleis cum sit Rufina Britannis edita, cur latæ pectora plebis habet? Abiponibus certe illas vultus picturas, punctiunculasque eum maxime in finem familiares esse, ab aliis ut nationibus se dignoscerent, majorumque suorum institutis conformarent. Aliam ex illis causam exculpimus nunquam.

C A P U T VI.

De Abiponum firmitate, ac vivacitate.

Ridendi profecto, qui America nec eminus conspecta, Americanos promiscue omnes viribus uti parum firmis, corpore imbecillo, valetudine tenui esse, audacter magis, quam vere scripserunt. Id generatim affirmati haud potest. Pro cæli, regionis, victus, occupationumque varietate variat corporum habitudo. Robustiores utique experimur Europæos, qui saluberrimos Styriæ montuosæ aeres hauriunt, quam qui palustri Bannatus in planitie tertiaria flavescent.

Afri-

Africana mancipia navibus advecta Ulyssiponensi in foro pecorum instar venialia prostabant sæpe, me istic agente. Singulorum patriam expiscantur emptores, non nisi robustissimos sibi peroptantes. Ex Angola, ex congo, ex promontorio viridi, & maxime ex Madagascar insula oriundi certatim, avidissimeque deliguntur, quippe qui fidæ plerumque valetudinis, solertiz majoris. Afros in regione, quam Lusitani la costa de la mina appellant, natos vix est, qui emat; Debiles fere sunt, segnes, & laboris impatientes, quia æquatori vicinissimi, ubi ventus aut nullus, aut brevis, aura tepida, imbres frequentes. Hac certe in vicinia ad Paraquariam navigantes malacia continua detenti, cœli æstu prope assii, calidisque imbribus quotidie aspersi ternas prorsus hebdomades hæsimus. Cui mirum sit, sub hoc cœli languescientis situ corpora item languida imbecillaque procreari, licet in aliis passim Africæ oris robustos, strenuosque populos reperiri noverimus. Ex hoc prona est ad longe, lateque patentem Americam, & ejus incolas conjectura. Illius provinciz, quin singula provinciarum loca ut maximo terrarum intervallo a se distant, sic aeris, alimentorum, habitationum proprietatibus discrepant maximopere; Ex quibus alia, atque alia incolarum habitudo consequitur ita, ut hic debiliores, istis robustissimos deprehendas.

De Americanis aliis alii, per me, scribant, quibus, & quidquid visum fuerit. Nil repugnabo. De Paraquariensibus confidenter affirmo, nationes equestres, quas in chaco vidimus, pedestribus formæ concinnitate, corporum proceritate, virium robore, sanitate, vivacitateque ut plurimum præstare. Abipones sane corpore pollent lacertoso, robusto, agili & cœli injuriarum tolerantissimo. Obesum, vastaque

abdominis mole gravem vix usquam reperias, Quotidiana equitatione, venatu, ludicris, leriisque certaminibus identidem occupati raro pinquescunt, quia finiorum more semper inquieti. Optimo humorum temperamento, fidaque idcirco valetudine gaudent, quam Europæorum plurimi inviderent. Pleraque morborum genera, quæ Europam seu cruciant, seu exhauriunt, ne de nomine quidem norunt. Podagra, hydrops, epilepsia, icterus, calculus, hernia &c. peregrina illis vocabula, & monstrorum instar. Caput nudum soli æstuanti obijciunt diebus integris, quin tamen de capitis molestia conquerentem ullum audias. Jurares illos sensus expertes, ex ære, vel marmore conflatos, cum tamen vel ista solis æstu incalescant. Siti per aridas solitudines diu ardentes aquas palustres, salas, lutulentas, putres, amaras, quasquas demum deprehenderit, plenis hauriunt faucibus citra noxam. Carnem bubulam, cervinam, tigrinam, duram, semiasiam, struthionum seu ova seu carnes, varia arborum poma immatura liberaliter in se ingurgitant, neque tamen stomachi languorem, aut alvi difficultates sentiunt. Cælo sæpe pluvio, aere perfrigido vasta flumina nando transmittunt citra viscerum, vesicæque perturbationem, quæ Europæis natantibus molestia sæpe, sæpe, stranguria, accedente, periculosa. Ephippiis duro e corio confutis insident producto in multas hebdomades itinere, quin tamen usque sessitando vel extimam cuticulam offendant. Ad fulciendos pedes stapede nullo, equis fere succussatoribus utuntur, post equitationem tamen horis pluribus non interruptam nullum corporis exagitati, fatigatique indicium in ullo horum observabis. Gelido strati in cespite, non raro, dum subitus ingravescit imber, aquis propè innatantes noctem agunt, quid tamen rei

Colica sit, quid arthritis, omnino ignorant. Utriusque periculum subeunt Hispani, aquis pluviis diutius madefacti; Hæ cuti illapsæ, nescio, quam pestem toti afflant corpori in America, sæpe animi defectionem, syncopen, aliquando pustulas, ulceraque produciunt. Vidi frequenter Hispanos milites in templo exanimis similes corruisse, quia per viam ab imbre pertinacius conspersi. Abipones inter diuturnas toties pluvias sub dio dies, noctesque complures perstant incolumes, quia semper pedes nudi; calceatis equidem plus quam nudatis pedibus officit humor ex pluvia contractus, qui, cum, unde expiret, exitum non inveniatur, introrsum serpens ossa, nervosque penetrat, ac reliquum pessime afficit corpus. Ad hanc perniciem cavendam solenne fuit nobis equo iter facientibus, pluvia invalescente pedes calceis, tibialibusque nudare protinus. Verum in scyllam sæpe incidimus, vitantes Charybdim. Timendum erat equidem, ne equo cespitante pes nudus ligneo stapedi allidatur, offendaturque. Sed audi reliqua, quæ ad Abiponum firmitatem probandam, faciunt.

Si quæ forte spina plantæ pedis infigatur, illamque confractam nec digitis assequi, neque evelle-
re queant, portiunculam carnis, cui spina inhæret, ipsam serena fronte cultro excindunt. Hostem, vel remotiora speculaturi loca utroque pede equi dorso insistant. Arbores, nubibus minantes, conscendunt; illarum in ramo quieti confident, ex abditiis illic alveariis mel exempturi, nullo unquam vertiginis aut sensu aut periculo. Ad colonias nostras translati, securis, aratrique tractatione, cui scilicet nunquam insueverant, defatigati dum a viribus defici, dum sudore diffuere, ac æstare corpus advertunt suum: Sanguis mihi irascitur jam *la Yiwichigui* Yauigra, ex-
cla-

clamant. Ad hunc placandum in promptu illis est remedium: cultrum in furam altissime demergunt, profluentemque inde cruorem lætis spectant oculis aliquamdiu, eumque applicata vulneri gleba sistunt denique, ac se jam revixisse, bene sibi esse, voce hilari fatentur: *là rioamcasà*. Jam bene valeo. Adeo in fundendo, quasivero alienus esset, sanguine prodigi, ac fere nimii sunt non valetudinis duntaxat, sed & gloriæ desiderio. Nam publicis in computationibus spinarum fasciculo, vel acutis Crocodilorum e dorso ossiculis pectus, brachia, linquam, & — sed pudet dicere, crudeliter compungunt multa cum sanguinis effusione. Idque certatim facit, ut fortitudinis famam adipiscantur, ut sanguinis, dum cum hostibus res est, fundendi metum per spontanea vulnera desperdant, ut cutem densis cicatricibus obductam telis reddant impenetrabiliorem. Septemnes pueri, parentum imitatores, spinis perinde in sua sæviunt brachiola, cicatricesque ostentant copiosas, magnanimitatis scilicet ætate majoris documenta, ac belli, ad quod a teneris educantur, præludia. Ritus hic semet vulnerandi utut barbarus in barbaris tamen, qui militiam profitentur, vix non probandus. Nam, ut vegetius rei militaris apud Romanos magister C. IO. folio mihi 66. scripserat: *Qui ante longum tempus, aut omnino nunquam videre homines vulnerari, vel occidi, cum primum adspexerint, perhorrescunt, & pavore confusi de fuga magis, quam de conflictu incipiunt cogitare.*

Non nullos maciæ confectos, de tabe, hæticave suspectissimos filiquæ Græcæ esu, potiusque quotidiano vidimus convaluisse. Morbo interdum atrociorē correpti, periculosissime sauciati parabili plerumque remedio brevissime consanescunt, & sæpe nullo, canum instar. Multos eorum vario telorum genere perfor-

fcs

los trajecto latere, ossibus, costisque contractis agre
 spiritum ducentes, sanguini multis e vulneribus ma-
 nantibus immerfos exhorui, spirantia mortis simulacra.
 Paucis post hebdomadibus eosdem incolumes equo
 procurrentes jam, vel compotantes dum forte vide-
 rem, quidni eorum sanationem corporum firmitati
 tribuendam putarem, cum medicis illorum, medica-
 mentisque futilibus neutiquam possem. Variolas, mor-
 billosque tunicam prope, qua America exhauritur, ac
 calamitosissimam esse pestem quis ignorat? Corrip-
 iuntur ea Abipones, ut ceteri Indi, at paucissimi ex-
 tinguuntur; quamvis eo morbo laborantes negligenti-
 us certe, quam reliquæ nationes, sibi caveant. San-
 guinis nempe, ac humorum temperies melior saniem
 nec tantam in illis, neque tam exitialem progignit.
 De variolis alio loco plura. Plumbeis vulnerati glo-
 bis, quin eos e corpore evelli sinant suo, annos
 plurimos vivunt, valentque; Plumbum seu brachio,
 seu pedi impune inherens, seu firmitatis suæ monu-
 mentum nobis ostentarunt sæpius, manibusque tan-
 gendum nostris obtulere. Quod quidem novitatis
 nihil, admirationisque adfert medicis. Testatur enim
 Bartholomæus Maggus in dissertatione de Vulneribus,
 plumbum alterius in corpore per triginta annos sine
 dolore detentum se vidisse. Horstius medicus fami-
 liariter novit virum nobilem, qui ultra quadraginta
 annos sine notabili incommodo globulum plumbe-
 um in talo circumferebat. Illud memorabilius, glo-
 bum sclopetarium, nisi cor feriat, vel caput, raro
 lethalem esse Abiponibus; Quin illorum Caziquius
 præclarus Kaapetfaikin glandem ejusmodi fronti suæ
 ab Hispano impactam citra discrimen excepit, pro-
 vectissima jam ætate ab insensis sibi Mocobiis iter fa-
 ciens per insidias oppressus, cum sex commilitonibus
 suis hasta trucidatus, devoratusque est, me in con-

ceptionis oppido id temporis agente. Hæc mecum reputans mirabar sæpe, ignivomas Europæorum fistulas tantopere a barbaris formidari, rarissime illis lethales. Sed nimirum ut pueri ignes fatuos, etsi innoxios, metuunt; Sic Indi plus nitrati pulveris crepitum, quam plumbi jactum expavescunt, quem casum toties, & aeri duntaxat timendum experiuntur. Militum enim Paraquariorum bombardæ nubibus simillimæ mihi videbantur, e quibus tempestate coorta fulgura plurima, lethifera fulmina paucissima excutiuntur. Hæc, quæ memoravi, ad Europæos de Abiponum robore convincendos, ni fallor, aliquantum valebunt. Neque enim mihi unquam probabitur illorum opinio, qui Americanis stupidum, hebetiorem obtusiolemque corporum ad percipienda incommoda sensum tribuere. Enimvero perferunt Abipones elementorum impressiones, telorum injurias, ortos inde dolores, sed illorum sensu non fatiscunt, non opprimuntur, ut plerique alii, seu quia sanguinis, humorumque temperatione meliori, majori nervorum, artuumque robore gaudent, seu quia a pueris assueti ejusmodi incommodis dudum obduxere callum, seu quia militaris gloriæ appetentissimi negant sibi dolere quiddam, etsi dolore afficiantur aliquando. Jam reliqua, e quibus Abiponum vigor, vivacitasque incredibilis elucescat, argumenta perstringamus.

Illos raro calvescere, incanescere sero, superius memini. Provetissima ætate vix denique consenscunt, plantarum quarundam more, semper virides, vegetique. Summis laudibus, atque adeo admiratione prosecutus est Cicero libro de senectute Masinissam Regem Mauritanie nonaginta annos natum, qui, cum ingressus iter pedibus sit, in equum omnino non ascendit: Cum equo, ex equo non descendit. Nulle imbre, nullo
fri-

frigore adducitur, ut capite aperto sit. — Exequitur omnia Regis officia; & maneré &c. Quot Abipones decrepitos, totidem Masinillas, & Masinilla vegetiores tolerantioresque suspiceret Romanus orator. Suis vix fidem haberet oculis, dum videret senes prope seculares duodennis adolescentuli instar sine stapedum adminiculo in equum ferocem uno impetu assilire: Cœlo ardentissimo illi insidere horis, quin & diebus continuis; Mellis legendi gratia cellas arbores scandere: sub Jove jam frigido, jam pluvio iter prosequi, humi cubare; hostibus in acie oblectari, nullos, quos seu venatus, seu militia offert, labores reculare: Oculorum acie incredibili, auditu promptissimo pollere; dentibus integerrimis abundare: Solum annorum numero; non alia re a florentissimæ ætatis viro distinguere. Quæ quidem omnia; quamvis per omnem Europam rarissima, quid si Europæorum fide majora? Sine admiratione spectavi quotidie Abiponum in Coloniis; quæ senes juvenibus; præter ætatem, omnia similes copiosos numerabant. Si quis octogenarius vivere destinat, cœu in ætatis flore extinctus deploratur; Forminæ viros plerumque vivendo superant; quia bello non absumuntur; quia suapte natura; humidiores cum sint, vivaciore esse solent. Centenarias vetulas; seculo majores tot Abiponum in solo invenias; ut illas admirari quidem, vix tamen numerare queas. Eandem firmitatem corporum, vivacitatemque pedestribus Paraquariæ nationibus non ausim asserere. Quarani, Lulé, Ystines, Vilelæ; aliique Indi pedites Europæorum moré morbos, senectutemque & sentiunt; & corporis habitu prædunt suam. Illorum vita, et Europæis passim usu venit, jam brevior, jam productior. Paucos illorum seculares deprehendas, vel seculo propinquos. Operæ pretium fuerit, fontes, & quibus Abiponum vigor tantus profuatur, indagare.

CAPUT VII.

Cur Abipones tam vegeti, & vivaces?

Vivida, vivaciaque corpora & parentibus debent suis Abipones, & Sibi. Profecto vigor juventæ per temperantiam conservatus in cæteram ætatem, atque adeo in ipsam sobolem derivatur. A morbidis enim languentibusque morbidos liberos procreari, experientia docet. Abipones toto, quo adoleſcunt, tempore lasciviam nesciunt, & licet indolis sint feruidæ, nullo libidinum genere labefiunt. Confabulationibus, ludis, facetiis indulgent, ast verecundiæ intra limites semper. Ipſo, quo inter illos versabar, septennio nihil a me visum esse, auditum nihil, quod petulantiam, obscænitatemve oleret, asseveranter affirmo. Instinctu quodam naturali, sibi proprio, pudoris profanandi modos, occasionesque perhorrescunt pueri, puellæque: Has cum illis seu clam, seu palam confabulantes nusquam videas, nunquam in foro otiosas. Matribus domestico labore occupatis sociam navare operam, in deliciis habent. Armorum, equorumque exercitatione quotidiana adoleſcentes maxime capiuntur: In horum singulos bellissime convenit Horatianum illud: *Imberbis juvenis, tandem custode relicto, gaudes equis, canibusque, & aprici gramine campi.*

Aliarum nationum Indi brevioris sæpe, gracilis, & imbecilli sunt corporis. Multi eorum, antequam viri, marcescunt: Alii necdum senes misere consenscunt.

scunt, aut præcoci fato extinguuntur ante tempus. Causam queris? dicam, quod sentio. Multi miseri, quia miseris parentibus prognati: Alii, quia laboris onere oppressi, indumento, cibo, habitatione parcissime instructi: Complures alii, quia a prima adolescentiâ in voluptates obscenas effusi lasciviendo vigorem naturalem exhaustere. *Libidinosa etenim, & intemperans adolescentia effœrum corpus tradis senectuti*, ut Cicerone Lib. de Senect. asserit. Quam multis cheu præmatura morte sublatis epitaphii loco illud ovidii fast. I. quadraret: *Nequitia est, quæ se non finit esse senem.* Neptiæ a juvenculis nimium acceleratæ non raro in causâ sunt; cur Indos reliquos Abiponibus vel infirmiores, vel minus vegetos, minus vivaces experiamur; Hi equidem, nisi anno trigesimo quam vigesimo propiores de conjugio vix cogitant: Raro feminas quatuor lustra nondum emensas ducunt. Quod sane ut ad conservandum robur, sic ad vitam producendam, sobolemque robustiorem procreandam plurimum conferre, Philosophi, medicique affirmant. Cur germani veteres tam vegeti, tam proceri, tam longi plerumque ævi? Tacitum de his differentem audi: *Sera venus, eoque inexhausta pubertas; Nec virgines festinantur. Eadem juvenia, similis proceritas; Patres, valideque miscentur, ac robora parentum liberi referunt.* Nil dubitandum a teneris parentibus prolem edi non robustissimam; Et cum corporis habitum animi affectio consequatur, ut Galenus proluxe docet, mirum haud est, tales foetus esse quoque sensu tenues, ac mente imbecillos. Bellicosa hæc nostra ætas cum homines & multos, & proceritate insignes suis pro legionibus peroptet, præmaturas juvenum nuptias cohibere studeat. Audiat hoc super argumento Aristoteles L. 7. politicorum C. 16. *Est adolescentum conjunctia* (verba illius ad apicem recito) *improba ad fi-*

horum procreationem. In cunctis enim animalibus juveniles partus imperfecti sunt, & feminae crebrius, quam mares & parva corporis forma gignuntur. Quocirca necesse est hoc idem in hominibus provenire. Hujus autem conjectura fuerit, quod in quibuscunque civitatibus consuetudo est adolescentes mares, puellasque conjugari, in eisdem iuvilia, ac pusilla hominum corpora existunt. In partu quoque laborant magis puellae, ac pereunt plures. — Matris corpora crescere impediuntur, si adhuc &c. &c. Hanc Philosophi sententiam mire probarunt Egydij Romanus, & Albertus Magnus, rationibusque solidis stabilierunt. Proh! quoties parentes genere illustres, summoque loco nati, dum liberorum connubiis nimium accelerant stirpis suae perpetuandae studio, hanc subito extinctam, seque sine filiis, ac nepotibus lamentantur. Si qua in re, in conjugandis filiis festinandum est lente parentibus, habita aetatis, virumque ratione. Quod quidem consilium Abiponum, Germanorumque veterum exemplis prorsus conforme, de quibus Caesar L. 6. de bello Gallico: *Ab parvulis labori, ac duritiae student. Qui diutissime impuberes permanserunt, maximam inter suos ferunt laudem. Hoc alii securam, alii vires, nervosque confirmari putant. Infra annum vero vigesimum famina noticiam habuisse, in turpissimis habens rebus.* A priscis illis, quos Caesar laudat Germanis quam alii sunt germani hodie! Sed aliud, quo Abiponum firmitati, proceritatique consulitur, praesidium videamus.

Matres suo, non alieno ubere proles lactant suas, idque nutricis officium in tertium fere annum prosequuntur. Quo quidem temporis intervallo a maritis abstinere eas omnino, ajunt. Id quod certe ad roborandos fetus magnopere, si medicis fides, conducit. Nam Galenus L. 1. de Sanitate tuenda: *Ad-*

moneo, inquit, quæ lactant proles, ut ab omni impuritate abstineant; Hac enim lac noxium efficitur &c. sanguis equidem melior (in prægnantibus) abis ad nutriendum factum; Hinc in uberibus lac modicum, & noxium remanet. Infantes, qui a gravida lactantur, a Plinio dicuntur colostrati, a coagulato scilicet, & spongioso lacte pasci, destructique. Ad hæc confirmanda valet, quod Cinna Catullus in Libro de 20. consulibus refert: Cajum Fabricium virum cætera præstantem cum morbis insolitis per omnem vitam confictatum esse vel ea de causa, quod a matre jam prægnante per quatuor menses fuerit lactatus. Quod discrimen a sua ut averteret filiola, illius nutricem vestalium in ædibus per triennium custodiendam dedit. Hæc, pluraque, quæ huic faciunt, alia adfert Petrus Justinelli in suo de educatione prolium commentario.

Ipfa quoque educatio multum habet momenti ut ad formandos mores, sic ad corpora Abiponum induranda. Nam, quod Quintilianus L. 1. institut. scripserat, mollis illa educatio, quam indulgentiam vocamus, nervos omnes & mentis, & corporis frangit. Dicti veritas nostris quotidie observatur oculis. Videmus equidem homines delicias inter, cupediasque suaviter educatos languere, molestiisque levissimis frangi; Rustico in mapali adultos laborum, belli, cœlique cujuscunque asperitatum tolerantissimos usque vigere, & valere, Abiponum educationem delicatam nemo dixerit. Vix natæ proles gelido, si ad manum sit, flumine abluuntur. Cunas, plumas, pulvillos, fascias, oscula, crepundia plane nesciunt. Levi ex lutræ pellibus lacinia testæ, ubi fors tulerit, cubant modo, modo nescendulorum more solum perrepant. Quoties equo faciendum iter matri, prolem in mantica, aprugnis e pellibus consuta, atque ex
D 4 ephi-

æphippiis pendente una cum catulis, ollis, cucurbitis &c. collocat. Sæpe alias maritus lactentem filiolum matris e brachiis raptum equo imponit suo, oculisque liquida voluptate plenissimis equitantem spectat. Balnei gratia flumen pernatans mater parvulum pectori appressum suo manu tenet altera, altera ceu remo utitur. Majuscula si sit proles, flumini injicitur, ut natare discat, dum ambulare incipit. Puellōs vix ab uberibus remotos raro sine sagittis, & arcu in forum prodeuntes videas. Aviculas, muscas, omne animalculorum genus insectantur. Solenne illis, ac volupe in scopum designatum collineare, quod militiæ præludium dixeris. Equo turmatim procurrunt quotidie, & cursus velocitate certant. Quæ omnia ad corporum integritatem, augmentumque incredibiliter conferre quis dubitet? Superfederent utinam Europæ matres violentis naturæ artificiiis, blandimentisque, quibus ad infantulorum cultum abutuntur. Moderarentur utinam fascias, ac linteola, quæ tenera prolium corpuscula ceu vinculis coercent, ac veluti carcere claudunt, hæ! pauciores loripedes, varos divaricatis cruribus, compernes, gibbo onustos, pumiliones, imbecillos, morbidosque Europa nostra numeraret.

Abipones veste non corpori adstricta, sed laxa, & ad talos usque defluente utuntur, quæ corpus tegat, non oneret, neque premat, quæ adversus aeris injurias illud tueatur, quin tamen corporis expirationi obstat, vel sanguinis circuitionem moretur. Quod utique Europæis contingere necesse est, qui vestibus sæpe oppressi & collum, & pedes, & manus, & latera jam artus indumentis, jam tot fibulis, tot cingulis, tot fasciis ornatus gratia constringunt, ipsumque adeo caput, ut planstrum, adscititiis crinibus, tre-

cen-

centis crepundiis, appendicibusque oneratum quotidie circumferunt, certo valetudinis detrimento. Sapientes tot ad Orientem populi, quin & prisci germani fere amplum, laxumque indumenti genus sapienter maluerunt. Quid si illis vel propterea & corpora ampliora, & laxiora vitæ spatia obtigere? Qui incolumitati consultum suæ cupit, ut aliis in rebus, sic in vestitu illud curandum sibi putet: *Ne quid nimis*. Tenuitatem tamen vestium nimiam perinde valetudini perniciosam, arbitramur. Aere variante variant amictum prudentiores, ut nautæ vela. Ipsi Abipones barbari textis e lana vestibus contenti alias, ut primum Auster gelidior aspiraverit, pallium quoddam e lutræ pelliculis scite compositum arripiunt sine ætatis, sexusve discrimine omnes. Pellicea hæc vestis pallii, quo sacerdotes ad cantandas in templo vespertas utimur, aliquam refert similitudinem, & ab illis *nichibigerit* vocatur à *nichibegè*, quod lutram significat.


Galenus libro de sanitate tuenda libere, vereque asseruit: *Maximum esse malum ad sanitatis custodiam quietem nimiam corporis, ac maximum bonum moderatam, & justam motionem esse*. Huic consonat Celsus L. I. C. II. *Ignavia corpus debet, labor firmat; Illa præmaturam senectam: Iste longam adolescentiam reddit*. Hinc veteribus Romanis quotidiano prope in usu palæstra, discus, saltus, luctatio, cursus, equitatio, pugilatus, pilæ ludus, natatio, venatio &c. fuere. Nil porro mireris, Abipones athleticæ valere, ac Macrobiorum instar multum vivere. Continuo in motu versantur. Equitatio, venatio, natatus illis quotidianus. Bellum, quod vel feris, vel hostibus inferunt, creberrimæ excursionis est causa. Flumina nando superare, arbores mellis gratia scandere, hastas, arcus, sagittas cultello elaborare, funes e corio texere, ephippia concinnare

frequens, & quod pedes, manusve fatiget, illis negotium. Quod si ab his vacationem sibi indulgeant, cursu certant equites, præmio proposito, quod, qui metam attigerit primus, victori cedit. Sæpe ipsi, quibus currunt, equi victoriæ præmium designantur. Familiarissimus item Abiponibus, quo pedites utuntur, Ludus alter. Illius instrumentum est lignum tres palmos longum, affabre baculi instar rotundatum. Illius extremitates crassiores, mediū gracilius est: Ab illis Yüele, vel Hepigintaucatè, ab Hispanis macána dicitur, & Hungarorum Pusagan aliquomodo refert. Hoc lignum ad metam jactant nisu maximo ita, ut per intervalla terræ illidatur identidem, identidem in altum subsiliat eo fere modo, quo pueri hujates lapillos per fluvii superficiem vibrare solent. Quinquageni sæpe, sæpe centeni longo consistunt ordine, singulique, mutatis, vicibus, lignum jaciunt suum. Qui longius qui rectius jecerit, præmium, laudemque refert. Hoc ludo, quem a pueris in plures continuant horas, & oblectantur, & fatigantur incredibili corporis utilitate. Ejusdem ligni, quod ludi modo, modo belli instrumentum, ad hostium, ferarumque quassanda corpora frequens ac formidabilis usus est plerisque barbaris. Ignavi, oscitantesque nolunt cochleæ vitam vivere Abipones; Hinc neque aliorum more, qui otio torpent, culcitris, mensæ, tabulæ lusoriæ semper affixi, quique rarissime ad forum, vel campum prorepunt, cito, misereque computrescunt. Abiponenses scæminæ, etsi virorum ludis, certaminibusque equestribus interdiciuntur, rei domesticæ procuratione dies, noctesque distentæ vix respirandi, conquiescendique tantisper habent opportunitatem. Hinc masculus ille matrum vigor ad producenda fortium gigantes prope

cor;

corpora, hinc robur, vitæque diuturnitas tanta. Ex medicorum namque sententia, corporis exercitatio ac motus frequentior innatum calorem fovet; plethoram arceat, succos superfluos expellit, ac dissipat, artus agiliores reddit, promptioresque sensus, pulmonum spiramina promovet, nervos corroborat; corporis poros, & meatus per sudorem aperit, digerit alimenta, ac digesta excernit, corpus animique convalescere facit. Aquas sine motu videmus putrescere. Aer sine ventorum impulsu, ingravescit. Eos in vagina diu feriatu rubigine obducitur. Vestes diuturno situ squallent, Desidia, otioque cutis meatus in hominibus obstruuntur, humorum fluxiones invalescunt, morbi articulares, epilepsia, apoplexia, languor stomachi, cibi, atque ipsius adeo vitæ fastidium nascuntur. Has, quas medici desidiis minari solent, calamitates ignorant Abipones, quia desidiam, otiosamque quietem ignorant, nisi cum defatigati restaurandis viribus necessariam arbitrentur.

Victus quoque, cui hi assueverant, ratione illorum incredibiliter firmari corpora, vitamque ultra solitos limites produci, nunquam dubitavi. Quod Tacitus de veteribus Germanis scripsit, de illis scriptum puta. *Cibi simplices, agrestia poma, recens fera, aut lac concretum sine apparatu, sine blandimenta expellunt famem.* Carne quidem bubula, vel ferina plerumque assa, raro elixa vescuntur, ut fors toleret. campus si venantibus feras neget, aqua suppedabit esurientibus præter varii generis pisces, lutras, anates, porcos fluviatiles &c. Ex aere quoque aves non spernendi saporis, ex sylva diversas seu humi, seu in arboribus sponte natas, fruges famis remedia, accipiunt. Desunt hæc omnia, sub terra, vel



vel aqua latentes radices pro esca passim adhibent. Piscium, præstantissimorum licet, esum sola illis necessitas persuadet. Carnem tigrinam, tetrici quamvis odoris, tanti faciunt, ut siquis tigridem necaverit, illam in minutas portiones dissectam cum sociis partiatur, ne vel unus contubernalium suavissimo hoc, ut illi putant, gulæ irritamento careat. Vetus est medicorum querimonia, novis ciborum condimentis novo ex orbe allatis novos quoque morbos in Europam fuisse invehctos, ut cocos plus obesse mortalium valetudini putent, quam pharmacopœi omnes prædesse unquam possint. Hæc in Abipones querela non cadit; Nam condimenta omnia nesciunt, dape simplici vescuntur. Acetum, uti & ipsi Hispani Americani, pessime averfuntur. Salem, caprarum more, sitientissime appetunt, sed rarissime adhibent, quia sale, salinisque carent suis in terris. Hanc ut supplerent penuriam, fruticem ab Hispanis Vidriera dictum cremare solent, ejusque cineres, falsuginis aliquid habentes salis loco carnibus, tabacæque foliis, quæ vetularum saliva prius subacta mandunt, aspergere consueverunt. Verum cum hoc frutice, cujus cineres salis dixi supplementum, multa Abiponum contubernia careant, insulsis plerumque dapibus utuntur. Salis usum moderatum humanis corporibus esse saluberrimum, nemo negaverit, quippe qui noxios depascitur humores, arcetque putredinem; Salis tamen abusu crebriore oculorum obtundi aciem, succos meliores exauriri, ac mordaces tum sanguini, tum cuti infectos generari, atque adeo urinarios meatus sæpe offendi, affirmant medici. Experti sumus in Paraguaris, equos, mulos, boves, ovesque in illis solum pascuis pinguescere, ubi nitri, vel falsuginis aliquid graminis admixtum; Hoc si absit, strigosa

evadunt pecora, & brevissime emaciantur. Sale conspersæ carnes perdurant, sed quo liberalius salitæ, eo citius putent, ac putrescunt, humore scilicet, in quem sal resolvitur, calori conjuncto putredinem accelerante. Si carnes bubulæ solo aere, si pisces solo ad ignem remotum fumo durentur, nulla salis vel mica accedente, ad menses plurimos citra noxam durabunt. Id meo mihi experimento certissimum, quin & barbaris omnibus. Dum e Paraguarâ in Europam renavigavimus, con meatu noster tum carne salita, tum solo aere siccata potissimum desinebatur. Hæc, quia salis expert post quadrimestrem navigationem ad portum Gaditanum usque semper incolumis mansit, & boni saporis. Illa mox putrefacta, & vel a famelicis nautis in mare abjecta. Audi jam, quid ex his inferam. Abipones, licet sale rarius, parcinsque utantur, cum bene tamen valeant, vivantque per diu prope omnes, quidni suspicari liceat, salis abstinentiam plus ad corporum robur conservandum facere, quam illius, maxime si nimius sit, usum.

Dietam, cibi, potusque moderatricem tardæ senectutis, firmæ valetudinis, vitæque productioris fontem esse, pleno ore clamant medicorum, philosophorumque principes. His concors poeta Britannus: si quis tarde cupit esse senex, cibo, ut medicina, modico utatur, ait. Abipones validos, proceros, vegetos, diuque superstites dixi iterum, iterumque, dietæ studiosos quis dicat? Bibunt, edunt, quando, quoties, quantum lubet. Haud definita illis prandii, Cænzque tempora. Prudent, si cibus præsto sit, dum evigilant. Horis omnibus ut esuriunt, ita comedunt; Modo dapes non desint, fames aderit semper. Quanto voraverint plus, tanto cele-

celerius esurire illos dices. Idque certissimum apud illos v. letudinis integerrimæ seu indicium, seu remedium vulgo putatur. Oblatum sibi cibum si quis respuat, vel quia dudum satius, vel quavis alia de causa, mox ægrotus a circumstantibus proclamatur, *La oachin, Chic rquente*. Jam ægrotat, jam non comedit, cum gemitu ajunt omnes, eumque moribundum vix non declarant. Voraces sunt Abipones, & ut Americani cæteri Carnibus se farciunt egregie, sed nullo valetudinis detrimento. Illorum stomachus equidem ut multi cibi, sic longæ inediæ patientissimæ nec comestatione liberaliori, nec diuturna esurie labefactatur. Plurimum mensium itinera nullo instructi comitatu suscipiunt. Nulla sæpe per viam alimenti congrui copia vel, quia nulla vestitionis opportunitas, vel quia hostis per insidias opprimendi consilio diu, noctuque iter præcipitant, vel quia hostem terga prementem fugientes ad tutiora festinant loca. Vacuo etiam aliquamdiu ventre, latrante quamvis stomacho incolumes semper, hilaresque famem confabulatione tranquillant. Comoti animi indicium nullum, nullam seu querimoniam, seu corporis jejuni ægrimoniam in illis deprehendas. Sed mox inediam toleratam solita voracitate pensare nōrunt, viresque restaurare. Cibi, potusque temperantiam longævitatis matrem, heluætionem morborum, mortisque præproperæ radicem esse, haud nego; Novi equidem Sanctos solitudinum cultores complures quosdiana inter jejuniæ vitam ultra seculi unius spatium produxisse, foris & ulterius victuros, si liberalius corpus aluissent suum. Hos Christi heroes tamen parco, inopique victu senectutem tantam consecutos vix miror, quod semper cælibes, eidem semper loco affixi, motus, defatigationisque durioris expertes plerumque

que conquieverint. Neque Abiponum tantam vivacitatem tanta cum voracitate conjunctam deamiror. Hi equidem mariti omnes, cursu, venatu, natatu, equitatione, militari labore propemodum quotidiano lassum ad vires recreandas obsonium amplius & possunt, & facillime digerunt. Deslueret enim veto illorum vigor, vasta illorum corpora marcescerent, ni cibo copioso, ut flores affusa frigida, identidem recrearentur. A me impetrare nunquam sane potui, ut credam, morbos plures intemperantia, quam inopia ciborum accerfiri. Ut lampadem oleo deficiente sæpius, non superfluo extingui videmus; Ita mihi persuasum, multo pauciores edacitate, quam inedia quotidie necari. Medici dicitur acerrimi defensores mihi utique repugnabunt; Ast vespillones, Abiponesque ad unum omnes in meam ibunt sententiam, scio. Quid, quod & Cornelius Bontekoe Batavus artis medicæ Francosurd ad Viadrum quondam magister suis in commentariis pertinacissime contendit: cibi parsimoniam magis, quam immoderationem humanis corporibus obesse, viamque certius ad tumulum sternere. Eiusdem prorsus sententiæ fuit Franciscus Bacon de Verulamio, qui in historia vitæ & mortis folio 80. ait: *Longaviores reperit sunt sæpenumero Edaces, & Epulones, denique qui liberaliore mensa uti sunt.* Aqua non semper dulcissima, nunquam fontana, semper fluvialis, vel palustris, atque adeo plerumque tepida; vel calida, rarissime frigida Abiponibus sitis levandæ quotidianum est remedium, quidni & valetudinis eximie instrumentum? fluviale, fluvialeque equam enimvero medici fontanæ præferunt, quippe leviolem, & particulis noxiis immixta prægnantem. Frigidam finenses per omnem ætatem ne primoribus quidem labris delibant unquam. Nivem, glac-

ciałemque aquam multarum ægritudinum fontem plerique putant. Sed hoc ad medicos. Nives, glaciem, fontes, e quibus aquæ scaturiant, cellas subterraneas pro refrigeranda potione nusquam deprehendas Abiponum in territorio. Vinum quoque ex uvis expressum, vel arte Chymica e fructibus crematum, dum vivunt, omnino ignorant. Sed quamvis promactanda siti præter aquam nil adhibent, pro celebrando tamen prolis nobilioris natali, cognatorum funere, consilio bellico, vel victoria, temetum hauriunt uno in loco collecti, quod vel ex melle, vel e siliquis Græcis affusa aqua paratum, ac coalescens ebrietatem adfert quidem, sed moderate potum incredibiles corpori præstat utilitates. Nam & siliquas Græcas, & mel Sylvestre ad vitam pro rogandam, roborandamque valetudinem plurimum valere, passim affirmant. Mel, quasi mortales immortales redderet, nectar divinum appellatur a Plinio. Illius seu esu, seu potu moderato summam senectutem assecuti scribuntur Pythagoras, Antiochus medicus, Democritus, Thelephus Grammaticus, Pollio Romanus: Hic seculum vivendo excefferat. Rogatus ab Augusto Cæsare, quo demum subsidio ætatem tam provectam attigisset: *Melle inus, foris oleo*, respondit. Vindobonenses ephemerides anno 1770. 14. Februarii nunciarunt: In Smoleniz Hungariæ loco Comitum Christophori Erdôdi juribus obnoxio Franciscum Wascho quatuor, supra centum annos natum obiisse. Ad extremum usque diem & memoria, & tantis viribus pollebat, ut solus rhedam lignis onustam traxerit Vegetam, illius Senectutem crebro mellis usui cumprimis tribuerunt, quem in finem semper apes dicitur aluisse. Abipones mel, quo sylvæ omnes abundant, jam bibere solent perfrequenter, quid si inde tantum illorum

ram vigor, ætas tanta? Sed utrumque etiam fill-
 quarum Græcarum usui ex parte debent, quas tum
 siccas mandere, tum ex aquæ pernixtione nativi
 caloris fermento vivescentes liberaliter potare con-
 sueverunt. Utrolibet modo dulcedinis sunt eximæ,
 & luculentæ virtutis; Prostratas enim vires restau-
 rant, corpus insigniter saginant, purgant pectus,
 recreantque, vi diuretica, qua pollent, vesicam
 celerrime, ac copiose exonerant, plures ægritudi-
 num radices evellunt, calculo validissime obstant, do-
 loresque nephriticos Europæorum mirifice leniunt.
 Illud experti de hac virtute me fecere certiotem.
 Equos robustiores, sanioresque haud habet ampla
 Paraquaria, quam qui in Sancti Jacobi de flores
 territorio nascuntur, ubi filiquis Græcis, quæ istis
 copiosissimæ, per sylvas sparsi pascuntur potissimum,
 solideque pinguescunt. Verum noveris, filiquas
 Græcas, quæ in Paraquaria nascuntur, mole, &
 virtute plurimum differre ab illis, quæ seu ex Afri-
 ca, seu ex Hispania afferuntur, & in Germania
 passim venales prostant, quamvis & istæ magnum in
 re medica locum habeant sæpe.

His adde: Abipones singulis prope diebus, ni
 rigidiore aura abstergeantur, in obvio lacu, vel flu-
 mine lavari. Balneum certe apud antiquos maximè
 fuit usus, & eximæ semper utilitatis. Dum enim
 undâ sordes absterguntur, cutis meatus patefiunt,
 & pronior, commodiorque redditur respiratio cor-
 poris, non mediocri valetudinis levamento. Equi,
 mulique Paraquarienses, uberrimo licet pabulo fru-
 antur, macie, scabieque tabescunt, nisi flumen, lo-
 cumve, ubi abluendi se opportunitas adsit, propin-
 quum habeant. Pulveres enim cuti insidentes pin-
 guedinem impediunt; Hinc ad illos excutiendos equi

Part II.

E

Euro-



Europæi strigili perfricantur diligenter. Sunt, qui venæ sectioni balneum frigidum præferant; Nam per hoc sanguis refrigeratur duntaxat, per illam exhauritur. Magna igitur ex parte balneorum quotidiano usui debere Abipones, dixerim, quod fere sospites, diutissime superstites se se videant ad invidiam plurimorum. Hanc opinionem firmat Historia vitæ, & mortis authore Francisco Bacone de Verulamio, qui asserit: *Lavatio corporis in frigida bona ad longiitudinem vitæ; Usus balneorum tepidorum malus.* Folio mihi 131. Ejusdem ex sententia: *Vivaciores fere sunt, qui sub dio vivunt, quam qui sub tecto.* Abipones maximam ætatis partem in campo exigunt, atque adeo purum, sincerumque cœli patentis aerem, corporibus saluberrimum haurire solent. Etsi aliquando sub storeis, tentorii in morem expansis, vel in fixis tuguriis habitent, nunquam ita se claudi patiuntur, ut non aliqua ex parte acri aditus pateat. Nec vivere solum sub dio, sed & sepeliri cupiunt. Incredibile, quantum à sepulchris, quæ in templo sunt, abhorreant.

Medicorum sane, ac pharmacopœorum est ea suggerere, quæ ad vitam tuendam, ad retardandam mortem, ad morbos, doloresque profligandos facere videntur. Cum Abipones artem medicam doctis, pharmacopolisque omnino destitutos vivere perdiu, bellissimeque valere videamus, parum abest, quin medicorum, pharmacopolarumque absentiam inter causas commutarem, cur isti barbari vitæ diuturnitate, corporum firmitate plerosque Europæos superent, apud quos ut multi medici, multus pharmacorum usus, sic multi ægroti, pauci capulares senes. Laetio teste L. 4. cap. 6. Arcesilaus id dudum dictitabat: Quemadmodum ubi multæ leges, ibi plurimum vitio-

tiorum: Ita quoque, ubi multi sunt medici, ibi etiam sunt multi morbi. Abiponum medici, de quibus plurima dicam alias, veteratores sunt, & jumentis rudiores, neque unquam medicorum splendido nomine dignandi, quippe non ad ægros curandos, sed præstigiis, fraudibusque circumveniendos nati. Missionarii nostri, qui chiquitorum in coloniis versabantur, cæteros omnes Paraquariæ socios vivendo superarunt, extremam plerique senectutem assecuti, quamvis ad multa terrarum spatia nulla istic vel umbra medici suppeteret, ac ipsa regio annuis alluvionibus obnoxia à cœli, aerisque salubritate commendari minime posset. Provincialis tamen suorum incolumitati consulturus de mittendo ad illas chiquitorum colonias fratre laico chyrurgo cogitaverat, qui Patribus, si qui forte in morbum inciderent, opem medendo ferret. Verum missionarii benevolum hoc Provincialis propositum una omnes voce sibi periculosum affirmabant veriti scilicet, ne cum medico morbi quoque suas irreperent in terras, & florentissimæ adhuc valetudinis jacturam artificiosi medicamentis usu ipsi facerent subinde. Hinc sibi, naturæque relictæ ætatem quam longissime extenderunt suam, Abiponum more & vegeti, & medicorum expertes. Verum quæ hætenus memoravi, externa sunt vigoris, vivacitatisque fomenta.

Ex animi tranquillitate incolumitatem corporis plurimum pendere, extra controversiam est. Hinc Salernitani medici, dum Roberto Normannæ Duci, sceptrique Britannici hæredi sanitatis remedia suggerunt: *Curas solle graveis* primo mox loco ajunt. Turbabuntur enim vero cerebri functiones, stomachus elanquescet, cibo deficiente deficient magis, magisque vires, succi meliores evertentur, si mens turbu-

lentis affectionibus, solitudine, amore, timore, ira, mœstitia opprimatur. Sanum erit corpus, si ab animo sano habitetur. Jam nemo Abipones longioris ævi, vigoris optimi esse, mirabitur. Pacato fere sunt animo. Vivunt præteritorum immemores, præsentium parum curiosi, de futuris rarissime anxii. Timent periculum, sed, quia ejus gravitatem haud assequuntur, plerumque spernunt, cum illi vel superando, vel evadendo se pares existiment semper. Numerosus hostis propediem adfuturus dum nunciatur, interdum fugâ sibi consulunt tempestive, aliis expectato assultu mulsum, illud suum strenuitatis remedium, timorisque sepulchrum hilares inter cantus hauriunt certatim. Mordaces curæ de augenda re domestica, de indumento, vel alimento apud illos vix locum habent. Neminem mortalium tanti faciunt, ut illum amore, vel desiderio depereant, & quod Europæis toties evenit, prope ad insaniam redigantur. Affectionibus quibuscunque nec diu, neque vehementer inhærent. Hac animi tranquillitate corpus demulcent suum, vitamque ad ultimam usque senectutem producunt. Non nego, ipsum etiam, sub quo degunt, cœlum neque frigoribus rigidum, neque solis ardore nimio exarsuans Valetudinis firmamentum esse, sed non unicum; Nam & Hispani, & Indi alii, eadem aeris temperie fruuntur licet, non perinde ut Abipones vigent, durantque Europæi si hanc Abiponibus invident vitæ diuturnitatem, illorum vitæ rationes, quâ licet, imitentur. Affectionum vehementium rejectione tranquillent animum. Commotiunculas corporis otio, ac sessitationi, aquam vino, laboribus quietem interponant. Ciborum, vestiumque luxum moderentur. Dapibus obviis non per artem corruptis ad tollendam, non ad irritandam famem medice, medicis vero medicinisque modice utan-

stantur. Et, in quo plurimum est ad servandum vigorem momenti, voluptates, certissimam corporum pestem, tantum horreant, quantum viridei sibi senectutem peroptant. Quod cum multis parum cordi sit, tot adolescentes, pomorum instar, putridos jam videmus, antequam maturos, quia: Venena dulci sub melle latere, immemores.

C A P U T VIII.

De Abiporum religione.

Nulla gens est neque tam immanis, neque tam fera, quæ non, etiam si ignores, qualem Deum habere deceat, tamen habendum scias ait Cicero L. 1. de legibus. Omnibus innatum est, & in anima quasi insculptum, esse Deos. Idem 2. de natura Deorum affirmat. Eandem sententiam aliis, aliisque verbis 1. Tusculan. Quæst. & 1. de responsis aruspicum repetit. Hæc est summa delicti, nolle recognoscere (Deum) quem ignorare non possit. Tertullianus in apologetico contra gentes scripsit. Deum per longius tempus citra culpam ignorari posse ab homine rationis compote, uno ore negant Theologi. Hanc sententiam ego acerrime tuebar, dum Theologicum quadriennium, quod Græcii Styrorum cæpi, in Cordubensi Tucumanorum universitate absolvi. Sed enim quantum obstupui, dum inde ad Abiporum coloniam translatus in omni istorum barbarorum lingua, cæterum minime sterili,



vocem penitus desiderari intellexerant, qua Deus, vel Divinitas quoquo demum modo significaretur. Ad illos religione imbuendos, ex Hispanico mutuari oportebat Dei nomen. Hinc Catechismo inferere nobis visum: *Dios*, etiam *caogàric* Deus, rerum effector; Etymon enim *ncàot* facere significat.

Peñafiel noster Theologus Indos non paucos existisse testatur; qui, num per omnem vitam de Deo cogitaverint aliquando rogati: *Numquam omnino*, respondere. Lusitani, Hispanique ad Americæ litora primum appulsi vix aliquod Divinæ cognitionis vestigium apud Brasilos, aliosque barbaros se detexisse, affirmarunt. Idem de Groenlandis antiquioribus scribitur. Ut adeo non temere arbitratus sit ille apud Ciceronem I. de natura Deorum: *Dari gentes sic immanitate efferatas, apud quas nulla sit Deorum suspicio*. Quid quod & Paulus ipse I. ad Thessalonicenses 4. c. scribit: *Sicut & gentes, quæ ignorant Deum*. Quamvis idem Apostolus ad Romanos cap. I. asserat, hanc Dei ignorationem nequitiam culpa vacare, neque excusari posse: *Ita ut sint inexensabiles*, quippe qui ex rerum creatarum aspectu in Dei creatoris cognitionem possint venire. Quod si quis tamen excusationi locus esse videretur cuiquam, diceret forsitan, Americanos barbaros ad omnia, quæ non videntur, tardos, hebetes, ac obtusi esse ingenii. Ratiocinatio molesta illis, & fere peregrina. Nil mirum adeo, illos ex rerum terrestrium, cælestiumque contemplatione neque earum architectum Deum, neque cæleste quidpiam suspicari. Argumento sit, quod referam. Iter faciens cum quatuordecim Abiponibus in fluminis argentei alto litore sub dio, ut istic moris, ad focum confidebam noctu. Cælum undique sudum astris scintillantibus oculos pascēbat nostros.


Caziquium Ychoálay Abiponum, quos quidem novi, omnium sagacissimum, belloque clarissimum, aliqui placuit. Viden' hanc Cœli majestatem, ajebam, magnificam hanc Stellarum seriem, ordinemque? Fortuitum quid, quis, quæso, istud existimet? Plaustrum, ut tute nosti, nisi boves regantur a quopiam, evertitur. Cymba, ni gubernetur, vel a via aberrat, vel fatiscit. Equis adeo delirus, tantas cœli pulchritudines casu existisse, hos orbium cœlestium cursus, ac vicissitudines sine mentis sapientissimæ consilio gubernari ut credat? Quis istorum author, moderatorque tibi videtur? Quid, a nabo, de his opinati sunt majores vestri? Pater mi, prompte, ingenueque respondit Ychoalay, avi, atavique nostri terram duntaxat circum spectare solebant, num gramen, num aquam pro equis campus offerat, solliciti. Quid in cœlo agatur, quis syderum architectus, rectorque sit, de hoc nil omnino angebantur. Hæc ille. Et vero rem ita esse, vix dubito. Observavi identidem, Abipones, dum rem objectam oculis primo aspectu non capiunt, scrutandi molestiam pertæfos mox dicere: *orqueenâm?* Quid tandem erit hoc? Familiare illud Quaraniis: *Mbaenipo?* idem significat. Interdum caperata fronte, dum res captum videtur transcendere, iidem subjungunt. *Tupá oiquiã. Deus novit, quid sit.* Cum Indorum in cerebro tam curta rationis supellex, tantaque in ratiocinando defidia, quid mirum, illos rem aliam ex alia inferre jam nescire, jam nolle. Ne quis supremi Numinis ignorance[m] Barbaris quibusdam Americanis perperam affingi existimet, Apostolicam Bullam hoc loco recitare juvat, quam Pius V. e divi Dominici cœtu & scientia, & sanctitate Clarissimus Pontifex anno 1568. die 29. Aprilis edidit. Illius verba accipe: *Innumerabiles fructus, quos benedicente Domino Christiano orbi societas Je-*

su, viros literarum, præcipue sacrarum scientia, religione, vita exemplari, morumque sanctimonia conspicuos, multorumque religiosissimos Præceptores, ac verbi Divini, etiam apud longinquas, & Barbaras illas nationes, quæ (Nota bene) Deum penitus non noverant, optimos Prædicatores, & interpretes producendo, felicissime baptismi artibus, & adhuc sollicitis studiis afferre non desistit, animo sæpius revolvens nostrò — Societatem præfatam Nobis, & Apostolica Sedi apprimè charam singulari, Paternoque amore prosequimur &c.

Fidem superat, quam atris coloribus pinxerint Americanorum stupiditatem Europæi, qui illorum provincias primi attigerunt. Eos vix hominibus adnumerandos, belluarum instar habendos putaverunt. Ut teste Cyriaco Morelli in fastis novi orbis Gomara in historia Indiarum capite 217. refert. Frater Thomas Ortiz, subinde Episcopus sanctæ Marthæ, literis ad aulam Matritensem datis ait: Americanos esse jumentorum instar stolidos, hebetes, fatuos, dementes, ad perdiscenda religionis capita prorsus inhabiles, humani ingenii, judicii que expertes. Pudet infanda scelerum genera, quorum eos accusat, hoc loco commemorare. Suis porro literis ut fidem conciliaret, eas his claudit verbis: Quotquot cum Americanis egimus, tales eos esse sumus experti. Hispanorum alii nonnulli Americanos tam stupidos affirmarunt, ut eos, adultos licet, ceu infantes rationis nondum compotes sacro baptismi fonte expiandos: Confessionis sacramentalis onere eximendos: A sacramentorum reliquorum usu arcendos voluerint. Pauli tertii summi Pontificis oraculo opus fuit, quo Americani veri homines, fidei catholicæ, & sacramentorum capaces anno 1537. secunda Junii palam declarantur, Bartholomæo casaus, seu de las casas, chiapensi


penſi poſt epiſcopo Indorum cauſam agente, qui quidem, quod Europæorum in Indos crudelitates nimium exaggeraſſe vidatur nonnullis, male audit apud Hiſpanos. Idem Pontifex Paulus tertius decrevit, ne Indis negaretur Euchariftia. Ita Torquemada L. 16. Monarchiæ Indiæ c. 20. Decretum Pontificium incipit: *Veritas ipſa*, extatque apud Haroldum. Hoc nil obſtante in Peruvia Indi adulti, jam baptizati, iidemque peccata legitime confeſſi neque ſemel ſingulis annis, neque vero mortis urgente discrimine communicantur. Ut Acotta libro 6. de procuranda Indorum ſalute c. 8. & ſequentibus loquitur. Neque, ut Euchariftia Indis impertiretur, per trium conciliorum Limæ celebratorum adhortationes, comminationesque impetratum eſt. Id quod patet ex querimoniis, decretisque ſynodorum Limæ, Platenſis, Arequipenſis, Pazeniſis, & Paraquarienſis, quæ ſeculo ſequenti habitæ fuerunt. Semper enim Parochi, qui Euchariftiam negabant, Indorum ſtupiditatem, ignorantiam, inveterata flagitia cauſabantur. Verum ſynodus Pazeniſis anno 1638. habita hanc Indorum ignorantiam Paſtorum ſocordiæ tribuendam putavit, quorum ſedula inſtitutione e nativis ingenii tenebris, flagitiorumque cœno miſeri utique emeſſuri credebantur.

Annorum duodeviginti, quos tum Quaraniis, tum Abiponibus impendi, experimento doctus idem prorfus ſentio. Nam ipſe novi barbaros barbariſſimos, in ſylvis natos, ab ineunte ætate ſuperſtitioſiſſimis, rapinis, cædibus aſſuefactos, brutorum inſtar bardos, hebetesque, qui tamen ad noſtras colonias traducti quotidiana inſtitutione, veteranorumque exemplo legis diviniæ & ſcientiſſimi, & tenaciſſimi evaſerunt denique. Neque miror. Elephant, ca-



stros idoneos nanciscantur, quas non artes condiscunt? Adamantes nonnisi artificis impigra manu politi splendent. Tunc in Mercurium Praxiteles opera transformatur. Tardo sint, ac hebetiore ingenio Americani, solertia magistrorum imbecillitatem discipulorum suppleant ad omnem humanitatem, pietatemque, quin ad omne artium genus felicissime formantur. Quantum disciplina acuat ingenium Indorum, ad quanta illorum se extendat caput, oculis videre tuis si cupias, Quaraniorum tibi adeunda sunt oppida. In horum singulis deprehendes indos in musicorum instrumentorum & fabricatione, & tractatione dextrissimos, pictores, sculptores, arcularios, cujuscunque metalli fabros, textores, architectos, scribas eximios, alios, qui horologia, campanas, fimbrias aureas, & quid non? ad omnem artis regulam norunt construere. Quin fere non pauci, qui libros, majoris etiam molis, non patria solum, sed & latina lingua typis excuderunt, quos, characterum scilicet notas, ipsi quoque ex ære fuderant. Norunt & calamo libros tanta arte describere, ut typographi opera esse jurent vel oculatissimi Europæi. Indorum artificia, quæ Quaraniorum in oppidis seu videre, seu audire, obstupuerunt Episcopi, Gubernatores, cæteri quicunque hospites. Si hæc artes in aliis patrum oppidis, ac Americæ provinciis ignorantur, id non Indorum stupiditati, sed magistrorum, a quibus erudirentur, penuriæ tribuendum. Quaraniis missionarii nostri Itali, Belgæ, Germani jam musices, jam cæterarum artium magistri obtigerunt, indos supra expectationem dociliores non experti modo, sed & incredibiter sæpe admirati. Illud tamen nobis exploratum: facilius, citiusque comprehendi ab indis ea, quæ vident, quam quæ audiunt, uti

uti & reliqui mortalium per oculos promptius, quam per aures erudiuntur. Si quid seu pingendum, seu sculpendum imperas quaranio, exemplar, sive typum rei faciendæ illius propone oculis, hunc insigniter exprimet imitando, rem affabre, eleganterque factam obtinebis. Desit exemplar, sibi relinquatur Indus, nil nisi ineptias, artisque abortum ab illo expecta, quamvis omni verborum contentione tuam illi mentem copiosissime exposueris. Neque memoriæ fidelitatem in Americanis desiderari putes, velim. Consuetudo vetus Quaranicis in oppidis obtinuit, ut sermonem sacrum a sacerdote e pulpito dictum jam oppidi prætor Indus, jam alius e primoribus magistratus coram populo in foro, vel domus nostræ area repetat. Id plerique omnes, nulla prope sententia omissa, fidelissime præstant. Symphoniam, quam defixis in characteres musicos oculis bis, terve seu voce, seu fidibus, seu organo expresserunt, mox memoriæ impressam habent adeo, ut illo musico folio, si a vento raperetur, porro non indigeant. E quibus memoriæ fidelitas, tenacitasque jure arguitur. Hæc visum est memorare, ut videas Americanis haud tantas esse ingenii angustias, quantas scriptores plurimi illis perperam affinxerunt. Non tamen diffiteor, alias aliis nationibus esse sagaciores, idque in Paraquaria a me observatum, nationes Indorum equestres pedestribus ut corporis, sic mentis vigore antecellere. Perspicacitatis sane documenta dederunt Abipones, dum bello multis abhinc annis continuato militari toties astu Hispanos, quantumvis sagaces, jam eluserunt, jam per insidias non sine multa strage oppresserunt. De quo alius erit dicendi locus. Verum quo luculentius produnt ingenio se valere ad expeditiones militares tutò, prospereque suscipiendas, eo minus illis ignoscenda videtur tanta Dei igno-
ratio,



ratio, ut ne nomen quidem illius noverint, cum ad pleraque alia significanda vocabulis abundant. Ex his inferet Theologus, Abiponum cogitandi facultatem non tam arctis circumscribi limitibus, ut ex conditis, quæ sub aspectum cadunt, rebus universorum conditorem, Rectoremque Deum cognoscere, certe suspicari non possint. *Quis est tam vecors, ait Cicero in Aruspicum responsis, qui aut quum suspexit in Cælum, Deos esse non sentiat?* Quaraniorum, ut ut ferocissima olim, natio Numen supremum novit, ac nativa lingua *Tupã* appellat. Hoc vocabulum e duabus particulis componitur: *Tã* enim admirantis. *Pã* interrogantis vox est. Cælo tonante metu percussis: *Tupã* exclamare solebant. Ut adeo ex tonitru fragore, fulminisque miris virtutibus Nuninis potentiam summam, Majestatemque revereri cæperint, videanturque Papinii non probandam sententiam aliquomodo confirmasse: *Primus in orbe Deos fecit timor.* Ipsi quoque Romani Jovem suum optimum, maximum Tonantem dixere.

Ab ingenio mentisque vigore commendandos videri dixeram Abipones. Verum laudationis me pudet præproperæ. Palinodiam cano. Mentis impotes, deliros, insanientes illos pronuncio. En amentiz argumentum! Deum nesciunt, Deique nomen. Malum dæmonem, quem Ahafaigichi, vel Queevèt dicunt, avum suum, Groaperikie, svavissime appellant. Hunc & suum, & Hispanorum avum profitentur, hoc tamen discrimine, quod istis vestes splendidas, aurum, argentumque, sibi vero magnanimitatem hæreditatis nomine concesserit; Se se enim præ quovis Hispano intrepidus magis, magisque strenuos arbitrantur. Sciscitari ex illis tibi si lubeat: Quidnam ille avus olim fuerit, cujus conditionis?

Id

Id se nescire planissime fatebuntur. Si interrogationibus porro instes, avum hunc suum Indum sui similem quondam extitisse, ajunt. Adeo sicca, absurdaque est illorum theologia. Colunt, quem ignorant, Atheniensibus forte similes, qui Ignoto Deo aram posuere. Ut Abipones se se dæmonis nepotes, sic prisca Galli se se dæmonis filios jactarunt. Audi Julium Cæsarem de bello Gallico Libro 6. id affirmantem: *Galli se omnes ab Dite patre prognatos prædicant: Idque a Druidibus proditum dicunt.* Latini Ditem Plutonium inferorum Deum appellarunt. Plejades, septem e stellis compositas, avi sui imaginem Abipones putant. Hæ dum Americæ meridionalis in Cælo aliquot per menses spectabiles non sunt, avum suum ægrotare credunt, & moriturum quot annis pessime timent. Ast quam primum dictæ Stellæ Majo mense rursus spectandas se præbuerint, avum suum reducem, ac e morbo, ut putant, recreatum festivis clamoribus, læto tibiæ cornuumque militarium clangore consalutant, valetudinem recuperatam illi gratulantur. *Quem enaachic laene! layam nauichi ena? Ta Yegam! Layanini* Quantas tibi gratias debemus! Tandem huc redisti? Hem feliciter convalescisti! Ejusmodi, quibus lætitiæ produnt, stultitiæque suæ, vocibus ærem implent. Postridie ad mel conquirendum excurrunt omnes, è quo potio paretur. Hæc in promptu ut fuerit, in publicam hilaritatis coniestationem magni fiunt undique concursus, sole occumbente. Abipones conjugati tigridum in pellibus humi confidentes potando, circumstantes fœminæ ululanti voce cantando, reliqua exlibum turba cachinnando, plaudendoque noctem transigunt, tardis hinc atque illinc per forum collucentibus. Præstigiatrix aliqua, cerimoniarum festi moderatrix, per intervalla choreas agit; Cucurbitam, quæ crepitaculi

lo.



loco, seminibus frugum duriusculis factam ad numeros musicos manu circumagit simul, simul eidem terræ puncto insistens dextrorsum pede altero, altero sinistrorsum subsilit, sine ulla motuum variatione. Absurdissimum hoc lymphaticæ mulieris tripudium horrificus lituorum, buccinarumque militarium stridor identidem excipit, cui circumfusi spectatores, admota labiis manu vociferantes, applaudunt. Nihil tamen hæc inter, quod lasciviam, petulantiamve oleat, usquam observaveris. Viri a fœminis, a pueris puellæ decenter sejunguntur. Has gestientis populi ineptias functionem avo suo convalescenti sacram putant. Superstitiosa hæc sœteria non nisi multo cum labore, apud Abipones Nakaigetergehes maxime, a nobis exterminata fuere. Saltatrix illa, festi ridiculi antistita, ad benevolentiz singularis testificationem virorum aliquot furas cucurbita sua perfricat, illisque velocitatem in hostibus, ferisque cursu assequendis avi sui nomine pollicetur. Sub idem tempus ab eadem non sine multis ritibus novi præstigiatores, præstigiatricesque, quotquot huic officio pares judicaverit, inaugurantur. De pestilentissimo hoc hominum genere jam uberius agendum.



CAPUT IX.

De Abiporum Magis, re tamen ipsa
præstigatoribus, Veteratoribusque.

Ridicula præstigatorum fæx, etsi tota è fraudibus, fallaciisque confuta, ac compacta sit, tantundem auctoritatis, venerationisque apud Abipones obtinet, quantum apud Persas Magi, apud Assyrios Chaldæi, apud Græcos Philosophi, apud Hebræos Prophetæ, apud Indos, qui ad Orientem degunt, Brachmanes, apud Italos Hetrusci Aruspices, apud Gallos veteres Druides habuisse olim leguntur. Nulla, si rite memini, per Paraquariam natio detecta est, quæ Præstigatoribus careat suis, quos latini magos, vel maleficos, Hispani Hechizeros, germani Zauberer, vel *Hexenmeister*, Quaranii Indi aba payè, Payaquæ Pay, Abipones vero eodem profus, quo diabolum, nomine Keebèt, seu artifices diabolicos appellant, quippe quos mira & humanis viribus majora patrandi virtutem ab avo suo, malo dæmone accepisse, opinantur. Hi versipelles, cujus demum cunque sexus sint, artibus suis se & scire omnia, & facere posse, affirmant. Barbarorum nemo est, qui non credat, in præstigatorum suorum arbitrio esse: Morbum, mortemque aliis inferre: Ægrotudinibus quibuscunque mederi: futura, remotaque prælagire: Nimbos, grandinem, tempestatesque accersere

sere: Vita functorum umbras evocare, ac de occultis consulere: Tigridum formam induere: omne serpentum genus impune manibus versare &c. Quas quidem habilitates non arte comparatas, sed a dæmone, avo illo suo, quibusdam duntaxat ultro concessas, somniant. Qui tamen ad hoc præstigiatorum munus aspirant, dicuntur annosæ salici in Lacum quendam propendenti insidere, continuata per dies aliquot cibi omnis abstinencia, dum denique res futuras animo prævidere incipiant. Ab idoneis id quidem authoribus accepi; sed mihi semper verisimillimum est visum, hos nebulones ex diuturna inedia cerebri imbecillitatem, vertiginem, ac deliramenti genus quoddam contrahere, ut adeo supra reliquum vulgus sapere sibi videantur, seque pro magis vendant. Sibi primum, mox aliis imponunt. Re enim nulla à cæteris differunt, nisi quod ad fallendos quoscunque concinnandis fraudibus excellent. Et vero laboriosum neutiquam est, rudibus, credulisque barbaris fucum facere, qui, quidquid novum, quidquid sibi antea nusquam visum, inter prodigia numerant, magicisque artibus tribuunt confestim. Forte rosas rubra e carbaso ad ornandum templum concinnaveram. Laborantem me avidè spectabant Indi, & naturæ imitationem admirati: Vel Pater hic magus est, vel e matre saga natus, exclamabant. Laicus noster Europæus Indis stupentibus, nescio, quid scitissime, celerrimeque tornavit è ligno, mox magorum primipilus omnium ore celebrabatur, cum in illum diem nec torni machinam, nec toreuma aliud quod viderint unquam. Si pyrotechnica artificia, si optica, si anthlex pneumatice experimenta, si alia, quæ apud Europæos obvia, quotidianaque, cernerent, rei novitate attoniti hæc quidni artis magicæ absolutissima documenta, iurarent. Ad hoc confirmandum

valet, a Brasilis magos suos *Payé*, virtutem miracula patranda *Caraylà* vocari, quod subinde nomen Europæis advenis indiderunt, quod ab illis arte facta viderent, quæ sibi prius ignota naturæ vires superasse videbantur. Hinc & Quaranii, quorum lingua Brasilæ admodum affinis, Hispanos, & Europæos quosvis Caray' etiamnum appellant.


Hæc rudis plebeculæ simplicitate in rem suam abuti egregie norunt versipelles, qui dæmonis, avi sui, vicarios, ac interpretes, futuri præscios, mystagogos, morborum jam architectos, jam, ut lubuerit, domitores, necromanticos, elementorum omnium dominatores palam se jactant, ac, quidquid in mentem venerit, male credulis nullo negotio persuadent. Mille illis decipiendi artes in promptu sunt. Ex advena barbaro clam forte intellexerant, hostes ad contubernium suum invadendum propinguare: Hanc notitiam, velut ab avo suo sibi patefactam venditant contubernalibus, & jam magnus Apollo audiant. Sic quæ vel conjectura, vel clandestino aliorum monitu, vel propria indagatione explorata habuerint, futura cum fastu prædicunt, & ceu spiritu magico afflati arrectis passim auribus percipiuntur. Si facta vaticinio non responderint, excusationes, quibus auctoritatem suam fartam, tectamque porro habeant, nunquam desunt. Concubia interdum nocte sibilo, vel fistula, hostem imminere, repente nunciant. Expergefacti omnes, de præstigatoris fide, ac præfagatione nil ancipites viri ad arma convolant. In loca tutiora cum prolibus se se recipiunt fœminæ; Horas, quin noctes sæpe integras dum hæc timendo mortem, illi mortes aggressoribus minitando trepide absumunt, hostium nemo, ne musca quidem, usquam comparet. Sed ne vaticiniorum fides, ne vatum auctoritas detrimen-



tam dein' patiatur, dæmonis, avi sui, ope hostilem assaultum fuisse impeditum, subridentes affirmant. sæpe alias hostium phalanx inopinato irruit, quin tamen tot præstigiatorum vel unicus aggressionis periculum aut præsensisset, aut prælagisset. Opportune mihi in mentem venit eventus ridiculi: Nocte appetente ad me accurrit Abipon adolescentulus, frenum ferreum, securim, & nescio, quas præterea reculas, domus scilicet suæ thesauros, adfert, meis in ædibus custodiendas; causam rogatus: Hostes noctu adfuturos, respondet, asseritque, matrem suam, præstigiaticem nempe in paucis eximiam, id præscire, quæ, quoties hostis propinquus est, brachium sibi sinistrum pungi identidem, & vellicari quodammodo, affirmat. Ohe, reposui, pulicum id morsibus tribuas, velim, puer optime. Nam & mea id novi experientia. Diu, noctuque & brachium dextrum mihi, & sinistrum, & quæ non alia, a pulicibus insolenter pungi sentio, compungique; Id si hostium foret indicium, nulla nobis dies, nox nulla sine velitationibus abiret. Sed frustra hæc. Nam percrebrescens de vetulæ prælagio rumor oppidum omne turbavit, noctem omnem. Nullum tamen, ut sæpissime alias, hostium seu vestigium, seu indicium.

Abipones jam prædarum, jam gloriæ desiderio ut in alios identidem bellum machinantur, sic aliorum adversus se machinationes nunquam non suspicantur. Quo ardentius securitati consultum suæ volunt, eo facilius, futili plerumque ex causa, sibi pericula alia ex aliis somniare consueverunt. Levis rumusculus, visi eminus fumi, ignota per vias vestigia, intempestivus canum latratus de instante cervicibus suis hoste suspensiones ingerit maxime, dum
edita

edita exteros inter strage vindictam metuunt. Ad tranquillandos, instruendosque animos negotium datur præstigiatrix, ut, ecquid timendum sibi jam, ecquid porro agendum sit, ævum dæmonem de more consulant. Sub noctis primordium ampliori in tentorio congregatur vetularum chorus. Hujus moderatrix & rugis & canis spectabilior tympana duo ingentia, quatuor sonorum intervallo, quod *διὰ τρεῖς ἄγαν* vocant, a se discrepantia pulsat identidem, dumque mugitum hæc edunt auditu terribilem, illa rauco gutture lamentantis ritu, nescio, quæ carmina deblaterat. Circumstantes fœminæ sparsis per humeros capillis, nudato vestibus pectore, cucurbitas, illa sua crepitacula, manibus exagitant, & ululanti voce sibi notas decantant nœnias, quas pedum subsilientium motus continuus, & brachiorum jactatio comitatur semper. Sed infernalem hanc mûsicam auribus intolerabiliorem reddunt aliæ tympanistrix, quæ ollas, damularum, seu dorcadum pelliculis obductas, acutissimeque sonantes bacillo pertinacissime quatunt. Incondita hæc, ac tumultuosa vociferatio ad terrendum potius, fugandumque, quam ad accersendum, consulendumque dæmonem aptior videri posset. Hæc inter nox abit. Albescente Cœlo ad hoc vetularum tentorium, cœu ad oraculum Delphicum concurritur undique. Munuscula a singulis singulis dantur cantatricibus. Quæ sint avi sui effata, avidissime interrogant universi. Vetularum responsa fere ambigua sunt, sensusque adeo ancipitis, ut, quidquid demum evenerit, verum prædixisse videantur. Interdum eadem nocte per diversas fœminas diversis in tentoriis consulitur dæmon. Diluculo his pertinaciter, hostem adfuturum, asseverantibus, illis idem mordicus negantibus, opinionum pugna hæc inter mulierculas, oraculorum inter-



pretes, in rixam fere cruentam definit: A' verbis ad verbera transitur: Pugnis, dentibus, unguibus non raro controversia finitur. Interdum dum acrior est futura præsciendi lubido, vel major illos urgeat periculi impendentis evidentia, præstigiatorum quispianam jubetur, mortui umbram ad vitam revocare, e qua, sibi quæ fata insistent, resciscere liceat confestim. Ad necromantæ tentorium confluit promiscua omnis ætatis, sexusque multitudo. Præstigiator bubula sub pelle, quæ siparii loco sit, delitescit. Deblateratis jam lugubri, jam imperioso murmure arbitrariis carminibus animam istius, illiusve (quam scilicet populus evocari voluit) coram adesse, pronunciat denique. Hanc de futuris eventibus iterum, iterumque interrogat, & mutata subito voce sibimet, quod ad rem facere videtur, respondet. Nemo est auditorum, qui de umbræ præsentia, vel de dictorum veritate dubitare ausit. Abiponum aliquis, clari apud suos generis, bonæque mentis multa verborum contentione mihi asseveraverat, se suis spectasse oculis animam Indæ, cujus maritus superstes Acalosaikin nostro tum versabatur in oppido. Assensum a me ut extorqueret, animulæ illius imaginem visis, sed ridiculis coloribus expressit. Hispani quoque complures, qui a pueris ætatem omnem Abipones inter Captivi consumpsere, persuasissimum sibi habent, manes præstigiatorum vocatu necromantico spectabiles fieri, ad interrogatiunculas respondere, nihilque fallaciæ hoc in negotio intervenire. Verum quis, amabo, prudentior stolidis his testibus fidem habeat, quæ ut falli, sic fallere quotidianum.

Ex hoc tamen manes evocandi barbarorum more id conficitur, illos animorum immortalitatem credere, quod ex aliis quoque illorum tum ritibus, tum sermonibus collegimus. Mortuorum siquidem tumultu ollam, vestem, arma, equos sudibus infixos apponere solent providi, ne quid eorum, quæ ad quotidianos vitæ usus pertinent, iis desiderari patiantur. Anates parvulos, qui ab Abiponibus Ruillili dicuntur, noctuque tristi cum sibilo turmatim circumvolitant, vita functorum animas putant, ac mehelekachie manes, spiritus, spectra appellant. In S. Hieronymi colonia prædii curator Hispanus Raphael de los Rios per barbaros repente affilientes suo in tugurio crudeliter trucidatus est, me istic commorante. Aliquot post mensibus adest Abipon Catechumenus, &: Num Hispani omnes, dum è vita excefferint, mox Cœlo recipiantur, avidè interrogat; Hanc felicitatem illis duntaxat obtingere, qui vitam pia morte clauferint, dum focus meus respondisset. Planissime tibi assentior, reponit Abipon; Hispanus enim ille Raphael hic nuper interemptus nondum Cœlum conscendisse videtur; Noctibus enim prope singulis illum Campo obequitare, ac mœstum quid sibilare, nostri homines referunt. Quod licet vel commentum, vel imaginariam aurium impressionem autumaverim, argui tamen inde potest, ab his barbaris animas a morte superstites existimari, quamvis, quo deveniant, qua fortuna utantur, omnino ignorent. Aliis quoque Paraquariz populis eadem insidet de animarum immortalitate opinio. Patagones certe, cæterique, qui Magallanicum solum habitant, sibi persuadent, hominum vita functorum perinde, ac struthionum animas iisdem in tentoriis sub terra commorari. Hæc a præstigiatoribus ad animorum immortalitatem di-



gressio mihi ignoscenda; Namque ad Abiponum religionem, de qua hoc loco agimus, pertinet maxime.

Ex his, quæ de Præstigatoribus attuli, quis non intelligit, eorum scientiam, artesque omnes astutia, dolis, fraudibusque definiri, illos tamen fide, obedientiaque promptissima, dum vivunt, prosequuntur, vita functos ceu divinos homines incredibiliter venerantur Barbari. Illorum ossa, & quidquid exuviarum est, suis in migrationibus, ceu sacrapignora honorifice circumferunt. Quoties meteorum igneum (quod in America, Cælo etiam sudo, diu, noctuque perfrequens est) micare, & bellici tormenti instar terque, quaterque tonare advertunt Abipones, præstigatorum suorum aliquem uspiam obiisse, credunt, putantque stolidi hoc Cæli fulgore, ac tonitru illius funeri parentari. Si quo bellatum, venatumve equites excurrant, horum veteratorum aliquem itineris socium sibi adsciscunt, e cuius ore, consiliisque pendere solent, quippe quem rerum omnium, quæ ad expeditionis felicitatem conducant, conscium, præsciumque opinantur; Hic locum, hic tempus, hic modum, quo feras, hostemve invadere oporteat, eos edocet. Hic, si pugna instet, suorum aciem circumequitans palmæ ramo aerem verberat, & torvo vultu, minacibus oculis, gesticulatione mimica hostibus male precatur. Quam cerimoniam ad victoriæ securitatem plurimum habere momenti, credunt. In officii sui remunerationem memorabilior illi spoliolum portio fere adjudicatur. Veteratores istos ut equis præstantissimis, sic domestica suppellectili præ reliquis affluere, observavi, quin id unquam mirarer. Extorquent a credulo popello, quantum cupiunt. Qui iis repulsam dare audeat, ne-

mo unus est. Coluntur equidem ab omnibus multum, sed plus timentur. Nefas putant illorum vel sententiæ contradicere, vel desideriis, imperiisve refragari, vindictæ metu. Præstigiatorum quis acerbo sit in alium animo, hunc ad suas accerfit ædes, & sine cunctatione obtemperantem videt. Præsentim imaginariam forte culpam, vel injuriam voce gravi exprobrat, & avi sui nomine mulctandam, edicit. Pectus, scapulasque vestibus nudare jubetur, & mox mandibula piscis (Palometa ab Hispanis dicitur) acutissima perfricatur undique, ac dilaniatur. Miser etsi sanguine diffuat, nec hircere audet, & quod vivo sibi abire licuerit, in beneficiis numerat.

Sæpe alias dum isti stupidorum mastiges infernum sibi quempiam, vel injuriam existimant, in tigridem transformandos se illico, contubernales a se discernendos ad unum omnes, comminaantur. Vix tigridis rugitum imitari incipiunt, incredibili cum trepidatione diffugiunt, qua qua licet, vicini. Eminus tamen fictas auscultant voces. Nec mora: Maculas tigrinas eheu! toto jam corpore incipit referre! En ungues illi jam succrescunt, metu attonitæ exclamant mulieres, etsi versipellem suo in tugurio latentem videre haud possunt; Sed enim lymphaticus ille pavor earum oculis res objicit, quæ nunquam extitere. Timent ridenda, qui jure timenda sæpe riserant. Hæc præstigiatorum terricula ut aspernarentur, ab illis impetrari vix demum potuit. Vos, ajebam, veras tigrides quotidie in campo citra metum jugulatis, eccur, amabo, fictam, imaginariam tigridem in oppido muliebriter expavescitis? subridentes respondent: Vos Patres res nostras haud capitis. Tigrides in campo, quia videntur, neutiquam

metuimus, sed mactamus. Artificiales tigrides timeamus, quia nec videri a nobis queunt, proin' nec occidi. Quodsi, redargui futilem excusationem, artificialis tigris, quam veteratores vestri mentiantur ad vos terrendos, videri non potest, qua, quæso, ratione nōstis, illi maculas tigrinas, uagûesque jam succrescere? Sed actum agitur, dum cum illis ratiocinamur, quibus pro, quin præ omni ratione voluntas pertinax, qua majorum suorum opinionibus inhærent. Tempestas atrocior, fulminibus, immani grandine, nimbo effuso, turbine procelloso gravis teris incumbat, tempestatem a præstigiatorum aliquo concitatam, grandinem, turbinem, alluvionem ex præcipiti imbre coortam illius artificia esse, uno omnes ore affirmant, acerrima tamen plerumque, & ipsa tempestate sævior contentio illos inter exoriri solet, dum hic illum, ille hunc tempestatis, alluvionisque architectum fuisse vociferatur. Audi eventum, cujus citra risum nequeq. meminisse. Januario mense noctu imber maximo impetu e Cælo effusus, ac e vicino colle præcipitans S. Hieronymi coloniam prope submerferat. Aquarum vis ingens portâ, e corio fuit, ruptâ, raptâque in meum irruens tugurium me dormiente, cum exitus illico non pateret, ad quinque circiter palmos accrevit. Strepitu expergefactus demissis e lecto brachiis probolide usus aquæ altitudinem identidem exploravi, & ni perforatus alluvione paries viam undis aperuisset, enatandum mihi fuerat, vel pereundum. Eadem Abiponum, qui in decliviori solo habitabant, fors, tuguriis omnibus inundatis. Sed en! vulgatur undique rumor postridie, præstigiatricem, nescio, a quibus irritatam tantæ procellæ effectricem contubernales omnes alluvione submergere voluisse quidem, sed præstigiatoris alterius artibus repulsas nubes, coercitum


tum imbrem, oppidumque servatum fuisse. Verum, ut apud Europæos, quot capita, tot sententiæ. Horrenda illa pluvia campos propinquos non attigit, ubi Pariekaikin illa ætate Præstigiatorum Abiponensium facile princeps cum aliis post diuinam Cœli siccitatem aquam sibi auide peroptantibus tunc degebat; Hic velut ex tripode declaravit; Patrem Josephum Brigniel, socium meum, imbris illius authorem fuisse in oppidi sui emolumentum, ubi cum ipse, Pariekaikin, versari nollet, ultionis impulsu ea arte nubes flexisse, ut ne una quidem tanti imbris gutta ad stationem pertingeret suam. Hunc equidem Patrem, quod ægrotantibus feliciter, prompteque mederetur, præstigiatoribus adnumerare, nil dubitarunt. Ubi de morbis, medicis, ac medicinis Abiponum agemus, audies, quibus modis circumveniant ægros hi præstigiatores, ad necandos dolos, quam ad dolores avertendos habiliores.

Præstigiatoribus Americanis familiare cum malo dæmone commercium, colloquiumque frequens esse, id non modo rudes barbari sibi persvadent, sed & scriptorum non nulli Europæ persvadere conabantur. Ego quidem longa illarum gentium translatione doctus id ut crederem, induci nunquam potui. Nil illos scire, nil omnino posse, quod naturales, humanasque excedat vires, mihi semper indubitatum. Hac confusus opinione ut, si quam possent, noxam mihi inferrent, eos amice sæpius provocavi; sæpius amicitie significationibus, blanditiis, omni officiorum, beneficiorumque genere eos certatim prosequenti sumus, ad meliorem frugem, rationemque amplectendæ, eos demum ut ad-



mus. Nam hi bipedum nequissimi, ne autoritatis, qua apud populum valent, officiique quæstuosi jacturam facerent, nullum non movebant lapidem, dolis pepercerunt nullis; ut suos a templi aditu, a sacerdotum institutionibus, a sacro baptismi lavacro arceant, absterreantque; Ni morem gesserint, mille illis mortes, certam perniciem, nationis universæ exitium quotidie minabantur. Nec mirum hoc, neque novum. In America ubique gentium religionis sanctæ magistri præstigiatores superstitionum avitarum antistites Christianæ legis scopulos, optatorumque progressuum turbatores fuere experti. Cum his quantum, superi boni! certaminum, negotiique fuit Patri Antonio Ruiz de Montoya Quaranicæ gentis Apostolo clarissimo! Tum denique istorum barbarorum insuinitatem ad Christiana sacra, coloniasque traduxit, dum præstigiatorum superstitionum auctoritatem compressit, & mortuorum ossa, quæ summis colebantur passim honoribus, inspectante populo palam cremari jussit. His holophantis, & sycophantis (liceat mihi cum Plauto loqui) nondum eliminatis, everfisque actum agitur apud Barbaros. Expertus ipse id affirmo. Divi Joachimi oppidum ex bis mille Quaraniis ytatinquis neophytis conflatum non religionis solum laude florebat, sed & pietatis sinceræ fructus edebat jam tum uberrimos. Verum ut sæpe anguis in herba, lolium in agro latet cæterum lætissimo, Indus decrepitis istis præstigiatoris munere clanculum fungebatur, & a mulierculis quibusdam ceu divinum quid se se adorari passus est, dum illarum vel medicum, vel fatidicum egit, & obscæna patravit. Hæc ab oppidi Caziquio principe, Ignatio Paranderi, viro probissimo detecta mihi ut sunt, sine cunctatione pestilentem senem, clam frustra admonitum, palam objurgandum, morboꝝ

boque veteri acrius remedium adhibendum putavi. Populi optimatum manipulo stipatus illius ædes accedo. Enimvero tanto in negotio fulmineam Tullii linguam, qua in catilinam olim intonuit, imitatus: Quousque tandem, dixi, Christianum mentieris infelix vetule, & nefandis artibus, spurcis moribus contubernaliū labefactare integritatem audebis? Annos prope viginti in Christi Schola versatus a Christianis legibus alienissima barbarorum ritu moliri haud times? Enimvero tigridis cognomen (yaguaretè, quod tigridem significat, vocabatur) moribus exprimis etiamnum, dum Jesu Christi oviculas fallaciis, obscœnitatibusque dilanias tuis. Ultima te senectus ad vitæ perduxit metam. Quam tragica te mors eheu, nī resipiscas, quam funesta sors mortuum te manet! Pudet me tui senex bone, sed perinde miseret! Hic, quem in Cruce tui amore extinctum vides (servatoris imaginem exhibui) simulatorem te ad stygias voragines præcipitem aget vindex. Esto, quod appares, vel appare, quod es. Ad diviniæ legis normam tandem componere. Quodsi barbaræ superstitiones tam altis in animo tuo radicibus defixæ hærent, evelli porro ut nequeant, ad barbarorum sylvas, ad ferarum, ubi primam lucem aspexisti, latibula redi ocyus, ne cæteros, qui Deo se, ac probitati dedidere, contubernales, exemplo tuo corrumpas. Age, priorum te poeniteat tandem, si sapias, & flagitiorum maculas poenitentia, innocentiaque morum aboleas dein. Amice monenti mihi nī morem gesseris, pessime tibi consules profecto. Haud equidem impunitus abibis impropterum. Superstitiosum quid, obscœnumve iteratum a te, vel tentatum ut primum intellexero, noveris, me jubente, universo populo plaudente per forum, plateasque te circumducendum, & sumo bubulo a puerorum



rum turba obruendum. Id certum mihi, fixumque, stercorez tuæ divinitati, quam tibi arrogare dementer ausus, adorazique passus es, tale thus, ac thymiana debetur. Hac comminatione pestilens sili-cernium non perculsum modo, sed & ni fallor, correctum reliqui, bonis omnibus orationis meæ severitatem mire probantibus. Nihil posthac seu querelarum adversus illum, seu suspicionum fuit, vigili licet oculo, aureque attenta exploraverim omnia. Duplici hæc sine commemoranda putavi, primum, ut præstigiatorum faciem religionis obicem præcipuum, ac bonorum pestem esse in America, perspicias; Dein ut videas, a missionariis barbarorum doctoribus non conniveri, si quid a religionis puritate alienum in illis deprehenderint, dummodo sine majori illorum pernicie, ac rei Christianæ detrimento interdici possit, & eliminari. Ferenda sunt, quæ emendari prudenter haud possunt. In moribus, erroribusque ferocium barbarorum corrigendis lente festinandum est, Evangelici patris familias exemplo, qui lolia ex agro evellenda noluit metuens, ne cum illis triticum tenerum una evelleretur. Franges vitrum, si importune id flectere volueris. Qui ira præcipites, vel pietatis intempestivo desiderio exæstuant, barbaros in religione novitios acriter perstrinxerint, & rem, & spem omnem evertent.

Cum præstigiatores non fatidicorum modo, medicorumque, sedet superstitionis magistrorum munere fungantur, fidem superat, quam absurdis opinionibus imbuant rudes Abiponum animos. Paucas e multis juvat adnotare. Immortales se fore autumant Abipones, neminemque suorum usquam moriturum, si Hispani, si præstigiatores America exularent; vel enim maleficis horum artibus, vel illo-

rum

rum ignem vomentibus fistulis mortem cujuscunque, aliis licet a causis ortam, tribuere consueverunt. Vulneribus perfossus, contractis ossibus, viribus extrema senectute exhaustis occumbat illorum quispiam, vulnera, corporis imbecillitatem illi mortem accelerasse, negabunt omnes: cujusnam præstigiatoris artibus, & quam denique ob causam necatus fuerit, diligenter indagabunt. Cum suorum plurimos ultra seculum vitam produxisse, meminerint, semper se victuros, somniant, si præstigiatores, si Hispani, sola scilicet, & solita mortis instrumenta, semper abessent. De solis, lunæque eclipsi quantum delirant Americani! Illa perdurante miserabiles Abiponum ejulatus undique personant. *Tayresà* o paupercule! soli, lunæque indolentes identidem exclamant. Obscuratum enim planetam omnino extinguendum semper timent. Hinc & nobis: obsecra, Pater mi, agebant, rerum Creatorem, hoc Cæli lumen nobis adeo necessarium interire ne patiatur. Rifu digniores dixerim Indos Chiquitos, qui a canibus, queis aerem scatere putant, solem, lunamque misere dilaniari dicunt, dum illis deficientibus obtendi tenebras vident. Solis, lunæque ruborem sanguinem e canum morsibus ortum interpretantur. Hinc, ut charos sibi planetas in aereos molossos tuerentur, sagittarum grandinem eclipsios tempore in Cælum vociferantes ejaculantur. Verum equis credat, Indios Peruvianos, aliis politiores, tantum desipuisse, ut putarent, solem obscuratum sibi irasci, vultumque a se avertere, quod criminum quorundam rei viderentur, atque hoc nomine eclipsim calamitatum, queis multarentur subinde omnes, indicium censuerunt. Lunam caligantem ægrotare dixerant, semper veriti, ne quando moreretur, ejusque cadavere vasto in terras delapso incolæ omnes oppri-


meren-

merentur. Lumine recuperato illam convaluisse, a Pachacámac, mundi servatore, confanatam, opinantur, quo mors illi interdicta, ne ejus decidentis pondere contractus orbis interiret. Alia aliis Americanis fuere de eclipsi deliramenta. Cometam Abipones Neyac, Quarani yacitara tatatibae stellam fumantem appellant. Quod enim nos Cometæ crines, barbas, caudam dicimus, illi pro fumo habent. Hoc sidus barbaris omnibus formidabile est, quippe quod Calamitatum seu prodromus, seu instrumentum vulgo putatur. Peruviani, a Cometis Regum suorum mortem, provinciarum, regnorumque exitium prænunciari, existimarunt semper. Montezuma Mexicanorum Monarcha Cometam igneæ pyramidis instar a media nocte ad ortum solis usque aspectabilem frequenter intuitus sibi, suisque pessime timuit, haud multo post a Cortesio Hispanorum duce subjugum missus, interemptusque. Ignoscendum sane Americanorum inscitæ, cum antiqui sapientes plerique omnes male de Cometis senserint. Quis nescit Lucani versus l. 1.

Ignota obscuræ viderunt sidera noctes,
 Ardentemque polum flammis, Cœloque volantes
 Obliquas per inane faces, crinemque Timendi
 Sideris, & terris minitantem regna Cometen.

Consentit lucano Virgilius l. Georgic. *Nec
 diri toties arsere Cometa.* Et utrique Tullius Cicero
 2. de natura Deorum: *Tum facibus visis Cœlestibus,
 sum stellis his, quas Græci cometas, nostri cincinnatas
 vocant, quæ nuper bello Octaviano magnarum fuerunt ca-*
lami-

lamisatum prænuncia. Idem alio loco : *fatalem semper Reipublica Romana Cometen*, dicit. Consona & profanorum, & sacrorum scriptorum testimonia passim videas, Sed caveas, quæso, hac nostra ætate Cometæ reformidare, ni ab universo Philosophorum exercitu rideri velis. Quid quod & clarissimus Romano in Collegio Rhetorices quondam magister Vincentius Quinifius noster, dum tertio calendas Decembris anno 1618. Cometa Romæ se spectandum præbuit, autoritate, experientia, rationibusque palam, valideque probaverit : Cometæ indicium esse felicitatis futuræ ; Non, ut vulgus putat, calamitatis. Oratio exstat in allocutionibus Gymnasticis hujus authoris Antverpiensi in Typographeo 1633. rursus editis. Ego quidem fateor, me nec vulgo timenti, nec Quinifio speranti assentiri, sed quod Vindobonensi in universitate anno 1742. doctus, ac publice tuitus sum, opinari : Cometæ nec prospera, nec sinistra portendere. Sed quorsum a cometis me abripi passus sum? In viam ad Abiponum superstitiones redeamus. Hi aliam præterea stellam, cujus nomen haud memini, portentosam, sibi timendam, exitialemque, arbitrantur. Ajunt equidem, illos annos, quibus hoc sidus visum est, nationi suæ cruentos fere, ac ærumnarum plenissimos fluxisse. Turbini pulveres in gyrum circumagenti mulieres cineris portionem immodicam celerrime objiciunt, ut illo ceu esca saturatus aliorum deflectat. Quod si enim vorticoso illo cum impetu quampiam in domum irrepserit turbo, domesticorum alieni confestim moriendum esse sibi persuadent. In favo mellis, quem e sylvis domum attulerant, si apes vivas invenerint, extra domus suæ Limina necandas esse, ajunt. Si enim intra domum interimantur apes, mel porro a se nusquam reperiendum credunt. Sed apage ani-



aniles has Americanorum superstitiones. Infinitus sim, si referrem singulas. Ecquis succenseat rudibus barbaris, dum & nostrates plebeji non rure tantum, sed cultis quoque in urbibus quam absurdas, tam ridiculas animo foveant opiniones, & veluti sapientum scita pertinacissime observant. Christophori Mänlingen justus extat liber, quo varias variarum gentium superstitiones ad lectoris fastidium complexus est. Vetularum, nutricularumque opera errores puerorum mentibus inferuntur, hi cum adolescentibus adolescunt, consenescent cum senibus, & non nisi cum morientibus plerumque emoriuntur. Odorem scilicet, quo imbuta est testa recens, diutissime servat. Laborant Abipones tot superstitionibus, quia abundant tot superstitionum magistris præstigiatoribus. Ea tempestate, qua apud illos egi, maxime clauerunt: Hænetrân. Nahagalkin. Oaikin. Kaëperlachin. Pazanoirin. Kaachî. Kepakainkin. Laamamin'. Horum omnium alpha, & qui toto vertice eminebat, Pariekaikin vaticiniorum, curationumque gloria spectatissimus. Vultus erat præcandidi, & qui singularem modestiam, comitatemque præseferbat. Globulorum, qui in arboribus nascuntur, nigricantium fasces, ut Indi Christiani Marianum Rosarium, e collo suspensos fere habuit, ornatus omnis, quo reliqui gaudent, semper contemptor, sed fallaciarum machinator diligens, ad fucum faciendum promptissimus. Præstigiaticum fæminarum plane greges sunt, culicesque Ægypti numero excedunt, ut adeo nec nominari possint, neque numerari. His maximopere cordi est, omnium animis, auribusque avi sui mali dæmonis venerationem identidem inculcare. De hac jam differendum.

CA-

CAPUT X.

Conjecturæ, cūr Abipones malum dæmonem pro Avo suo, Plejadasque pro illius imagine habeant.

Ab Abiponibus malum Dæmonem pro Avo suo haberi, dum legis, ride per me, illorum ineptias, miserare illorum amentiam, & admirare; sed si sapias, Cave, ne quid nimis. Impudentius equidem delirarunt tot gentes & Divinis, & humanis legibus, artibusque perpolitæ. Si sacras, si profanas historias vel primoribus labris delibasti, fateberis sane, vix uspiam extare aliquid, cui divini honores non fuissent delati aliquando. Baal, Beelphegor, Beelzebub, Moloch, Dagon, Chamos, Astaroth &c. Superi boni! quam monstrosa nomina! Hebræorum tamen variis in locis, temporibusque olim Numina. Ægyptiis præter canem, felem, accipitrem, & quem Nilus educaverat, Crocodilum, etiam in hortis Numina nascebantur cepæ, porri, & allia; Afris Cœlum; Persis aqua, ignis, & venti; Libyis sol ac luna; Thebanis oves, & mustelæ; Babylonii Memphis, Cetus; Mendesiis capra. Thessalis Ciconiæ; Syrophœnicibus columbæ Deorum instar fuerunt. Suum citius Xerxes Rex, quam Deorum, Dearumque, quæis vetus Roma famulabatur, exercitum numeraveris. Perlege, si sine risu potes, Romanorum, Græcorumque mythologiam, nō illam vel delirantium,

vel fomniantium esse partum, judicabis. Qui enim sanæ mentis est, Iovem, Saturnum, Martem &c. tot flagitiis infames vana esse sine Numine nomina, & solo nomine Numina dicet, quin cum Regio vate dæmonia pronuntiabit: *Omnes Dii gentium dæmonia*. Quod veterator stygius nostris Parentibus in paradiso spopondit: *Eritis sicut Dii*, id profecto præcis Græciæ, Romæque heroibus, ac Principibus non paucis obtigerat, quibus, solo interdum scelere claris, apotheosis, aræ, columnæ, divini honores post obitum decreti. Ecquis demum exprimat idolorum seu numerum, seu figuras, quibus Africa, Asia, America thus adolevit, templa condidit? In Insula Cielano summi dentem, ceu rem divinam divino cultu religiosissime prosequuntur incolæ, ad quam venerandam a quingentis facile leucis supplicantium ritu turmatim confluunt quot annis. Dracones, flumina, rupes, arbores, & quid non? Numinum instar alibi a Barbaris flexo poplite coluntur. Ast quis miretur, bestias à bestiis, stipites à stupidis coli? In admirationem me rapit, Antonino Pio imperatore, Pio primo Romano Pontifice circa annum centesimum quinquagesimum à servatore nato hæreticos exstitisse, qui, præter alios errores, Cain fratricidam; Judam Iscariotem sacrilegum; Chore, Dathan, & Abiron Israelitas in seditionis pœnam terra dehiscente absorptos, quin & nefandos Sodomæ incolæ colendos sibi, venerandosque putarunt, à Tertulliano acerrime mulctati, uti Petrus Annatus Libro 7. apparatus sui ad theologiam refert. Tantæ tot populorum cultiorum insanæ, ineptiæque indignationem nostram, admirationemque ita exhauriant oportet, ut Abiponibus barbaris, feras inter educatis, literarum omnino expertibus mitius succenseamus, dum malum dæmonem Avi sui nomine dignantur, quin tamen illi vel nomen, vel

vel cultum tribuant divinum. Septennio, quod istos apud Barbaros consumpsi, nil ejusmodi unquam apprehendi. Si quid forte clanculum nobis incisci, absentibusque egere, quod Theologus damnavit, id illos non religiosa in dæmonem propensione, sed ejus metu duntaxat a præstigiatoribus suis avitarum Cerimoniarum defensoribus compulsos egisse, atque adeo stupiditatis potius, quam sacrilegæ impietatis arguendos, opinor.

Ne quis putet, nostrorum aliquem connivisse illis in rebus, quæ ad dæmonis cultum pertinere viderentur, referam, quod in divi Hieronymi oppido, prima Abiponum Colonia paulo ante condita evenerat. Incolæ prope omnes equis velocibus vicinum in agrum forte excurrerunt. Josephus Brigniel Missionarius excursionis finem anxie scitatus ex eorum, qui domi remanserant, quopiam intellexit denique: Dæmonis, avi sui, domum (Groaperikie Leëriki) ex palmarum ramis, frondibusque in campo hodie struendam; Hunc esse itineris scopum. Superstitiosam populi functionem indignatus Pater, illiusque, qua liceret, impediendæ cupidissimus equum propere conscendit. Indo frugis melioris duce locum attigit, ubi tugurium extemporale, circumfusumque huic populum conspicabatur cminus. Barbari inopinato Patris adventu perculsi: Huic ne calæ propinquaret, cum obtestabantur, monebantque impenle, ni avi sui dæmonis, qui sub illa latitaret, unquibus misere discerpi malit. Præstigiatoris Haanetsain, qui in tugurio latens jam rugitu tigridem imitabatur, jam, mutata identidem voce, avi sui, cujus personam sustinuit, nomine responsa dabat, locutionem agnovit Pater, circumstantibusque superstitionem impiam, stolidam credulitatem incredibili cum audacia exprobra-



vit, fructu pari. Neque enim posthac, quod quidem sciam, de domo dæmonis quidquam auditum.

Ut Abipones, sic illis confines Mocobii, Tobæ, Yapitalakæ, Quaikurui, aliique equestres in Chaco populi dæmonis Nepotes se jactant, superstitionis haud minus, quam dementiæ socii. Ast quantum ab his discrepant Australes Barbari equites, Magallanicum qui per solum vagantur! omnes dæmonem norunt, & Balichû appellant. Credunt, dæmonum turbam esse innumeram. Illorum principem *E! E!*; Plebejos dæmones *Quezubbû* vocare consueverunt. Omne tamen dæmonum genus mortalibus infensum, infestumque, ac mali cujuscunque originem putant, metuunt, execrantur. Puelches, Picunches, Moluches ne nomen quidem Dei noscunt. Hi, quos ultimo posui loco, quidquid boni seu possident, seu sibi optant, soli in acceptis ferunt, à sole poscunt. Sacerdoti nostro monenti: Deum, ut rerum cæterarum, sic solis conditorem præ sole utique colendum esse, reposuerunt: Nos equidem in hanc usque diem nil majus, nil melius sole, agnovimus. Patagones Deum *soychû* vocant, rem scilicet, quæ videri nequeat, quæ omni veneratione digna sit, & extra mundum versetur; Hinc vita functos *Soychubès* dicunt, homines scilicet, qui cum Deo sunt, & extra mundum degunt. Duo rerum principia cum Gnosticis, & Manichæis videntur somniare, cum Deum bonorum, dæmonem malorum authorem dicant. Hunc licet neutiquam colant, maximopere tamen reformidant. Ægrotantem quemvis a malo dæmone credunt insideri; Hinc illorum medici tympanum, pictis dæmonum figuris horridum, semper circumferunt, omnique virum contentione ægrotantium ad lectulos pulsant ad extirbandum ægri e corpore dæmonem, morbi authorem. Chilenses
bar-

barbari ignorant & nomen, & cultum Dei. Credunt acreum spiritum quemdam, quem Pillan appellant, cui, hostes ut suos profliget, supplicare, & pocula inter pro victoria obtenta gratias agere consueverunt. *Pillan* illis etiam tonitru significat. Illum, Cælo tonante, maxime colunt. Dæmonem, Alveè ab illis dictum, ceu boni cujuscunque obicem, & raptorem toto pectore execrantur. Hinc, cum vitam rerum omnium sibi optimam reputent, si quis suorum moriatur, eum, a dæmone raptum ajunt. Brasili, Quaraniique dæmonem Aña, vel Añanga vocant, ac mille nocendi artibus insignem incredibiliter metuere solent. Peruviani veteres eundem *Cupay* nuncuparunt, & modis omnibus, veluti calamitatum omnium architectum, averfabantur adeo, ut, antequam ejus nomen pronunciarent, in contemptus testificationem expuere consueverint. In virginia Barbari malum dæmonem Okè vocant, adorantque. Numerosæ, finitimæque Barbarorum nationes cum dæmonem metuendum sibi, semperque aspernandum existimaverint, haud capio, qua demum ratione ducti Abipones eundem dulci, honorificoque Avi nomine prosequantur. Verum noveris, ratione, argumentisque haud opus esse, ut vel absurdissima sibi persvadeant, dubia pro certis, falsa pro verissimis habeant barbari. Præstigatoris astuti commentum, somnium anus rancidæ arrectis audiant auribus, satis est, superque, ut dæmonem avum suum esse, & si quid aliud absurdus, citra tergiversationem jurent. Trecentæ superstitiones, majoribus ad posteros derivantur, quibus ea animi firmitate rudes inhaerent Americani, qua nos Christianæ legis sanctionibus ab Apostolis ad nos transmissis.

Cur Plejadas dæmonis avi sui imaginem putent, excutiendum restat. Hoc quoque in argumento præ-



ter conjecturas nihil mea depromam ex penu ; Neque enim certi quidpiam seu ex Abiponibus, seu ex Americæ historicis licuit extorquere. Septem hæ Stellæ Plejades in capite tauri a latinis Vergiliæ, veris nunciæ, imbrium indices dicuntur. *Navita quas Hædes Grajus ab imbre vocat.* Ovidius 5. fastorum. Septem Lycurgi filiæ : Electra, Haleione, Celæno, Merope, Asterope, Taygete, & Maja, quod Bacchum in Naxo insula educarint, a Jove inter sidera relatæ, Plejadesque vocatæ sunt, ut quidem Poetis fabulari lubuit. Quid si, lubuit non nemini divinare, Abipones, compositionum amantissimi septem has stellas, quia olim Bacchi altrices, sibi vel hoc nomine colendas putarunt ? Sed festiva hæc cogitatio confabulationi, quam historiæ opportunior. Ejusdem ponderis est alia Hispani cujusdam conjectura. Plejadas, mihi ajebat, Hispani *las Cabrillas* — Capellas vocamus. Cum dæmon caprina forma cornutus, hirsutusque a pictoribus exprimi soleat, Abipones has Capellas, seu Plejadas, dæmonis avi sui imaginem sibi venerandas existimaverint. Placuit mihi hominis facetia, risu, non assensu digna. Illud attentione dignum, quod, cum a gentibus variis jam solem, jam lunam, jam stellas varias divinis coli honoribus noverimus, de Plejadum cultu ne unum quidem apicem in sacris codicibus deprehendamus. Nisi forte quis dixerit, Plejadibus honores divinos exhibitos fuisse ab illis gentibus, de quibus Libri Deuteronomii cap. 17. v. 3. dicitur : — *Ut vadant, & serviant Diis alienis, & adorent eos, solem & lunam, & omnem militiam cæli* — Divus Hieronymus equidem *militiæ Cæli* nomine omnia Cæli astra significari, adeoque & Plejadas, arbitratur. Astarthæ, planetæ nimirum veneri, sidoniorum Dææ, a Salomone per scæminas jam corrupto templum fuisse conditum, sacra memorat historia.

Penſatis diu, multumque omnibus illud mihi verifiſimillimum videtur: A Peruvianis antiquioribus, meridionalis Americæ maxima ex parte dominis, ac magiſtris ad Paraquariæ barbaros & cognitionem, & qualemcumque Plejadum cultum fluxiſſe. Illi etenim, etſi Deum rerum omnium Satorem, conſervatoremque: Pa-cha camac dictum, qui, ut hæc iis vox ſonat, vitam mundo tribuit, venerabantur, nihilominus mare, rupes, arbores, &, quod rei caput eſt, Plejadas adorariſſe dicuntur, quas ſua id temporis lingua *Colca* nominarunt. Illorum dein dominator, & ut Numa Pompilius Rex agreſtium tunc Romanorum, legiſlator ſummus. Ynca Manco capac antiquis ſuperſtitionibus novas ſubſtituit. Solem illuſtriſſimum illud cœli ſidus, terræque beneficiſſimū. Divinis porro honoribus afficiendum decrevit. In Peruvii tunc metropoli Regia Chufco templum ſolis, ſi quod uſpiam terrarum, magnificum ſane conſtrui fecerat, cujus parietes laminis aureis veſtiti, columnis aureis ornati, ab imo ad ſummum; In medio vaſtiſſima ſolis radios undique diffundentis imago ex auro puro puto ficta ſplendoris majeſtate omnium oculos perculit, animosque implevit. Huic ſoli duntaxat & veneratio divina, & ſacrificia præſtabantur, quamvis Lunæ quoque, quam ſolis conjugem, & ſtellis quibusdam, quas lunæ ancillas dixerant, aras argenteas, cultumque, ſed divino inferiorem indulſerint. Hæc inter ſidera inſigni loco, honoreque præcipuo dignas Plejadas exiſtimarunt, an ob ſitus mirabilis conformationem, an ob eximium ſplendorem, nescio. Nam & ore divino *micantes ſtellæ Plejades* apud Jobum cap. 38. præ cæteris celebrantur. Poſtquam Hiſpani, verſo Yncarum imperio, Peruvii dominatum armis obtinuerunt, formidabili eorum ſervituti ſe ut ſubducerent, Peruvianos, quaquā licuit, dilapſos, credibile eſt, non paucos in finitimam Tucumaniam,



indeque securitatis gratia in vicinas per Chacum solitudines commigrasse; barbarisque incolis præter alias superstitiones Plejadum quoque observationem religiosam inspirasse. Fingamus, hoc demum advenarum ductu Abipones in Plejadum cognitionem venisse. Verum objicies: Cum Abipones ne nomen quidem Dei lingua nativa exprimere norint; Cum dæmonem avi sui nomine reverenter consalutent, ecurr, amabo, ex Peruvianis Dei nomen, ac reverentiam, ecurr dæmonis odium, contemptumque non didicere? Illi certe in Deum Pachacamac, qui vitam mundo dat, tanta ferebantur reverentia, ut vel ejus nomen, nisi gravissimis de causis, pronunciare, religioni sibi duxerint; Quoties illud proferendum, id cum luculentissima honoris significatione præstiterunt; Namque attollebant humeros, vultu terram versus depresso, clausis oculis, palma manus dextræ dextra in scapula pie collocata, oscula repetita in aerem vibrarunt, ut summam adversus Deum observantiam testarentur. Malum dæmonem *Cupay* e contrario, ut paulo ante memini, contemptui habuerunt. Hanc Dei venerationem, inquit, hunc dæmonis despectum cur non afflarunt Abiponibus Peruviani advenæ, si Plejadum observationem invexerunt? Sed nempe vitium promptius, quam virtutes ex aliis condiscuntur, uti facilius per morbos inficiuntur sani, quam morbo infecti per sanos curentur. Quod si pertinaciter neges, Plejadum cognitionem ex Peruvio allatam, nil disceptabo, quid tamen vetat opinari, eam ex vicina Brasilia in Paraquariam olim irrepsisse. Tapuiyæ enim, ferox, numerosaque quondam natio Brasiliæ, imprimis venerabantur Plejadum ortum, stellasque illas Numinis instar canendo, & choreas agendo coluerunt, quod totidem prope verbis Jacobus Rabbi, qui annos aliquot his barbaris convixerat, testatur. Nulla cum præsto sint

sint monumenta, e quibus certi aliquid hac super re, exploratique erui posset, visum est, conjecturas, opinioniones, verisimilitudinesque in medium afferre, ut de dæmone Abiponum infami avo, Plejadibusque illius imagine aliquid dixisse videamur.

C A P U T XI.

De Nationis Abiponicæ divisione, paucitate, ejusque causa præcipua.

Politicam apud Barbaros expectare idem prorsus tibi videbitur, ac in scirpo nodum, ex pumice aquam querere. Abipones, gens libertatis avitæ tenax, jugi omnis impatiens, arbitrato vivere suo. Quod libuit, licuit. Adeo sola illis voluntas semper pro lege fuit. Id equidem haud ausim inficiari. Nihilominus, uti apes, formicæ, ac quodvis belluarum genus quædam speciei suæ propriæ naturali observant instinctu, sic ferissimæ quamvis Indi consuetudines quasdam, nationis suæ scita, quæ a majoribus accipere, pertinaciter retinent etiamnum, ac veluti pro legibus habent suis. De Abiponum rationibus politicis, oeconomicis, militaribus, de illorum moribus, ac magistratibus mihi porro agendum. Expeditior jam curret calamus, quia scribenda, quæ oculis patent, non meditandæ conjecturæ de Barbarorum superstitionibus, quarum seu radices, seu causæ illorum in animis delitescunt, quin


sæpe probabile quid ex iis possit exculpi, ruditate mentis linguæ usum impediante.

Tres in classes universa Abiponum natio tribuitur: In Riika i. e., qui in campis longe, lateque patentibus morantur; In Nakaigetergehè, qui sylvarum amant latibula; In Jaaukanigas denique, qui singularis quondam fuere natio, propriaque utebantur lingua. Seculo proxime lapso ab Hispanis, quæis stragem illaturi excurrerant, in itinere per insidias oppressi, ac promodum internecone deleti sunt. Pauci a clade superstitæ, cælorum liberi, ac conjuges viduæ vicinis se se Abiponibus adjungere eo successu, ut ambæ nationes mutuis inter se connubiis in unam coaluerint denique, veteri Jaaukanigarum lingua penitus extincta. Eadem his Abiponum tribubus vitæ, morumque ratio, lingua, si pauca excipias vocabula, eadem profusus. Mira inter illos concordia animorum, armorumque stabilis societas, quamdiu illis contra Hispanum res fuit, in quem, ceu communem, ut putant, hostem innato feruntur odio, ac unitis viribus ejus servitutem pertinaciter declinant. Cæterum licet sanguinis, amicitiaque vinculo colligati injuriæ quantulacunque impatientes belli occasionem avide arripiunt, mutuisque se cladibus atterunt frequenter. Fraternas istorum acies, continuataque per annos plures vario cum successu bella tempore narrabo suo.

Abipones aliqui polygamia, sed uxorum repudiatione frequentius, ut cæteri per Americam Barbari, utuntur. Neque tamen numerosi sunt. Universa natio quinque circiter capitum millibus definitur. Velitationibus jam intestinis, jam bellicis in externos hostes excursionibus, jam mortifera morbillorum, variolarumque contagione, jam matrum, quis non perhor-

horrescat? in proles suas crudelitate ad tantam redacti sunt paucitatem. Sævitia muliebris causam accipe. Ad triennium fere lac præbere solent prolibus matres. Nihil illis interea cum maritis commercii conjugalis. Hi moras lactatus diutini tandem pertæsi aliam sibi sæpe adsciscunt conjugem. Repudiationis igitur metu foetus necant suos mox a partu foeminae; Aliquando illos nec partu expectato violentis expellunt artibus; Ne lactandi molestiis impeditæ inutiles se maritis, ac inferas reddant, tantum audent in sobolem. Viduæ, marito superstite, fieri timent; Tigride esse crudeliores, non erubescunt. Æthiopissam novi Abiponis captivam, lacertosam foeminam, quæ barbaris matribus in evellendo ex utero embryone operam sæpe navasse strenuam dicebatur. Herum illius Abiponem sacro jam fonte expiatum, mentisque optimæ vitum hac de re commonuimus. Captivæ suæ facinus ultro fassus est, negavit tamen illud olim pro flagitio a se fuisse habitum, quippe majorum suorum consuetudine comprobatur. Postquam divinis id, humanisque legibus adversari e nobis intellexerat, ne semel quidem id a se toleratum affirmavit, nunquam porro tolerandum, spondit. Matres fæmineis prolibus præ masculis parcent libentius, frequentiusque, idque lucri futuri expectatione; Filiis enim adultis sponsam emere oportebit. Filias nobiles, quovis demum pretio, sponso vendere licebit.

E quibus prona est conjectura, Abiponum nationi foeminas, quam viros, numerosiores suppetere, tum quia proles fæmineæ rarius a matribus trucidantur, tum quia velitationibus, quæ viros exhauriunt, non intersunt foeminae, tum quia natura maribus sunt vivaciores. Uni virorum centuriæ cohors mulierum respondet,



det. In curtissimo sæpe contubernio masculini generis confertissimam vetularum secularium, omnisque ætatis foeminarum turbam deprehendes. Hallucinantur scriptorum complures, qui Americanorum hodiernam paucitatem Hispanorum sævitiam pleno ore interpretari ausi sunt, cum rectius matrum infanticidarum crudelitatem accusassent. Nos certe, qui Abipones inter consenuimus, illam bonæ frugis mulierem pronuntiavimus, quæ binos, ternosve filios educaverit. Verum adeo paucas ejusmodi matres Abiponum natio universa numerat, uni ut annulo earum nomina possint inscribi. Debayakaikin princeps Caziquius quaternos filios, totidem Kain' Jaaukaniga habuit, sed singulos diversa e matre prognatos. Novi alias, quæ, ut passim vulgabatur, quot liberos perpererunt, totidem trucidarunt, nemine cædem aut impediente, aut vindicante. Adeo scelera, dum communia sunt, impunita fere abeunt, quasi vero recepta passim consuetudo illorum vel malitiam aboleret, vel impietatem excusaret. Mortem prolis teneræ morbo extinctæ sinceris lacrymis, diuturnis planctibus prosequuntur matres; Proles vixdum in lucem editas, diuque victuras cædem serena fronte jam terræ allidunt, jam modis aliis interimunt. Tantam matrum in liberos exanimis pietatem cum tanta in vivos crudelitate conjungi posse vix credibile Europæis est, sed nobis certum, indubitatumque. Postquam tamen nostra institutione legis divinæ reverentia Abiponum mentibus insita fuit, enim vero inveterat amatum barbaries sensim defecuit; Illarum manus jam non filiorum sanguine cruentas, sed brachia charis pignoribus onusta illorum genitores Abipones lætis oculis mirabantur. En! religionis, quæ ut cælo, sic terris incolas suppeditat, fructum, triumphumque eximium. Namque uxorum mul-

multitudine, ac repudiatione, infantium nefaria cæde, abortuumque spontaneorum libertate per christianam disciplinam demum sublati Abiponum natio paucos intra annos incredibili hominum utriusque sexus accessione locupletatam se plaudens circumspexit. Quo religiosius morem gesserint Divinis legibus Europæi, eo maiorem populi frequentiam suis provinciis succrescere experientur seu colendis agris, & artibus, seu hostibus arcendis profuturi. Libidinibus enim, furiosis simulatibus, ebriositate, cæterisque, quæ religio vetat, flagitiis numerosam sobolem partim impediri, partim extingui, nemo sanæ mentis unquam dubitavit.

C A P U T XII.

De Abiponum magistratibus, Capitaneis, Caziquiis &c. deque Regiminis forma.

Qui suprema cum potestate universæ nationi dominetur, Principem haud agnoscunt Abipones. In turmas se se dividunt; Singulis unus præest, quem Hispani Capitaneum, seu Caziquium, Peruviani Curaca, Quaranii Aba rubichà, Abipones Nelaſeyſat, vel capitâ appellant. Hæc vox *Capitân* magnificum quid Americanorum in auribus sonat. Honorificentissimo se putant titulo uti, dum vel Deum, vel Hispaniarum Regem *Capitan Larênc*, *Capitan Quazà*, magnum *Capita-*

pitaneum vocant. Quo quidem Capitanei vocabulo non supremam duntaxat potestatem, dignitatemque eminentissimam, sed & quamcunque nobilitatem designari volunt. Rancidæ interdum anus, vili lacerata squallentes, & solis rugis opulentæ, ne plebejo ortæ genere nobis viderentur, non sine fastu dicere solebant: *Aym Capitâ* sum Capitanea, sum nobilis. Obstupui, dum barbari densissimas inter sylvas Mbac-verâ sepulti, omnisque cum Hispana gente consorti expertes Caziquios suos Capitâ Roÿ, Capitâ Tupânchichu, Capitâ Veraripotshiritù compellarunt, neglecto nativæ linguæ vocabulo *Aba rubicba*. Adeo Capitanei nomen apud quosvis barbaros civitate donatum, ac honorificum. Obvium habeat Abiponum aliquis Hispanum elegantiore toga nitentem, proletarius quamvis sit, nullaque seu nobilitate, seu dignitate insignis, nihil hæsitans Capitaneum illum dicet illico. Licet in Europa habitus non faciat monachum, in America tamen vestis nobilior nobilem facit, Abiponum saltem iudicio. Quidquod & infimæ plebis Hispani, qui ruri degunt in Paraquaria, Capitanei titulum ardentissime ambiunt, depereuntque; Hoc si illos vocabulo non consalutes identidem, torvis aspiciere oculis, officii genus quòdcunque, aquæ guttam vel sitientissimus nequidquam ab illis expectaveris. Ejusdem tituli stulta ambitione ceu peste afflatos dixeris Quaranos christianos, Biennio, trienniove Regiis in castris strenuam operam postquam navarunt, belli molestias, accepta vulnera egregie sibi compensata judicant, dummodo expeditione militari absoluta nomen, baculumque Capitanei a Regio Gubernatore sibi collatum in Coloniam referant suam. Rusticis, fabrilibusve laboribus occupati licet, licet nudis semper pedibus incedentes, Capitanei baculum non sine ostentatione manu circumferunt quotidie, seque

mag-

magnifice circumspiciunt. Ligneum hoc Capitanei insigne, dum ad tumultum efferuntur, e feretro suspendere consueverunt. Moribundus quidam sacro oleo jam jam ungendus, ocreas militares calcaribus horrendas indutus, Capitanei baculum manu gestans Sacerdotis nostri adventum, quin & mortem propinquam, quasi illam territurus, præstolabatur. Insolentem moriturientis apparatus demirantibus domesticis: Capitaneum sic mori decet, graviter, severeque respondit. Tanta apud Americanos vocabuli *Capitaneus* significatio, æstimatio tanta. Vox *Cazique* nomen synonymum est, ex Indiis, quæ Orientem respiciunt, allatum, ubi Mahometanorum antistitem significat, uti Petrus Maffæus noster in Historiis Indicis passim meminit.

Apud Quaranos, Christiana sacra variis in Colonis dudum amplexos, Caziqui & nomen, & officium hæreditarium est etiamnum, veteri illorum, dum in sylvis degerent, more nil mutato. Caziquio Patri vita functo citra controversiam natus major filius sufficitur, cujuscunque demum aut genii, aut ingenii fuerit. Apud Abipones pariter major filiorum Patri succedit hac tamen conditione: Si is homo frugi, si bellæ, bellicosæque indolis, si ad præfecturam idoneus videatur. Quod si enim ignavus, si asper, si absurdus moribus sit, illo rejecto alium pro arbitrato designant successorem, quamvis nullo sanguinis vinculo cum priori conjunctum. Id factum vidi sæpius. In pugna occubuit Ychamenfaikin Coloniz S. Hieronymi princeps Caziquius. Illi Abipones illius nepotem Raachik substituere, non filium Kiemkè, quem scilicet, etsi adultum, in re militari strenuum, sagacem ingenio, manuque promptissimum, mendacem dictitabant, ac vel hoc nomine avertabantur, quasi vero illo-

illorum plerique omnes omnibus cretensibus non essent mendaciōres. Debayakaykin' Abiponenſes inter Caziquios tum ob aſſeclarum multitudinem, tum ob facinorum celebritatem facile præcipuus in velitatione trucidatus filios quatuor reliquit ſuperſtites, variis, ut dixi, e matribus ortos. Nemo illorum populo probatus eſt. Alii Revachigi, alii Oaherkaikin, ambos plebejos genere, ſed factis illuſtres, ſibi duces delegerunt. Ex quo liquet, Caziquii dignitatem jure quidem ſanguinis apud Abipones hæreditariam eſſe, ſed propria ſimul ſucceſſoris virtute, ac populi ſuffragiis obtineri. Hunc Abiponum barbarorum morem quis Europæus barbarum dicat, cultiſſimis olim gentibus communem. Nam *optimum quemque*, ut Tacitus L. Hiſtor. ſcribit, *electio invenit*. Quamvis, ut dicam, quod ſentio, electus ab Abiponibus Caziquius non habet, quod ſibi plaudat, neque neglectus, quod plangat, vel invidet; Neque enim hic rei alicujus jacturam, nec ille emolumentum inde ſentit. Caziquii nomen apud Abipones ſtrepitat equidem, ſed oneris plus, quam honoris, multum ſæpe periculi, nihil omnino quaſtus adfert. Et ſi, ut tritum ſonat proverbium, præſtet lepuli caput, quam leonis caudam eſſe, miror tamen, inveniri unum aliquem, qui Abiponum caput eſſe, ambiat. Caziquium enim ſuum nec ut dominum reverentur, neque tributo, obſequiisve quod ſolenne aliis nationibus, venerantur. Haud illi judicis, rerum arbitri, reorumve vindicis jura tribuunt. Temulenti a temulentis non raro trucidantur. Fæminæ à fæminis coorta in rixa ſæpius cruentantur. Per juvenes gloriæ, prædæque avidos equorum greges Hiſpanis, queis pax promiſſa, rapiuntur, quin & illorum cædes clanculum patrantur. Novit hæc Caziquius, neque tamen hiſcere audeat. Quod ſi iſta flagitia, quæ quidem barbari meritis,


minorum titulo dignantur, præfixo semper, ut apud Hispanos moris, eorum nominibus *Don* vocabulo, ut ex decretis, literisque Regiis liquet. Mos quoque per omnem, quæ Hispanici juris est, Americam obtinuit, ut Indorum Caziquii, postquam sacro fonte lustrati Regi Catholico fidelitatis dixere sacramentum, illud quale quale suum dominium, quod prius in subiectos sibi barbaros barbari adhuc dum habuere, porro retineant ipsi, eorumque posterì. Quod apud Quaranios maxime observatur hac tamen lege, ut & ipsi hi Caziquii, & illorum subditi Indi pareant Capitano, cæterisque oppidi proceribus, qui calendis Januarii quot annis ritu Hispanico eliguntur, & a Regio Gubernatore confirmantur. In quovis Quaraniorum oppido Caziquii Complures degunt, quibus, si habiles sint, etiam magistratus officia sæpius deferuntur, ne Indi, Americanam nobilitatem sperni ab Europæis, suspicandi habeant occasionem. In S. Joachimi oppido, cui præfui, quinque Caziquii numerabantur. Don Ignatius Paranderi D. Michael Yeyù. D. Marcus Quirakerà. D. Josephus Xavier. D. Michael Yazukà, qui Capitanei (Corregidor dicitur ab Hispanis) munereungebatur annos complures. Hic in sylvis natus licet christianæ disciplinæ non tenax modo, sed & intrepidus custos fuit, ac omni laude superior. Quod sane rarum, mirumque. Experti sumus equidem passim, Caziquios plerumque plebejis stupidiores esse, & ad publica oppidi munia minus habiles. Ut ut verissimum illud: Ab aquilis non generari columbas; sæpe tamen & certum alterum: Heroum filii noxæ. Quis igitur vitio det Abiponibus, quod sæpius spreto natalium jure suffragiis Capitaneum designent suum, qui licet obscurus genere, sed virtute militari reliquis elarior. Idem factitasse Ger-

deesse suos. Multi sæpe sociorum inter funera intrepidi peritant; Vulneribus perfolli licet, multoque cruore manantes locum, quem dimicando ceperant, retinent mortui. Jam gloriæ aviditas, jam effera vindictæ studium, jam effugii desperatio natura trepidis magnanimitatem inspirat, quam suspiceret Lacedæmon, quam suis in bellatoribus optat Europa.

Cæterum libertatis perinde, ac vagationum amantes sui juris esse, nullo fidelitatis sacramento obstringi volunt Caziquio. Hoc nec veniam rogato, neque invito sua quisque cum familia, quoquo lubet, demigrat, alterique se adjungit Caziquio. Pertæsus secundum ad primi contubernium impune regreditur. Istud & frequentissimum, & nemini mirum, nisi qui ignoret, quam fluxa Indorum fides, quam desultoria in omnibus voluntas. Rumor incertis etiam, vel de veritate suspectis authoribus spargatur: Hostes paucis post diebus adfuturos, satis est. Multi vitæ, quam famæ jacturam magis reformidantes Caziquio terga vertent suo; suis cum familiis recedentes ad nota sibi latibula properabunt. Ne tamen vel desertores, vel meticulosi dicantur, venatum se excurrere, ajunt. Hinc toties novas colonias barbaris aggressoribus plenas, incolis defensoribus prope vacuas soli defendimus sacerdotes, astu plerumque & comminatione, non vi usi. Periculo, aut periculi suspitione discussa ad suos demum redeunt contubernales fugaces illi heroes, quin tamen illis timiditatem obijcere liceat, quamvis timorem abitus, securitatem redditus causam fuisse, nemo unus ignoravit.

Si quando in mentem venerit Caziquio excursionem hostilem in externos quosvis suscipere, compositio publica adornanda est. Præsentibus dum jam mel-

multis, tigrilibus, leonibus, diverso eunulorum, animalculorumque, quæ Americæ propria, genere abundant, maxime perdicum examini- bus. Flumi- num majorum litora cervi frequentes, hujatibus si- millimi, pervagantur. A' palustribus locis, ubi syl- va in conspectu, suis scilicet elysiis, aprorum innu- meri greges raro absunt. Nemora præter alces, urfos formicarios simiorum, psittacorumque ingentes cateruas alunt. In omnibus, lacubusque, qui omnes pisculentissimi, lupi, canes, porci aquatiles, lutræ innumeræ, anatum, anserumque agmina præsto sunt. Testudinum prægrandem multitudinem ta- ceo, cum iis neque Abipones, neque Hispani Ameri- cani vescantur in Paraquaria. Statis temporibus cor- vorum aquatiliū pullos innumeros ad fluviorum ri- pas colligunt, & in mensæ suæ deliciis numerant. Absint hæc omnia, tot arborum fructus esculenti, mellis præstantissimi alvearia vix usquam desidera- buntur. Solæ diversissimi generis palmæ escam, po- tum, medicinam, habitationem, vestem, arma, & quid non? quærentibus suppeditabunt. Sub terra, quin & sub aqua radices nascuntur, esurientibus sal- tem opportunæ. Siliquæ Græcæ, quam S. Joannis panem vulgus appellat, duplex species per majorem anni partem fere superstes & cibum, & potum sa- luberrimum, nec palato insuavem præbet. En mu- nificum etiam adversus eos, a quibus non colitur, Deum! En aureæ ætatis rudem imaginem! Exiguo, & prope nullo labore, quidquid ad quotidianos vitæ usus pertinet, obvium sibi vident Abipones, monetæ omnis ignari, commode tamen necessariis instructi, si pertinaciore Cœli siccitate exarescant amnes, vel desertissimis in campis ad sitim levandam sub Cara- quatz (de qua plura alio in loco) foliis latentem aquam detegunt. Pomula aquei liquoris plena,



quæ peponibus familia, sub terra nascuntur, exugent. In fluvii arefacti alveo puteum hastâ cavabunt, e quo undam & sibi, & equo sufficientem, videbunt scaturire. Hispanus per has Americæ solitudines siti tabescit, quia illi vel istorum cognitio, vel patientia defuit laboris.

Vitz subsidia cum nec uno in loco semper collecta prostant, neque longiori tempore, ac majori contubernaliū numero sufficiant, sæpius mutandæ sedes Abiponibus, ultro citroque commendandum est. Nulla viarum asperitate, nullo locorum intervallo ab itinere abstinetur. Equis enim, quorum istic incredibilis multitudo, ac celeritas, iter faciunt viri, fœminæque, & quotidie, si festinare lubeat, multa terrarum spatia emetiuntur. Juvat hoc loco equi apparatus, equitationisque methodum perstringere. Frenum, quo uti solent, e cornu bubulo, quatuor lignellis craticulæ in morem transversis, duplicique loro, quod habenarum loco est, utrinque alligato componitur. Plerique jam ferreis utuntur frenis, iisque mirum in modum superbiunt. Ephippia Anglicanis, vel rectius clitellis perfamilia ex crudo boum corio, juncis farto, confiunt. Nullus olim stapedum usus plerisque. A' dextro latere in equum affiliunt viri. Dextra habenas, sinistra hastam prælongamprehendunt, cui innitentes uno pedis utriusque impetu in altum profiliunt, indeque in equi dorsum præcipites delabuntur. Eadem ex equo desilientium velocitas, quæ nobis Europæis admirationi, illis in velitationibus magno usui esse solet. Calcariibus etiamnum abstinent. Quatuor pellis bubulæ veluti tabellas complicatas pro sentica adhibent, quæ equos seu novitios, seu refractarios ad cursum extimulant non quidem doloris sensu, sed strepitus, quem

quem edunt, terrore. Fœminis eadem, quæ viris, sunt ephippia, nisi quod illæ, elegantix scilicet studiosiores, ex candida vaccarum pelle sua confici malint. Eodem, quo mares, modo divaricatis cruribus equo insident, hocque situ citra sexus sui perniciem plurimum sæpe dierum itinera feliciter absolvunt. Sunt tamen, qui acerbissimos dolores, & incredibilem partus difficultatem, quam equestres Barbaræ plerumque experiuntur, huic virorum ritu equitationi tribuant. Per ejusmodi enim duris in ephippiis sessionem puellis teneris tenerum adhuc os coccygis, ossaque finitima comprimuntur adeo, ac indurantur, ut mirum non sit, matres dein in fœtu enitendo laborare plurimum, ac fere periclitari. Id ex medicis per Europam clarissimi, mihi quæ familiaris sententia adnotandum putavi, ut Europæ fœminæ, virorum in equitationibus modo imitatrices audaculæ sibi Cavere, filiabusque adolescentulis consulere discant, quibus neque domi eadem de causa diuturnior sessio, aut durior toleranda, minus imperanda videtur. Equum iuscendere dum volunt Abiponenses fœminæ, a sinistro latere Europæorum more in ejus collum umbilicotenius se jactant, indeque apertis utrinque pedibus ad ephippia, pulvino destituta, recedunt, confidentque; Nec illorum duritie, dum ad plures sæpedies iter producit, offenduntur, e quo conjicias, Abiponum cuticulam pello bubula esse duriores, quæ scilicet quotidianis sine pulvino equitationibus dudum occalluerit. Sine ephippiis diu, multumque obequitantes Indi equi dorsum lædunt frequenter, sauciantque, quin tamen ipsi lædantur. Jam, dum cum familiis suis alio migrant, itineris rationem accipe. Uxor, præter mariti arcum, & pharetram, domesticam omnem suppellectilem suo portat equo, puta ollas,


cucurbitas, cantharos, conchas, lanei, & Gossipini filii volumina, textrina instrumenta &c. Hæc manticis, quæ hinc atque hinc ex ephippiis pendent, ex aprugna pelle confutis clauduntur; Ibidem & catuli, & si quem habeat, infantulus locari solent. Præter hæc stoream grandem bene convolutam duabus cum perticis ad figendum, ubi ubi collibuerit, tabernaculum; Pellem item bubulam fluviorum in trajectu pro cymba servituram ex ephippiorum lateribus suspendit. Neque in viam se dabit unquam mulier, quin stipitem spatulæ instar, utrinque latum; in medio teretem, durissimo e ligno affabre factum, duasque circiter ulnas longum secum habeat; Hoc equidem ad cavandas radices esculentas, ad sternendos ex arboribus fructus, ramosque aridos foco alendo idoneos, quin & ad hostium, si qui per viam occurrant, arma, capitaque confringenda felicissime utitur. His sarcinis, quibus vix camelum parem crederes, fœminarum equus oneratus quovis in itinere incedit. sed majora audi. Eidem sæpe equo binas, ternasve seu mulieres, seu puellas infidentes videas. Non quod singuli singulis deessent equi, nam his abundant omnes, sed quod mutua confabulatione perinde, ut Europææ, mirum in modum delectentur, silentii, solitudinisque hostes juratæ. Cum equi plerique omnes, nisi assveverint, plurium sessorum impatientes sint, fœminarum sibi infidentium triadem humi sternunt illico, aut fere citra noxam, nisi quod istæ Amazones cochlearum instar per cespitem reptantes liberaliter explodantur a spectantibus, & ipsæ mutuos inter cachinnos in rusticum sonipedem elustari denuo conentur toties, quoties excutiantur.

Longo procedens ordine equitum fœminarum
 agmen a fronte, a tergo, a lateribus ingens canum,
 ceu satellitum, turba comitatur. Singulæ, conscen-
 so jam equo, canes circumspiciunt suos. Vel unus
 e plurimis, quos habent, desideretur, illud suum,
 quo vocare eos solent: Ne Ne Ne omni vocis
 contentione tercenties repetent, dum omnes deni-
 que videant confluisse. Illud mihi sæpe admira-
 tionis fuit, quod, numerare cum nesciant, si vel
 unicus tanto ex grege absit, protinus animadvertant.
 Neque vitio illis danda tam anxia de canibus suis
 sollicitudo; His enim, cum vertagorum more in ve-
 natu damarum, lutarum, struthionum utilem na-
 vent operam, veluti nutritiis, & prope dixeram,
 promissis conditis per viam utuntur. Hunc maxime
 in finem familia quævis perimultos canes numerat,
 & vero nullo negotio alit. Carnis equidem incre-
 dibilis fere copia suppetit; Etenim cœsorum peco-
 rum caput, cor, pulmones, viscera, quibus Euro-
 pæi uti nōrunt, apud barbaros rejectanea sunt, &
 canum dapes. Ut adeo in controversiam vocari ju-
 re possit: Num canes hi venatici alimenta heris, an
 heri canibus debeant. Cibarium affluentis cani-
 cularum Paraquariensium fœcunditas respondet. Vix
 unquam duodecim catulis pauciores, sæpe plures
 uno partu effundunt. Hoc propinquantem serobem
 altissimam, ubi tuto fœtus deponant suos, pedibus
 fodiunt. Ad hanc portam relinquunt angustam.
 Descensus cum mœandris, ac flexibus tanta arte
 paratur, ut Cœlo quantumvis pluvio ad subterra-
 neam hanc speluncam nihil prorsus aquæ pertingat.
 Cibi, potusque gratia inde prodit quotidie mater,
 heroque suo, suam veluti excusatura absentiam,
 ingemiscens adulatur prolixis caudæ motibus; Mul-
 tis a partu diebus suam denique sobolem palam
 ostendit.

ostentat, quin tamen ejus jactare possit venustatem; nisi rebus parvis, etiam nefrendulis, gratiam inesse dicamus. Etenim Indorum canes nullis elegantiz prerogativis gaudent. Mediocri fere sunt corpore, colore, ut apud nos, diversissimo. Nec pumilos, ut Melitenses, vel Bononienfes, neque mollosos, quales sunt laniorum; Minus canes villosi, crispique pili, pronissimi ad aquas & ad omnia dociles, usquam videas, nisi apud Hispanos, quibus ejusmodi Europæis navibus interdum adferuntur. Verum quamvis pulchritudine non emineant Indorum canes, eximia ad investigandas feras narium sagacitate, pari ad eas assequendas alacritate, vigilantia, sinceraque in heros suos propensione Europæis minime sunt posthabendi. In quavis Abiponum colonia aliquot canum centuriæ cum excubent semper, formidabili, quem noctibus singulis una omnes voce edunt, ejulatu, latratuque ob quemvis levissimum motum continuo interturbatus nobis identidem somnus fuit, nunquam tamen, ne a barbaris hostibus opprimeremur repente, securitas præstita. Istorum equestris turma in coloniam sæpius irrepsit canibus universis altum tacentibus. Nemo tamen Abiponum est, qui illis succenseat; Nam magicis præstigiatorum hostilium artibus fascinosos eos obmutuisse, stolidi credunt. Crederem ego Indorum canes ex canum Romanorum prosapia esse, qui Gallis in Tarpejam Capitolii rupem affilientibus, anserum tamen clangore proditis, præter morem siluerunt. Sed ignoscendum vigilantissimis bestiis, si diurna cursitatione lassatæ cum bono quandoque Homero noctu dormitent. Fateor equidem me meam incolumitatem, dum per barbarorum, tigridumque insidiis obnoxia deserta toties iter fecerem, canis mei vigiliis, ac custodiæ in acceptis refero.

referre, plusque mihi in illo fiducia, ac securitatis noctu fuisse, quam in centum Hispanis, Indisque viæ comitibus. His enim rhonchos trahentibus excubitor ille meus, si quid a feris periculi imminabat, latrando indicavit. Illud Paraquariæ felicitatibus adnumerandum, quod canum & quorumcunque pecorum rabiem, atque adeo formidabilem Europæis provinciis hydrophobiam omnino ignoret. Singulare id Numinis beneficium, & inter naturæ miracula connumerandum, cum istic bestię & Cœli æstuantis caloribus, & diuturna siti, deficiente ad plures leucas aqua, frequenter excrucientur; Ista equidem alibi rabiei origo passim putantur. Verum relicto jam denique fœminarum equitantium, canumque eas comitantium agmine ad Abipones illarum maritos oculos, animosque convertamus.


Sarcinis fœmineo equitatu commissis Abipones sola hasta armati iter faciunt, ad dimicandum, si occasio ferat, ad venandum quoque ut sint expeditiores. Si quos struthiones, si damas, si cervos, aprosve, aliam quamcunque feram si conspexerint, equis pernicipibus assequuntur, hastaque trucidant. Si, quod cædi, edique possit, esurientibus haud occurrat, injecto igne campus accenditur, alto fere, aridoque gramine sylvescens. Sub hoc latitantes feræ Turmatium profliliunt, & dum fugiendo campi incendium declinant, in crudeles Indorum manus incidunt, ligno, ferro, laqueo mox perituræ, & ad focum assandæ. Desint cætera omnia, cuniculorum, queis campi scatent, examina jentaculum, prandium, Cœnam dabunt. Ad ignem, ubi ubi libeat, eliciendum nec silice illis, neque chalybe opus est. Utrumque suppleant ligna duo palmum circiter longa, quorum mollius alterum, alterum durius,



rius. Primum illud, in medio non nihil terebratum, supponitur. Duriusculum lignum glandis instar acuminatum, mollioris foramini applicitum celerissima utriusque manus rotatione circumagitur eo fere modo, quo choceolatæ potio in spumam redigi solet. Mutuo hoc, velocissimoque ligni utriusque affricu, ac collisione ex ligno blandiore scobs, seu pulvisculi deteruntur simul, simul flammam, ac fumum concipiunt protinus; His paleas, finum bubulum, folia sicca, vel quidquid aliud manibus comminutum admovent Indi, ignis pabulum futurum. Lignum blandum, quo utuntur, jam ex arbore Ambay, jam ex arbuſtis caraquata, jam ex cedro, jam ex aliis sumunt; Durius vero, quod manibus circumagitur, ex Tatayi, quæ arbor materiem crocei doloris, & buxi instar durissimam, tingendis flavo colore telis aptam, moraque nostratibus omnino simillima præbet. Alii alia ligna hos in usus adhibent in meridionali, septentrionalique America, uti de barbaris Huronibus, & Iroquæis constat. In Europa quoque, ut ignem elicerent, lignum ligno terebatur olim, si Plinio fides, qui l. 16. c. 40. scribit: *Arbores calidæ morus, laurus, bедера, & omnes, e quibus igniaria sunt.* Lignum quaecunque idem præstare, suspicor. Vidimus equidem plaustra, dum longiori tempore axis a rota teritur, fricaturque, inflammari, ac denique conflagrare. Molarum rotis idem aliquando fatum erat. Vestales virgines Romæ ligno novum ignem, si prior illarum incuria extinctus, eliciuisse, scribunt. Festus in voce: *Ignis vestalium* ait: *Mos erat tabulam felicit materia tandiu terebrare, quousque exceptum ignem cribro aëo virgo in aëdem ferret.* Abipones, ut semper in promptu habeant, duo illa ligna suis in ephip-

ephippiis recondita ubique circumferunt, & uno vocabulo *Neénasà* appellant.

Sicubi per viam meridiari illis visum, aut noctem agere, solerter eam circumspiciunt stationem, quæ aquationis, lignationis, pabulationisque præbeat opportunitatem. Si quis insidiarum hostilium vel rumor, vel suspicio, in latebras se abdunt loci natura inaccessas, ut periculorum suspiciosi, sic in situ, qui securitatem polliceatur, deligendo versutissimi. Diceres, illos, suis cum familiis, quo quo migraverint, ubique, ac semper domi esse; Etenim, ut cochlea suam concham, sic isti storeas, quæ illis pro domo sunt, circumferunt. Bihæpeticæ humo infiguntur, quibus stoream duplicatam, aliquando triplicatam, ut ventum, aquamque excludat, annectunt. Ne solum, ubi cubant, ex nimbo præcipiti madesceret, ad tabernaculi sui latera canaliculum providenter fodiunt, per quem aquæ concurrentes aliorum derivantur. Equorum gregi ad pascua dimisso equam cicurem, quæ tintinnabulum e collo suspensum circumfert, fere associant; Ab illius conspectu haud recedunt; A tigride imminente territi si spargantur per campum, ad illam redeunt subinde, ceu ad matrem; Hispani equidem *La madrina*: Abipones *Lari* eam vocant, quod matrem significat. Equis tamen pauculis compedes molli e corio injicere solent, ut ad carpendum gramen ambulare quidem, non tamen longius a tentoriis abire queant, promptique sint fessoribus, si quæ necessitas equitandi noctu ingruerit. Fluminis vadi, pontis, cymbarumque expertia, qualia passim occurrunt, natando trajiciunt non viri tantum, sed & foeminae quantumvis adolescentulæ. At teneris natatui assuescunt Abipones, ut equitandi celerita-



tate volucrum, sic nandi promptitudine piscium rivales, rectius dicam, æmuli. Proles, ephippia, impedimenta reliqua pelle bubula, quæ illis pro Cymba est, transmittunt. Hanc Abipones *Natac*, Hispani *La pelota* appellant, ejusque usum in fluminum minorum trajectu sibi perinde familiarem habent. Illius structuram rudem accipe. Corium bubulum, pilosum, crudum, nullis alutariorum artibus subactum, maceratumve resectis pedum, cervicisque extremitatibus fere quadratur. Quatuor illius latera ad duorum circiter palmorum altitudinem, ut petasi solent, elevantur, & soro ligantur singula, ut in altum erecta mancant tetragoni figura retenta. Pelotæ fundo injiciuntur ephippia, aliæque sarcinulæ saburræ loco, quibus flumen trajecturus insidet in medio, habita æquilibratæ cura. Uni pelotæ lateri perforatorum funis instar innectitur, quod vel dentibus, vel manu prensat altera, altera remigans natator pelotam per flumen trahit (saviter nulla insidentis seu jactatione, seu periculo, licet fluctus pestrepant undique, a vento asperiore concitati. Natator, si ex innato aquis frigore correptis spasmo pedibus natare porro haud posset forsitan, & aquis hauriretur, pelota incolumis undarum cursu ad obviam ripam deportabitur. Si flumina latioris alvei, cursusque rapidioris superanda, natator viribus diffidens suis caudam equi ante se natantis manu altera tenet, se sequæ sustentat, altera pelotam ducit. Si ex me quæras, quot fluvios, quot vicibus coriacea hac navi trajecterim, ingenue tibi fatebor, me id ignorare. In tot enim, tantisque profectionibus prope quotidiana mihi fuit ejusmodi navigatio, ac non raro eodem die sæpius repetita. Primis vicibus mihi, ut Europæis cæteris, formidabilis hæc, atque adeo periculi plena videbatur; Sed crebriori mox experimento do-


doctus & me, & imaginarium periculum-risi, semperque malui corio, quam titubante, semperque versatili lintre, vel cymba per quodvis flumen traduci. Si imbre in plures dies producto corium, pro pelota servitutum, madefactum, telæque instar emollitum fuerit (quod in itineribus mihi sæpe usuvenit) quatuor pelotæ lateribus, ac fundo arborum rami inferuntur, quibus corium falcitur, ac ad tutiorem fluvii tractum firmatur. Hispanorum militum præfecti Americani natare, quamvis id sciant, nolunt, ne coram suis nudare se cogantur. Hinc adversum in litus tendentes pelotam inscendunt, quam, alienam natatoris se trahentis operam dedignati, Minis arborum ramis, furcam referentibus, ceu remis impellere consueverunt.

Europæis quoque bellatoribus pelota usum aliquando profuturum, nil dubito, maxime in subitis adversus hostes, qui oppositam occupaverint ripam, excursionibus. Majori enim & sumptuum, & temporis compendio coria bubula, quam pontes caprei, & cymbæ, quoquo hiberit, transportarentur; Hæc plaustris, bestiisque indigent, illa militum humeris possunt aliquandiu bejulari. Horum ope maximo silentio transmitti flumen notu poterit, quod ad opprimendum hostem facit plurimum. Cymbæ enim remorum strepitu se minus produnt hosti. Tribunus clari inter milites nominis meum de pelotæ usu consilium minime spernendum putavit. Præter alia hydraulicarum artium, quæ in bello sunt usui, spectacula corio bubulo, ut dixeram, instructo quempian per Danubii fluctus navigantem exhibuit conferta nobilissimorum spectantium multitudine rei novitatem admiratione non minus, quam plausibus prosequente; veritus,

ne corium aquis aliquamdiu immersum mollesceret denique, ad illius firmitatem majorem pelotæ fundo per quatuor ejus latera totidem perticas ferreas, veluti subscudes inseruit. Verum, bona viri sagacissimi venia dictum sit, superflua, quin & noxia hæc illius erat industria. Præterquam enim, quod illo ferri pondere pelota magis deprimatur, corium bubulum pluribus licet horis aquis innatans parum suæ duritiei amittit. Ad fluminum Paraquaricensium equidem ripas vidimus quotidie idem omnino corium transevehendis mercibus, quæ plaustra onerata veniunt, per integrum sæpe diem citra periculum adhiberi. Corium enim licet madescat in superficie, non nisi plurimarum horarum intervallo ab aquis penetratur. Novimus, clandestinos vetitarum mercium nundinatores naviculas e pluribus coriis confuisse, illorum commissuris pice nautica, vel sebo cineribus mixto diligenter perunctis, ut aquam, & periculum omne excludant. Coriaceæ hæ scaphæ præ ligneis id habent commoditatis, quod, cum mercibus exoneratæ levissimæ sint, manibus in continentem pertrahi, in propinguis sylvis, vel insulis exsiccati, ac abscondi possint, quoties, ne a speculatoriis Reginum militum per argenteum flumen navibus intercipientur, periculum sibi timent clancularii illi negotiatores. Hispanorum aliquis, cui aurum pluris, quam vita, unico vectus corio, remisque usus ex urbe Boni aeris ad coloniam Sanctissimi Sacramenti navigaverat, trajecto scilicet flumine argenteo illic quindecim circiter Leucas Lato, ut Gubernatori Lusitano nova, quæ Hispana navis attulerat, Lusitanis optabilia, solus, primusque nunciaret, amplissimam utique ab illo remunerationem expectans. Auri fames illum cæcaverat, ut trajectus periculum vel non videret, vel sperneret. Quamvis
Cælo

Cœlo ludo, aere pacato, tranquilloque flumine met-
tam incolumis attigerit, quod tamen tanto aquarum
Gurgiti, in momenta singula vicissitudinibus obno-
xio, corioque imbecilli crediderit se se, temeritatis
notam apud cordatiores Hispanos haud effugit, ad-
mirandusque omnibus, nemini imitandus videbatur.
Hæc eum in finem à me memorantur, ut coria ho-
ris, leucisque plurimis aquæ immersa neutiquam in-
firmari, perspicias. Qui securitati suæ luculentius
consultum volunt, pelotas duas duobus loris conne-
ctunt eo prorsus modo, quo per flumen Uruquayum
lintres bini transversis trabibus copulantur. Alter
enim alterum sustentat. Cæterum, an ad pontes,
lintresque tenuioribus saltem in fluviis supplendos
belli usibus corium bubulum aptari aliqua ratione
queat, id rerum novarum machinatoribus cogitan-
dum, excogitandumque relinque. Fors illis arduum
non fuerit, inventis seu addere quæpiam, seu de-
mere.


Abipones grandiora etiam flumina equites ingre-
diuntur. Ast vado jam jam deficiente ex equo in a-
quas desiliunt. Equi jam natantis habenas dextra te-
nent, eademque remigant, Sinistra hastam largissi-
mam, suamque, ne madesiat, vestem in aere veluti
suspensam complectuntur. Equo, si fluminis impe-
tu se se abripi patiatur, colaphos identidem infli-
gunt, ut his veluti stimulis in viam reductus desig-
natam adversi litoris partem assequatur, quæ
scilicet nec palustris, nec sylvestris, neque præ-
altæ nimium ripæ sit, atque adeo promptam,
tutamque præbeat exscensionem. Vidisses, risisses-
que mecum catervatim natantes barbaros solo capite
ex undis prominentes, svavissime tamen, uti alii læ-
to in cespite solent, confabulantes. Inter illos me-



dius quoties corio infidens timenda flumina sulcavi! Periculi, timoris, meique ipsius pene immemor Abiponum meorum cum fluctibus nugantium tranquillitatem, agilitatemque & aspexi, & suspexi adeo, meis vix ipse oculis ut crederem. Illorum quemque ob tantam cum aquis familiaritatem Neptunum diceret: Quantum audeant, Europæorum fidem superat. Ex S. Ferdinandi Yaaucanigarum Colonia ad urbem Corrientes profecti, quoties lubuit, ingens illud pelagus, quod ex magno flumine Paraquayo, & maximo Parana illic unitis conflatur, natantes natante cum equo Hispanis stupentibus trajecerunt. Hac enim in statione flumen propter latitudinem, altitudinem, rapiditatemque incredibilem ipsis navibus est formidabile, meque cum sociis navigantem toties terrore implevit, dum illa in Colonia degerem. Olim barbari hi prædones quoties cum longo animalium, quæ Hispanis rapuerant, agmine domum properabant, ingens hoc flumen Austrum versus, ex insula in insulam transeuntes, providenter transmiserunt, ut hac ratione singulis in insulis interquiescendi spatium & sibi, & bestiis natando fatigatis concederetur. Operæ pretium fuerit modum, quo plura equorum, mulorum, boumve millia adversum in litus per majora flumina traducantur, hoc loco explicare. Nunquam totum bestiarum agmen uno impetu, sed earum turmæ ab equitibus illarum terga prementibus, fuscæque ex omni latere intercludentibus in flumen compelluntur. Ad id impetrandum aliqui binas erigunt sepes, initio latiores, in ipso litore angustiores, quibus constrictæ bestię non nisi binæ, vel ternæ eodem tempore flumen ingredi possint. Præmitti in aquam solent boves, equive cicures, quos abjecta tergiversatione promptius sequentur feroces. Ca-

ven-

vendum maximopere, ne impedito per compressio-
 nem nimiam pedum remigio natandi opportunitas il-
 lis adimatur, quia nimium confertis. A tergo, a
 lateribus Indi natantes, vel cymbula vecti natanti-
 bus invigilant Bestiis, ut designata ad oppositum
 litus tendant via; sibi enim relictæ secundo se defer-
 ri flumine patiuntur, & ad ea loca fluitabunt deni-
 que, quæ vel ripis arduis, vel palude, vel arboribus
 præclusa exitum negant. Si bos, si equus natans in
 gyrum circumagatur aliquoties, aquarum voragine
 mox haurietur jam sui, natatusque impos. Ad hoc
 impediendum Abiponcs boves seu segnes, seu refra-
 ctariolos vel medio in flumine inscendunt, cornibus
 utraque manu prehenfis eorum tergo insident, utro-
 que pede eorum pulsant latera, dum denique ad li-
 tus etiam inviti deducantur. Terra potiti terrore
 in furem Converterso minitabundis cornibus obvia
 quæque invadunt. Horum metu ipso in litore præ-
 altam conscendi arborem, cui incubans boves e flu-
 mine emergentes singillatim numeraveram, quippe
 Coloniz nostræ usibus destinatos, Tauros feroces,
 quis credat? in tranandis fluviis semper expertus
 sum Vaccis Socordiores, quæ, quia timidiore, ma-
 gis inorigeras se præbent ductoribus, majorique vi-
 rium contentione litori inhiare consueverunt. His,
 quas dixi, industriis multa boum millia me jam spe-
 ctante, jam curante fluvios majores sat feliciter tran-
 sivere, Indorum mox stomachis sacrificanda. Sæpe
 alias boves illigatis linctri majusculo cornibus natantes
 per vastiora etiam flumina transmittuntur maxima,
 quæ cogitari possit, securitate. Suspensis enim e lin-
 tris utroque latere boum capitibus eorum corpora
 nullam prope natandi sentiunt difficultatem. Hac
 ratione viginti boves singulis itineribus per flumen
 Paraquayum è prædio ad Coloniam Rosarii Abiponi-



gunt ea corporis, quæ omnium patere oculis tuto possunt; Patere sinunt, quæ pudor jubet velari. Abipones, ecquid de Mbayis sentirent, a me rogati: canibus eos similes sibi videri, aiebant, quia adeo impudentes. De illorum impudentia certe, impudiciis que publicis multa mihi conquesti sunt mei socii, qui illos inter versabantur. Utriusque tamen hujus nationis fœminæ eo vestimenti genere utuntur, ut verecundiæ consulant satis. Greges istorum barbarorum in urbe Assumptionis vidi frequenter. In sylvis, quas Mbae vera, Mborebiretâ alcium patriam vocant, Iados reperi pubetenus tenui velo præcinctos, cætera nudos, Indas vero, etiam infantulas, ab humeris ad talos usque tela alba, quam ipsæ texunt, decentissime vestitas. Idem in Indis sylvestribus, qui per Tapiraquay, & Yeyny litora vagantur, observavi, dum ad S. Stanislai recentem Coloniam à sociis meis turmatim adducebantur. Inda vetula, ejusque quindecim annorum filiola, quas in sylvis Monday & Empalado fluvios inter inveneram, solo reticulo ex cannabe caraquata contexto, in quo noctu cubabant, interdiu tegebantur, ut adeo eadem suppellex pro lecto illis, ac indumento, nimium sane diaphano, esset.

De Abiponibus adhuc barbaris, & qua qua luberet, ferarum instar palantibus id sancte affirmo, omnes sine sexus, ordinis, ætatisque discrimine honestissime semper, ac ritu suo plerumque eleganter vestiri. Ne paucorum quidem mensum infantulam nudam patiuntur. Hanc honestatis curam gens Hispana Paraquariæ, præsertim in Assumptionis, & Corrientes urbibus ut imitaretur, sæpe nequidquam optavimus. Adultiores etiam fœminæ immanem solis æstum causantes rejectis vestibus Verecundiæ quociens

ties publico in foro obliviscuntur! a factis oratoribus non raro clam, palamque propterea reprehensæ. Vestis, qua Abipones utuntur, figuram nosse cupis? Linteamen, centonem, mappam mensæ, vel tapetem quæmque quadri laterum sine ulla mutatione, sine manicarum additione pro veste adhibent. Telam ejusmodi quatuor laterum seu laneam, seu Gossypinam humeris injiciunt suis; Ejus extremitatem unam sinistro brachio illigant, dextro, ad quidvis agendum expediti ut sint, nudato. Laneo cingulo vestem hanc laneam, quæ variis picta coloribus Ab humeris ad talos defluit, plerumque ad calcem, infra pectus claudunt. In equum insilientes, ne denudentur, vestem compressis genibus coercent. Calceos enim, femoralia, tibialiaque omnino ignorant, vel ideo ad trananda flumina, ad cursum, equitationemque promptiores. Præter hanc, quam descripsi, vestem quæcunque aliud telæ genus tetragonum pallii instar sibi injiciunt, quod infra collum nodo conexum eos non solum contra frigis tuetur, sed & nescio, quam gravitatem illis aspergit. Hoc dum habitu equis vehuntur hastati, crederes, te Fabios, Marios, Scipiones, Epaminondas redivivos intueri. Adeo tota vestitus conformatio antiquitatem spirat. Aliquando dum arbores securi sternunt, lassitudinis metu extra aliorum conspectum vestem abjiciunt. Non nulli cum barbaris pugnaturi in arenam descendunt penitus nudi partim, ut ad tela declinanda sint eo expeditiores, quo leviores, partim ut vulnera aspernari videantur, cum plerique alii loricati pugnam ineant, ut alibi referam. Diuturnis in itineribus capite plerumque aperto imbres, cæli æstus, ventosque excipiunt. Non nulli tamen fasciam laneam rubri coloris fronti circumligant, ingens, me ipso teste, adversus solis ardores, doloresque capitis præ-

sidium. Hodie petasum Europæum, si quis illis obtingat, magni faciunt, præsertim adolescentes, quibus & Hispanorum ephippia cum stapedibus, ferrea item frena, mirum quantum, arident. Idem vestimentum, quo viri utuntur, fœminis quoque usui est, alia non nihil ratione illarum corpori applicatum.

Hic qualiscunque Abiponum amictus mulierum opus est, ac princeps negotium. Istas profecto non assiduitas modo, sed & aviditas laboris plurimum commendat. Etenim, ut quotidiana domus negotia taceam, hæc oves tondent: Lanam in fila scitissime ducunt: Hæc coloribus variis, prout in promptu fuerint, ope aluminis eleganter tingunt: Mox telam ex illis contextunt diversissimis linearum, figurarumque ductibus, ac colorum varietate distinctam. Tapetem Turcicum crederes, nobilium in Europa mensis dignum, sed tegendis Abiponum corporibus duntaxat adhiberi solitum. Textrinz officina, &, e quibus componitur, instrumenta arundinibus, lignisque pauculis definitur, quæ complicata citra molestiam in itineribus equo circumferuntur. Alia quoque utensilia parandi ars Americanis fœminis congenita videtur. Norunt, ollas, cantharosque variæ formæ ex argilla fingere non rota versatili, figulorum more, sed solis manibus. Hæc vasa argillacea non in furno, sed aperto in campo lignis circumsectis percoquunt. Nesciunt illa in vitri similitudinem lithargyro incrustare, sed rubro primum colore imbuunt, mox ad splendorem communicandum glutine aliquo nativo perungunt. Per omne, quod ab Abiponibus habitatur, territorium nives quidem nullæ omnino, pruinz rarissimæ; Austro tamen pertinacius aspirante majorem in modum exasperatur

tur aura, ac leviter vestitis prope intolerabilis evadit aliquando. Adversus frigus pallio quodam lutrarum e pellibus concinnato se tuentur Abipones. Hoc vestimenti genus pariter tetragonum operose juxta, ac eleganter a feminis conficitur. Illarum enim est lutris canum ope potissimum captis pelles detrahere: Detractas paxillis tenuissimis, ne rugas contrahant, solo affigere. Exsiccatæ dum fuerint lineis, ut in fritillo, quadratis rubro colore expinguntur. Nesciunt equidem Iadæ pelles alutariorum more macerare, concinnareque, sed manibus probe subactas, ac emollitas filo pertenui ad hujatum pellionum invidiam tanta consuunt dexteritate, ut pellium commissuræ oculum perspicacissimum fugiant, totumque pallium pellis unica esse videatur. Pro acicula spinis teneriis utuntur, queis, ut sutores subula corium, lutrarum pellem pertundunt, filum tenuissimum ex caraguata traduci ut possit. Ejusmodi pallium, quod a voce *Nichigebè* lutra nichigherit vocant, & viris, & feminis commune, ridigior quoties aspirat aura; Quamvis vetuli, vetulæque has lutrarum pelles ne latum quidem unguem à se removeri patiantur, etiam dum maximis cœlum æstuat caloribus. Pauperiores aliqui cervorum, damarum, tigridumve exuviis induti comparent, Quiritum priscorum ritu, quos Propertius libro quarto: *Pellios dixit, rustica corda, Patres*. Pellium ad vestiendâ corpora usum populis prope omnibus olim communem fuisse, eademque cum mundo primordia habuisse quis nescit? Hunc enim morem non humano ingenio inventum, sed ipso Deo authore inductum ex libro Genes. 3. c. accepimus: *Fecit quoque Dominus Deus Adæ, & uxori ejus tunicas pelliceas, & induit eos, qui paulo ante, cum cognovissent se esse nudos, consuerunt folia ficus, & fecerunt sibi perizonias*. Tacitus certe veteribus Germa-



manis, Herodotus Afris, Arrianus Thracibus & scythiis pelles pro varietate provinciarum varias indumenti loco fuisse testantur. Homerus in Iliade 3: Heroes suos leonum, urforum, luporum, caprarum exuviis indutos nobis proponit, quamvis id ætatis lætæ, lini, quidni & serici alicujus usus jam viguerit, cum Helenam, Penelopen, aliasque tum græcas, tum Trojanas matronas fila duxisse, legamus. Americanos prope omnes, qui non omnem verecundiam exuerunt, ferarum pellibus se contexisse ad arcendum frigus, passim affirmant historici, ipsique observavimus perfrequenter. Alii avium multicolores plumas raro artificio confutas ornandi potius quam tegendi corporis gratia pellibus vel substituunt, vel addunt. Barbari monticolæ plerumque ex caraquata, vel ex cortice arboris pinõ fila, atque ex his telam ad se aliqua ex parte contegendos parare consueverunt. Eadem tela, quamdiu maritum lugent, Abiponenses vidæ, viduatum crinibus caput, humerosque recepto more obnubunt. Barbari, quos Equimaux appellant Galli, alique populi terræ laboratoris, & Novæ Zemblæ propinqui ex piscium vesica, aut visceribus indusia sibi norunt concinnare, quibus tamen ob immane frigus pallium adiciunt, quod expellibus cervorum, vel luporum marinorum egregie pictis nitidissime consuunt, demirantibus artificium Europæis. Dum sudore diffiunt Abipones, pelles lutrarum, quippe ab alutariis non maceratæ, fateor, nequiquam balsamum, sed vix tolerabilem naribus colloquentium exhalant fætorem; Noctibus frigidiusculis eadem stragulorum subeunt vices. Harum pellium, palliorumque, usu detritorum, lacinix infantium fasciolarum sunt, ac tegumenta, quin & obligandis sauciorum vulneribus fere adhibentur, cum lineæ apud illos supellectilis nihil prorsus sit domi.

Su-

Superioribus seculis Americani corporum suorum nuditatem pluris, quam vestitum fecere adeo, ut indumenta ab Europæis obtrusa vel non acceptarent, vel accepta confestim abjecerint. Hoc memorant idonei scriptores illorum temporum. Hac tamen ætate, fidem superat, quanto ardore vestibus splendidis inhient Indi Paraquarienses. Petasum illis elegantem porrige, telæ, vel panni rubri aliquot segmenta, globulorum vitreorum fasciculum, & eris magnus Apollo; In cælum jusseris, ibunt. Diu, noctuque hæc aures nostras feriebat Abiponum supplicatio: Pater, da mihi vestem. Pay! *Tachcauê bibiwalk*, vel *aaperaik*. Quod ad Barbarorum conciliandas voluntates faciat magis, vestium largitione nihil est profecto; Hac, ut pisces hamo, celerrime capiuntur. Vix abundabit incolis Christianis Americana colonia, ni bobus, ovibusque abundaverit; Harum enim lana ad vestienda, illorum carnibus ad saturanda Indorum corpora opus est. Alterutrum desit, vel utrumque, ad sua redibunt latibula, ditioresque se fore putabunt, si Hispanorum inimici, quam si amici fuerint. Id quod sæpius me audiente cum gemitu dictitabant, experti scilicet: Bellum cum Christianis præ pace plus emolumenti sibi attulisse. Bello equidem vigente armis acquisiverant, quæ sancta dein pace nec infinis precibus impetrabant. Vetus hæc, ac quotidiana Abiponum querimonia, & si verum fateamur, æquissima. Luculentius id patebit ex illis, quæ, ubi de Coloniarum novarum statu differemus, narrabuntur. Disertissimus quamvis divinæ legis magister, ni una in discipulis suis vestiendis, alendisque sit liberalissimus, parum proficiet in Paraquaria. Adsit è nubibus cœlestium geniorum aliquis, Deum, Dei legem nunciet Abiponibus; vacuis si manibus venerit, si indumenta, si dapes, si alia



alia dona non attulerit, actum aget, vix, ac ne vix quidem audietur. Veniat ex Acheronte Æthiopum Stygiorum nigerrimus, sed arcas vestibus, cibariis, cultris, forficulis, annulis, sphæruleis vitreis prægnantes adferat, offeratque, Capitaneus appellabitur, dociles, spondeo, propensos, morigerosque experietur Abipones ad unum omnes. Cur per bina, & quod excurrit, secula ad religionis nostræ amplexum necdum perducti sint Americani universi, si causas ex me quæris, dicam. Prima est Christianorum veterum pestifera exempla, ac in Indos parsimonia, duritiesque: Hac a sacris nostris avertuntur: Illis pervertuntur. Sacerdotum, qui ad illos Christum docendos mittuntur, extrema, & quæ vix credibilia Europæ, rerum omnium penuria, hæc altera causa est. Effatum hoc meum, quæso, non conjecturis, opinionibusve controversis, sed veritatibus, sed experientiis certissimis adnumerandum, putes. Tum denique mihi fidem habebis, postquam historiarum meæ posteriora capita pervolveris.



CAPUT XV.

De Abiporum moribus, consuetudinibusque.

Non omnia, quæ apud Barbaros, barbara. Ex humo elegans sæpe flosculus, ac inter spinas rosa nascitur, ut bona mixta malis plerumque; sic Abiporum nativis vitiis virtutes quædam confociantur, Christiano homine prorsus dignæ. Ex multis memorabo præcipuas ita tamen, ut vitiorum non obliviscar. Tota corporis conformatione quantopere decorum servant Abipones, ægre crediderit Europæus. Ex eorum vultu, ac incessu hilaris quædam, modestia, virilisque gravitas elucet, quam savi tamen comitate norunt temperare. Nihil solum, nihil petulans, vel asperum eorum in actionibus deprehendas. Quotidianis in congressibus pacata, tranquilla omnia. Vociferationes inconditæ, altercationes, aculeata dictæriorum mordacitas nusquam locum habent. Amant facetias sermonis, sed a quibus omnis abest obscœnitas, acerbitasque. Diurnas, nocturnasque itineris molestias festivis confabulationibus condire solent, quin tamen, quod spurcitiæ oleret, unquam salibus aspergatur. Si quæ interdum controversia incidat, serena fronte, sedata oratione sententiam quisque profert suam; Nunquam, quod quibusdam Europæ populis solenne, in clamores, minas, contumeliasque erumpunt. Hæ qui-

quidem laudes ad Abipones sobrios pertinent; Temulenti enim, excusso scilicet rationis freno, ammentes, sibi que ipsis dissimillimi evadunt. Cæterum suis in conventiculis urbanitatem colunt maxime. Alter alterum loquentem vix audet interpellare. Uni per semihoram aliquando belli eventum quempiam enarranti cæteri omnes non aures dare modo attentas, sed & ad singulas prope sententias annuere solent, ducto ex intimis præcordiis rhoncho, qui affirmationis signum, & assensus, quem identidem his interjectis vocibus significant: *Quevorken* utique *Cleerà* certissime *Chik akalagritan* nullus dubito. *Ta Yeegàm!* vel *Kem ekemar!* admirantis sunt exclamationes. Iisdem omnino vocabulis, quæ subsilientes magna vocis contentione pronunciant, sacerdoti ad populum verba facienti interloquuntur, idque urbanitatem putant. Contradicere cuicunque demum, licet luculenter hallucinanti, rusticitatem interpretantur. Salutant se, resalutantque binis vocibus: *La nauichi?* Jam venisti? *La nand.* Jam veni. Sed plerumque brevitatis causa solam voculam: *Là* salutans, salutatusque profert cum impetu. Idem salutandi modus Quaraniis: *Ereyupà?* Venisti jam. *Ayù angà.* Veni. Prolixiori colloquio fatigati nunquam, nisi patre familias valere jussu, discedunt. Huic primus qui assidet, viciniorem sibi interrogat: *Ma chik kla leyà?* Necdumne satis verborum est? Secundus tertium, tertius quartum iisdem compellat verbis, dum denique in circulo humi confidentium postremus fert sententiam: Satis jam verborum est *Kla Leyà*, ait: Quo audito uno omnes impetu, ac momento consurgunt. Mox singuli cum quadam amicitiae significatione patrem familias comiter inclamant: *Labikyegarik* Jam abeo à te. Quibus ille: *La micheroà* Jam abis à me, reponit. Gregarii Indi dicunt: *Labik* Jam abeo. Ad portam do-

domus (Putā locum, ubi exitur, nulla enim ulli est porta) dum pervenerint, converso ad patrem familias vultu: *Tamēva* posthac, exclamant, *Te revissim deim*^a significare volunt. Uti hujatum vulgus: *Ad revidendum*, dicere consuevit sub abitum. Contra urbanitatis leges gravissime peccaturi sibi videntur, si obvium quempiam, quorsum pergat, non interrogarent. Hinc illa vox: *Mickanē* vel *Mickauchisē* quo vadis? identidem per forum resonat. Eadem interrogatio more recepta apud illos, qui lingua Quichua utuntur in Paraquaria. Obviantium sibi neminem sine illo suo: *Matpirinkhi* quo vadis? Transire patiuntur unquam. Quin (scribere id me pudet) etiam remoto in campo alvi exonerandæ gratia dum subsidunt Abipones, cernunt transcentes solenni interrogatione: *Mickanē*? quorsum? elatissima voce salutant. Mirabar sæpe, illos non erubescere, cum cæteris in rebus singularem eorum verecundiam suspexerim. Toto certe, quod istis barbaris impendi, septennio observatum à me nihil, quo pudicæ aures, casti oculi offendi possent. Quæ quidem laus utrique sexui, omni ætati jure debetur. Mares polygamiā, uxorumque repudiatiōnem majorum suorum, cæterarumque Americæ gentium exemplo licere sibi, arbitrantur; Perpauci tamen Abipones hanc sibi licentiā indulgent. Uxorū repudiatio, quam multiplicatio apud illos frequentior. Quin in una per omnem ætatem conjuge acquiescunt permulti. Cum alienis, quas in conjugium non adsciverint, commercii quid habere, nefarium sibi, probrosissimumque putant. Hinc adulterium inter illos prorsus inauditum. Libidinum, quæ Europæis gentibus familiares, monstra huic nationi peregrina sunt, quin & ipsa earum nomina. Hilaritatem nativam vel vultu produnt pueri, puellæque; Nusquam tamen has illis immixtas videris, vel confabulantes. Re-

fructuum, herbarumque succo per viam longissimam alere, ac citra noxam domum deportare solebant. Major hæc, quam credi in Europa possit, barbarorum lenitas, sed nobis exploratissima. Si quando vel matribus, vel prolibus mors illata, id aut adulescentes sanguinis Hispanici sitientiores, vel adulti suorum, quos Hispani olim trucidaverant, mortibus efferrati præstiterunt. Hinc cæco furori, non nativo eorum ingenio tribuenda crudelitas, quam universa Abiponum natio abominatur. Sæviissent isti atrocitus, si christianorum militum exempla sibi imitanda proposuissent. Ex plurimis bina in medium afferre liceat. In Indi Quaranii a se occisi cadaver petulanter dissectum, veluti in matulam, vesicam exonerarunt suam Paraquarii ex urbe Assumptionis milites- lidem cadaver alterius Quaranii, ceu lapidem supposuerunt indusiis suis, quæ in fluvio Tebi-quary a se lota lotoriis malleis illic tundeabant clarissimi, si superis placet, illi heroes, contra exanimes solum, a quibus porro timendum nihil, animosi, illorumque imitatores, qui in Mauri mortui pectus hastam altissime immerfant, unde Hispanorum proverbium: *Al Moro muerto gran lanzada* Atrocioris sævitæ Europæorum per Americam militum documenta Historici passim adferunt, quæ si legerent Abipones, ab immanibus feris patrata jurarent. Quam mite illis extra bellum, quam tractabile ingenium sit, ex his, quæ subjiciam, colliges.

Hispanos, Indos, Æthiopas, vel ex his mixtos a se bellos captos non ut servos vexant, sed, prope dicerem, filiorum instar comiter, indulgenterque habent. Si quida captivo sibi præstandum velit, non imperantis, sed supplicantis voce id significat herus. *Si sibi lubueris*, blande præfatur; vel *Miserere mei*.

ti, vel suspicati sunt. Vim vi repellere, injurias injuriis, rapinas rapinis, cædes cadibus reddere sibi videbantur, id quod iniquum, ac turpe negant; Nam bello vigente ab Hispanis in Lusitanos, ab his in illos eadem fieri toties videbant. Horum ducti exemplo non sicarios se, non latrones, sed milites dici oportere, contenderunt, quorum munus est offendere hostes, se, suaque, ut poterunt, defendere. Norunt forte militem canis instar esse, illumque pro optimo habendum, qui pessimus fuerit, ut Martialis de Attalo asseruit. Hispanorum a cervicibus resecta capita sua vocarunt trophæa, solertissimeque ceu strenuitatis testimonia conservarunt. Armentorum innumerabiles turmas, tot equorum millia, & quidquid demum præterea rapuere Hispanis, prædas dixerunt belli jure obtentas. Pernegant usque, se fures esse. Audi, cur? Hispanorum pecora omnia sua esse affirmant, quippe suis in terris prognata, quas Hispani majoribus suis nequidquam repugnantibus occuparunt olim, quasque nullo (ut illis quidem videtur) jure usurpant etiamnum. Hos errores, qui intimis Barbarorum sibilis inhaerent, eximere, amicitiam, amoremque in Hispanos ferocientibus animis imprimere magnopere conati sumus omnes, sed fructu votis nostris inferiore. Hereditario licet in Hispanos odio insaniverint, in iis tamen illorum trucidatione humanitatis quasdam speciem prodidere. Mortem inferebant, sed post feralem hastæ ictum emorientes torquere, excruciatos, discerpere, dilaniareque crudeliter, ut aliorum Barbarorum mos fert, a se alienum putarunt, de mortuorum tamen capitibus amputandis mire solliciti, quorum ostentatione suam suis popularibus fortitudinem domi testificarentur scilicet. Imbelli sexui ferre pepercerant; Pueros, puellasque innoxias abduxere incolumes. Infantes à matrum uberibus abstractos

optimi pessimam esse, & ex vino meliori melius existere acetum hi scilicet exemplo confirmant suo.

Plurium, quos apud Abipones novi, ejus generis captivorum & vultus, & facta impia meos ante oculos versantur adhucdum, qui nocendi Hispanis studio, barbarique Barbaros omnes antecellebant. Militibus Jacobopolitanis in hacum missis, dum meridiaturi conquieverant, Calvaria in oculos forte incidit. Multis ultro, citroque habitis interrogationibus, cujusnam illa esset? planissime compertum est; Hic loci quatuor Hispanos paulo ante trucidatos, cadisque auctorem Hispanicum fuisse, qui (cognomen novi, sed taceo) Abiponum captivus, & ductor, ac Abipone quovis perniciosior Hispanæ genti erat; Locus hic, quem sæpius transiveram, in hanc usque diem a sepulchris (de las sepulturas) retinet nomen. Plurima hic de hujus fursuris colluvie, de Almaraz, de casco, de Juanico, de æthiope correntino, de Joanne Josepho Indo Ytatinqua, & maxime de Joanne Diaz Caëper lahachin memoranda occurrerent. Ille Abipon origine, puer ab Hispanis bello captus, & sacris Christianis initiatus est subinde. Viginti admodum annos, quos in S. Jacobi urbe Joannis Diaz Hispani Captivus egit, probus, imo & pientissimus audiebat. Ultima, quæ Pascha præcedit, verni jejunii hebdomade in tergum suum cruento flagello quot annis publice sæviabat; Sed factò demum ad gentiles suos transfugio in Hispanos sævire capit atrocius, fusoque toties illorum sanguine mirum quantum apud suos inclarrit, quibus viarum, locorumque scientissimus perutilis fuit; Nam & exploratoris, & ducis partes, dum ad Hispanos mactandos itabant, nemo unus illo præclarus egit, nemo lubentius. Inita dein cum Hispanis pace, conditoque Abiponibus conceptionis sub nomine op-
pi-

pido idem Cæperlahachin plurium linguarum gnarus
 interpretem ibidem egerat, quo quidem officio in rem
 suam abusus nullum non movit lapidem, ut Hispano-
 rum amicitiam suspectam, Christi religionem odio-
 sam, religionis magistros nos invisos redderet Abipo-
 nibus Catechumenis, energumenorum nomine id
 temporis dignioribus. Pietatis tamen, amicitiaque
 simulatione id impetravit versipellis callidissimus, ut
 & Hispanis, & Abiponibus credulis mire probaretur,
 utrisque licet periculosus, nobis præsertim, qui eam
 coloniam procuravimus, undequaque intolerabilis.
 Sed en! Pestilente filio mater erat pestilentior. Hæc,
 quæ vivendo seculum pridem excesserat, præstigiatri-
 cum omnium antistita populo ut ob rugas venerabi-
 lis, sic ob magicas, quas callere putabatur, artes for-
 midabilis nunquam cessavit adhortari suos, ut sacra-
 mædulam, nostras institutiones, baptismum, etiam
 prolibus moribundis conferendum, cane pejus & an-
 gue refugerent, ac execrarentur. Vides matrem filio
 dignam, mali corvi malum ovum. Sed poenas dedit
 denique vindici Deo infausta (Medeam dicas, an Me-
 garam, mihi perinde est) anus. Ex oppido cum
 contubernalium manipulo profuga patente in campo
 à Mocobiis præter alios complures trucidata misere
 occubuit. Quo fato demum, quove in loco Cæper-
 lahachin interierit, etiamnum ignoro.

Quoquo lubet, evagandi libertas, victus, vesti-
 tusque sine ullo labore copia, equorum multitudo,
 otiandi, lasciviendique pro arbitrio facultas, plenissi-
 ma, ubi nec lex, nec censura timetur, impunitas
 captivos Hispanos svavissimo vinculo ita alligat Abipo-
 nibus, ut Captivitatem suam præ omni libertate dul-
 ciores putent, patriæ, parentumque prorsus inteme-
 mores, ubi, ni vapulare malint, ac inedia tabescere,

ad legum normam vivendum sibi norunt, quotidieque laborandum. Catharina nobilis ex urbe sanctæ fidei Christianæ disciplinæ vel inter barbaros tenacissima per soluto a suis pretio redempta in patriam rediit. Ejus filius Raymundus, ac filia Captivo nupta apud Abipones, ubi adoleverant, remanere, quam matrem sequi maluerunt. Plures alii, alique e patrio solo ad spontaneam Captivitatem gestientes rediere, Novi captivos Ingenii adeo maligni, ut liberari illis cupiverint heri, libertatemque iis gratuitam identidem obtruserint. In plerisque captivorum vestigium Christiani, quin ne hominis quidem deprehendas. Abipones perpauci, etsi polygamiam licere sibi falso persuadeant, uxores sibi plures eodem tempore adsciscunt; captivi raro una contenti captivas seu Hispanas, seu Indas, quotquot possunt, ducunt. Abiponenses enim feminæ & Hispanos, & cujuscunque demum nationis Indos conjugio dedignantur suo, nisi rerum gestarum splendore, per exterorum nempe cædes, ac rapinas, nobilitati jam pro Abiponibus reputentur. Isti, cum præ quavis alia natione nobiliores sibi videantur, captivas Hispanas nunquam sibi pro connubio volunt, minus pro clandestina turpitudine. Hinc illarum pudor in captivitate apud Barbaros, quam in libertate apud suos longe tutior fuerit, si modo Captivorum insidias evaserint. Hispanas complures post diuturnam Abipones inter Captivitatem nullius, quod castimonie repugnet, flagitii reas sacro pro tribunali judex invenit. Uno omnes ore fatebantur: Feminam nullam, ni ipsa id velit, hos apud Barbaros perversum iri. De adolescentum, qui ibidem diu captivi, integritate idem testor. Equis, amabo, Europæorum crederet, Barbarorum, qui Deum non colunt, contubernia castitatis gymnasia, & propugnacula esse!

Id

Id mihi certissimum, morum licentiam, quæ cultiores etiam inter nationes Europæ passim grassatur, ab illis longissime abesse.

Hanc de Captivis historiæ digressionem boni consule, lector, si tamen digressio fuit, cum ad Abiponum pudicitiam, benignitatemque commendandam faciat plurimum, quod capitis præsentis est argumentum, aliis porro experimentis a me stabilendum. Hispanos plebejos, æthiopes, Indos Christianos, qui vel ab heris suis profugi, vel viæ aberratione, vel alia de causa in Abiponum contubernia fortuito incidere, hospitio comiter accipiunt, cibo, ac quocunque possunt, officiorum genere amicissime prosequuntur. Idque eo lubentius præstant, quo liberalius isti advenæ Hispanam gentem vituperaverint. Quod si isti neglexerint, pro Hispanorum speculatoribus habebuntur, sibi que pessime consulent. Pro nostra, qui illorum colonias procuravimus, securitate vigilabant diligenter. Si quod seu ab exteris hostibus, seu a temulentis, furentibusque contubernalibus periculum nobis instare nossent, id citra cunctationem nunciaverant, ac toti erant in illo propulsando. In itineribus dum transmittendi fluvii, dum equi apparandi, dum repentinæ hostium per viam insidiæ seu declinandæ, seu reprimendæ, incredibile, quanta animi propensione nobis opem tulerint. En! quam mite his barbaris pectus, benevolentiaque plenissimum. Quamvis Hispanos, quos ceu hostes aspexere suos, jam necare, jam spoliare consueverint bello durante, suis tamen, vel quidquid eripere, nunquam solent. Hinc apud illos, quamdiu sobrios, rationisque compotes, homicidium, furtumque phœnicis instar rarissimum, melius dicam, inauditum. Sæpe, diuque a suis absunt domibus. Regulas suas, quæ seu ad vestitum, seu ad ornatum, seu



ad domesticam penum pertinent, sine custode, sine porta omnium manibus, oculisque patentes relinquunt interea, quin jacturam earum vereantur. Reduces e diuturno itinere intacta vident omnia. Tot portæ, tot claves, tot repagula, tot arcule, tot excubitores, quibus adversus fures sua tuentur Europæi, res ignota Abiponibus, atque adeo supervacanea, cum nulla apud eos furum seu suspicio, seu periculum. In S. Hieronymi oppido nostra edomo mantile; Alias alia domestica e suppellectili clanculum nobis sublata. De furto certior factus Ychoalay Caziquius Abiponum suorum neminem furacem esse, confidenter asseruit. Hanc suspicionis maculam ut abstergeret, genti suæ intolerabilem, nullis in fures indagandi industriis pepercit. Et vero patuit subinde, captivorum rapaci manu, quæ deerant, perivisse. In S. Ferdinandi oppido muliercula, quæ globulos vitreos, sacre imaginis ornamenta, e templo clanculum abstulit, a Caziquio Kachirikin detecta est, ejusdem, ni Patris preces, minæque intercessissent, hasta jam jam confodienda publico in foro. Ob rapacitatis notam Abiponum nomini inultam in tantas exarsit iras Indus, cætera non optimus, nam latronum, qui Hispanorum e prædiis equos innumeros rapuerant, primipilus. Dum pueri, puellæque vel pepones nostro in horto adultos, vel pullos nostris in ædibus procreatos non raro clepsere, a furto excusari fors poterant, quoniam ista vel primi capientis esse, vel domino non multum invito auferri, perperam existimarunt.

Naturales Abiponum virtutes etsi ultra propositum fusius exposuerim, nihil dixisse mihi videor, nisi de laborum tolerantia, quam in illis usque suspexeram, paucula adjecero. Quis belli, venatusque quotidianas molestias enumeret? In hostes profecturi
men-

menses saepe binos, aliquando ternos in asperrimo
 per solitudines itinere consumunt; Leucas trecentis
 plures conficiunt. Ingentia flumina, paludes longis-
 simas, fluminibus periculosiores, nando superant. Cam-
 pos ut latissime expansos, sic lignis, aquisque desti-
 tutos transmittunt. Dies integros ephippiis, vix li-
 gno mollioribus, insident, neque pedes stapede ful-
 ciuntur. Manibus hastae praelongae pondus incumbit
 semper. Equos fere tolutarios adhibent, quorum
 gressu subsiliente equitis ossa miserrime quassantur.
 Aperto plerumque capite soles ardentes, imbres effu-
 sos, non raro in dies plures productos, pulverum nu-
 bem aridis in campis, ventorum turbines excipiunt.
 Laneis fere vestibus nudo corpori appressis teguntur,
 quas si Caelo nimis caloribus aestuante ad umbili-
 cum usque demittant, pectus, scapulae, brachia a
 circumvoltantium muscarum mordacium, tabano-
 rum, vesparum, culicumque examinibus miserandum
 in modum compunguntur, ac sanguine diffluunt.
 Viatico vacui cum iter aggrediuntur semper, circum-
 ferendi illis toto die per campum oculi ad feras de-
 tegendas, quas pernicii mox cursu insequantur, ster-
 nant, & in farnis suae remedium convertant denique.
 Poculo cum careant, ad fluminum, lacuumve mar-
 gines noctem agere solent, inde molossorum ritu a-
 quam sorbillaturi. Verum haec aquationis opportu-
 nitas caro illis constat; Nam loca humidiora non
 culicum modo, ac serpentium, sed & ferarum metu-
 endarum seminaria esse consueverunt, quae noctes in-
 somnes & vitae discrimina minantur. Duro in solo
 sub Jove jam frigido jam igneo cubant, saepeque,
 dum nimbo foeta tempestas irruit, aquis immersi evi-
 gilant. Exploratorum munere, quorum est videre
 omnia, a nemine videri, quoties funguntur, pedi-
 bus, manibusque per rupes invias, per saltus illis



reptandum frequenter, ne prodantur; dies, noctesque sine somno, sine cibo transigendæ. Idem iis usuvenit, dum clade vel illata vel accepta ab hoste, terga premente diutius præcipitanda est fuga. Hæc agunt, hæc tolerant Abipones, quin tamen in querelas prorumpant, vel concitatæ bilis indicium verbo præbeant unquam Europæorum more, qui ad levissimum molestiæ sensum stomachari, ira accendi, furere, & si superos flectere nequeant, Acheronta vocare solent. Multis, arduisque in itineribus Abipones Comites, adjutoresque habui. Ipse communium viæ miseriarum particeps, sed & patientiæ egregiæ illorum testis, ac præco fui. Enimvero obstupui, ab his barbaris quotidianas itinerum asperitates silentio coniecoqui, fronte serena, ridente ore, placidis, oculis tolerari, facetiis, colloquio hilari sitim, esuriem, elementorum inclementiam mitigari, dum meam interdum patientiam prope fatiscere, certe fatigari advertissem. Fierine posse credam? (Eques Equitibus aiebam sæpe) ut equorum, quos olim Hispanis rapuistis, causa, a sole torreri, a culicibus dilaniari, aquis immergi, calamitatibusque aliis excruciiari vos siveritis? Ego sane, si quidquid uspiam equorum est per Americam, mihi obtingeret, hujus spe lucri neque aculeos culicum, quos hodie sensimus, mihi perferendos putarem. Risere hæc Abipones. Quod a nobis patientia dicitur, illis natura esse videtur. Obdurato sunt ad molestias quascunque animo, quin & corpore, quod per longum a pueritia usum prorsus occalluit, sensus propemodum experte. Adeo a teneris affvescere multum est. Adhucdum pueri, patrum exemplo, pectus, brachiaque spinis acutissimis pertundunt sua citra ullam doloris significationem. Inde est, quod adulti vulnera sua, ceu aliena, sine gemitu ferant, & per aliorum commiserationem mag-

nam

namimitati suæ injuriam fieri arbitrentur. Acerrimus etiam dolor ægrotis, vel faucibus vitæ usum adimet forsitan, suspirium extorquebit nunquam. Gloriæ titillatio, quam ex fortitudinis fama percipiunt, illos invictos reddit, ac tacere jubet.

Pleraque, quæ celebranda hic putavi, & viris, & fœminis sunt communia ita tamen, ut hæc tum virtutibus propriis clareant, tum nævis singularibus laborent. Suos uterque sexus patitur manes ubique gentium. Universis Americæ populis innasci videtur desidia, otiaudique lubido. Hanc vituperationem in Abiponenses fœminas neutiquam cadere, lubens pronuncio. Qui earum sedulitatem indefessam, solertiam, industriamque non demitteretur inecum, nemo fuit. Negotia domestica, quibus obruuntur quotidie, alacri, propensoque animo pertractant. Illorum est indumenta marito, liberisque contexere; Carnem coquere: Radices edules, varias e sylvis fruges adferre; siliquam Græcam conquirere, molere, & affusa aqua in pectum convertere: Aquam, lignaque ad quotidianos familiæ usus comportare. Ridiculus, sed apud Abipones civitate donatus mos fert, ut vetula totius contubernii maxime annosa domesticis omnibus de aqua prospiciat. Hæc, etsi annis, unde hauriatur, propinquus sit, amplius cantharis equitando fere adfertur; Eodem modo ligna ad alendum focum. Fœminas trecentis curis occupatas licet nunquam audies de molestia conquerentes; Imo, quod lana, gossypium, colores, alumen ad vestes pro suis elaborandas sibi desint, lamentantes sæpius audiui. Adeo non tolerantes modo laboris sunt, verum etiam sitientissimæ. Hispano nobili Abiponensis captiva pro ancilla plures annos fuit; istam præ tribus aliis sibi utillorem esse, mihi affirmavit.

mavit, maximique a se fieri, quod iussum prævertat suum, tempestive, curate, promptissimeque officio fungatur. Honorificam *devoti feminei sexus* appellationem omni jure sibi vindicant. vix audito Campanæ vocantis tinnitu ad explanationem Christianorum dogmatum celerrime convolant, humique modeste confidentes in templo arrectas, avidasque Sacerdoti docenti aures præbent. Mirifice probant Christi legem maxime, quod per eam nulli liceat marito conjugem repudiare suam, aut plures ducere. Hinc & se, & suos maritos ut quamprimum salutaribus lustremus undis, peroptant ardentem, quo de conjugii sui, ac mariti perpetuitate redderentur certiores. Istud de fœminis junioribus dictum puta; Vetulæ enim, quippe superstitionum tenacissimæ, rituumque barbarorum antistitæ, Christianis Sacris impense oblectantur. Hæc equidem si Abiponum natio amplectatur, se se amissa veteri autoritate omnibus risui, contemptuique futuras, prospiciunt. Uti fœminæ seniores, sic adolescentes Abipones religionis progressibus obstant maxime. Isti equidem militaris gloriæ, prædarumque ardentes desiderio secandis Hispanorum cervicibus, eorum plaustris, prædiisque spoliandis perditissime inbiant, quod divina sibi lege interdictum nōrunt. Hinc avorum suorum institutis inhærere, equis velocibus terras percurrere malunt, quam templi inter parietes verba facientem Sacerdotem auscultare. Si per Abipones seniores, junioresque fœminas stetisset, universa dudum natio religioni se nostræ mancipasset.

De fœminarum Abiponensium pudicitia variis jam locis honorifica a me mentio facta est, faciendæ sæpius dein. Nefas sit, illarum temperantiam, sobrietatemque silentio præterire. Multo illis sudore
con-

constat, maritis suis jam ex melle, jam e filiquis Græcis dulcem potum parare; Sed hunc ne extimis quidem labris delibant ipsæ, ad solius aquæ haustum per omnem ætatem condemnatz. Verum utinam, ut a temeto quovis sibi cavent, sic & jurgiis, contentioneibus, rixisque abstinerent! Hæ certe inter illas quotidianæ sunt, ac non raro cruentæ futilissimis de causis. De rebus nihili plerumque disceptant, rixanturque, ut Horatius ait, de lana sæpe caprina, vel de umbra asini. Unicum sæpe vocabulum, quod a Cavillante femina enuntiatur, ingentis belli semen, & classicum fuit. Tribus duntaxat, ut cum Græcis loquar, scommatibus Abiponum natio utitur, scilicet irascens alter alteri dicit: *Acami Landraik* tu es Indus, id est, plebejus, ignobilis. *Acami Liebiegarai* tu es pauper, miserabilis. *Acami Abamraik* Tu es mortuus. His epithetis ineptissime abutuntur aliquando. Equis non rideat, dum equum fulminis instar fugitantem, quem eques Indus cursu citatissimo assequi haud potest, *abamraik* mortuum audit vocari? orta duas inter feminas contentione altera alteram vel miserabilem, vel plebejam, examinem forte pronunciat. Ingens mox vociferatio existet. A verbis ad pugnos venietur. Concurreret universum foeminarum agmen in foro, non spectandi solum, sed & ferendæ opis, ut visum fuerit, gratia. Hæ illius, istæ alterius partes tuebuntur. Duellum denique in bellum desinet. Tigridum more dentibus in aliena ubera involant, morsu sæpe cruentissimo. Unguibus genas laniant. Crines manibus evellunt, & quod prima fere aggressione conantur, auriculæ extimæ foramen, cui spira ex palmæ folliis ornatus gratia inseritur, miserrime dilacerant. Erebi furias, amphitheatri Romani feras, vel gladiatores ad certamen crederes concurrisse.

Quam-



Quamvis maritus conjugem, Pater filiam sanguine diffuere, vulneribus impleri videant, eminus immoto pede, tacito ore, quietis oculis hæc spectant; Amazonibus applaudunt suis: Rident: Animis muliebribus tantas inesse iras, mirantur, sed a viro alienissimum putant, fœminarum in dimicationes se se ingerere, vel alterutri parti suppetias venire. Quod si pacis accelerandæ spes nulla affulgeat, Patrem adeunt. En! ajunt, mulieres nostræ rursus judicio carent hodie. Age, sclopeto illas terreto. Hujus fragore, quin & conspectu solo percussæ ad sua fugam maturant tentoria. Verum cum dictæria, quæ rixarum origo extiterant, vel suis e tentoriis stentoria repetant voce, neutraque videri victa velit, iterum, iterumque ad forum reduces pugnam restaurant. Magnæ interdum molis erat motos componere fluctus, cum paucis plerumque syllabis coloniæ malacia interrumpatur. Divino utique factum consilio, quod Abiponenses fœminæ temeto prorsus omni abstineant. si enim sobriæ tantum furere solent, temulentæ quantum non audent? Actum erat dudum de universo Abiponum genere. Mares enim, nî ebrii sint, æternam inter se pacem colunt, vociferationis, discordiæ, rixarumque semper hostes. Cætera, quæ ad nationis istius ritus, moresque pertinent, seu laudibus, seu censuris digna, per historiz decursum suo quæque loco attingam. Ex his, quæ diximus, conjicies, multa barbaris propria Europæorum etiam cultissimorum imitatione digna videri. Parum sane abest, quin clarissimo Leibnizio assentiar, qui in præfatione ad novissima Sinica scripserat: *Certe talis nostrarum rerum mihi videtur esse conditio, gliscentibus in immensum corruptelis, ut propemodum necessarium videatur, Missionarios Sinesium ad nos mittere, qui Theologia*

logie naturalis usum, praxinque nos doceant, quemadmodum nos illis misimus, qui Theologiam eos doceant revelant. Mutato nomine de Abiponibus idem dixero, qui, etsi quibusdam in rebus tales sint, ut vix hominum classi accenseri mereantur; Reflexis tamen in quasdam illorum actiones oculis fateamur, necesse est, Christianum etiam hominem ex illis comitatem, honestatem, tolerantiam, sedulitatemque discere posse. Sed utinam hæ barbarorum virtutes totidem vitis non obscurarentur, quot nigris maculis candidæ tigridum pelles distinguuntur. Ex iis, quæ mihi porro memoranda restant, illud luculenter patebit.

C A P U T XVI.

De Abiponum lingua.

Multitudo linguarum, ac varietas, quantum vel sola in Paraquaria usus, fidem excedit, prope dixissem, & numerum. Neque sola eas dialecto differre, existimes velim. Pleræque ipsa radice a se discrepant. Suspiciendum magnopere illarum artificium multiplex, cujus architectos, ac inventores stupidissimos hos Barbaros existisse, nemo sanæ mentis sibi persuaserit. Ego sane hac meditatione ductus identidem affirmavi, reliqua inter, quibus de æterno, ac sapientissimo Numine convincimur, argumenta hanc linguarum seu varietatem, seu artificium con-

numerari oportere. Nostri homines linguis omnino quatuordecim totidem Paraquariæ nationibus sacram navarunt operam, & religionem latissime propagarunt. Non singuli omnes, sed singulas calluere linguas, aliqui binas, ternasve probissime nôrunt, variis scilicet cum populis aliquamdiu versati. Horum ego ex numero, quippe qui septem annos Abiponibus, undecim Quaraniis docendis insumpserim. Nationes, quibus labor noster impensus, constitutæque a nobis coloniz, noveris esse, Quaraniis, Chiquitos, Mocobios, Abipones, Tobas, Malbalaes, Vilelas, Passaines, Lules, Isistines, Homoampas, Chuni-pies, Mataquayos, Chiriguanes, Linguas seu Quay-curus, Mbayas, Pampas, ferranos, Patagones, Yarôs. His adde: linguâ Qvichuâ, quæ toti Peruvio propria, mancipiis Africanis, plebi Hispanæ, quin nobilioribus etiam matronis per Tucumaniam præsertim familiarissima, nostrorum hominum plurimos tum e suggestu, tum sacro in tribunali usos fuisse. Præterea Chiquitorum in oppidis, quæ diversissimis conflata e nationibus, diversas quoque linguas viguisse, novimus. Abiponum, Mocobiorum, Tobarum linguæ eandem certe originem, eamque inter se affinitatem habent, quam lingua Hispanica, & Lusitana. Quælibet tamen istarum non sola dialecto, sed innumeris quoque vocabulis ab alia discriminatur. Idem prope sentiendum de lingua Tonocotè, quæ apud Lules, ac Isistines usu recepta. Chiriquanarum, Quaraniarumque, quarum terræ quingentas facile leucas ab illorum solo distant, lingua eadem fere est, pauca si excipias, quæ alterutrius gnarus paucas intra hebdomadas nullo negotio perdisceat.

Multi, qui de Americæ rebus commentati sunt, Europæi quasdam linguarum Indicarum lacinias, notiones, sententiasve historię suę, vel lexicis insperferere; sed superi boni! quam omni ex parte mancas, quam fæde corruptas. Vix vocabuli literulam, quam non inutilassent, reliquere. Linguam illius quamvis scientissimi, quid dictum velint, divinando solum, veluti ænigmata, vix denique assequimur. Sed ignoscendum his scriptoribus, quod corruptis fere e fontibus notitias hauserunt suas. Plures, qui Americam vix a limine salutarunt, vel Americanos per transfennam duntaxat viderunt, barbararum mox linguarum vocabula in chartas consiciunt, Europæis obtrudendas, quamvis nec illorum sonum rite perceperint, neque significationem penetrarint. Inde est, quod locorum, fluminum, arborum, plantarum, animalium nomina Americana mirandum, miserandumque in modum castrata tot in codicibus circumeant, ut sine risu legi a nobis nunquam possint. Pueri Hispani vel cum pueris Indis confabulando quotidie linguas Indicas velocissime, felicissimeque combibunt, quod tamen adultioribus longi temporis, improbi laboris negotium esse solet, utrumque experti sumus. Novi confirmatę jam ætatis homines, qui, quamvis annos complures Indorum consuetudine usi, quot syllabas, totidem prope errores pronunciarunt. Arduum est Europæo, & aures, & linguam peregrinis, distortissimisque vocibus assrefacere, quas Barbari jam lingua sibilando, jam naribus rhonchissando, jam dentibus stridentando, jam gutture strepitando enunciant adeo obscure, festinanterque, ut non hominum colloquensium verba, sed anatum in lacu garrientium voces audire tibi videaris, nullumque literarum vestigium vel attentissimus deprehendas. Dudum optaverant viri



eruditi, ut tandem esset unus aliquis, qui linguæ Americanæ cujuscunque gnarus ejus systema, anatonem, totam denique œconomiam enucleatius exponeret. Ipsissimum est, quod ad implenda istorum vota compendio tractandum aggredior de Abiponum lingua. Hujus argumenti lectionem si fastidias lector, haud tibi succensebo; Nam & ejusdem scriptio mihi fastidio fuit. Scripsi tamen, erudit, ut quidem opinor, gratificaturus. Rudibus, qui Grammaticæ partes, regulasque ignorant, sva-deo, ut paginas Barbaris vocabulis asperas transiliant omnino.

Americanorum plerique quibusdam carent literis, quibus Europæi utimur; utuntur quibusdam, quibus caremus. Frequentissima apud Abipones litera, quam Europæi nescimus, sonum ex R. & G. mixtum habet. Ut rite enuncietur, palato allidenda tantillum lingua, simul guttur versus est retrahenda illorum more, qui naturæ vitio literam R. balbutiendo proferunt. Ad hanc Abiponibus peculiarem literam significandam R. vel G. pro arbitrato scripsimus, sed nota aliqua insignitam. Sic *Laesaraz* filius. *Achibiraik* sal. *Nelareyraz* Capitaneus, Caziqnius. Pluralis numerus illud ꝑ in K. commutat. sic *Laeskaze* filii. *Nelareykate* Capitanei, Caziqiii, Nobiles. Multum negotii facessit Europæis literæ hujus pronuntiatio, maxime, si eodem in vocabulo crebrior recurrat. uti: *Raregranraik* Indus Vilela. *Rellaranra* porro Venatur equos sylvestres. *Laprirarraig* Versicolor. &c. Vel ex hujus literæ pronuntiatione, quamvis cætera linguæ suæ scientissimum Europæum Abipones cognoscent, & a gentilibus distinguant suis haud secus ac Capite 10. Libri Judicum, Versu sexto Galaaditæ Ephraimitas unica ex litera dignovere,

cum

cum isti verbum *Sibbolesh* solum per S, idest, per
 D Samech; Illi vero *Schibbolesh* per S & C, idest,
 per V Scim proferrent.

Adhibent Abipones Gallorum, Hungarorum, Germanorum more S, quod tamen per E duobus punctis notatum scribere maluerunt Hispani in Paraquaria. *Abepegak* equus. *Yahëc* vultus meus. *K* Græcum illis frequens. N perinde ut Hispani pronunciant, N litteram J subjungendo. Sic *Español* Hispanus quasi ut *Españiol* proferendum. Abipones dicunt: *Menetani* est intus. *Poamcachiñi* Inferior pars bona est. Legitima hujus, aliarumque literarum enunciatio viva voce duntaxat explicari rite potest.

Accentuum, punctulorumque religiosissime habenda est ratio. Idem enim vocabulum punctulo omisso, variatõe accentu aliud atque aliud denotat. Sic: *Hets* fugio. *Heet* loquor. *Häsen* despicio. *Hesén* collimando attingo. Vocabulis longioribus, quæ ex decem, ex viginti, ex pluribus literis componuntur, hæc lingua abundat. Ubi deprimenda vox, ubi tollenda, accentus eodem in verbo repetiti docent. Fere enim modulata, ac cantatrix est gentis hujus locutio. Ad condiscendam pronunciationem soli accentus vix sufficiunt. Notas musicas singulis syllabis adicere, supervacaneum haud foret, nisi vox viva magistri hanc industriam suppleverit. Juvat exempla accentuum adferre. *Hamibégemkin*. *Debáyakaikin*. *Raregrágremaíacbiñ* *Oabérkaikin*. Nomina sunt Abiponum. *Gréáuagyégariyé* Miserere mei. *Oabáyegalgé* libera me. *Hapagrañútapegetá*. Vos mutuo docetis. *Nícauagraníapegaralgé* Intercedo pro te. *Hemokáchiñútapegioá* Tu me laudas. En viginti literarum verba! Monosyllaba haud multa deprehendas.

Proceri Abipones vocabula amant longiora, sibi scilicet similia.

Genus habent masculinum, & foemininum, Carent neutro. Generum cognitio solo usu comparanda est. *Grabaulái* Sol illis foemininum est, ut Germanis *Die Sonne*. *Grauek* Luna masculinum, ut nobis *Der monde*. Adjectiva aliqua utriusque sunt generis. sic: *Nad* malus, & mala. *Need* bonus, & bona. In aliis quodvis genus propriam habet terminationem, sic: *Ariaik* bonus, præclarus, *Ariayé* bona, præclara. *Cacbergaih* Vetus, *Cacbergayé* Vetusula,

Nomina neutiquam per casus immutantur. Littera nomini præfixa interdum casum indicat. Sic: *Ayim* ego, *M' ayim* mihi, *Akami* Tu *M' akami* Tibi.

Nomen pluralem e nominibus formare, perquam arduum tyronibus. Tanta enim est varietas, regula statui vix ut queat. En exempla aliquot!

Singularis.

Laetarat filius
 Lekat metallum
 Ahēpegak equus.
 Yuihák Bos
 Nekététak anser
 Oachigranigà cervus
 Inierà flos filiquæ Græcæ,
 vel annus
 Neogà Dies
 Eergaík stella
 Aapaiaik Tela linea, vel
 lanea.
 Yapòt Magnanimus
 Lachaogè Rivus
 Letèk folium arboris
 Ketèlk Mulus
 Panà Radix
 Iibichigì Iratus.

Pluralis.

Laetkatè Filli
 Lekachì Metalla
 Ahēpega Equi
 Yuihà Boves
 Neketéterì anseres
 Oachigranigal cervi
 Iniegari flores, vel anni.

 Neogotà Dies
 Eèrgaieì stellæ
 Aapaiaikà telæ

 Yapochì Magnanimi
 Lachaokè Rivi
 Letegkè folia
 Ketelra Muli
 Panarì Radices
 Iibichigeri Irati.

E pauculis his patet, in eandem licet literam desinentia nomina diversissimos plurales habere. Cæterum ut Græci præter pluralem numerum Dualem quoque adhibent, quo duo duntaxat explicantur; sic Abipones duplici Plurali utuntur, quorum primus uno plures, alter, plurimos significat. Sic: *Yakè*

vir. *Joale*, vel *Joaleina* viri aliquot, *Joaliripi* viri plurimi. *Abēpegak* Equus, *Abēpega* Equi aliquot *Abēpēgeripi* Equi plurimi.

Miror, Abipones plurimorum Americanorum more non habere duplex verbum, quo primam personam Pluralis numeri *Nos* exprimant. Sic Quarantii duplici modo ly *Nos* proponunt; Jam dicunt *Nandē*, jam *ore*. Primum vocant *inclusivum*, alterum *exclusivum*. Suis in precibus Deum alloquentes ajunt: *Nos* peccatores *ore angaypabiya* quia Deus a numero peccatorum excluditur. Hominibus colloquentes: *Nandē angaypabiya* nos peccatores ajunt, quia hi, quibuscum loquuntur, pariter peccatores sunt, & hinc vocabulo inclusivo: *Nandē*, utuntur.

Cum nominibus possessivis, *Mens*, *Tuus*; *Suus* Careant, id quovis in nomine per additionem, vel mutationem literarum variam suppletur, quod & linguis Hebraicæ, Hungaricæ, variisque Americanis usuenit. Major apud Abipones ob tantam mutationis literarum varietatem inde nascitur difficultas in secunda persona maxime. Exempla accipe. *Nerd* Pater indeterminate. *Yūd* Pater meus. *Gretay* Tuus. *Lerd* Illius. *Gresd* Noster Pater. *Gretay* Vester. *Lerd*. Illorum,

Naetarās. filius, quin, cujus fit, exprimatur. *Yaetrās*. Meus filius, *Graetrachi* Tuus, *Lactrās* Illius.

Nepēp. Avus maternus. *Yepēp*. Meus. *Grepēp* Tuus. *Lepēp*. Illius.

Naal Nepos. *Yaal* Meus, *Graali* Tuus. *Laal* Illius.

Naal

Nendk frater natu minor. *Yendk* Meus. *Grenarj*
Tuus. *Lendk* Illius.

Nakirék Sobrinus *Nakirék* Meus. *Gnakiregi*
Tuus. *Nakirek* Illius.

Nobeléré. Hastile Lanceæ: *Yohéleté*. Meum.
Greheliébi Tuum. *Lobeléré* Illius.

Natasra vita. *Yatasra* Mea. *Gmasra* Tua. *Lasra*. Illius.

Verum hæc sufficiant ad demonstrandam secundæ cumprimis personæ multiplicem variationem. Apud Quaranos Possessiva pariter nominibus affixa quidem, sed nil prorsus difficultatis adferunt, quoniam eadem omnibus in verbis per personas mutatio. Sic: *Tuba* Pater. *Cberuba* Meus. *Nderuba* Tuus. *Tuba* illius. *Guba* suus. *Taj* filius. *Cberaj* Meus. *Nderaj* Tuus. *Taj* Illius. *Guaj* Suus. *Che* primæ. *Nde* secundæ præfixum quibuscunque deum nominibus, nunquam variatur. In plurali perinde, *Nande*, vel *Oreruba* Pater noster. *Penduba* Vester Pater. *Tuba*, vel *Guba* Illorum vel suus Pater, generatim in aliis omnibus substantivis hæ particula possessivorum suppleant vices.

Pecularem in possessivis nominibus animadversionem Abiponum accipe. Si quam rem videant, cuius Dominum ignorent, interrogaturi: *cujus est hoc?* Alio, atque alio verbo id præstant. Si enim res, cuius dominum nosse cupiunt, animata sit (etsi anima solum vegetativa gaudeat) Ut triticum, equus, canis, captivus &c. dicunt: *Cahami lelà?* cuius possessio est hoc? Respondebit alter: *Ylà mea. Grelà tua.*

Iratum non nisi: *Pay* vocabulo utebantur. *Káepak* lignum *Káeperáale* lignella, quo nomine Rosarii Mariani globulos affecere. *Lenechi* parvus, modicus. *Lenechiólék*, vel *Lenechiavalk*. Diminutivis creberrime utuntur, quibus jam tenerum amorem, jam contemptum alterius indicant. Sic: *Póale* vir, homo, *Yodeólek*. Homunculus. Frustum hominis. Sæpe apud illos diminutivum præ omni superlativo luculentior amoris, vel laudis significatio est. Sic equum strenuum, vel cæteris elegantior *Abépegerválk* blandientes appellant. Hispani quoque animi sui propensionem significantius produnt, dum dicunt: *Bonito*, quod est diminutivum, quam dum dicunt: *Bueno*, quod bonum, vel bellum significat. Idem quibusdam in rebus Germani diminutivorum usu præstamus non raro.

Americanæ gentes pleræque Numeralium nominum sunt egentissimæ. Abipones non nisi tres numeros vocabulis propriis norunt exprimere. *Íñitára* unum. *Íñoaka* duo. *Íñoaka yekaini*. Trija significat. Reliquos numeros miris industriis supplent. Sic: *Geyenk ñaté* digiti struthionis, qui, cum tres anteriores, unum aversum habeat, quatuor sunt, & pro hoc numero exprimendo illis serviunt, *Neénbalek* pellis pulchra, quæ scilicet quinque colorum maculis distinguitur, ad significandum quinque adhibetur. Si Abiponem interrogas de cujuscunque rei numero curto, digitis erectis respondet: *Leyer iri: En tot!* Si illius intersit, curate rei numerum edicere, digitis utriusque manus, vel utriusque etiam pedis, & si omnes hi non æquent numerum proferendum, digitis pedum, manuumque aliquoties ostensis interroganti respondebit. Hinc *Hanámbegeg* digiti unius manus quinque: *Lanámbegem* digiti utriusque manus decem: *Lanámbegem, cat Grácherbaka anámichiribegem* digiti manuum, pedumque

que universi *viginti* significant. Habent & aliam numeros supplendi methodum. Redeunt aliqui ex campis, ubi vel equos sylvestres venati, vel cicuratos jam exteris furati sunt. Nemo Abiponum interrogabit reduces: quot equos domum adduxistis? Sed: Equorum, quos adducitis, turma quantum spatium occupat? Reponent interrogati: *Equi una serie collocati totum hoc forum occupant*, vel: *Ab hoc nemore ad amnis ripas usque se extendunt*. Cui quidem responso ad faciendam de equorum multitudine conjecturam omnes acquiescunt, etsi certum numerum ignorent. Interdum arena, vel gramine palmam manus implent, hacque interrogantibus exhibita rerum ingentem multitudinem innuere sibi videntur: Verum, dum de numero agitur, quidquid Abipones tibi affirmaverint, cave, assensum præcipites tuum. Non ignorantes modo, sed & hostes sunt arithmeticæ. Hallucinatur fere illorum memoria. Numerandi tædium haud ferunt. Hinc ut aliorum de numero interrogationibus se expediant, digitos pro arbitrato, quotquot lubuerit, ostentant, jam falluntur, jam fallunt interrogantes. Sæpe si res, de qua quæris, triadem excedat, Abipon digitorum exhibendorum molestiam pertæsus: *P'ôp!* Multi. *Cbic leyekalipi* innumerabiles, exclamabit. Aliquando decas militum advenit, undique tamen populi concursantis vociferatio personuit: *Yooliripi laienk naüeretápek*. Viri copiosissimi propinguant.

Numeralium porro, quæ a Grammaticis ordinativa dicuntur, major est penuria; Ultra primum equidem numerare nesciunt. *Era námachit* primus. Hinc Decalogi præcepta hoc modo recensentur: Primum præceptum *Era námachit*, cum secundum, tertium, quartum lingua sua exprimere nesciant, horum loco præ-



præceptis reliquis præmittitur: Et aliud, & aliud &c. *Car labáua, car labáua &c.* Habent tamen nomen, quò prior ordine, & posterior denotatur. *Enám cabék* qui præcedit. *Inagebék*, qui ultimus sequitur.

Numeralia distributiva duo duntaxat habent. Singuli *Inítarape*. Eini *Inákatarape*, & jam hæret aqua. *Linoaka yabaz* duabus vicibus, vel bis. *Ekátarapek* una vice, vel semel. Interdum: *Haúe ken*. En arithmetica Abiponica compendium, curtissimamque numerorum suppellectilem! Vix opulentiores sunt Indi Quaranii. Neque enim ultra numerum *quatuor* progrediuntur. 1 *Peteý*. 2 *Mokoy*. 3 *Mbohapi*. 4. *Irundy* dicunt. Primus *Iyipibae*. Secundus *Imomokoyudaba*. Tertius *Imembobapibaba*. Quartus *Imoirundybaba*. Singuli *Pereýteý*. Bini *Mokoymokoy*. Terni *Mbohápibapi*. Quaterni *Irundy rundý*. Semel *pereý yebi*. Bis *mokoy yebi &c.* Quaranii perinde, ut Abipones, si res numerum quatuor transcendunt, promptissime respondere solent interroganti numerum: *Ndipapabai, vel ndipapabai*. Innumerabiles. Cum vero numerorum scientia tum ad alios vitæ civilis usus, tum maxime ad sinceram sacro in tribunali peccatorum confessionem perneccessaria sit, in publica Catechismi seu explanatione, seu recitatione lingua Hispanica numerare docebantur quotidie Quaranii in templo. Dominicis diebus universus populus a primo ad millesimum usque numerum Hispanica lingua clara voce numerare consuevit. Sed æthiopem lavimus. A plerisque musicam, pictoriam, sculptoriam artem promptius, quam numeros perdisci, experti sumus. Numeros omnes lingua Hispanica enunciare quamvis noverint, numerando tamen facile, frequenterque turbantur, ut adeo cautissime illis hac in re adhibenda sit fides.

Quod

Quod ad Verborum conjugationem pertinet, nullum prorsus paradigma præfigi potest; Nam in verbis prope singulis singularis numerus præsentis temporis indicativi modi variat, & multo plus difficultatis adfert discipulis, quam illa Græcorum incrementa. Secunda potissimum persona non in principio solum, sed & in fine, vel medio alias, atque alias literas sibi adsciscit, quod exemplorum, quæ adscribo, aspectu planissime patebit:

*Singularis.**Pluralis.*

Amo Rikapit
Amas Grkapichì
Amat Nkapit

Amamus Grkapitak
Amatis Grkapichii
Amant Nkapite.

Scio. Ríaraige. Graáraige. Yaraige.

Recordor. Hakaleent. Hakaleenchì. Yakaleent.

Idem. Netúnetá. Nichuñtá. Netúneá.

Doceo. Hápagrānātrān. Hapagrānātrānì. Yápagrānātrān.

Festino. Rihahagalgè. Grahālgāhì. Yahālgāhì.

Morior. Rīgā. Gregachì. Yīgā.

Submergor. Rūgarāñi. Gregachāñi. Ygarāñi.

Salto. Rīahat. Rahachì. Rahāt.

Timeo. Rietachā. Gretachì. Netachā.

Cupio. Rihè. Grihì. Nihè.

Volo, volas. Natahegem. Natāchihegem. Natahegem.

Sum ebrius. Rkìhoget. Grkìhogichì. Lkìhoget.

Sum piger. Rīaal. Graa i. Naal.

Sum fortis. Rīahot. Grihochi. Yhōt.

Bene valeo. Rīoamkatā. Groemketā. Yoāmkatā.

Calco. Hachāk. Hachāfē. Rachak.

Comedo. Hakeñē. Kīñigi. Rkeñē.

Vomo.

<i>Vomo.</i>	Riemaletapèk.	Gremalitapèk.	Némaletapèk.
<i>Dormio.</i>	Aatè.	Aachi.	Roatè.
<i>Fudet me.</i>	Ripagák.	Grpagaí è.	Npagák.
<i>Collino ad scopum.</i>	Hatene-talgè.	Hachínitalgè.	Yatene-talgè.
<i>Magni rem aestimo.</i>	Riápategè.	Grpáchiigè.	Yapategè.
<i>Vrbero.</i>	Hamèlk.	Hamelgi.	Yamèlk.
<i>Bibo.</i>	Nānām.	Nānami.	Nānām.
<i>Facio.</i>	Haèt.	Eichì.	Yaèt.
<i>Obedio.</i>	Riahapèt.	Grahapichi.	Nahapet.
<i>Advenio</i>	Nauè.	Nauichi.	Nauè.

Verum paucula hæc sufficiant ad mutationem verborum prope singulorum diversissimam perspicendam. Abstineo pluribus, quæ in promptu mihi essent, exemplis. Haud equidem Abiponum linguam te docere, sed de illius exotica novitate convincere mihi est propositum, & fastidium scilicet, quod prolixitas vocum Barbararum adferret, evitare. Ex paucis, quæ adnotavi, colliges, quot verba, totidem fere secundæ cumprimis personæ inflexiones esse, ac variationes usu ipso, non ex regulis perdiscendas. Cætera indicativi tempora, uti & Modi omnes cujuscunque demum conjugationis parum negotii facessunt discuntibus linguam, cum aliquæ duntaxat syllabæ vel particulæ temporis præsentis Modi indicativi adjiciantur. En! *Rikapis* amo. Imperfecto carent.

Præteritum: Amavi *Rikapis kan*, vel *Kanigra*.

Plusquamperfectum. Olim amaveram, *Kánigra gè-he rikapis*.

Futurum. Amabo. Rikapitām. Eādem particulās secundis, & tertiis personis, cætera nil mutatis adijunge. Sic: *Amas* Grkapichi. *Amasti.* Grkapichi *kan.* *Amaveras.* Grkapichi *kanigra gebe.* *Amabis.* Grkapichiam. *Am* enim syllabā futuri est & præsentis distinctio.

Imperativum modum ipsū præsens, vel futurum nihil omnino mutatum efficit. Sic: *Grabálgati.* Festina, quod ipsum secunda indicativi persona, festinas. *Eichi fac.* Grkapichi *ama.* Vel Grkapichiam, quod idem *amabis* significat. Interdum verbo particulam *Tach* in secunda Imperativi persona, vel *Ták* in tertia præmittunt. Sic: *Tach Grabápichi* obedi. *Tach grokearani.* Dic. *Tak banek.* Veniat. Quod idem modum permissivum denotat. Sic: *Tak banek kaámek.* Veniat, per me licet, Hispanus. Prohibitio per futurum præfixa particula *Tchik*, vel Chigè pro ratione sequentis literæ explicatur; Sic: Non occidas, *Chis kabamatraniam.* *Chis noabaregraniam.* Non mentiaris.

Optativus, & subjunctivus e variis particulis, quæ præsentī Indicativi jam præponuntur, jam postponuntur, formatur. Quod exemplis patefiet.

Chigriek utinam. *Chigriek grkapichi G' Dios, eknami kaogarik.* Utinam amares Deum, qui est Creator. *Ket si: Ket greentani, G' Dios grkapichi ket.* Si esses bonus, amares Deum. *Ket* si in conditione, & conditionato repetitur.

Amla postquam. *Amla grkapichi g' Dios, Dios 'lo nkapichieroam.* Postquam amaveris Deum, Deus amabit te.

Ebenbà donec. *Ebenbà na ebigrkápichi g' Dios, chisr gibe' groamkerápeka'm.* Donec vel quamdiu non amaveris Deum, non eris unquam quietus.

Amamach quando. *Amamach rikápichie'oa, lo Grkápichioam.* Quando amaveris me, amabo te.

Ket mas. Si. *Ket mas nkápichirioa', la' rikapitla kës.* Si amassent me, amassem illos.

Tach ut. *Tach Grkápichioa, rikapichie'oam.* Ama me, ut amem te.

Infinitivo carere videntur Abipones. Hunc aliis suppleant modis. Exemplis id fiet planius; sic:

Jam volo comedere. *La' ribete m' bakéne.* *Ribe,* vel *ribete* volo, & *Hakeñe* comedo, utrumque ponitur in eodem modo, tempore, & persona; Litera *M* illis interjecta infinitivum facit nostr. *m* vel supplet. *Non possum ire.* *Haoaben m' abik,* *Haoaben,* & *abik* in prima persona praesentis indicativi ponitur, solo *M* interposito. *Non scis me docere* *Chig graáraige m' riapa grañi.* *visne baptizari,* seu, ut Abipones loquuntur, *visne tibi lavari caput?* *Mik mich grebecb m' nakarigi grema-rachi?*

Necessitatem infinitivi, Supini, Gerundiorum variis locutionibus, sibi propriis eludunt. Iuvat hoc exemplis aliquot illustrare. Dum nos dicimus: *Possum ire.* Abipon id hac ratione exprimet: *Ibo.* *Nulla est difficultas.* Vel, *estne aliqua difficultas?* *Labikam.* *Chigooka Loaik,* vel *Mauiga' loaik?* *Debes ire.* Abipon sic reddit: *Yoomkasa' kës,* *lame.* *Eas,* æquum est. *Non debes ire,* vel non convenit. *Auich grebecb m' ame?*

Oogan ebik youmk. visne abire? Quamvis id non convenit. *Quam peritus natandi hic homo est!* Abipon hoc sic effert: Quantus natator est hic homo! *Kemen álarankachak yáale!* Comedendo robustus ero. *Rihotam, am hakenē.* Ero robustus, dum comedam. *Venio ad te videndum.* *Hanegiyeroa'.* Venio ad te alloquendum. *Hetchiapegrari. Kleranam Kaúe, la náue'.* Loquar tibi. Id causa fuit, quod jam veniam. *Solet mentiri puer.* *La noabaregrān kén: oenek.* Particulæ *Kén*, & *Aage* Consuetudinem significant. Idem sic exprimit Abipon. *Noabaregrān oenek.* *La laberek.* Mentitur puer. Jam est illius consuetudo. *Soleo orare.* *Klamach bankyaage' m' bétsoalú.*

Vocis Passivæ, dum quid affirmatur verbo, nulla peculiaris forma, sed vel participio aliquo passivo, vel verbis activis exprimitur. Ubi nos dicimus: Rem perditam, vel finitam esse, illi ajunt: Rem periisse, cessasse, non apparere &c. *Yáibak oalóa',* vel *Chisigibē.* Periit, vel non comparet jam bos. Dum quid negatur, verbo solum activo, præfixa particula *Chigat* vel *Chigichiekas* explicatur passivum. Sic: *Nescitur.* *Chigat Yaraige'.* *Yaraige* est tertia persona indicativi præsentis verbi activi. Istud non comeditur. *Chigat yáik.* Istud non usurpatur. *Chigat eyga'.* Non fui certior factus *Chigat ripachigni.* Equi non fuere bene custoditi, propterea periverunt. *Machka Chigat ukébayape enó abépega, maoge oalótra.* Stellæ non possunt numerari. *Chigichiekas nakasni eergræe.* Quod ignoratur, non debet narrari. *Am chigat yaraige, chigichiekas yarasapekam &c.*

Ex verbis pluribus activæ significationis participia tum activa, tum passiva, non tamen futuri temporis, formantur. *Rikapis* amo. Ex hoc fit: *Ykapi-*



cheras a me amatus, seu meus amatus. *Grkapichefachi* tuus amatus. *Lkapicheas* illius amatus. Ex isto nascitur foeminiuum: *Ykapichkase* Amata mea. *Grkapichkachi* tua amata. *Lkapichkase* illius amata. *Ego sum amatus ab omnibus* *Lkapicherasé* *Kenoataoge*. Ex hoc participio derivantur: *Kapichera* amor. *Ykapichera* amor meus. *Kapichieraik* amans, amator.

Rikaage Misereor, benevolentia aliquem prosequor. Participium illius passivum: *Ykaugras*. Benevolentia a me affectus. Substantivum: *Ykaugra*, mea Benevolentia. *Kaugrankase* Instrumentum, modus, locus benevolentiae, vel ipsum beneficium. *Kaugrankachuk*. Benevolus, misericors. *Ykaugrek* benevole a me habitus. *Grkaugigi* benevole a te habitus &c.

Hapagranatran doceo. *Napagranatranak*. Docens. Magister. *Napagranatek*. Qui docetur, discipulus. *Napagranatraniek*. Doctio, instructio. *Napagranatrankase* Locus, ubi, vel materia, quam alter docetur. Pluribus exemplis superiiedo. Oculis quidem tuis, labiisque lassitudinem metuo jam, ac satietatem; Nam vel scribenti mihi fastidium jam jam se insinuat. Superfunt tamen plurima, que nefas sit silentio præterire.

Formidabilem jam tyronibus Abiponenfis linguae labyrinthum ingredimur, ubi, nisi ut Ariadne Theſeum, sic te experientia longior duxerit, nusquam tuto citra erroris discrimen ambulaveris. Verba, quæ transitiva, vel reciproca vocant grammatici, intelligo. Actio unius in alium nostris linguis per ipsa pronomina: *Ego*, *tu*, *ille*, *nos*, *vos* nullo negotio explicatur. Abipones e contrario omisso illorum pronominum ulu, varia verborum inflexione, novis hinc,

at-

atque illinc implexis particulis id præstant. Exemplis hæc fient planiora. *Amo te, tu amas me, Ille me, vel te amas. Nos illum amamus. Amas nos, vel illos,* latini sine verbi mutationibus pronominum ope mutuum amorem exponunt, quod multis cum ambagibus, vario semper artificio præstant Abipones. Sic: *Amo Rikapiz. Amo te Rikapichioa. Tu amas me Grkapichioa. Ille amat me Nkapichioa. Ille amat te Nkapichioa. Amamus illum Grkapiza. Amamus illos Grkapizla. Amo me ipsum. Matnikapizalta. Amas te ipsum. Nikapichizalta. Nos mutuo amamus Grkapisasá* Verum utinam hoc verborum omnium foret paradigma! Alia alias sibi adfiscunt particulas, syllabarumque mutationes. Sic:

Rikauage. Misereor. Misereor tui. Rikauagyegari-ge. Tu misereris mei. Grkauagiye. Tu misereris nostri. Grkauagyegarik. Miseretur mei. Nkauagiye. Miseretur tui. Nkauagyegariye. Miseretur illius. Nkauagege. Miseremur nostri mutuo. Grkauagekhepetaa. Misereor mei ipsius. Nikaakakaa.

Hapagranan. Doceo. Doceo me ipsum, seu discō. Neapagan. Docemus alter alterum. Hapagran-katápetaa. Doceo te, Hapagran Doces me. Riápagran. Docet me. Riapagan. Docet illum Yupagan.

Hamelk verbero. Ego te. Hámelgi Tu me. Riámelgi. Ille me Riámelk. Ille te verberat. Grainelgi. Ille illum Yamélk.

Hakleense. Recordor. Ego tui. Hakleenchisápegrari. Tu mei Hakleenchisapegi. Ille mei Yákleentópegi. Vel his visis deprehendas in verbis transitivis variationem, cum jam eod, jam yegarige, jam rari,

jam alias particulas aliis personis inspergere oporteat. Illarum cognitio, mihi crede, incredibiliter fatigat Europæos, & non nisi longa cum his Barbaris consuetudine tandem obtinetur. Alii quoque Americani verbis istis transitivis utuntur, sed ad mutuam actionem, vel passionem explicandam una illis est forma. Sic Quaranii dicunt: *Abailà*. Amo. *Orebaibà* amo te. *Ayukà* occido. *Oreyukà* te occido. *Ambos'* doceo. *Orombos* te doceo &c. Quid, quæso, facilius, quid expeditius?

Relativum *Qui*, *quæ*, *quod* interdum exprimunt per *Eknam*, vel *enonam* plurali numero. Sic *Dios*, *eknam* *Kaogarik*. Deus, qui est Creator. *Hemokáchin* *nauléliekà*, *enonam* *Yapochi*. Magni facio milites, qui sunt strenui. Interdum, latinorum more, Relativo *Qui* suppresso participium, vel adjectivum aliud substituant. *Riskayà utrogiugà oakaika*, *Kach quenò abam-íacka*. Abominor canes mordaces, & mortuos.

CAPUT XVII.

De aliis Abiponum linguæ proprietatibus.

Abiponum linguam verborum egenam, æ jejuiam, an locupletem dicam, anceps hæreo etiamnum. Postquam exposuero, quibus vocabulis hinc destituitur, inde superfluat, tute sententiam feras iudex. Desunt Abiponibus vocabula, quæ quotidianæ locutionis videntur elementa. Carent verbo substantivo: *Sum*, quod quidem & quarunî non habent. Carent verbo: *Habeo*. Carent vocibus, quæ hominem, corpus, Deum, locum, tempus, nunquam, semper, ubique &c. Significant, quæ tamen singula humana in consuetudine identidem recurrunt. *Ego sum Abipon. Aymè Abipon. Ego Abipon*, dicere solent. *Tu es plebejus - Akami Lanaraiik. Tu plebejus*. Sæpe adjectivo, & verbo substantivo verbum aliquod neutrum substituunt exemplo latinorum, quibus perinde est dicere: *Sum sanus*, vel *bene valeo*. *Sum fortis Riabòs*, tu *Gribochi*. Ille, *Pbòs*. *Sum magnanimus. Riapòs. Tu Grapochi*. Ille *Yapòs*. *Sum timidus. Riakald*. Tu *Grakalo*. Ille *Yakald*. *Venias Hispanus, jam ero strenuus. Tach banék Kaámalk, la riaporam*, videntur, ut Abiponibus facile verbo substantivo carere! quin & verbo: *Habeo*. *Habeo multos equos. Ays yla abépega*. Multi equi mei. *Habeo multos pulices. Nesegink loapakase enò!* Pop. Non habeo Carnem. *Chiskaaká Lpabò*. Non habeo pisces. *Chigokoa*

koà ndayi. Heka Abiponibus idem sonat, quod latinis *dasur*, vel *suppetit*, Germanis *Es giebet*. Hispanis *ay* *Chiskaeka* est negativum, significatque: Non dari; non suppetero carnem, pisces &c. In plurali numero dicitur: *Chigekoa*. Daturne cibis? *Meka Kanák*?

Neoga diem significat, sed & tempus, *Grauek* Luna pro mense accipitur. *Yüira* flos filiquæ Græcæ est, simul annum denotat. Hinc dum ex alio, quot annorum sit? quærunt, *quoties jam se vivente filiqua græca* floruit? ajunt: *Hegem layera yüigari*? Quæ phrasis utique poetica. Pro corpore vel pellem, vel ossa, partem nempe pro toto, nominant. *Yosalé* virum significat duntaxat, pro homine tamen significando pariter adhibetur. Eodem modo Quarani vocabulo; *Aba*, quod virum, & nationem Quaranicam denotat, utuntur, cum nomine, quod hominem significet, careant. *Aba obe* triplicem sensum continet, scilicet: Ego sum Quaranius. Ego sum homo, vel ego sum vir. Quid horum dictum velit, ex colloqui argumento colligendum est. Nusquam forte plures, quam Abiponum in patria, virgines; Neque tamen, nisi per circumscriptionem, norunt virginem explicare. Vox enim: *Haayé* juvenulam qualemcunque, etiam corruptam, significat. Pro *nunquam Chik*, vel *Chis* non solent collocare. Sic: *Nunquam hinc migrabo*. *Chik rihukam*. Frequentius; *Chisigibe rihukam* ajunt; *Chisigibe*. Non apparet tempus, quo migrandum mihi, denotat. *Æternum* per interminatum explicant. Sic: vita sempiterna. *Eleyra chis Kasakali*. Vita, quæ non finitur. Deum, cujus nomen ignorant, cum Hispanis vocavimus; *Dios*, etiam *Kaggarik*, vel *Naenastanah hipigem*, *Kachka aalé*, Deum, qui rerum omnium effector, vel creator cœli, & terræ. *Kaué* facere significat, *Kaggarik* factorem. *Tesarik* & *Kaueté* ova, Gallinæ opera, appellant.

Ubi.

Ubique una voce dicere nequeunt, sed circumscribunt hac ratione : Deus est in cœlo, in terra, & non est locus, ubi non sit. Menetabegem quem bipigem, menetañi quen aaloà, Ka chigekòr amà, chig enaè. Prætereo alia innumera, quæ destituuntur, vocabula; Illa tamen variis modis supplere norunt; Norunt quoque res non paucas, quæ apud nos una semper, eademque voce exprimi solent, multis nominibus insignire, vel eandem verbi radicem novis particulis ita vestire, ut aliud semper atque aliud vocabulum possit videri. Ut linguæ hujus inopiam exemplis aliquot detexi, sic ejus quoque copiam breviter exhibendam mihi putavi.

Incredibile, quot synonymis polleat. Sic: *Kachergaik. Kamergaik. Kereřaik. Laykame'*, senem significat, *Mortuum: Eleraik. Egargaik. Abamřaik. Chitkaeka Laeb. Bellum: Nabamarřek. Nuichieřa. Nořlakierok. Anegla. Cibum. Kinieras. Handk. Naka. Nach. Caput: Lemařat. Lapañik. Cœlum: Hipigem. Obajenk. Nescio. Chigriřaik. Taage. Uriaka. Nsa. Chig ñerun. Akamitañi*, quod postremum perinde est, ac si interroganti alteri reponeret: *Tunc id noveris*, fateturque se, quod interrogatur, nescire. Interdum eadem interrogantis verba repetunt, quo ignorare se id testantur. Vulnus qualecunque vocant *Lalagles*. Si illud dentibus bestię alicujus vel hominis inflictum; *Naagek*. Si cultro; vel ensē; *Nicbařbek*. Si lancea: *Noarek*. Si sagitta: *Nainek* vocatur. *Pugnans*, si ratio pugnæ non exprimatur: *Rařlakisapegeta*. Si pugnant hastis: *Nabámreša*. Si sagittis: *Nasenerapegeta*. Si pugnis se contumendo: *Nemarķesapegeta*. Si solis verbis: *Yčberikálořetaa*. Si duæ uxores pro eodem suo marito: *Neřóseuse*. Rem aliquam finitam esse, diversis vocibus ex-

plicant. Finita est infirmitas: *Ldyamini*. Finita est pluvia, luna, frigus: *Lándinreuge neere*, *grauek*, *lasara*. Finitum est bellum: *Nabálani anegla*. Hispani milites sunt finiti, id est, interneccione deleti: *Lanamichiriñi Kaama yooliripi*. Finita est mea patientia: *Lándinreuge yapik*. Finita est tempestas. *Layamba*. Finivit suum officium, defunctus est suo magistratu: *La yauorelgo*. Fini, absolve denique tuum opus: *Grabálgeli*, *Laamachi grafnasegi*, Jam jam res finitur: *Layam ayam*. sub finem mundi. *Anla banamiani*. Pugna ii committatur sagittis, dicitur: *Noasarek*. Si hastis: *Noavataurek* vel *Nabamasrek*. Si pugnis solum: *Nemarkesrek*. Hoc vocabulum eventus ridiculi memoriam mihi reficit. Laicus quidam noster Bavarus ad struendum Missionariis tugurium in recenti S. Hieronymi colonia versabatur aliquamdiu. Fabrilis opere occupatus Abipones quotidie spectatores habuit tuos, colloquentesque, quin vel syllabam intelligeret, audivit identidem. Cum voces *Nabamasrek*, *Noasarek* aliaque plurima verba in *Trek* desinentia frequentissime perceperit, mente accumbens Patri Josepho Brigniel Austriaco ingenue dixit: Nullus sum, si hæc Abiponum lingua cum nostra Germanica non habeat maximam affinitatem. Vix ovum ovo similis. Iterum enim, iterumque, aiebat, *Trek*, *Trek* audio pronunciari.

Hanc Abiponum linguam haud abs re linguam Circumstantiarum dici oportere asseruimus. Nam ad situs rei, de qua sermo, diversitatem indicandam alias, aliasque particulas verbis affigunt; Jam *Hegem* sursum, *Añi* deorsum, *Aigis* Circa *Hagam* in aqua *ónge* foris, vel foras, *Alge*, vel *Elge* in superficie &c. Exemplis res evadet luculentior. Eodem verbo: *Est*, contenti dicimus: Deus est in *Celo*, est in *terra*, est in *aqua*, est *ubique*. Abipones nova semper par-

ticula, quæ situm indicet, verbo est adjecta ajunt: *Dios menetabegem Ken bipigem* Deus moratur supra in Cælo. *Menetani Ken aalod* moratur infra in terra. *Menetabagam Ken enarap* moratur in aqua. &c. En particulas añs. *Hogem. Hagam* Verbo: *Menesá* affixas. Sed adverte animum ad reliquas. Quanta verbi *assequor* variatio! *Assequor* adventantem: *Hautre- taigit*. *Assequor* abeuntem: *Hauiraá*. *Assequor* manu, quod est infra me: *Hauirañi*. Quod est supra me: *Hauiribegemtege*. Non *assequor* oculis: *Chib beondage*. Non *assequor* intellectu: *Chig ñes- nésaigit*. *Assequor* sagitta. *Nasen*. Proficiscentes alii alios *assequuntur*: *Yáuerhasá*. Vel. *Yauirérapegetá*. *Assecutus* sum, quod alter animo suo meditatur, vel machinatur. *La báni Larenatranrek Lañel* *Assecutus* sum, quod petii: *La báñi eka Kan abelranras Kñi*. Audi alia exempla. Metuo: *Rietasabá*. Metuo aquam: *Rietachabagam* Fulgurat: *Rkábagelk*. Fulgurat eminus: *Rkábagelkátaigit* Splendet: *Ricbák*. Splendet in superficie: *Ricbákasalge* splendor late se diffundit: *Ricbákátauge*. Aperio portam plateam versus: *Hebótouge Labám*. Hinc ingredi cubiculum Patris volentes clamitant: *Ybochiuge Labám*. Aperio portam fenestram versus: *Hebótod Labám*. Si duplicem portam simul aperiam: *Hebótetelge Labám*. Claude portam: *Apéegi Labám*. Morior: *Riigá*. Sum moribundus: *Riigerari*. Morior suffocatus: *Riigarañi*. &c. &c.

Commemorandæ jam veniunt aliæ particule, quæ maximi apud hos barbaros usus:

La jam, singulis prope verbis præfigunt. *La vedkasari cacbergaye*. Jam plorat vetula. *La riék jam* sum territus. *La nañam jam* bibo-

Tapak



Tapek, vel *Tari* ultimæ verbî syllabæ adnexusum actionem, quæ nunc suscipitur, denotat. *Hakiriogran* aro terram. *Hakiriogranetapek* nunc, dum loquor, aro, *Haoachin* ægroto, *Haoachinetari* Hoc temporis puncto ægroto.

Kachis. Facio. *Arairak abëpegak* cicur equus, *Arairakachis abëpegak*. Facio equum cicurem. *Ridlk* Paveo. *Ridlkachis nibirenak*. Tigris me fecit pavidum. *Ayerbëgemegë*. Res alta *Ayerbachibëgemegë*. Rem facio altam, in loco altiori colloco.

Ras, vel *Ran* ejusdem cum priori significationis est quibusdam in verbis. *Rpaë enarap* calida aqua. *Hapaëras enarap* calefacio aquam. *Lad* magnus, amplius. *Laararas* amplifico. *Lenechi* parvus tenuis. *Lenechisaras* extenuo. *Haoarë* dormio. *Haoa-oberan* akiravalk. Infantulum facio dormire.

Ken verbum reddit frequentativum, consuetudinem, ac habitum notat. *Roëlakikëu* solet digladiari.

Aagë substantivis: *Lahërek* opus, vel *Yadrairëk* scientia affixum pariter consuetudinem explicat. *Nëga lasënk nanametapek*; *Gramachka Labërekaage*, vel *Mat yaadrairëk aage*. Toto die potat. Hæc denique illius est occupatio; Hæc illius est scientia. Verbo. Illius est consuetudo.

It. Materiam, ex qua res aliqua componitur, significat. *Nichigebëris* Pallium ex Lutræ pellibus confutum. *Nichigebë* enim Lutra est Abiponibus.

Kæpe-

Káepèrit. Locus sudibus terræ infixis munitus, Hispanis la palisada, vel estacada. *Káepak* lignum significat.

Has. Arborum, vel frugum quarumcunque natale solum indicat. *Nebokebas*. Sylva, ubi palmæ nascuntur *Neboke* palmæ species. *Nemelkebas* ager tritico confitus, quod *Nemelk* dicitur. Quarani eodem utuntur compendio, sed particulæ *Has* substituant *Ti*, sic: *Abati* Turcicum triticum. *Abasiti* ager, ubi hoc procreatur. *Peti* Tabaca. *Petudi*, ubi tabaca crescit. Euphoniz causa, quam maximopere curant Quarani, *ndi* loco *ti* ponunt.

Ik. In hanc syllabam omnia prope arborum nomina desinunt. *Apèbe* fructus Chaiar. Arbor *Apebik*. Oaik filiqua Græca albi coloris; *Roak* rubri. Arbores illius feraces *Oáikik*, *roaikik*. quamvis & uno nomine *Hamáp* filiqua Græca appelletur.

Reki Significat Vas, locum, vel instrumentum, quo res aliqua clauditur, servatur, vel continetur. *Nanamreki* Poculum, a *Nanam* poto. *Neariki* idem significat. *Near* enim & *Nanam* synonyma sunt. *Kataraureki* furnus, acerra a *Nkáarek* ignis. *Keyerânreki* Linter, in quo vestes funiginate lavantur. *Keyarânras* Sapo, seu smigma est illis.

Lays. Ejusdem prope, cujus prior particula, significationis. *Yogék* *Lays* pyxis, qua tabaca servatur *yabogék* enim tabaca in pulveres redacta. *Ahèpegrlays*. Septum, quo equi clauduntur.

peti glandes, vel *Káma' lanarba* sagittas Hispanorum. Fides, seu Chelyn *litúgi*, quod lumbos animalis indicat. Metallum quaecunque *lekàs*; Nummos argenteos *Lekacháole* parva metalla vocant. Infernum *Aalò labachini* centrum terræ, vel *Keevès Lèerikt* dicunt, domum diaboli. Indusium *yelamírkie* Tibialia, vel ocreas. *Lichil lelamírkie*. Femoralia. *Yhi-marba*. Calceos *yachbárlarè*. Petasum *Noarà*; vittam, mitram, quaecunque Capitis tegumentum *yetapebè*. Globulos vitreos *Ekalrayé* vocant. Omitto his similia.

Familiares sunt his Barbaris metaphoræ. Capitis dolore affecti: *Là yivichigi yemařat*. Jam caput mihi irascitur, exclamant. Manuum labore fatigati: *Là yivichigi yauigra* Jam Sanguis mihi irascitur, subridendo ajunt. Irati: *Là anabegem yauel* Jam mihi cor assurrexit, dicunt. Molestiæ alicujus impatientes: *Là lanamouge yapik* Jam finita est mea patientia. Jam non sum huic dein ferendo, vociferantur.

Quamvis Quaranii, pluresque alii Americæ populi non nisi postpositiones habeant sua in lingua, Abipones Præpositionibus utuntur. Sic Quarannii Sanctæ Crucis signum manu formantes ajunt: *Tuba bad lejra, hae Eſpiritu Santo rera pipe*. Amen. Patris, & Filii, & Spiritus Sancti nomine in. Amen. *Pipe* enim In. *Rera* nomine significat. Abipones e contrario: *Men lakalásoet Nesà, Kas Nàisarar, Kachha Eſpiritu Santo, Amen*. In Nomine Patris, & Filii &c. *Men In, Lakalásoet* nomen exprimit. *Men, Meh, Kèn, En Kera' In*, vel ad jam cum motu jam sine motu significat. *Men aalaa, Men bipigem In* terra, In Cælo. *Labik Ken nepark jam abeo ad Campum, La rihí mek Kahma Loetà, Jam migro ad*

ad Hispanorum terras. Propositionem *Cum*, quæ societatem notat, ignorant. Sententiam hanc: *Ibo tecum*, sic efferunt. *Grabaniapekam*. Te comitabor. Vel aliter per *esiam*. *La me? Clacckehin*. A-bis? etiam ego. *Dominus tecum*. *Dios Gnoakàra biñisaroat*. Dominus tibi associatus est. *Haraà* propositio significans instrumentum, quo res peracta est. *Yóale yabámas nibirenak naraà lobélete*. Indus mactavit tigridem lauceâ. *Yágam* sicut, vel instar. *Roabà yágam nesegink* Invadit instar Canis.

Ipsa adjectiva adverbiorum vices plerumque subeunt; Hæc perinde, ac illa, prout tempus præteritum, vel futurum spectant, verborum instar, varie flectuntur, sic: *Ariak*. *Neñ*. Bonus, & bene significat. *Kemen ariak kàn!* quam bonus, vel quam bene fuit. *Kàn* præteriti nota est. *Ariakam*. Bonum, vel Bene erit. *Am* nota futuri. *Kisè*, nunc. *Kisekàn* nunc fuit. *Kisàm* nunc mox erit. Si de re præterita quæras, dicendum: *Hegmalagè* quando. Si de futura: *Hegmalkàm*. Ad præteritum respondent jam: *Nehegeroè* Dudum. Jam: *Húkekemàs*. Nunc, hoc temporis puncto. Jam: *Chigabák* nondum. Jam: *Kienéoga* hodie *Kisnénegin*, vel *Kisnebaèl* Ista nocte. *gnaàma*. Heri. Ad futurum: *Amà*. *Amlayerge*. *Chilkihe*. Post longum temporis intervallum. *Amlà* Postea. *Am richigni* Cras. *Amékéro lábaa* Perendie *Am náama* ad vesperum. Et per *Kachka*, *Kach*, vel *Kat*, prout sequenti litteræ melius consonuerit, exprimitur. *Non*. *Ynd* omnes. promiscue dicunt. *Ira* pro ratione tum sexus, tum ætatis diversæ explicatur: *Héé* viri atque adolescentes reponunt interrogantibus. *Hàà* fœminæ omnes. Vetuli ducto ex intimo pectore rhonchó, quidquid demum sit, affirmant. Id non literis, sed

viva voce, licet non citra raucedinis periculum, facilius, apertiusque potest declarari. Quanto sonantior rhonchus, tanto luculentior affirmatio.

Eðrigi, Eðraz, miekaegen, Cur, qua de causa. Miška tnegen nkaut, nauichi enà? quid causæ fuit, ut venires? Men interrogationis est particula, an significans. Men leerà? Estne verum? Klerà est certum. Chigera. Non est verum. Vel si de rei veritate dubitant, respondent: Eðriñigi. Interdum, dum falsitatem alterius relationi subesse arbitrantur, præteritum futuro coniungunt, & per ironiam reponunt: Kánigra Leeràm. Olim verum id erit. Kánigra præteritum, leeràm futurum est.

Litera *M* verbo præfixa interrogationem denotat. Sic: *M'ayte nanachieka? An multi milites sunt? M'oachiñi. An zgrotas? Si prima, quæ M sequitur, litera consonans, vel H sit, illa penitus absorbetur. Manekam ena? Veniet ne huc? Ex verbo: Hanekám veniet, H penitus omittitur, diciturque: Manekám. Mauichi Kenà? Hucne advenisti? Nauichi N litera eliminatur, & M. substituitur: Mauichi. Mik solum, vel Mik mich interrogationis formulæ sunt. Mik mich grihochi? Num bene vales? Alias solo accentu, vocisque elatione interrogatio cognoscitur. Layàm nauichi? Tandem venisti? Origeena, Morigi voculæ sunt interrogantis simul simul dubitantis. Morigi npágak ocnèk? Forsitan pudet juvenem? Hegni binnerkam? quid tandem erit? Orkeénam. Nescio, quid futurum sit.*

Latàm prope, parum abfuit, quin submergeret, Latàm riýgerañi. Latam riabámar ýiuihák, Bos me prope occidit. Ys, vel ych solum, duntaxat, Tach-

Tachkawe yr lenechiavalk. Da mihi tantum modicum quid. *Mat*, vel *Gramachka* denique. Quando cum asseveratione seria aliquid affirmatur, vel cum iactantia. *Gramachka Abipon yapochi*. Denique Abipones sunt magnanimi. *Eneba mat yoale*. Hic denique est vir. *Chik*, *chit*, *chicbi* prohibentis voces sunt, uti ne apud Latinos. *Chik grakalagitran*, ne dubites. *Chicbi noharegrani* ne mentiaris. *Klarum Keen* quamvis, *oagan* tamen. *Eneba Klarum Keen-éúnek*, *oagan netackaik*. Quamvis iste sit pulcher, est tamen timidus. *Tan* Quia. *Máoge*, ideo. *Tan ayre apatáye* *heu nepark*, *máoge chik ààrèkan*. Quia multi cubo in campo, ideo non dormivi. *Men*, *Men* sicut, ita. *Men nerà*, *men naetaras*. Sicut pater, ita & filius.

Diversas habent admirantis, dolentis, gaudentis &c. Exclamationes. *Kemen apalaik akami!* Quam tu sordidus, & rerum tuarum tenax es! *Kemén naáchik*, vel *Kimili naáchik!* O quam erit mihi hoc utile! Est modus gratias agendi pro accepto munere. Haud enim Abipones, aut Quaranii verbum ullum possident, quod gratias agere, vel gratitudinem significet. Quid mirum, quod gratitudinem ne de nomine, quidem notam factis rarissime contestentur. Beneficiis equidem, ut quidam dixit, utuntur ut floribus, tamdiu gratis, quamdius recentibus. Repulsa unica beneficiorum priorum memoriam penitissime apud Indos abolere consuevit. Quaranii dono accepto eadem phrasi dicere solent: *Aquiyebese ángà* salutare mihi hoc erit. Abipones interdum, postquam, quod petierant, impetrarunt, nil nisi hanc voculam: *Kliri* Hoc erat, quod volui, beneficium conferenti repount. Alias seu admirantes, seu miserantes exclamant: *Kem ekemas!* *Ta yeegám!* *Ndrè* quod iis subita

quavis novitate attonitis familiarissimum. *Tayra!*
O pauperculum!

Verum satis hæc, superque fuerint, ut Abiponensis Linguae salebras, difficultates, exoticumque artificium animo concipias. Quod si enim, quæ ad ejus penitiorum scientiam pertinent, complectar singula, justum utique volumen eviret. Pater Josephus Brigniel primus gentis illius cultor, dum S. Hieronymi Colonie annos admodum duodecim præfesset, prius item Linguae huic discendæ, moxque tradendæ operam dedit, nuper barbarorum discipulus, subinde sociorum, qui suppetias missi, magister. Præcipuæ Religionis capita, solennes Ecclesiæ preces in Abiponensem traduxit linguam, universæ in quatuor dein colonias tributæ nationi subsidio futuras. Incredibile, quantum molestiæ hoc in studio devoraverit, etsi ut laborum patientia, sic memoriæ tenacitate plane ferreus. Cum Latinis, Germanis, Gallis, Italis promptè, cum Hispanis, Quaraniisque, quorum diu Apostolus fuerat, etiam eleganter loquebatur, sex linguarum probe gnarus; Cum Abiponibus tamen balbutire denique ut nosset, hic labor, hoc opus fuit. Ut rerum nomina, nominumque inflexiones, ac usum explicaretur, omnem sane movebat lapidem. Ast quamvis discendi avidissimus nulli industriæ parceret, magistri nempe, ac libri, qui docerent, fere desiderabantur. Haud defuere equidem Hispani, qui adhucdum pueri bello capti Abipones inter Abiponensem combibissent linguam, sed isti linguae patriæ plerumque jam immemores. Qui adultiores in Barbarorum captivitatem incidere, eorum linguae adeo infeliciter demum assuescunt, ut quatuor verba sine totidem erroribus vix, ac ne vix quidem noverint præferre. Nativæ linguae sensum

sim obliviscuntur, quin alienam rite perdiscant. Utraque loquuntur, sed neutram vel mediocriter callent. Idem Germanis, Italis, Gallis in America evenisse, vidimus, qui patriæ linguæ oblii Hispanicam rarò perfecte sunt affecuti. Idem de Abiponibus sentientium, qui apud Hispanos aliquamdiu captivi ad suos rediere. Ex captivis igitur errare citius, quam loqui discas. Si quis tamen illorum linguæ utriusque mediocriter gnarus a nobis conductus est magister, superi boni! quanta nobis fastidia erant exhaurienda. Interrogatus: quo nomine hanc, illamve rem compellant Abipones? Voce tam dubia, tam obscura respondet, ut ne syllabam, ne literam quidem unam percipias. Si bis, si ter idem tibi pronunciari vocabulum poscas, commota mox bile stomachatur, & obmutescit. Vix lapsa institutionis hora verborum aliquot, quæ enunciavit, mercedem quotidie postulat: Hodie cultrum, Cras forficulas, perendie globulos vitreos, alias aliud majoris pretii. Si negas illi postulatum præmium, vix tandem te reviset; Si porrexeris, ad petenda semper majora indies evadet audentior. Summa discipuli miseria, si magistri vel rari, vel nimium cari. Rerum, quæ oculis observantur, nomenclationem quotidiana cum Indis consuetudine paulatim perdisci, haud inficior; At illa, quæ oculos fugiunt, quæ ad Deum, ad animum pertinent, conjectura solum, & longissimo rerum usu tandem cognoscas. Dum de equis, de tigride, de armis sermo, Abiponum quemlibet Demosthenem, Tulliumve experieris. Dum de animi affectionibus, functionibusque, de virtutum habitudine quæstio, responsa nocte obscuriora reddent, vel elinques adstabant.

Quaranicæ linguæ studentibus nobis Grammatici Codices, terna item lexica Patribus Antonio Ruya de Montoya, & Paulo Restivo siculo authoribus edita temporis perinde, ac laboris compendia exstiterunt. Horum ope nostri adeo accelerati fuere progressus, ut mense tertio exeunte Quaraniis sacro pro tribunali aures præbere permitteremur e quatuor sociorum antiquiorum sententia, qui superiorum jussu nostram linguæ scientiam longo examine acriter sunt periclitati. Quæ quidem librorum subsidia, cum Abipones inter deessent, Josephus Brigniel laboris contentione, & quotquot poterat, industriis supplevit. Si quam vocem novam, vel elegantiam e Barbarorum colloquio, ut aves e fimo tritici grana legere solent, detexit, in adversaria retulit diligenter, ac demum lexicon conscripsit, quod progressu temporis ad centum quinquaginta phyllras excrevit. Illud a sociis subinde descriptum, limatum, magnisque accessionibus locupletatum fuit. Scilicet facile est inventis addere; Nam successores antecessorum humeris insistentes & longius, & plura vident. Opulentum Peruvium Pizarrus, Mexicum Cortesius penetrarunt, sed columbo, qui Americam primus vidit, præcunte, Brigniel noster viam, qua tantis in tenebris linguæ barbaræ incedendum sit, primus ostendit, ducem se præbuit reliquis, & ut paucis dicam, in illa rerum caligine rudia grammaticarum legum lineamenta indicans lucem accendit, vel hoc nomine æternum celebrandus. Illo per biennium & contubernali, & magistro usus vocabularium scripsi non alphabetico ordine digestum, sed eo fere modo, quo Amos Comenius *Vestibulum linguarum* concinnaverat, ac in hanc usque diem retineo.

Novis Abiponensem linguam difficultatibus implicat mos barbarorum ridiculus, vocabula universæ Nationi communia antiquandi identidem, novaque illis substituendi. Ritus funebres istius consuetudinis sunt origo. Nolunt Abipones superesse quidpiam, quod vita functorum memoriam rescricaret. Hinc vocabula appellativa, quæ cum mortuorum nominibus aliquam referunt affinitatem, mox abolentur. In S. Hieronymi oppido tabe confectus est Abipon juvenis, cui nomen *Hana* fuit. Eadem vox *acum*, vel *spinam* significaverat id temporis; Sed mox a morte adolescentis vox *Hana* abrogata est, illique substituta: *Nibirencase*, quod dein *acum*, denotaret. Primis, quos Abipones inter egeram, annis quotidiana fuit interrogatio: *Hegmalkam Kahamâtek*? Quando erit bonum occisio? At ob Abiponis alicujus obitum vox *Kahamâtek* interdicta est, & illius loco: *Hegmalkam négerkata* dicere, præconis voce jubebantur omnes. Vocabula: *Nibirenak* tigris cum *Apanigebak*. *Peûe* Crocodilus cum *Kæprhak*. *Kaâma* Hispani cum *Rikil* permutarunt, quod hæc cum nominibus recens vita functorum Abiponum similitudinem nonnullam referrent. Taceo plurima alia ejusmodi. Inde est, quod vocabularia nostra lituris scatuerint, cum antiquata vocabula ex illis identidem expungenda, novaque inferenda fuerint. Nova rebus nomina indere, Vetularum jus, ac negotium est. Mirabar sæpe, recens inventa ab his vocabula remotissimis mox contuberniis innotescere, universamque nationem vetulæ unius inventioni, ac arbitrio, quin vel unus repugnaret, acquievissè tanta cum religione, ut summi æque ac infimi nefas putent vocabulum abolitum porro enunciare.

His aliud, quod linguæ hujus studium discentibus aggravat, accedit. Ad nobilitatis gradum

promoti Hécheri, & nelaŕeykate audiunt, ac ipſo ſermone a vulgo ſe diſtinguunt. Verbis utuntur ple-
rumque iisdem, ſed literarum jam interpoſitu, jam
additione adeo transformatiſ, aliud plane linguæ ge-
nus ut eſſe videatur. Virorum, qui ad hanc nobi-
lium claſſem pertinent, nomina in *Lu*; ſœminarum
(Nam & iſtæ his honoribus initiantur) in *Eu* defi-
nunt. Quam ipſam ſyllabam, ſi cum illis, vel de
illis loquaris, verbis, ſubſtantivisque adjicere oportet.
Hanc ſententiam: *Iſte equus eſt poſſeſſio Capitanei De baya
Kaykin*. Lingua vulgari ſic eſſeret Abipon: *Ene ba abè.
pegak Debayakaykin lela*; Lingua Hécheri autem dicen-
dum: *Debayakaykin liliu*. Plebejum adventantem ſalu-
tant: *Là nauichi?* Jam veniſti. *La naïuè*, jam v eni,
alter reponit, Si veniens ſit nobilis, ſalutandus eſt :
Là naïurin. Jam veniſti. Iſte cum ſaſtu, & magnifica
vocis modulatione: *La naïerinkie*, reſpondet. Variæ
ſyllabæ verbis vulgaribus vel adjectæ, vel interjectæ
ſermonem reddunt adeo obſcurum, ut lingua prorſus
diverſa loqui nobiles videantur. Quid, quod & iidem
vocabula ſibi interdum propria vindicent, quibus, qui
de vulgo, ſibi fere ſuperſedendum putant. Sic: Ple-
beji matrem *Lasè*, nobiles *Lichid*. Filium ille *Latſarſas*,
iſti *Illalèk* apellant, ut cætera taceam. Apud Abipo-
nes Yaaukanigas, cæteris arrogantiores, ſœminarum,
puerorumque ſœcem nobilium ritu ad pompam loqui,
ſæpe indignabar. Quidam & riſus ciendi gratia, hunc
Hécherorum ſtylum affectant. Nos ſeu in rerum di-
vinarum explanatione, ſeu familiari in colloquio lin-
gua vulgari, quippe omnibus perſpecta, utendum
nobis, putavimus.

Triplex eſſe Abiponum genus, dixi: *Rūkabe. Na-
kaikérergebe Yaaukanigas*. Eadem omnibus lingua. Sin-
guli ſingulos intelligunt, a ſingulis intelliguntur. Vo-

ees tamen peculiares in quavis istorum classe deprehendas. Rūkahe culices: *Ayte*; Nakaiketergehe: *Apashye* nuncupant. Utrumque nomen culicibus bel-
le congruit; *Ayte* enim multos significat. *Apatāye* a
napāsa derivatur, quod stoream, qua pro tecto utun-
tur, denotat. Tanta enimvero Abiponum, in fini-
bus culicum est frequentia, ut iis non tegi solum, sed
& opprimi incolæ videantur. *Bibere* apud Rūkahes
neër, apud Nakaiketergehes *nañam* est. Isti caput *Lap-
nañik*; Illi *Lemañas* dicere malunt. Jaaukanigæ in
verborum usu jam hos, jam illos imitantur; In qui-
busdam tamen ab utrisque differunt. Lunam vocant
ceteri *Grawek*; Isti vero *Eergraik* Stellam per antono-
masiam appellant. *Iris* ab aliis *Oáberà*, a Jaaukanigis
Apich dicitur. Omitto plura ejusmodi. Sed quanta
quanta hæc varietas, difficultatis parum, nihil admi-
rationis affert; Tot gentibus Teutonica in usu est
lingua, & quantum hæc non dialecto solum, sed &
verbis passim per provinciam variat. Equum hi
Pferd; Illi *Ros*; Alii *Gaul* appellant. Quantum He-
truscus a Mediolanensi, Sabauda, Veneto differt?
Quantum Castellanus ab Arragone, Batico, Navarro,
Valentino! Verum ut ingens, quod Americanas in-
ter linguas intercedit, discrimen luculentius pateat,
aliquot illarum paradigma corollarii loco adnectam.



C A P U T XVIII.

Variarum Americæ linguarum specimen.

Risi perſæpe multorum interrogatiunculam: Quem ſonum ederet Americanorum lingua? avidius, quam ſagacius ex me quærentium. Intederat ſcilicet rudium animis opinio, per imenſos terrarum tractus innumerabiles Americæ populos uno omnes ore loqui. Verum jam alias dixi, non modo ſingulas Americæ provincias, ſed ſingulas quoque provinciæ cujuſlibet nationes propria ſibi gaudere lingua, quæ a reliquis toto plerumque differt coelo. Diſcrimen iſtud oculis, auribusque exploratum ut habeas, en ſigni crucis Romano ritu formandi methodum in quatuordecim Americæ linguis! Binas iſtarum, Quaranicam ſcilicet, & Abiponenſem ipſus calleo, atque annos omnino octodecim exercui. Reliquas loci, qui alios inter Indos incanuerunt, me poſcente adnotarunt. Si, quotquot Americanis ſacram navarunt operam, locios omnes idem rogitaſſem, linguas centenis forſ non pauciores his in commentariis jam exhiberem. Habeo, de quibus te præmoneam, paucula. Hiſpanis, luſitanisque ſoleanne eſt, duplicem ſemper cruem formare. Primum enim frontem, os, ac pectus Germanorum more cruce ſignantes: *Por la ſeñal de la ſanta Cruz de nueſtros enenigos libra nos Dios nueſtro ſeñor.*
Per

Per signum S. Crucis de inimicis nostris &c. ajunt, quod pie præfati manum fronti, pectori, utrique humero, ut latinorum mos fert, applicant, ac: *En nombre del Padre, y del hijo, y del Espíritu santo, Amen.* In nomine Patris, & filii &c, dicunt. Duplicem hanc crucis formam Hispani *perfigarise*, y *sanguarise* se signare, & sanctificare, vocant. Hispanorum ritui Indos conformari oportuit. Hinc versus primo loco linguis Indicis expressos: *Per signum S. Crucis &c.* Secundo loco: *In nomine Patris &c.* Significare, noveris. Literas *Ch* more item Hispanico scias pronunciari. Hinc dum legis: *Nachahet Naschabes* dicendum est, Ne mirare, si *Dios*. Cruz, Cruzú, Cruspa, *Espritu* santo voces vel Hispanicas, vel ex Hispanicis detortas hic identidem deprehenderis, carent equidem vocabulis propriis Americani, quibus *Deus*, *Crux*, *Spiritu*, *Sanctus* rite exprimi queant, Norunt Crucem alii alii Deum lingua patria nuncupare, nemo Spiritum sanctum,

In 32 Oppida distributi Quarantii sic ajunt:

*Per signum S. Crucis &c. 1. Santa Curuzú raan-
gaba rehe oreamotareymbara agui orepiçirò epe*

Tupâ oreyara

In nomine Patris &c. *Tuba, hæc Tayra, hæc Espiritu
tu santo rera pipé. Amén,*

*Adverse signum ~ literam per nasum ~ per
guttur ~ per nasum, & guttur simul pronunciandam
esse, monet. Ç apud Hispanos litera Z æquivalet,
Cmu*



Cum Quarunica lingua non præpositiones sed postpositiones habeat, utraque Crucis formula sic sonat.

I. Sanctæ Crucis signum per nostris inimicis ab libera nos Deus Domine noster.

II. Patris, & Filii, & Spiritus sancti nomine in. Amen.

Abipones equites.

I. Kaána nachahét santa likinánala oahayégalgè gnaágioá Dios Gnoakára.

II. Men Lakalatoét Netà, kat Naitarát, Kachka Espiritu santo. Amèn.

Mocobies, seu Amókebir duobus in oppidis. Equites

I. Kena Letanèk santa Latizenfanrát Gdomariti Kenoà nokiatedorba Dios Gnoakodo.

II. Kelenrát Neta, Oka Ilialek, Oka Espiritu santo. Amèn.

Nora. Litera *ŕ* uti apud Abipones, nec ut R, nec ut G, sed ut mixta ex utraque enunciat.

Tobas, seu Nasúkebir. Equites uno in oppido.

I. Tigága Laanèk santa Lottisdagáñadak Nifontia-gà Kanalatagaua Abockiakatit señor Okkomi.

II. Lettaà, Llalèk, Espiritu santo Leenagàt. Amen,

*Mbayas, seu Ryiguayegi, Quaykurru, vel Oackakalös.
Equites uno in oppido.*

I. Santa Nikenaganagalatë liguaga: talo Konogoa
temà Konoelgódodipi akami Dios Konibotagodi.

II. Tigi Liboonágadi Eliódi, lionigi, ninaga Espi-
ritu santo. Amen.

Ecquid hæc lingua s̄avis, mellea, cæterisque
blandior videtur? A literis F & R abhorret. Literis
D L & G abundat. Sed, qui hac lingua utuntur,
Mbayæ ante reliquos Barbaros Barbarissimi, Athletici
corporis, bellicosi, cunctisque formidabiles. His so-
lis strenuitatis gloriam tribuunt ultro Abipones, ceteri
quosvis alios Paraquariæ populos præ se aspernentur.
Adverte præterea, quatuor has linguas Abiponum sci-
licet, Mocobium, Tobarum, Mbayarum eadem olim
matre natas fuisse. Id nemo nostrum in dubium re-
vocat. Verum superi boni! quanta has inter sorores
hodie dissimilitudo! Quam diversa lineamentorum
conformatio! Crucem Abipon vocat: *Likinranala*.
Mocobi: *Latizenranarat*. Toba: *Lottisdaganadak*. Mba-
ya: *Nikenagana'galare*. Quid dissimilius usquam?
Signum Abipon appellat: *Nachaber*, Mocobi: *Letanek*.
Toba: *Laanek*. Mbaya: *Lignaga*. Ingens sane diarum
vorum metamorphosis, sed nobis Europæis neutiquam
miranda, quippe qui novimus: Illyricam linguam
Bohemicæ, Slavonicæ, Croaticæ, Rascianicæ, Russicæ,
Polonicæ, Vindicæ, Carniolicæ matrem extitisse; La-
tinam Italicæ, Gallicæ, Hispanicæ, Lusitanicæ, Cata-
launæ, Forojulientis, Sardinicæ; Germanicam Flan-
dricæ, Svecicæ, Danicæ, Helveticæ &c. Ast quam
dissimiles ejusdem matris filię! Germanus Belgam,
Carniolus Russum, Italus vel Hispanus Gallum, nisi
Oedipus sit, loquentem ægerrime intelliget, & divi-

nan-

nando solum loquentis animum assequetur. Navigavimus anno 1748. cum Svecis liburno Ulyssiponem; Anno 1769. cum Danis ex portu Gaditano in Italiam. Isti patrio usi sermone nobis Austriacis quot verba, totidem ænigmata protulisse videbantur. Sed jam ad linguarum ipsa origine a se discrepantium contemplationem progrediamur; Quæ tum mihi sint peregrinæ, parentheses multas porro ne metue.

Duler, & Ystines pedires duobus in oppidis. Hæc illorum lingua Tonocotè vulgo dicitur

I. Santa Cruz Yapsaps tayulè Enunupçen uà taci
lesi çen.

II. Pe, Kuè, Espiritu santo uètplè. Amen.

Villè (Raregranrèk Abiponibus) Passain, Chunipi,
pedites duobus in oppidis.

I. Santa Cruz udcebeb rurup Gosagpilet Nakis
um moyòm Dios Pekis.

II. Tatè, Ynakè, Espiritu santo Guatebè. Amen.

Masaguayi, Abiponibus Ychibachi Pedestris populus
uno in oppido.

I. Ta noltelxanèk santa Lekakilús Thetla Lekoix
naimameg Illabug Illakatupà.

II. Noala ku lei, uetlas lei, uet Espiritu santo
Yhilei. Amen.

Ut sonus linguæ, sic nationis perfidæ, pediculus
ingenium absurdum. P. Augustinus Caltanæres,
&

& P. Franciscus Ugalde Cantaber Socii nostri nostrae
etate ab illis sunt trucidati.

Chiquiri pedites in 10 Oppidis.

I. Oi n' aucipi santa Curuzis okernai zoichacu
zoichupa mo unama pocheneneco Zumunene.

II. Au n' iri Naki Yaitotii, Ta Naki Ritotii,
Ta Naki Espiritu santo. Amen.

Est lingua multi artificii, ac laboris, sed latissima
me patens.

Zamuci, quorum lingua utuntur nationes Ygaroño, Kaiparades, Karao, Tunacho, ymono, & tres alia Chiquitorum oppidis passim aggregatae.

I. Guioze santa Curuzire Tupade arota noc ihia
yetaddoe.

II. Daire, Abire apo, enapo Espiritu santo aha
iru. Amen.

*Lingua Quichua, quam alias linguam del Cusco appellare
non in Peruvia duntaxat, sed & in finima Tucumania Vulgo usitata.*

I. Santa Cruspa unanchanraicu acaicu cunaman-
ta Guespichi huaicu Dios.

II. Dios Apuicu Yayap, Churib, Espiritu santo
sutimpi. Amen.

En undecim linguarum, quarum in Paraquaria
usus, Specimen! utinam & ceteras, quae Pampas,
Serranos, Patagones, Charruas, Payaguas, Malbala-
es, Guanoas, Quanas, Calchaquies, Quayaguis,
Qua-

Quakis &c. uti novimus, a fociis meis, qui illas cal-
luere, describi curassem. Tres, quæ Mexicanis in pro-
vinciis vigent, subnecto.

Lingua Cochimi in California vulgaris.

I. Santa Cruz makigua magæ temedegua ba-
pac pakamadèn Dios Wavabapà.

II. Dios ac Ijem, Vifajem, Espiritu santo maña
juann Amen.

* Adverte, literam J Yota H instar cum aspira-
tione proferri.

Lingua Wüicura Ejusdem Provincia.

I. Akatui tipichèu tè Santa Cruz pen Kepeta-
kuriu kepe kakuña Dios Urekepe tuyakakene.

II. Tiè tè Tiäre tipicheu; tè Tichanu chie, Tè
Espiritu santo chie. Amen.

Hæc lingua asperrimo literarum K & T con-
cursu identidem crepitans, ut auribus, labiisque mo-
lesta, sic vel ad lémures terrendos aptissima cui non vi-
deatur?

Lingua Mexicana in Itocatzin usitata.

Per Signum S. Crucis &c. omittunt.

In nomine Patris &c. In Dios Itatzin; in Dios
Ipiltzin, in Dios Espiritu santo ma Xichiva. Amen.
De linguis, quibus in Sonora, in Cinaloa, in aliis
Mexici provinciis utuntur indigenæ, nil adnotatum
habeo,

habeo, etsi Veteragos Missionarios illarum scientissimos in Hispania habuerim aliquamdiu contubernales.

Hæc postquam attentius perlegisti, quantum Americanas inter linguas interlit, perspexeris utique. Plerasque illarum non dialecto sola, sed ipsa prorsus radice differre, aliasque aliis e fontibus ortas fuisse periti existant, qui vocabulorum, quæ variz utuntur gentes, anatomen curatissime susceperunt. Ex innumeris Americanorum linguis pauculas duntaxat Europæorum auribus delibandas porrexi. quidli cæteras in medium adferrem, quæ in Provinciis Peruviana, Chilensi, Quitensi, novi regni Granatensis, in Brasilia, Maragnone, Cândia, Florida, Virginia, Acadia, in tot vastissimis Americæ insulis ad immensa litora fluminum Missisipi, S. Laurentii, Amazonum, Orinoci &c. Tot inter Barbarorum gentes etiamnum supersunt? Linguarum multitudinem spectares, fide, prope dixissem, & numero superiorem. In Babylonica confusione duas supra septuaginta linguas extitisse Divus Hieronymus refert. In utraque America tot extant, ut illarum seu numerum, seu nomina etiamnum ignoremus. Omnium consensione laudatus Antonius Vieira noster Regius Romæ, & Ulyssipone aliquamdiu Concionator, demum Brasiliæ, Maragnonizque strenuus Apostolus, dum in urbe Maragnonica S. Ludovici in festo Pentecostes seculo superiore ad populum verba faceret, palam edixit; *In litorebus fluminis Amazonum, quæ incolis confertissima, ad annum 1639. usque, centum quinquaginta linguas fuisse detectas; Labentibus dein annis novas idemdem & nationes, & linguas innovasse.* Ex uno fluminis unius angulo facilis erit ad immensa Americæ spatia conjectura. Explodendi potius, quam refellendi sunt, qui linguam



communem, ubique locorum vulgatam, vulgaremque populis omnibus in America Australi (uti Malayisia lingua in magna ad orientem solem India) vigere perperam affirmarunt. Quæ enim, amabo; communis illa lingua? quo nomine vocatur? Nos equidem, quibus istic comæ, barbæque incanuerunt, illam etiamnum nescimus. Quæ si suppeteret, gratulandum magnopere foret Missionariis; Nam illa sola imbuti docendis Paraquariis, Chilenfibus, Peruvianis, Quitensibus populis sufficerent, ac molesto alias, aliasque linguas discendi onere levarentur, quoties alias, atque alias gentes suscipiunt erudiendas. Quid si linguæ universalis nomine Quichuam intelligant? Illam enim linguam Generalem Peruvii nuncupare consueverunt. Haud inficior, hanc ab Indis, & Æthiopibus, qui Hispanos inter versantur, quin & ab Hispanorum vulgo in Peruvio, in confini Tucumania, in Quito usurpari passim; sed eandem penitissime ignorari a plerisque omnibus Americæ Australis incolis, a Chilenfibus, Brasilis, Paraquariensibus, certum omnino nobis, & exploratissimum. In Chaco universo, tot nationum seminario, æquis tandem Quichuam vel de nomine novit? Nisi forte captivus apud Tucumanos eam condidicisset aliquando. De Quaránica lingua id jure affirmavero, illam non Brasiliz modo sed & vicinæ Paraquariæ latissime, longissimeque dominari, quamvis utrobique numerosas, quæ illam penitus nesciant, nationes deprehendas. Quaránica a Brasilensi, qua Indi Tupies utuntur, haud multum sane differt. Discrimen, quod utramque inter linguam intercedit, pauculos intra dies perdiscas. Quotiescunque Quaranii H adhibent, Tupies illud per Zeta effecerunt. Sic isti: *Mbozapy* dicunt. Illi: *Mbohapý*, quod *res* significat. Quaranii lintrem *Yga*: Bra-

Brasili: *Ygera* vocant &c. Grammaticam Brasiliæ linguæ a Sacerdote nostro Josepho Anchieta Brasiliæ Apostolo, & ut passim dicitur, thaumaturgo (Il-
lius virtutes dudum heroicas, & eminentes Vatica-
num declaravit) concinnatam mihi Quaranicam con-
discenti magno usui fuisse lubens fateor, etsi alias
a Patribus Ruyz de Montoya, & Restivo typis
datas neutiquam neglexerim. Verum satis super-
que de linguis Barbarorum. Jam ad nuptiales,
conjugales, genethliacos, funebres, medicos, vena-
torios, aliosque gentilitios Abiponum ritus mihi
properandum. De militari eorum spiritu, & quæ ad
militares expeditiones pertinent, post hæc multis
capitibus prolixè differam. Bellum equidem princeps
Abiponum negotium, quamvis illos prædatoribus re-
ctius, quam bellatoribus putem adnumerandos.



CAPUT XIX.

De Abiponum nuptiis.

Quot nationes, totidem prope Connubiorum ritus Americanis in historiis deprehendas, facilius ut sit eos ridere, quam numerare, vel narrare. Vix tamen hoc in genere quidquam inter Abipones detegas, quod aliis, ubi ubi demum, Gentibus non fuisset aliquando usitatum. Ex dicendis id palam fiet. Abipones, quod alibi dixeram, non nisi confirmata iam ætate ad nuptias adspirant. Raro maritum inter illos videas, qui quinque minimum lustra vivendo non exegisset. Nemo omnium illos sibi imitandos putat; qui primam suam ætulam devovent Hymenæo. Neque puellam, quæ anno vicesimo proxima non sit, nupturire audias. Permultæ pudicitiam tanti faciunt, libertatemque suam, ut parentum duntaxat imperio, non nativæ propensione in thalamum consentiant denique Romani adolescentulas teneriores pro conjugio ambivere vel idcirco, quod procedente ætate earum integritati labem timerent. Id periculum; quin & periculi suspicio longissime profecto abest Abiponensibus a feminis, pudoris sui perinde, ac vitæ acerrimis semper custodibus. In vagas effundi libidines, a maribus quoque omnino alienum. Hinc adulter, scortum, incestus &c. Ut probrosa Europæis, sic inaudita Abiponibus nomina. Quæ non bipedum mo-

03

fucci, & vigoris plena, proceritatem eximiam, artus robustos, ingenia vivida, tardam, vegetamque senectam, vitæ diuturnitatem incredibilem Seri conjugii fructus esse, probavi. Serò nubendi consuetudinem tum alibi passim, tum apud Carmanos, finitimum Indis populum, viguisse patet ex Strabone L. 15. Ubi ait: Neminem uxorem ducere, nisi prius hostis caput a se amputatum Regi attulisset. Hostium capita detruncare adultiorum est fere, raro juvenulorum. In tot Quaraniorum millibus paucos insigniter proceros, aut admodum vivaces deprehendi. Ratio in prompta est: Masculi septimo decimo, feminae quintodecimo ætatis anno conjugium inire solent; Quid si illo necdum inito jam lascivirent? Multa hic, quæ in mentem veniunt, consuko prætereo.

Si cui Abiponum sponsam deligere visum, eum puellæ parentibus de pretio, quo illam sibi compareret, pacisci oportebit. Quaterni, vel plures equi, globulorum vitreorum, aut e limacum concha fictorum fasces, vestis e lana varii coloris tapetis Turcici instar contexta, hasta mucrone ferreo præmunita, alia id genus utensilia a sponso persolvuntur. Abipones namque, ut Cæteri omnes Indi, quorum curam gessimus, monetam nec norunt, nec possederunt. In pluribus equidem Hispanorum per Paraquariam urbibus nullus plane pecuniæ usus. Rerum, quas natura profert, permutatione mercatus omnis istic definitur. Imperiales argenteos, qui Abiponibus bello adhuc vigente ex Hispanorum e Peruvio venientium spoliatione olim obtigerant, jam lapidis, jam securium ictibus in bracteas attenuarunt, quas subinde ceu monilia e collo suspendebant alii, alii freno, lituove suo ornando impende-

debant, Plurimis ab hinc annis currus argento Peruvianorum onustos solitario in Campo diripuerant, aurigis, custodibusque primo impetu confossis. Quivis, quantum equus capiebat, fugiens asportavit. In urbe S. Fidei obvius Hispanus pallium rubrum suis detractum ex humeris Abiponum cuiusdam propinaverat, qui nil titubans pro illo duo scutorum Hispaniensium, quatuor scilicet florenorum nostratium millia confestim porrexit. Hæc enim summa argenti fassis singulis (quos Zurriones vocant) claudi consuevit a Peruvianis. Adeo Abipones monetæ usum, valoremque ignorant. Cæterum ab his Barbaris uxores emi reculis quibusvis pecuniam suppletibus haud est, quod miremur. Idem enim apud Græcos, Hebræos, Romanos, aliosve aliquando more receptum. Jacob certe tot annorum servitute Liam, Rachelemque Sorores a Labano earum patre demum extorsit. Genes. 29. c. David centum Philistiorum occisione Michol Saulis filiam est meritus. 1 Reg. 18, Saxones, & Burgundiones trecentis solidis uxorem sibi a parentibus coemebant. Et si Herodoto fides, apud Assyrios virgines nuptiis maturæ in foro præstabant venales. Frotho tertius Danorum Rex decreto publico victis a se Ruthenis, ne quis eorum uxorem, nisi emptam, duceret, præcepit, mariti in illam fidem minus desultoriam fore ratus, si noverit novam sponsam quovis pretio sibi esse comparandam, ut Saxo libro 5. refert.

Frequenter accidisse, memini, ut, quæ parentes inter, ac sponsum pacta, transactaque fuerant, puella rescindat, ac pertinacissime non modo qualecunque connubium recusæt, sed ne mentionem quidem illius ferat. Complures puellæ nuptiarum metu fugæ dilapsæ per sylvarum, lacuumve recessus

multis noctibus Latuere; Minusque figridum ubique infestarum insidias, quam intentatas nuptias reformidare videbantur. Istarum quædam ad sponsi ædes jam jam deducenda ad sacram refugit ædiculam, istic sub ara latitans sponsi obtrusi minas, expectationemque elusit. Nuptialium apud Romanos rituum pars fuit non ultima, ut sponsa oblectans materno a sinu, domusque paternæ liminibus simulata vi abstraheretur, ne scilicet nuptiis inhiare, sed ad eas cogi invita putaretur magna verecundiæ apud omnes commendatione, rectius dicam, simulatione. His affinia de Grönlandis legeram. Si quis istorum ad conjugium aspirat, per duas vetulas facundia celebriores negotium agit suum. Hæ puellam, quam sibi designaverat, a parentibus depossunt. Illorum consensum ut primum sponsæ nunciant, illa solatis mox crinibus vultum contegit, fictisque, verecundiæ famam aucupans, diffluit lacrymis, ac nullum facit tergiversandi, lamentandique finem. Verum a duabus illis nuptiarum conciliatriculis ad sponsi ædes raptatur verius, quam ducitur; Multis lenociniis, blanditiisque delinita illum voti compotem reddit denique, ac maritum pronunciat suum, vultu lacrymis, animo solatiis innatante. Aliquot post diebus cen conjugales aspersa amplexus in paternam refugit domum. At sacco inclusa per easdem vetulas ad mariti ædes bajulatur. Felices Europæi! quibus ad uxores seu consequendas, seu domi retinendas nec sacco, neque tot artificiis opus est. Hanc puellarum, dum de nuptiis agitur, tergiversationem apud Romanos, ac Grönlandos, fictam, simulatamque, apud Abipones sinceram, seriamque fuisse, nunquam dubitavi, quippe de illarum honestate Certissimus.

Finis

Fingamus jam a sponsa Abiponenſi ratam haberi parentum ſuorum de Conjugio ineundo voluntatem, neglectis aliis, quæ alibi ſoleannes, cerimoniaſ illa ad ſponſi tentorium deducitur non ſine pompa. Oſto-riæ puellæ veſtem elegantioreſ tapetis inſtar expanſam elatis brachiis, cœu umbellam ſuſtinent, ſub quæ defixis humo oculis, mæſto ſilentio, Verecundiam ſpirans incedit ſponſa, circumſuſis de more ſpectatoribus. Amanter a ſponſo accepta, amiceque ſalutata a contubernalibus paternas in ædes eodem, quo venerat, modo, ac comitatu reducitur, unde ſecundo, ac tertio itinere cucurbitam, ollas, cantharos, reliquam præſilo texendo ſupelleſtilem itidem ſub umbella ad ſponſi tentorium deportat, poſt perbreveſ colloquutionem ad parentum ædes reſſura, ad quas novo item marito ſeu cibi capiendi, ſeu noctis agenda gratia quotidie eſt itandum. Ea enim ſollicitudine matres filias curant ſuas, ut eas a ſe avelli etiam nuptas minime patiantur, neque alienis arbitriis illico relinquunt. Perſpecta generi ſui probitate, vel nata jam prole diſtincta vivere in domo illis concedunt denique. Pauculi hi nuptiarum Abiponenſium ſunt ritus, quos tamen virorum compotatio interdum reddit jucundiores. Aliquando militare tympanum a puero tentorii alicujus apici inſidente pulſatur, nuptiarum præcone. Quod ſponſa, dum ad ſponſi domum deducitur, umbella tegatur, id Romanorum moribus conſentaneum, qui ſcæminarum, dum marito tradebaſſentur, capita velabant, ſeu flammeo, lutei coloris velo obnubebant, unde nuptiæ dictæ. Alios nuptiarum, quibus Americani alii utuntur, ritus miſſos facio præter unum, cujus Pater Joſephus Gumilla in ſuis de fluvio Orinoco commentariis meminit, cujuſque citra riſum meminſſe nunquam potui. Eſſe nimirum iſtic nationem aliquam, ait, quæ puellis vetulos, ve-



tulas adolescentibus despondere, ac in matrimonium dare convevit: Has ceu moderatrices, illos ceu moderatores petulantiae juvenilis. Juvenes enim aetate, et imprudentia pares connubio jungere, stultum stulto associare est, inquiunt. Rationes praeterea, quibus ad claudicans hoc cum aetate imparibus conjugium probandum ducuntur, alias addunt, sed a me neutiquam memorandas. Istud juvenum cum vetulis matrimonium tyrocinii instar est, quo aliquot post menses defunctae pares paribus aetate nubere permittuntur. Legis absurdissimae observationem dum vetuli, vetulaeque incredibiliter apud adolescentes urgent, quidni negotium agere suum videntur? Id sane Guilla historicus affirmat.



CAPUT XX.

De Abiponum conjugio.

Uxorū seu multitudinem seu repudiationē Hebræis, aliisque gentibus quondam, Mahometis sectatoribus, ac sinensibus etiamnum familiarem novimus. Græci, Romanique non omnes illam respuerunt, nec semper, Quid mirum apud plerosque Americæ Barbaros polygamie, repudique abusum invaluisse, exempli vetustate corroboratum. Haud tamen, quod jure suspicias, universa Abiponum natio aliarum gentium vestigia premit. Major illorum pars una, eademque in conjugē acquiescere solet. Quamvis haud diffitear, uxorum repudiationem, perinde ut apud Europæos indusiorum mutationem, crebram iis esse, novi tamen complures, qui eandem per omnem ætatem retinuerunt uxorem. Quod si quis eorum vel sui impotentior, vel rerum potentior apud suos conjugēs sibi adsciscat plures, illas per varia multis a se leucis remota contubernia distributas habere solet, & per anni intervalla jam hanc, jam aliam invist. Si quando plures, quod rarissimum, iisdem in ædibus alat, quotidianas earum de Gubernandæ familiæ prærogativa, de mariti benevolentia altercationes, pugnas, pugnosque sibi mutuo impactos ecquis numeret? *Nejerensa*, ut superius adnotavi, peculiare est vocabulum, quo duas pro marito luctari uxores significant. Nam si aliam ob causam pugnatur, *roélakishpekera* dicunt.

Sed

Sed jam repudii uxorum rationem videamus. Frequens id non modo, sed & insolens apud istos, quod pro arbitratu, impune rejiciunt, quas conjugii vinculo sibi prius adstrinxere, ut adeo de veritate matrimonii barbarorum jure dubitent Theologi, cum vinculi conjugalis perpetuitate id videatur carere. Disspliceant uxores, satis est. Res sibi suas habere jubentur. Nulla præterea seu culpa, seu causa inquitur; Voluntas uxorem fastidiendis mariti stat pro ratione. Quamvis enim Græcis, Hebræis, Romanis repudiandæ conjugis libertas concessa, certis tamen legibus coercita suos intra limites stetit, judice uxoris culpam, maritique jura arbitrate. Apud Abipones ipse maritus actor, ipse judex, & arbiter nemine obloquente. Non longe querenda est repudii causa, neque ullius autoritate approbanda. Demulceat mariti oculos alia, cui plus venustatis, veteranæ conjugii migrandum erit vel solo hoc nomine, quod vel forma evanescens, vel ætas provectior eam accusaverit, etsi a conjugali fide, a morum integritate, a præstitis solerter obsequiis, ab edita sobole commendetur undique. Nova oculis blandiens venustas ex mariti memoria delet superiorum temporum officia, novasque mox nuptias perſuadet. Nemini potentiorum jus, animusve seu tutandi repudiatam, seu coercendi repudiantem. Oblata tamen compotatione, ubi in temulentorum animis injuriarum memoria recrudescit, propinquitate sanguinis conjuncti probrum repudiatæ mulieri illatum ferociter solent vindicare. Sæpius etiam fœminæ nuper ab alio rejectæ ab alio ducuntur confestim. Aliquæ tamen, quæ forma tristior, ætas productior, maritum diu nequidquam præstolantur novum, tumulto scilicet, quam thalamo aptiores. A fœminis junioribus divinam legem mirifice probari, optarique & sum-

um, & maritorum baptismum, quod per hunc conciliata conjugio perpetuare maritorum in mutandis, augendisque uxoribus libertas porro cohibeatur, alio loco dixi. Ex tanta repudiationis licentia cruentas prolium strages, & nationis universæ diminutionem incredibilem enasci, pariter memoravi alias. Per triennium pleræque matres lac præbent proli, ac a marito abstinent. Hic moras pertæsus priori rejecta aliam sibi thori sociam adiciit. Ad prævertendum igitur repudii periculum proles mox a partu, quin sæpe partu non expectato interimunt suas, ut lactatus diuturno onere expeditæ operam dare queant marito. Conformatis opera nostra ad Divinæ legis normam Abiponum conjugii, nexuque semper duraturo firmatis, abolita demum est matrum suos in fœtus crudelitas, copiosiore mox sobole natio universa se locupletatam mirabatur. Patuit sane, quantum ad generis nostri incrementum, ad domesticam familiarum concordiam intersit, eliminata repudii, polygamixque licentia maribus singulis singulas dunxat uxores concedi. More receptum erat Abiponum in coloniis, ut conjuges eodem tempore, quo sacris undis lustrabantur sacra in ædícula, conjugalem & Christiana disciplina consensum nobis, testibusque præsentibus renovarent. Vix risum tenui, dum vetula rugis liberaliter confita marito mediocris ætatis, formæque liberalis perpetuam fidem, societatemque maxima vocis contentione coram sacerdote eam interrogante spondit, ad æternam certissime viduitatem damnanda, si idem eandem maritus, ut poterat, reipuisset.

Multa reprehensione digna, non pauca item, quæ laudem mereantur, in Abiponum adhuc barbarorum conjugii deprehendas. Referam potissima, Quam

Quamvis primus duntaxat, secundusque cognationis gradus e Pontificum Romanorum paterna indulgentia Indorum matrimonium dirimat, Abipones tamen naturæ solius admonitu, majorumque suorum exemplo nuptias cum quomodocunque cognatis recusant omnino, & angue pejus averfantur. Debayakaykin illorum Dux Clarissimus ad reliquum uxorum gregem binas sorores sibi adjungere est ausus. Quod facinus licet omnes execrarentur, nemo tamen unus fuit, qui illi vel succenseret, vel illum imitaretur. Illius authoritati tribuendum aliquid, connivendumque putarunt. Cambyfes Rex, dum de sorore ducenda cogitaverat, a proceribus seu timidis, seu stupidis id responsi tulit: Nullam equidem extare legem, quæ connubium cum sorore indulgeat; Non ignorare se tamen aliam legem: Quod Regi Persarum integrum sit facere, quidquid allubuerit. Hanc de Rege potentissimo historiam Debayakaykino Abiponum Regulo, quantum poteris, accomoda, qui ut bellatores permultos Hispanis profligandis in campo opposuit, sic præter nationis suæ morem Bellonas conjuges nulla propinqui sanguinis habita ratione sibi plures indulgere est ausus indignantibus cunctis, nemine refragante. Hanc cognationis reverentiam, qua a nuptiis absterrentur, Paraquariæ populis plerisque omnibus a natura insitam esse, experimentis minime dubiis exploratum habemus. In illa me sententia magnopere confirmavit Caziquius Roÿ barbarorum in Mbaeberà sylvis primpilus, qui, dum circumfusa multitudini religionis capita exponerem, facta de incestis consanguineorum nuptiis mentione, in has eruperat voces: Bene ais, mi Pater! Connubium cum cognatis res est profecto turpitudinis plenissima. Verum id jam perspectum nobis, & a majoribus nostris acceptum. Is illorum hominum sylvestrium lenius, etiam multipli-

care

care uxores, easque, quoties visum, a se repellere nec rationi absonum, nec indecorum sibi putent, Quam acerbo in incestos amores odio ferantur Abiponenses fœminæ, eventus, quem refero, luculentissime docebit. Abiponum quispiam adhuc puer lacte tinctus, ac Chrysostomi nomine initiatus postquam per Hispanorum prædia sæpe, diuque cum infima, & infami hominum colluvie versatus esset, eos imbibit mores, ut sui jam dissimilis Barbaros ipsos improbitate superaret. Ad nostram Rosarii Coloniam postliminio redux quidquid turpitudinis alibi didicerat, hic imitatione exprimere conabatur. Ausus est cognatam mulierem, ætate florentem, ac nuperrime marito, qui in velitatione occubuit, viduatam ad flagitium pellicere. Quamvis virtute mulieris, quam opprimere tentabat, fortissime repressus cogitata haud perfecit, nefandi tamen contactus fama illico pervulgata contubernaliū omnium animos furore accendit, facinus inauditum, incredibile, & apud illos prodigio simillimum acerbissime indignantium. Fœmina de oppugnata sua pudicitia identidem conquerens lamentis domum implet, ac ad impudentiæ nefariæ vindictam parentes, cognatosque extimulat suos. Nec mora: Appetente aurora armis, armatisque perstrepat omne torum. Contra petulci juvenis parentes itur, cæteris ad alios, aliosque juvandos concursantibus. Pugnatur. Hic hastis, sagittisque viri, inde mulieres pugnis, unquibus, dentibus atrociter impetunt se se. Hæc facies Trojæ, cum caperetur, erat. Verum, ut sæpe alias, totæ dimicatio intra minas, ac terrores stetit denique. Multa vociferatio, vulnera pauca, uti in tempestatibus fulmina tonitribus semper rariora. Tranquillatis cæterorum animis vidua sui præ verecundia imposit nullum, faciebat lamentandi finem. Recurrente

animo identidem probri memoria, ut contubernali-
um se subduceret oculis, fugam semel, iterumque la-
crymans tentavit, sed ab insequente foeminarum ma-
nipulo ægre domum retracta est. Cum denique nul-
lis suorum seu precibus, seu rationibus acquiesceret,
parentibus, fratribusque comitantibus rusticatum tan-
tisper discessit. Anxiam adeo pro servanda integrita-
te sollicitudinem vel in foeminis, quæ Christo sacra-
mentum dixerunt, quidni haud raro desiderant ma-
riti Europæi?

Alterum, quod in barbara Abiponum gente suspi-
ciendum utique, est integerrima conjugum fides. Hanc
nec oppugnatam, neque expugnatam usquam audias.
Mariti plures non raro mentes domo absunt, uxori-
bus in virorum contubernio citra periculum, aut
periculi suspensionem remanentibus. Quod Græci de
Penelope Ulyssis annos viginti absentis fidissima con-
juge fabulati sunt, id verissima de Abiponum conju-
gibus historia est. Quod si tamen Abiponum cuiquam
vel minima de uxoris integritate suspensionis rimula
pateret, id tacitus non concoqueret, quin de injuria
suspectum, etsi nunquam convincendum, acerrime
ulcisceretur. Opportune eventus memini, qui ad
hoc argumentum magnopere facit. Mulierculam nu-
per Pachicæ Caziquio nuptam Abiponum aliquis in
via offendit, eques equitem. Ab illa melopeponem
poposcit; Fructibus enim onusta ex agro redibat suo.
Repulla savis pro pepone fuit. Nunc plura. Totum
negotium quatuor verbis, momenti totidem perac-
tum innocenter. Transiens torte alter quispiam col-
loquentes eos eminus vidit, visisque, quæ libuit, af-
finxit. Crecente per hominum ora rumunculo in su-
spicionem turpitudinis tentatæ vocatur Indus, qui
præter peponem sibi desideravit, poposcitque a foemi-

na nihil. Excandescit ira Pachieke ejus maritus, vido adolescens ingenio, laudisque militaris avidissimus: Vocatis in armorum Societatem amicis, uxoris suæ, quod perperam sparsum, tentatorem nil tale cogitantem aggreditur. Accurrentibus suppetias contubernalibus omni telorum genere certatur aliquamdiu. Excussis pacificatorum opera armis, iterumque resumptis in arenam sæpius redeunt. Tumultuatio dies aliquot tenuit. Redintegrari tamen pax, amicitiaque inter illos minime potuit, Pachieke suspitionis tenace, altero contumeliæ semper memori. Ergo hic aspersam nomini suo labem aboliturus, ulturusque, ad insolens flagitium adjicit animum. Matrem vetulam, sororemque cælibem Caziquii Pachieke eidem equo insidentes extra oppidum conspiciatus in utramque ex improvviso irruit. Puellam ex equo deturbat, & non libidinis, sed vindictæ impulsu violare nititur. Verum matre, filiaque acriter reluctantibus cum voti compos non fieret, ira percitus vetulæ matris suram sagitta confluciat. Hæc sanguine diffuens domum se recipit protinus; Luculentum in pede vulnus, quod vociferans palam exhibuit, classici instar fuit, quo ad arma evocabantur universi. Undique concurritur; His vindicandi vulneris, illis vindices reprimendi, plerisque aliis restituendæ pacis cura, studiumque erat, cujus cum spes nulla affulgeret, Pachieke cum sua, & assecclarum suorum familiis relicto S. Hieronymi oppido in campum remigravit postridie, ubi aliis nationis suæ Barbaris adhuc ferocibus associatus per hostiles assaultus & dicto oppido, & Hispanorum Colonis multum sanè negotii aliquamdiu facessiverat, de quo uberius dicemus alibi. En! tantum ex scintilla incendium. Futilis de tentata conjugis pudicitia suspicio turbarum incredibilium semen exstitit. Dixisses, ob raptam Helenam bellum Trojanum renovari.

Inter cætera conjugum Abiponenſium decora connumerandus utique venit tenerrimus in proles ſuas amor, quem in illis alendis, veſtiendis, tuendisque palam faciunt. Equitandi, naſtandi, venandi, bellandique artes a prima ætatula ut conſcant pueri, Patribus maxime cordi eſt. Puellæ ad domeſtica ſceminarum officia, a matribus ſolenter erudiuntur, laboribusque, ac moleſtiis tempeſtively aſſveſiunt. Illud tamen iis vitio dandum, quod liberos parum morigeros, vel refractariolos nec verbo corrigere, minus verbere multare auſint. Alaykin princeps oppidi conceptionis Caziquius, quoties me inviſerat, filiolum quinquennem gremio ſuo inſidentem tenuit. Hic ſimio-li inſtat ſemper inquires patris vetuli jam naſum, jam crines velliebat, jam maxillas manu quatiebat. Senex hæc inter animo geſtiens: Heus tu Pater, mihi aiebat, hunc puerum impavidum aliquando militem, Capitaneum inſignem fore, ecquid dubitas etiamnum? Quippe qui nec me tot palmarum ducem; Hiſpanisque omnibus olim formidabilem vereatur. Idem puellus in matrem, a qua domum revocabatur, oſſa, cornua, & quidquid quiſquiliarum in promptu fuerat, jaſtare ſolebat. Hanc pueri inſolentiam, quam plerere oportuerat, bellicoſus pater intrepidi animi indicium interpretabatur, quin effuſiſſimo cachinno, atque laudibus proſecutus eſt. Nimius ſcilicet, quo in liberos feruntur, amor frenum barbarorum eſt, quo moeſtitiam illis inferre, prohibentur. Verum quis neſcit, immoderatum parentum amorem peſtem liberorum eſſe certiffimam in noſtra etiam Europa?

CAPUT XXI.

Memorabilia de foeminarum Abiponenſium partu.

Tum curioſitati Europæorum, tum utilitati conſulturus de hoc argumento, invitus licet, ſcribam pauca. Ne metue, nihil, quod ægre ſerat verecundia, hic deprehendes. Neminem pigebit legere iſta, quia riſu digna aliqua; Nec pænitebit legiſſe, quia forſitan uſui futura non nulla. Abiponenſes, aliæque equeſtrium nationum foeminae maximas incutendo foetu tolerant difficultates, & præter Europæarum morem diutius e dolore partus laborant. Ego quidem, dum tot annos in Paraquaria agerem, de inveſtiganda ejus rei cauſa nunquam cogitaveram. Hac demum in urbe Vindobonenſi cum Clariffimo, Cæſareoque medico Yngenhuſio de Americæ rebus familiariter collocutus didici, quod lubens antea ignoravi, ſcilicet, in foeminis junioribus equitationi crebræ aſſvetis per frequentem illam ſeſſionem, Succuſionemque os Coccigis comprimi, ac indurari, partumque ſubinde, ut anatomes gnaris patet, reddi difficiliorem, quod alias jam memoravi. His accedit, quod Abiponum mulieres virorum more ephippiis bubulo e corio duriffimis inſideant, equitandoque majorem ætatis partem agant: Quod proles noſtratibus vaſtiores in lucem edant: Quod idoneis, quæ opem ferant, obſetricibus deſtituantur. Ars hæc & com-

munis omnibus, & omnibus ignota videtur, ut adeo repeti possit, quod Pharaoni Regi Lib. exodi cap. 1. responsum: *Non sunt Hebraeae, sicut Aegyptiae mulieres; Ipsae enim obstetricandi habent scientiam.* Ea propter nec rarum, neque mirum, indas equestres biduo interdum, triduove parturire, saepiusque de illarum vita conclamari.

Didicimus, nescio, quo auctore, remedium praesentissimum, & admodum parabile, quo partum promoveri feliciter, accelerarique, annorum septemdecim spatio experti sumus. Dicam paucis: Brassicae recentis, quam vulgus latinorum caules perperam vocat, folia aliquot in mortario ligneo contusa, vinoque permixta parturienti epotanda porriguntur. Sola haec potio virtute pollet tanta, ut foetus (sit vivus, sit mortuus jam) citra cunctationem, ceu nitratus pulvis admoto igne, in lucem exturbetur confestim. Certissimam hanc remedii efficacitatem historicus religiosissime affirmo; Illud tamen, medicus cum non sum, Europaeis seu suadere, seu obtruere non ausim; Variæ enim, tamque ancipites sunt parturientium habitudines, varius item foetus in utero situs, ut Chirurgi manu interdum, medicique dexteritate opus sit eximia. Quod si tamen dictus ex brassicae foliis, ac vino potus cuiquam alteri probaretur, illius parandi methodum expono minutius. Imprimis ad cavendam abortionem diligenter ex parturiente resciscatur, num habita mensium, quibus uterum gessit, ratione partus legitimi adesse tempus existimet. Brassica, cujus folia ad partum juvandum adhibentur, illa ipsa est, quam passim Caules dulces (*süße Kraut*) vocamus, quæ minutim concisa, in dolio compressa acescit denique (*sauere Kraut*) & Germanorum in mensis quotidiana-

tidianus prope est cibus. Brassica enim, cui crispae sunt folia (Köhl) eandem medendi parturientibus facultatem num habeat, nescio. Attendenda porro e partu laborantis ætas, ac vires. Junioribus, imbecillioribusque unicum folium brassicæ adultæ sufficit; Robustioribus, ut vim certius exerat medicina, bina, ternæve mediocria folia infumuntur.

Vinum, quo plerumque in Paraquaria utimur, ex regno Chilensi advectum coloris est purpurei, spissum, & admixta quadam dulcedine non nihil asperum. Crederem illud per vinum rubrum Budense, Agriense, Soproniense, melius tamen, ut quidem autumo, per Tyrolense suppletum iri nostris in provinciis. Quod si istorum copia non sit, vino quovis Austriaco hunc in finem citra formidinem utendum, putarem. An parturiens vinum una cum fæcibus contusæ brassicæ haurire possit, vel soleat, profecto nescio; Nunquam enim ipse coram porrexī fœminis hanc potionem, sed per alios missi. Interrogatus non raro: Num solum brassicæ succum vino commixtum, an fæces quoque brassicæ sorbere oporteat? Agerent pro arbitro, respondi. Opinor equidem solo illo e brassica expresso succo, vino commixto, partum promoveri. Succus enim ille ut ventrem, sic uterum relaxat. Fæces, brassicæ sicca, terreaque portio, & ut ita dicam, brassicæ caro, alvi restringendæ potius vim habent, ut Arnoldus Villanovanus, Zacharias Sylvius medicus Roterodamensis cum aliis docent. Ingratissimi est saporis illa potio, & vix primoribus labris delibata non palatum modo, sed omnes corporis artus validissime afficit, facitque inhorrescere; Sed exhausta præ omnibus, quæ tentata alias, remediis velocius, feliciusque exoneravit parturientes. Quotidiana pro-

Quo minus negotii partus facessit puerperis, eo plus illarum maritis. Miseramne, an risu, & quidem decumano dignam eorum conditionem dicam, nescio. Vix audis prolem in lucem editam a foemina, videbis illico ejus maritum Abiponem in lecto cubantem storeis, pellibusque, ne asperior illi officiat aura, circumdatum, jejunantem, publico, dapibusque quibusdam religiose dies aliquot abstinentem; Illum peperisse, jurares. Idem alii quoque de aliis Americæ populis scripsere. Hoc legi olim, risi, nunquam, ut tantam insaniam crederem, induci potui. Facetè magis, quam vere ritum hunc barbarorum referri, identidem suspicabar, dum denique meis apud Abipones oculis illum usu receptum spectarem. Et vero avitam hanc consuetudinem, quamvis sibi molestam, eo lubentius, diligentiusque observant, quod sibi omnino persuadeant, Patrum sobrietatem, ac quietem ad prolium recens natarum incolumitatem plurimum conferre, quin & necessariam esse. Istius rei confirmationem, quæso, auscultata. Franciscus Barreda, Regii Tucumanæ Gubernatoris, in territorio Jacobopolitano Vicarius novam Conceptionis Coloniam invisit. Ad hunc, mecum in foro dum obambulat, salutandum accurrit Malakin Caziquius, relicto tantisper cubili, cui eum uxoris partus nuperrimus affixerat. Barreda & mihi & astanti Caziquio tabacæ Hispalensis pulveres propinat, quos cum a Barbaro præter morem recusari videt, hunc alieno a se animo esse suspicatur; Noverat enim has narium cupedias avidissime semper alias ab illo prensari. Causam abstinentiæ ut percontarer, aos me petit. Interrogatus Abiponica lingua (Hanc enim Barreda ignoravit, ut & Caziquius Hispanicam) ecur tabacam hodie respueret? An nescis reposuit, meam heri peperisse

conjugem? quidni superfedendum mihi narium irritamento propterea? sternutando equidem in quantum discrimen filiolum conjicerem meum! Nec plura. Ad suum se, confestim decubiturus, recepit tugurium, ne, si diutius sub dio nobiscum persisteret, quid detrimenti tener patiatur infantulus. Quamvis enim patris intemperiem in prolem recentem influere, credunt, ob naturalem utriusque nexum, & sympathiam. Hinc si præcoci fato extinguatur infans, mors patris intemperantiæ tribuitur a foeminis universis alia, atque alia causantibus; Jam quod mulso non abstinuerit: Quod porci aquatilis carnibus stomachum onerarit: Quod aere frigidiusculo flumen nando transmiserit: Jam quod longiora dudum supercilia radere neglexerit: Quod mel subterraneum, apibus pede contritis, vorarit: Jam quod equitatione ad sudorem se se defatigarit. Id genus deliramentis foeminarum vulgus patrem mortis authorem impune criminatur, & quantumvis innoxium diris devovere consuevit maritum. Stolidissimas opiniones, insanas consuetudines, quia vetularum oracula, avorumque documenta, pugnacissime tuentur. Explodéris, si te opponas. Si contrarium doceantur a nobis: Patres ista hand intelligere, nec didicisse unquam, impudenter reponunt. Quarumcunque, quæ ad religionem pertinent, rerum fidem ab istis impetrabis citius, quam superstitionum, quibus a pueritia imbuti sunt, ridiculissimarum repudiationem.

Corollarli loco adjicio: Aliquot post partum horis accersunt vetulam, vetulumve ex eorum numero, quos magicæ artis peritos illi, nos veteratores dicimus. Illius manu capilli pauculi in infantie (Mas sit, an foemina, nil refert) sincipite, refe-

refecantur, ut calvitii species appareat, quod per omnem ætatem conservatur, ceu nationis suæ testis, ac *nalem* vocatur, uti capite tertio memoravi. In eam rem forficulæ, si suppetant, adhibentur, quarum loco palometæ piscis mandibulâ, vel concha ad lapideam exacuta quondam usi fuere. Neque, qui primas comas resciderit infantuli, sine præmio dimittendus. Hanc secandi infantium Crinis ceremoniam Hebrææ Circumcisionis seu vestigium aliquod, seu supplementum suspicabantur non nulli, qui observatis curiose Americanorum rebus illorum ab Hebræis originem arguunt, quod a suilla carne omnino abhorreant, quod Hispani Americam primum ingressi Judæorum nomina apud Indosprehenderint, ut: *Michol, Efer &c.* Abiponem Yaaukanigam, qui Cain vocabatur, ipse novi. Verum hanc istorum conjecturam criticis discutiendam relinquo,



Mbat panga erenandu curi? Confestim; *Chepiape*, in meo Corde, ingemiscens reponit, Ut adeo arduum sit, morbi genus, sedemque ex Indis expiscari, ni aliis se prodat indicibus. Cibi perbreve fastidium pro evidentissimo infirmitatis signo habent. Hinc si quis suorum, onerato fors, jamque nimium referto stomacho, solitis dapibus tantisper abstineat, pessima quæque illi mox ominantur scæminæ, lamentandi finem non faciunt, illudque suum: *Chik rkené* non comedit, cum gemitu pronunciant identidem, jamque de ejus vita conclamatum, suspicantur. Ut primum æger vel tantillum cibi receperit, morbo licet necdum profligato, jam de superato periculo triumphum canunt adeo, ut *La rkené* jam comedit, & *Láyamini*, *Là nataténge* jam convaluit, jam revixit illis synonyma esse videantur. Cæterum ut rarissime ægrotant Abipones, sic paucissimi eorum, qui ægrotaverint, morbo extinguuntur. Cum crebræ illis sint cum hostibus, tigridibusque dimicationes, harum unguibus, illorum telis non nullos quot annis succumbere, occumbereque, haud inficior. Reliquis plerisque ultima senectus & morbus & mors esse consuevit. Dicam paucis: Abiponum plurimum denique mortem oppetunt, cum vitæ satietas eos tenet, cum ætate fessi mortem ceu quietem, vitæque miseræ solamen sibi peroptant. Ex quo certe experimento enatus est communis error, ut nunquam omnino morituros se se credant, si Hispani, præstigiatoresque venefici America abessent, horum enim artificij, illorum armis quamcunque suorum mortem tribuere solent. Vulnus hasta inflictum quamvis tanto sæpe pateat hiatus, ut & fugienti animæ exitum, & morti ingressuræ aditum amplissimum præbeat undique, quod si tamen sauciatus emoriatur, non ferro, sed præstigijs lethalibus extinctus ab infan-

nien-

niente plebecula putatur. Sanguine propinqui omnem movent lapidem, ut in maleficii, mortisque authorem non indageretur solum diligenter, sed etiam animadvertatur crudeliter. Persuadent sibi, ejusmodi prestigiatores e vivis mox eliminandum, mortemque illatam morte luiturum sua, si cor, linguamque mortui, quæ e calenti adhuc ejus corpore evellunt, ad ignem cocta cani devoranda objecerint. Tot linguis, tot cordibus, quæ cani porrexerant, devoratis neminem prestigiatorum tunc obisse quamvis observaverint, maxima tamen cum religione e majorum suorum instituto & auctoritate, & infantiis, cujuscunque demum sexus sint, cor, & linguam secant, ut primum illos expirasse, opinantur. Insana hæc opinatio: Prestigiis duntaxat homines necari, quantum in Babatorum animis inveteraverit, ex factis, quorum spectator fui, jacti argue. Ex novo conceptionis oppido rusticatum iherant Abiponum aliquot. Venatu, parataque ex filiquis Græcis potionē iti campis otium fallunt. Exorta temulentos inter de equo, ut solet, altercatio arreptis demum hastis decidunt. Aker quispiam a compositione semper alienissimus, placidæque indolis juvenis pacificator accutrit, dumque alieni impediturus vulnera dimicantibus duobus obstat, ipse periculose vulneratur. Mense Januario, qui maximis Cœli caloribus æstuat, id actum. Brachium hasta transverberatum, soleque ardente horrendum intumescens, cum nil medicæ opis, in campo scilicet, ad manum esset, cor ipsum petit, ac bidui spatio optinuit infelicem. Hastam vulneris. vulnus necis causam exitisse quis nostrum negabit? Negant id Abipones, ac contubernalium suum magicis artibus extinctum palam vociferabantur. Habitis ultro, citroque ad cædis disquisitionem consultationi-

usum, illiusque in consanandis vulneribus virtutem in dubium revocabunt præterea? Rideant, irrideant, dubitent, aspernentur, per me licet. Illorum risui, dubitationique mea, quæ hisce usurpavi oculis, experimenta confidenter oppono. Brachium meum sagitta quinque uncis horrida a Barbaris Nátakebit transfixum omnino; nervus simul, qui medium gubernat digitum, Læsus hoc solo medicamine dierum quatuordecim intervallo feliciter consanuit. Eodem adipe alios sagitta, hasta alios sauciatos curavi; Abiponensem item foeminam, cui securi forte impacta gravissime vulnerata tibia, indeque, cum diebus aliquot medicinam omnem neglexerit, pes miserandum in modum totus intumuit, eodem prorsus remedio persanavi. Infinitus sim, si cæteros, quibus adeps gallinæ saluti fuit, recenserem. Certiora Europæis in pharmacopœis suppetere medicamenta, & unguenta, haud equidem ausim ambigere; In illis tamen Americæ solitudinibus obviam, quam providum Numen miseris Indis suppeditat, herbulam citius, certiusque morbis quibuscunque mederi, scio, quam pharmaca humanis ingeniis elaborata, multoque argento coemenda, quæ ægro corpori sæpe inutilia, crumenis ægrotantium semper perniciosissima cheu! experimur.

Ut mortium, sic morborum exitialium architecti Præstigiatores vulgo putantur, quibus e medio sublati ægri Abipones mox e morbo recreandos se se, confidunt. Stolidam persuasionem, eventus sane tragicus tibi reddet indubitatam. In Sancti Hieronymi oppido Abiponum aliquis (Ychoháke dicebatur) facinorum suorum memoria, fratrisque sui Ychoalay Caziqúii celebritate inflatus lenta tabe sensim conficiebatur. Nunquam isti in mentem

vene-

venerat noxios, quæ scatebat, humores accusare. Quisnam præstigatorum ægritudinem sibi afflaverit, id unum ancipiti animo diu, noctuque volvebat. Consultæ hac super re ab illo vetulæ Napakainchin origine Tobam morbi authorem pronunciant. Nec mora: Huic mortem decernit æger, vitæ, ut putaverat, consulturus suæ. Concubia nocte dormitantem suo in tentorio armatus opprimit. Hastæ mucronem ferreum, quatuor facile digitos latum, altissime ejus corpori immergit, sinistrum latus transverberat ictu valido, costis duabus fractis, humerum acinace findit præterea. Ad consauciati voces concurritur, sicario jam dilapso. Evocamur ad opem misero ferendam. Sanguini innatantem, ternisque vulneribus perfossum conspicati expiraturum illico, putamus. Nî nostras in ædes transferamus saucium, a percussore mox redituro novis vulneribus contrucidandum denique, circumstantes moneant. Itorum itaque e consilio ad domum nostram deportatur. Per viam bajulorum manibus elapsus, novo, maximoque vitæ periculo, terræ alliditur; vasti enim erat corporis, ponderisque tantæ moli respondentis. Locus, ubi apud nos collocatus, quod repagulis, januaque careret, Abiponum opera taurinis pellibus undique præmunitur, ne ad eadem consummandam redituro Ychohake accessus pateret. Et vero, ut opinabantur Indi, post semihoram adfuit acinace instructus, morientis scilicet mortem acceleraturus. Verum ab obvio Patre Josepho Brigniel, cujus ego tum socius. strenue repulsus re infecta discessit. Saucius (Catechumenus erat id temporis) & linguz, & animi semper compos citra moram sacro fonte lustratus, nostrisque curis, ac medicamentis (Gallinaceus adeps primum obtinuit locum) hebdomadam aliquot spatio felicissime con-

valuit. Requisitam Chirurgorum Europæorum ad hæc sensus? Napakainchin Maritum suum Christianorum sacris initiatum conjux cum liberis imitata est libenter. Universa paulopost familia, cum nova sibi ab eodem Ychokake discrimina metueret, ad vicinum Sancti Xaverii oppidum commigravit, ubi Mocobies neophytos inter Christiana disciplina mirifice jam vigeat, Liceat huic tragœdiæ Corollarium adjicere. Idem Napakainchin anno superiore, dum fervente computatione, nescio, quid discordiæ enatum est, Abiponem sibi assidentem, atque infestum cultro confodit misere. Pro morte illata poenas dedisse videtur vindici Deo. Quamvis illud viadicte genus beneficii maximi instar, ac salutare fuit reo, cum impacta ejus corpori vulnera opportunitatem præbuerint, ut suis cum domesticis Christianorum Cœtui tempestive adjungeretur, plures fortassis annos prospera semper fortuna tergiversaturus, certe cunctaturus.

Neque finitam existimes de ægro, deliroque Ychokake historiam. Iisdem morbi molestiis, novisque semper de veneficio sibi illato suspicionibus conflictatus aliquot post menses fœminam de magica scientia suspectam invaletudinis suæ causam putare Caput. Sub meridiem hanc sui securam per insidias invadit, conatusque caput illius findere declinante tantisper acinace sinistram illi maxillam secat, quæ cum aure cuti adhærente desinens pectus, pectorique incubantem prolem sanguine perfundit copiose. Ab accurrente populo retractus percussor. Vix lacrymas tenui ad crudele spectaculum. Plectere impium, qui injuriam intulit, minime licuit; Ad opitulandum injuriam passæ animum, curasque omnes converti. Æthiops nobis erat chirurgica scien-

scientia non nihil tinctus. Illius manibus pendentem cum aure maxillam capiti affui tribus in locis, mandavi, acūs, qua filum traducebatur, puncta sine gemitu ferente fœmina, reliquis ad ejus aspectum cohortentibus. Vulnus, quantum erat, calente vino lotum, adipe gallinaceo perunctum, telaque coctis aliquot herbulis imbuta lenissime constrictum est. Falcis, quibus tela alligaretur, cum præsto non essent, cingulum, quo præcingebar, adhibui. Toto illo, quo hæc parata sunt, vespere, nocteque subsecuta per fidos Abipones fœminæ securitati, me jubente, invigilatum fuit solerter, ne quid detrimenti rursus pateretur. Indus enim ille ut suam valetudinem, sic illius fœminæ occisionem votis, viribusque omnibus identidem anhelabat. Ast periculum, quod latere miseram nequiquam potuit, prævertit, perfunato spe nostra citius vulnere, ad S. Ferdinandi oppidum clam digressa. Divino consilio fugam cepisse videbatur; Nam Ychoalay Caziquius, qui id temporis ab oppido aberat, de fratris sui Ychohake atrocitate a nobis certior factus, rogatusque, ut ad illum coercendum quamprimum rediret; Prope diem adfuturum se, respondit, non ad fratrem suum cohibendum, sed ad illam fœminam mox trucidandam, quippe quam magicis artibus infamem, omnibusque pertimescendam dudum existimabat. Et vero, quod comminabatur, propositi sui semper alias tenax haud dubie fuerat executurus, si eam in oppido fœminam reperisset. Annis equidem superioribus, dum per campos sparsi huc illuc oberrabant, contubernio exclusit suo quascunque venefici artificii suspitione asperfas mulieres, earumque complures, ne cui fraudi essent porro, forsan innoxias omnino hasta confodit, nimis ut credulitatis, sic crudelitatis

tis sæpe damnatus. En fratrem fratri, Ychoalay yehohake, ut ovum ovo, similem!

Verum cruenta toties tragœdia lætissimam habuit catastrophem. Ille tot sollicitudinum nostrarum, tot vulnerum causa Indus Ychohake ægritudine animi, quam corporis inferior vivere simul, simul timeri tandem desit, & quod mireris, qui ægrotans tam diu insaniebat veneficorum suspicione, jam jam moriturus sapuit. Tempestive sacro baptismo, quod ultro expetiit, ablutus, dum fatalem sibi instare horum senserat, Sacerdotis præsentia delectabatur plurimum, cui, dum is prima nocte coram adesset, quiesceret domi suæ tantisper, svadet, sè, dum propinquiorem sibi mortem adverterit, protinus significaturum, ait. Stetit promissis. Patre salutaria quæque moribundo suggerente, collachrymantibus propinquis placide expiravit ipsa, quæ Divinæ Triadi sacrum diem præcedit, nocte; Pluribus sane, quod ad beatam immortalitatem transierit, argumentis convictos nos bene sperare jussit. Complorantium enim domesticorum lamentis indignatus; Ad rerum omnium conditoris, summi Patris, maximi illius Capitanei magnam domum transferendum se, meminere, aiebat. Propitiando Numini usque intentus tot Christianorum, aliorumque a se patratas cædes, tot rapinas acerbo animo, pœnitentique detestabatur. Conjugi suæ, ne majorum ritu equos suum ad tumultum, neu oves mactaret suas, semel, iterumque edixit: Has, & quidquid suum esset, filiorum se suæ relinquere. Ex omnibus patuit, illum avitas superstitiones execratum, Romanaque sacra totoq; animo fuisse amplexum. Hæc eo fine retuli, ut omnem marborum, mortiumque infelicitatem ab Abipone præstigiatorum artibus assignari intelligas, quos

quos tamen eosdem hospitaes, divinos medicos, so-
 teres, servatoresque suos veneratur alias, quod alio
 sapite docebo. De morbis jam plura, quæ ab Eu-
 ropæis ignorari nefas sit, dicenda restant.

C A P U T XXIV.

De morbo quodam Abiponibus peculiari.

Fruges ubique terrarum nullo discrimine nascuntur
 aliæ; Aliæ alicubi tantum proveniunt. Neque enim
 omnis fert omnia tellus. Eadem videtur morborum
 conditio. Aliqui gentes, provinciasque omnes pro-
 mîscue afficiunt; Aliqui aliquas duntaxat. Suos sci-
 licet quisque patitur manes. Elephantiasim vernacu-
 lum Ægypti morbum vocat Lucretius. Podagram
 Athenis, Ophtalmiam Achæzæ familiariorem alij affir-
 mant. Leucophlegmatiam (Hydropis genus, quod
 anasarca dicitur) in Delo insula, ceu nativo in solo,
 deprehendi, Æschines poeta refert Philocrati. Cruen-
 tam capillorum concretionem in Polonia, sudorem
 mortiferum in Anglia, Strumas, morbosque alios
 aliis in provinciis patrios diffuse enumerant medici.
 Lustratis per duodecennia Paraquariæ terris, populisque
 morbi genus deprehendi apud Abipones Nakaiketer-
 gehes, cæteris omnibus omnino incognitum. Agri-
 tudo hæc animum, quam corpus afficit potius, et si

ex hoc male temperato in illum derivari existimem. Delirare incipiunt aliquando, & lymphaticorum instar furere. A credulo, ac superstitionum tenaci vulgo magicis prastigiatorum artibus ad insaniam redacti putantur, & *Loaparaika* audiunt. Istiusmodi atræ bilis, ut opinor, intemperiiis agitati, oppressoque rerum funestiarum imagine cerebro, sole in occasum vergente potissimum, delirationem produnt suam quotidie, febricitantium more, qui accessiones febris discessionisque certis horis definitas patiuntur. E' suis repente profiliunt tentoriis fanatici, peditesque per campum excurrunt rectissimo ad suorum sepulchra itinere, quæ propinquo in nemore habere consueverunt. Curfus celeritate vel struthiones æquant, & perniciosissimi equites, qui insequuntur, ægerrime demum assequi illos, & e fuga domum retrahere vix possunt. Noctu furiis jactati patrandæ, ubi ubi possent, cædis cupiditate ardent; Arma, quæ in promptu sunt, cum in finem arripiunt. Hinc ut primum de ejusmodi delirante per oppidum percrebuit rumor, hastæ omnes obviis in latebris ab unoquoque abduuntur. Contubernales dum furiosum noctu nec sedare, neque domi continere porro queunt, illum bacillo instructum in forum prodire sinunt, & quotquot possunt, comitantur. Concurrente ad optatum sibi spectaculum puerorum globo per oppidi plateas omnes fit circuitus. Delirans tectum, stercamque singulorum tentoriorum bacillo suo iterum, iterumque pulsât, nemine eorum, qui sub illis latent, vel hircere, vel musitare auso. Si quando aut oscitantibus excubitoribus, aut delusis armorum compotem se faciat delirans, superi boni! quanta omnium trepidatio! Nec ad fœminas solum, puerosve imbelles, sed ad ipsos, qui heroes sibi videntur singuli, viros is terror peritinet, quippe qui dicere soleant: Rationi absõnum, sibi-

sibi que indecorum videri, adversus amantes armis uti. Hinc ad aream nostræ domus sudibus contra Barbarorum assultus munitam cum prolibus suis scemina turmatim advolant, ibique delirantis metu non horas modo, sed noctes integras hærent. Alaykin conceptionis oppidi Caziquius princeps suam dum intra hæc septa conjugem latere cum aliis, terroribusque furiosi, qui armatus per forum cursitabat, exanimari intellexerat, illum astu captum funibus constringi imperavit.

Hac insania correpti vix aliquid cibi, somnive capiunt, & tum inedia, tum mærore pallidi obambulant; Crederes illos novum aliquod de figura telluris systema meditari, vel quadraturæ circuli studere. Interdiu tamen nullum prope alienatæ mentis indicium præbent. Neque timendi ante vesperum. Horum aliquis, noctibus singulis turbulentus, me invisit sub meridiem. Familiari in colloquio interrogavi hominem; Equisnam esset ille, quo nomine vocaretur, qui furibundus noctu perturbare solet cæteros? Nescire se, serena fronte mihi reposuit. A me digressum conspicatus Socius meus Hispanus; En, agebat, quem nosse dudum percupisti. Ipse est, qui noctu furit. Adeo nihil, quod amentiam indicaret, ex vultu ejus, ac sermone collegeram. Alter ejusmodi, quem furibundum novi, eques equitanti mihi per campum obviam factus comitem se adjunxit. Ego vero, timendo ut me socio liberarem ocyus, negotium causatus, admotis equo calcaribus domum properavi. Semel, iterumque, dum areæ nostræ portam noctu clauderem, alias dum equum in campo pascendum stipiti alligarem, a furioso jam jam opprimendus fueram, ni suppetias mihi venientes alii periculum avertissent. Non nunquam sub idem tempus plures tum viri, tum

mulieres insanire ceperant; Aliquando unicus; Sæpe nullus. Egritudo ista delirantium ad octo interdum, alias ad quatuordecim, quin plures etiam dies producebatur, dum denique quies illis, ac mens rediret. Quotquot hunc in modum delirare, vidi usquam Abipones, ad unum omnes ingenio subtristi, melancholica, vel cholericæ inemperie semper turbidos, semper minaci obtutu truculentiores obiervavi. Accedente jam aeris, jam potus immodici injuria, jam eventu votis, expectationique contrario concitatam bilem in amentiam, ac rabiem desinere denique, nec rarum, nec mirum cuiquam videatur. Stupidi solum ac rudissimi magicis id artibus tribuere solent, quod seu vitio, seu virtute naturæ fieri consuevit.

De hoc Abiponum furore scribens opportune memini illius, quod apud Plutarchum libro de claris mulieribus cap. 11. dudum legi: Virgines scilicet Milesias, nescio, quo furore ætas mortis desiderio se se strangulasse. Magnopere invaluit illa puellarum rabies, & mors una omnibus erat in votis. Nil parentum lacrymæ, nil custodum vigilantia, nil artes medicorum potuere. Adhibitis in cassum remediis, senatus Mileti hanc sanxit, præconisque voce vulgavit legem: Si qua virgo se se porro interemerit, nuda per medium forum effertur. Ignominia metus furorem, & insanam moriendi lubidinem extinxit. Nostra quoque ætate virgarum metu, quotquot insaniunt, validissime coercentur. Mortis metu inhibitam vidimus delirandi licentiam apud Abipones. Paucos intra dies præter morem insanientium numerus accrevit. Istorum aliquis propecta jam, sed illustri nocte per septa eluctatus in nostras aedes irrepere videbatur, sed ab accurrentibus tempestive retractus, nostræque consultum fuit incolumitati. De nostro periculo certior
fa-

factus Alaykin oppidi princeps Caziquius, postridie evocatis ad forum omnibus minaci voce edixit: Si quis deinceps in delirationem inciderit, se feminas præstigiatrices omnes, ipsosque adeo insanientes ex templo Contrucidaturum.] Hæc comminatio amen-
tibus pro helleboro, cæteris, ne insanirent, pro fre-
no fuit. Nihil dein de furibundorum tumultibus
auditum a me, visum nihil, etsi eodem in loco ca-
dem cum gente mentes adhuc complures sim versatus.
Quotquot quocunque impulsu turbari sibi cerebrum
senferant, necis intentatæ metu se continuisse mihi
videbantur. Quid si horum aliqui, quod a contu-
bernalibus cæteris timeri, digitis monstrari, ac suspici
gauderent, furorem prius simulassent? Quamvis
enim vix homines sint cætera, humanum nihil ab il-
lis alienum puto. Simulatione quid homines inter
frequentius? Magicum carmen deliramenti causam
fuisse cum vulgo barbaro ut crederem, nunquam
profecto poteram induci.

CAPUT XXV.

De Variolis, morbillis, lueque pecorum.

Rodericus Fonseca medicus in libro de sanitate tuenda ait: *Apud Indos tam Orientalis, quam Occidentalis India nunquam visa fuit pestis; scimus tamen non multis abhinc annis in America, ac nova Hispania Centena decem millia Indorum ex Variolis extincta fuisse, cum nullus Hispanus eo malo correptus fuisset. Fuit illis hic morbus novus a quodam æthiope delatus.* Hæc medici verba momenti suis ponderanda mihi, atque enucleanda sunt breviter. De Indiis, quæ solem orientem spectant, nil discutio, quia istic peregrinus. Pestem, quæ venenato Cœli afflatu mortales conficit, nullam usquam in America sæviisse nemine, quod sciam, repugnante omnes consentiunt. Quod si tamen contrarium apud historicos legeris aliquando, memineris, catarrhum, febres tertianas, diarrhœam &c. Si diutius, si latius grassentur, ab Hispanorum vulgo pestem vocari, maxime, si complures illo morbo intereant. Variolæ item, morbillique, quia Americanis admodum pestilentes, ab Indis haud abs re pestis appellantur passim. Luem pecorum, quæ ab uno territorio latissime serpebat per Paraquariam, iterum, iterumque experti sumus maxima bouum, equorum, & cum primis mulorum jactura. Nec tamen pestilente aeris halitu inducta hæc strages, sed pabuli vel malignitate, vel aquæ

aquæ penuria, postquam vel per diutinam Cœli sic-
 citatem exaruerit campi, vel pertinacioribus nimbis
 corrupti gramen noxium præbuere, unicum in Para-
 quaria pecorum alimentum. Id pabulorum virtus
 muli potissimum, veluti spongiæ, intimis hausere
 fibris. Paucos intra menses in territorio urbis Assump-
 tionis multa illorum millia interierunt. Cadaverum
 struem, qua qua mihi iter fuit, per vias, campos-
 que omnes deprehendi. Illud morbi genus jure con-
 tagium dixeris; Nam corporum jam languentium,
 vel cadaverum solò contactu obviis quibusque bestiis
 mortifera, ut cum medicis loquar, miasmata infunde-
 bantur. Capitis tumor, stillans e naribus sanguis
 certissimi luis jam dominantis indices exstiterunt. Ea-
 dem animantium a serpente ictorum signa esse solent.
 Auris mutilata, secta pedis anterioris vena adversus
 morbi illius venenum præsentissima, & prope unica
 mulis medicina fuit, maxime, si sal lingendus quoti-
 die illis porrigebatur. Enimvero his remediis non
 arceri modo a bestiis pestiferum illum calorem, ve-
 rum restinqui etiam, si haustus jam fuerit, magno
 rei familiaris emolumento didicimus. Boum, qui
 ad Indos alendos mactantur quotidie, abdomina,
 gramine semi digesto, facibusque referta patentem in
 locum rejiciuntur cum visceribus; Ad hunc, ceu ad
 publicam mensam, quotquot circa oppidum pascun-
 tur, equi, mulique, turmatim confluunt semper, &
 avidissime lingunt non fæces tantum, sed & ipsum,
 cui incumbunt, solum, ubi ex bubulo sanguine, &
 rejectaneis cæteris salis, nitrique species enaici solet,
 quod bestię incredibiliter appetunt, ac mellis inibat
 absument. His suis dum vescuntur cupediis, nemini
 mortalium, ni equorum, mulorumque calcibus, ni
 dentibus discerpi velit, fas est propinquare; Quid
 quod invidia stimulante mortui, calcibusque mutuis

con-

concertant brutissimi hi rivalet, dum quisque sibi totum affectat. Sæviente igitur atrocissima mulorum Lue nostris in finibus, illas bubuli abdominis quisquillas sale conspersimus quotidie, ut, quod cibus erat alias, jam medicamentum mulorum foret. Enimvero fuit; Cum emorientibus alibi per vicina prædia quam plurimis apud nos in S. Joachimi oppido paucissimi ægrotarent, plerique convalescerent. Quod quidem ad commendandam salis salubritatem luculenter facit. Sed jam cætera, quæ e Fonseca medico adnotavi, persequamur.

Variolas certam, verissimamque Americanorum pestem dici oportere, ac ab advenitu Europæis, tum Afris recens tunc illatam Americæ fuisse, extra controversiam est. Inde faceta, sed æquissima Indorum querela originem duxit suam: Belli sane homines, ajunt, Europæi! Auri, argentique infinitatem, quam a nobis abtulerant, exitiali, quam nobis reliquerunt, variolarum peste liberaliter pensarunt. Enimvero jam inde a Caroli quinti Cæsaris ævo per bina dein secula adhuc usque ætatem Indorum multitudinem tantam Variolis interiisse, ut fidem, ac prope numerum excedat, certissimum utique, ac nemini non exploratum est. Strages in reliquis Americæ provinciis editas haud memoro, quippe ab aliis historicis dudum deploratas. In solis triginta tunc Quaranicæ nationis oppidis, in quibus id temporis ad Centum quadraginta capitum millia censébantur, pestis variolarum anno 1734. atrociter sæviens triginta aliquot hominum millia absumpsit. Ut adeo, cur universum per Americam diminutus sit magnopere Indorum numerus, Variolis tribuamus, sed non iolis. Nos equidem, qui diutius novum orbem circumspeximus, alias præterea causas deteximus, quas tamen, cum
veri-

veritas odium pariat, consulto reticemus, ne acerbioribus non unius gentis odiis implicari nos videamus.

Hispanos, ceterosque Europæos Variolarum immunitate in America gaudere, fabulosum; Indos vero illis corripere citius, certiusque confici, indubitatum est. Cur variolæ Americanis pestilentiore, Europæis in America degentibus magis propitiæ sint, discrimen, ne falcem alienæ messi injectisse videar, medicorum sagacitati investigandum committo. Illorum tamen pace, dicam, quod sentio. Ipsam Americanorum corporum habitudinem minus habere firmitatis ad virus illud seu repellendum, seu superandum, puto. Carne semicruda plerumque, sale raro utuntur. Nudis semper incedunt pedibus, sæpiissime aperto capite. Aqua sola, festivas aliquot per annum comotationes si excipias, & fere non optima sitim relinquunt suam. Inde stomachi imbecillitas. Salaces, & ad libidines effuse propensi nativum pessundant vigorem. Solis effervescentis æstu, triticique, quod Turcicum dicunt, esu quotidiano sanguis ebullit, & accedente variolarum contagio tantum in illis concitat fermentum, cui, cum ferendo non sint, frequentissime succumbunt. Hæc de nationibus Indorum pedestribus dicta a me, intelligas. Abipones enim, ceterique Indi equites, natura sua firmiores, cum magna ex parte illis seu vitiis, seu miseriis careant, quæ pedites laborare dixi, variolas illi præ istis mitiores sibi, benignioresque frequentius experiuntur.

Anno 1763. hæc pestis Hispanorum per Colonias magnam sane hominum vim enecuit. Totam subinde, quæ latissime patet, provinciam turbinis instar pervagata in duobus supra triginta Quaraniarum op-

Pars II,

R

pidis

pidis duodecim circiter millia extinxit. In remotissima denique Barbarorum per Chacum latibula irreperat; Et si Lue illa correpti sint plerique omnes, pauci tamen, pro infirmorum numero, occubuerunt. De equitibus loquor, quibus corporum firmitas præsidio fuit. In oppido, quod paucos ante menses Abiponibus in Timbò condideram, qui variolas evaderet, præter unam foeminam nemo fuit. Quamvis plures ægotantium centurias a quartadecima Maji ad finem Octobris usque numerarem, duo tantum supra viginti funera extuli. Quantum negotii per sex illos menses mihi fuerit, cui soli & corporum, & animorum cura incubuit, alius erit dicendi locus.

Per annos sæpe plurimos nulla apud Indos variolarum mentio, vestigium nullum; sed hæc malicia imminentis procellæ index est certissimus. Falci, quæ diu congruevit otiosa, plura dein, quæ metat, obtingunt. Experientia item didicimus, Variolas in Hispanorum semper coloniis nasci, indeque ad Indorum, quamvis longissime absint, stativa per ultro, citroque commeantes derivari. Quo magis Hispanorum a solo recedunt, eo majorem indies stragem edunt, fluviorum more, qui quanto longius a fonte procurrunt suo, tanto minaciores semper evadunt. Ad solum de variolis rumorem metu propemodum exanimantur Indi; Hunc enim morbum mortem suam dici oportere, ex majorum suorum tumultis, sermonibusque didicere. Cumque Indi vitam præ patrio solo expetendam sibi existiment, ut primum variolarum suspicio eminus injecta est, a contubernalibus suis divisi alii alio fuga præcipiti dilabuntur. Sed eni stolidi illorum ingenia! Variolarum metu in fugam effusi non via recta, sed per mazandros, variosque flexus iter faciunt. Hoc equidem astu a se se assequendis

dis pestem impediri, eludique, opinantur. Hunc morem Lules, Ilistines, Vilelas, Homoampas, ac Chunipies superstitione observare, mihi retulerant Patres, qui diu inter illos versati. Contagii timore patres agrös filios, filii patres desistunt. Cantharo aquæ pleno, granis tritici Turcici tostis pro ægotantis levamine ad ejus lectum relictis ipsi fuga sibi consulunt. Vita exui dum metuunt, lapidis, ferarumque crudelium naturam induuntur, incolumitati caventes suæ, de consanguineorum vita nil anxii. Injurius sum Abiponibus, si eos illorum imitatores dixerō. Terga quidem vertunt loco, ubi vulgata jam pestis, & ut cuique visum, per sylvarum latebras turmatim sparguntur. Recto tamen itinere, ut alias, ad locum destinatum proficiscuntur, neque suorum, quibuscum sibi aliqua sanguinis, vel amicitie necessitudo, curam abjiciunt unquam, quin mutua humanitatis officia sibi impendunt persudiose. Ut commendanda Abiponum in suos benevolentia variolis grassantibus, sic molestiarum, dolorumque tolerantia. Neminem, malignis caloribus dum æstuat maxime, aut muliebriter ejulantem, aut conquerentem usquam audiui. Vel gemitum tenuem sibi probro ducunt, & ne intrepidorum famam deperdant, morbi acerbitates silentio concoquere, nituntur.

Haud supervacaneum fuerit nonnulla, quæ Variolarum contagio durante observaveram, hoc loco adnotare, Viris ingenita tristitia, atra bili, provectiore ætate affectis, foeminis uterum gerentibus hunc morbum periculosiorem, & fere mortiferum expertus sum. Abiponenſis mulier variolis scatens partus doloribus per biduum excruciatâ prolem masculam, sed variolis pariter circumfluentem, enixa est, cui, salutari baptismate a me lustrata, eadem, quæ lucem



aspexit, dies & prima, & postrema fuit. Mater tamen, quamvis tardius, convaluit. Quibus post calorem febrilem cunctanter eruperunt variolæ, aut nigrescentes, confertæ, depressæ, nigris in medio maculis distinctæ, vel purpureis permixtæ, sanie unum in locum confluentes, næ! Illis ingens discrimen, propinquum exitium præfagiebam, eventu funestis omnibus plerumque respondente. Si variolæ, &, qui illas comitabatur, tumor confestim evanuerant, spes quoque de illorum valetudine recuperanda omnes evanuerunt. Quibus ingenium hilare, candidior vultus, ætasque florentior erat, parum molestiæ, minus periculi a variolis creatum, identidem observavi. Gutturis ardor ob enatas illic variolas, tussisque inde orta, ac quoddam anginae genus (quod Quarani, Yucuahába dicunt) Indis quibusque maxime periculosum, & præcipua mortis origo. Hinc aqua saccharo & mali citrei succo temperata suavissime recreantur ægrotantes. Aqua item cum foliis plantaginis (quæ in locis humidis, & ad annum ripas nascitur) cocta pro gutture perluendo, oculisque crebrius lavandis quotidiano usui, luculentæque utilitati fuit semper. Ex medicorum veterum documento variolis obnoxii aerem frigidiusculum declinare, sub tecto, sub stragulis latitare jubentur, ne maculæ jam jam emerfuræ ad præcordia repellantur. Audi Josephum Jaklón Anglum in Enchiridio suo medico Matrili anno 1734. typis dato, his verbis caventem: *Quam primum symptomata febrilia se se produnt, æger aeri frigido non est exponendus; Frigus enim variolarum eruptionem inhibet. Sed etiam a nimio calore cavendum est; Hic enim ebullitionem nimiam concisaret. Gradus itaque caloris, & frigoris moderati esse debent, & naturalem statum non transgredientes &c.* Ita ad literam capite nono & trigésimo. Folio mihi 139. Abipones, neglecto hoc

hoc medicorum veterum consilio, variolis jam infecti sub dio sæpe, sæpe sub tentoriis semi apertis, aut undique hiantibus in tuguriis dies, noctesque egerunt. Latebras, more suo, fugitabant. Auram, etsi rigidiorum interdum, toto corpore hausserunt. Quid si eam esse causam dicamus, cur e tanto ægrorum numero pauci admodum variolis sint extincti? Ex America in Europam redux equidem intellexi, e medicorum recentiorum sententia patentem aerem præ cubiculorum calore variolas patientibus magis expedire, passimque svaderi. Et vero hisce vidi oculis, illustrissimi generis adolescentes Theresiani collegii Vindobonæ alumnos, quibus novo artificio variolæ sunt insitæ, a meridie Cælo quamvis pluvio, aere rigido, jussu medici, mecum colloquentis, per hortum deambulare, fructu, qui optari poterat, maximo. Jam nil miror, Quaraniarum tot sæpe millia variolarum peste fuisse consumpta; Hac enim afflati clauso in cubiculo, ut limaces sua in concha, jacuerant semper; Laneis stragulis tegebantur anxie, & tantum non opprimebantur; Reti, ex quo suspensi cubare solent, focus subiciebatur præterea ad frigus omne arcendum; vel momento pedem domo efferre, naribus auram rigidiusculam captare, lethale putabatur, ac morte piandum nil cunctatura. Variolis grassantibus contrarii erant Abiponum mores, ac vel ideo mortes pauciores. Eventum, qui ad ista confirmanda aliquid ponderis adjiciet, medicis meditandum, admirandumque proponam.

Abiponum meorum quispiam febrili calore, Variolarum iminentium prodromo, exæstuans equos binos advenæ Hispano clam vendiderat; Cornu bubulum, vino cremato plenum, quod pretii loco acceperat, ad ultimam mox exhaustit guttulam. Temulentus, linquaz,

mentis, pedumque impositus, furens animis ægre in equum alutatus suum obscura nocte fluvium natando trajecit. Leucam unam, & mediam emensus ad campum, ubi contubernales cæteri pcitis metu versabantur, incolumis pervenit. De his certior redditus timebam enimvero imprudentis barbari mortem proximam. Nec dum enim is talis fuerat, ut extra mortis periculum sacro lustrari fonte potuisset. Hinc & animo, & corpori illius, quantum fas esset, consulturus, accurri. Latissima præter omnium spem nunciantur. Eadem nocte, qua dormiens crapulam exhalaverat, variola nec confectæ, nec malignæ eruperunt. Post dies pauculos absterio morbo sospes, qua lubuit, obsequitavit. Annum circiter tricesimum agebat, mentis vividæ, viribus integerrimis, & ob demessa prius Hispanorum capita apud suos clari nominis. Calor pestilens per intimas Barbari fibras ebulliens tanta cremati vini copia auctus lethale corporis incendium excitaturus, putabatur; Sed ignem igne sopitum fuisse, exitus docuit. Neque id novum; Ignis enim & fulmine ortus ardente titione felicissime relinquitur, ut mos Hispanorum communis in Paraquaria obtinet. Propior tamen sum, ut nocturnam hominis temulenti per gelidum flumen natationem refrigerato sanguini salutarem fuisse, crederem. Quid sentiendum, quid vero similis, viderint medici. Pro rei, quam narraui, veritate lubens vadem ago. Illud quoque hoc loco memorandum; Americanos variolis genuinis defunctos perinde, ut Europæi experiuntur, eorum reditum, contagiumque porro haud timere. Id cæterorum omnium & mea ipsius experientia certum. Quinque annos natus puer variolas vix denis plures numeravi, vix biquum æger decubui. Sed per brevem hanc ægrotationem naturæ legibus factum esse satis tum denique credidi, dum multis mensibus diu

noctum

nocturne inter Indos hac peste correptos impune ver-
atus illa semper immunis perstiti, & quamvis quoti-
die defatigatus, undique tamen incolumis.

De morbillis (quos Hispani Serampion, Germa-
ni Masern, vel Flecken appellant) idem propemodum,
quod de variolis sentiendum. Grassantur per inter-
valla, propagantur, stragesque Americanis inferunt in-
credibiles. Dum in S. Joachimi oppido agerem, ex
duobus Indorum millibus tot hac peste infecti decu-
buere, ut, qui ægris cibum, aquam, lignum, medi-
camenta ministrarent, qui nobis ad aram operantibus
de more assisterent, sæpe reliqui non essent. Patrem
Josephum Fleischauer Parochum, meque tunc ejus so-
cium, mox successorem officia, quæ ægrotantium seu
animis, seu corporibus debentur, diu, nocturne ali-
quot mensibus occupatos tenuere. Ingravescente in
horas mortifera Lue, funerumque numero indies au-
gescente, svasore, nescio, quo Hispanum vetulum ac-
cessivimus, qui apud suos medicandi famam aliquam
obtinuerat. Scilicet in cæcorum regione coclitem Re-
gem esse, verissime vetus affirmat adagium Hispano-
rum. Experti hoc medicastro præsentem multo plures,
quam ante ejus adventum, Indos emori, eum res sibi
suas habere, domumque festinare jussimus, ubi mulis
curandis felicius operam navaret suam. Ducentos
prope illa nobis pestis eripuit, sacris ad mortem præ-
sidiis rite munitos omnes. Ex horum numero infan-
tes paucissimi, senex vix ullus, plerique annis floren-
tes, iique potissimum, qui paulo ante connubium ini-
erunt. Febris tertiana contagionis ritu visa grassari
non nunquam Indos inter, sed molestia, quam strage
majori. Id iis solum in locis observatum, ubi aqua
putris ex stagno hausta, dulci omni deficiente, quoti-
die potabatur. Eadem de causa in multis Hispano-

rum, Tucumanorum maxime, oppidis tertianæ febres frequentissimæ. In conceptionis colonia ad ripas amnis Incepin (Abiponibus Narahagem) collocata primum, qui dulcem, saluberrimamque aquam suppeditaverat incolis, nemo ullus tertianis tentatus est unquam. In S. Ferdinandi, & Rosarii Colonis, quæ paludibus, lacubusque cinctæ aqua fluviali destituebantur, rarissima vacatio febrium Abiponibus est concessa. In Rosarii colonia mensium aliquot spatium adeo invaluit tertiana febris, ut eximium faceret neminem, neque mihi parceret denique, quamvis sæpe alias in medio febricitantium incolumi. Ne quis barbarorum sacro fonte non expiatus e vivis abiret repente, ad singulos ægrotantes invisit quotidie, ac deum, quod mireris, febrem quotidianam contraxi, eum tertiana duntaxat Indi omnes laborarent. Solæ in occasum præcipitante quotidie febris accessit, & frigore, caloreque succedentibus non nisi cum nocte recessit. Hæc jactatio febrilis ad octavum & vicimum diem producta defuit quidem, sed in tertianam, quæ tamen binis duntaxat vicibus repetita, ac fausto, quod mihi nil tale expectanti repente allatum, nuncio penitus profligata fuit. Quanta passus in illa rerum omnium penuria, quantum periclitatus sum, hoc tua nihil refert.

Istud de morbis contagione serpentibus argumentum jam jam clausuro mihi in mentem venit quidpiam memoratu dignum, quid & si critico examine medicorum. In Cordubensi nostro S. Catharinæ prædio ruficantes nocte appetente meteorum igneum, quod trabis latissimæ speciem referebat, & per medium cœlum coruscans undique ad oppositum horizontem deolvebatur, attoniti spectavimus. Hispani advenæ, lucem illam omni latè provincie spectabilem fuisse, nunt-

nunciarunt dein', ac portentosam judicarunt. Nos philosophiam saniorum docti subitum illum splendorem ceu festivum ignem sereno obtutu vidimus, qui re tamen ipsa mæltus, quia seu causa, seu indicium, certe principium catarrhi lethalis fuit, quo Tuci maniam omnem pervagante per biennium ingens Hispanorum, æthiopumque numerus erat consumptus. Eodem prorsus, quo ignea exhalatio visa, tempore morbus hic, ut ajunt, epidemicus cæpit. E prædio enim quadriduo post cordubam redux Collegii nostri socios plerosque lecto jam affixos deprehendi, vix pauculis, qui academiarum, templique munia obirent, superstitiis. Urbes quamvis promiscue omnes periculo a hæc lues funestaverit, in prædiis tamen insolentius videbatur debacchari. Corduba ad urbem sanctæ fidei iter faciens turmas Hispanorum equitantium obvias habui, quorum quisque cornu bubulum ægrotantium lotio plenum manu gestabat, ut scilicet medicaltri cordubenses (Medico enim, vere medico provincia caret) illo inspecto opportuna norint medicamenta designare. Incredibile enim, quantum fiducia in Lotii inspectione, contemplationeque colloset Hispanorum vulgus, quantumque fallatur.

CAPUT XXVI.

De Abiporum medicis, ac medicamentis.

Risum comprime, lector amice, dum medicum *Keebès* honoris gratia ab Abiponibus appellari, audis. Idem enim vocabulum *Keebès* malum dæmonem, medicum, augurem, maleficum præstigiatores significat. Ex quo planum sit, quam late pateat apud illas gentes medici officium, & quantam rerum variarum cognitionem complectatur. Dæmonem *Keebès*, vel *Aba'aigichi* ab Abiponibus dici; Avum quoque suum *Grotperikie'* svavissime compellari, dudum memoravi. Illum morborum juxta, ac sanitatis authorem jam metuunt, jam aliquomodo venerantur, & nescio, quid divinitatis ridiculæ habere somniant, etsi de ejus origine, natura, proprietatibus nihil prorsus noverint præterea, ut supra retuli. Medicos itaque suos Avi sui vicarios, ac interpretes colunt, ab Avo suo virtute morborum expultrice instructos credunt, atque adeo Avi sui honorifico nomine *Keebès* dignantur. Enimvero istos humanis viribus majora posse, supra cæteros sapere, sibi persvadent, quippe quibus familiare cum Avo illo suo colloquium indulgeri, morbi cujuslibet & profligandi, & si lubuerit, accersendi, pluviz, procellæ pro arbitrio ciendæ, manuum ad futura resciscenda evocandorum, in feras semet transformandi potestatem, rerum absentium, ac futu-

futararum scientiam inesse, pervicaciter contendunt. Tam insanis cæcati opinionibus medicos suos seu Divinos quosdam homines, seu terrestres Deos venerunt maximopere, ac reverentur. Qua quidem re a veterum moribus, & exemplis non abludunt. Nam

Unus homo medicus multis æquandus honore est. Homerus Iliade 2 canit. Hippocrati, si lampridio fides, aram posuere antiqui cum epigraphe: *Deo vita.* Chironem, Machaona, Podalirium, Hippocratem delubris, divinisque honoribus cultos olim, Cælius, Pliniusque testantur. Æsculapium Deorum numero adscripsere, quod Hippolytum, & Androgeum Minois filium per invidiam ab Atheniensibus trucidatum ad vitam (ut quidem fabulabantur) revocarit, id quod Q. serenus samonius annuit his versibus:

Tuque potens artis, reduces qui tradere vitas
Nosti, atque in Cælum manes revocare sepultos,
Qui colis Ægeas, qui Pergama, quique Epidaurum.

Antoninus Pius Cæsar, postquam Gemmas duodecim novem millionibus æstimatas pro lethali morbo depellendo frustra hausisset, a Galeno denique percuratus est feliciter. Illi sospes jam Cæsar diademæ suum dono dederat, adjecta hac sententia: *Antoninus Imperator Romanorum: Galenus morborum.* Sic Radau in Oratore extempor. P. 2. C. 7. folio mihi 329. Alii Galenum anagrammate *Angelum*; *Medicorum Siggillum* dixere alii, quasi ultimam medicinæ manum imposuisset.

Ut medicos Divos, medicinas rem Divinam compellarunt antiqui. Philon illustris medicus medicamenta, quæ paraverat, alexipharmaca, exquisitissimaque vocaverat *Manns Deorum* *θεῶν χαίρας*. Et in Avicennæ monumentis medicaminis generis ali-quod: *Donum Dei*, inscribitur. Et vero jure tanti facienda est medicina, quanti sanitas. Hæc quantis-cunque cræsi opibus potior, fluxarumque, quæ in homines cadunt, felicitatum maxima censetur. Me-dicina equidem valetudinem afflictam restituit, tur-batam recreat, animam ægri jam jam fugientem fi-sit, atque remoratur. Neque obest, eam quando-que morborum esse pertinaciam, ut medicamento-rum omnium virtutem, medicorum artem excedant. Hinc falluntur, qui in illorum esse arbitrio putant, semper curetur ut æger. Qui, dum medico venam explorandam porrigunt, & imperato medicamine vix dum usi, morbum protinus a corpore propulsatum volunt. Si cui medicorum fas sit dicere; *Veni. Vi-di. Vici*. Illum profecto præ ipso Julio Cæsare sus-piciendum autumarem; Hic equidem aspeçtabili semper cum hoste congressus est; Illis plerumque latente cum morbo pugnandum, quem nec oculis cernere, nec conjectura quidem, vel acutissimæ men-tis sagacitate deprehendere interdum liceat. Quodsi antiquitas aris dignos putavit medicos suos, ætas no-stra potiori jure in Fernelium, Cardanum, Mercu-rialem, Falopium, Vesalium, Gesnerum, Sydenhai-mium, magnum Boerhaviu, ejusque commentatio-ne Clarissimum Van Switenium, aliosque non pau-cos, ceu terrestria quædam Numia oculos defigit, qui toto vertice, & humeris extra præcos illos eminent, & dum saluberrimæ artis inventiones a majoribus re-lictas novis indies accessionibus locupletarunt, morta-les omnes novo sibi, immortalique beneficio ob-strins

strinxere. Quam lubens ego hic in laudes recentiorum quorundam, quibus urbs hæc nostra, quibus Europa cætera plaudit hodie, excurrerem, nisi antiquitas in suis celebrandis totam, quanta est, Rhetoricam dudum consumpsisset.

Verum quanta ego admiratione prosequendos Europæ medicos, tanto risu explodendos, alpernandosque Abiponum medicalistros palam pronuncio, qui scientiæ medicæ fundum, neque superficiem quidem viderint, qui ejus scholam ne a limine quidem salutaverint, qui pharmaceutica, botanica, anatomica, prognostica artis mysteria ne extimis quidem labris unquam delibarent. Et hos miserum barbarorum vulgus medicos, servatores ~~sanitatis~~ suos adorant. Re enim ipsa veteratores, versipellesque illos in cute novimus, dignos sane, qui ab iratissimo Galeno vapulent quotidie, ab Æsculapio, Hippocrate, totoque medicorum cœtu liberaliter conspuantur. Fraudes equidem pro medicinis, verba pro rebus male credulis Abiponibus obtrudunt, perindeque ignorant morbos ab ægris depellere corporibus, ac sanis accersere, tam in pharmaco parando, quam in veneficio inferendo rudes, dolos nectere, quam dolores minuere, scientiores. Incredibile tamen, quantum barbari avitæ superstitionis erroribus a pueritia imbuti in præstigiatorum suorum pericia acquiescant, dum ægotaverint, quantum, ne magico illorum carmine afflari ægrotent, sibi usque metuant. Verum enimvero & fiducia, & metu indignos hos nebulones palam, semperque affirmavimus; Quin ad hanc veritatem audientium animis altius imprimendam, ut, quam jactant, corporibus nocendi scientiam omnem advertere nos libere expromerent, ultro, impuneque præiugiatōres omnes, ac præiugiatrices provocavimus. Hos e fraudibus,



tudines iter agentibus, quæ ut serpentibus mortifera scatenent passim, sic medicis, medicamentisque omnino destituuntur.

Apud priscos Germanos matres filiorum, conjuges maritorum vulnera lussisse, Tacitus memorat: *Ad matres, ad conjuges Vulnera ferunt; Nec illæ numerare, aut exfugere plagas pavent.* Vulnusquoque Menelai a Machaone medico suctum fuisse, canit Homerus Iliade 8:

*Sed postquam vidit Vulnus, quo inciderat amara sagitta,
Sanguinem exfugens lenia medicamina sciens
Lusperis &c.*

Quod si itaque Abipones vulnera, ulcera, serpentium ictus &c. Cuicunque demum mortalium exfugendos præberent, neutiquam illos criminandos putarem. Ast enim superstitionis luculentæ convinctur imprimis, quod a solis præstigiatoribus id sibi præstari velint, quibus non a natura, neque ab arte, sed ab avo illo suo medendi facultatem concessam stultissime credunt. Quamvis una sibi pervadeant, alterum alteri halitus, labiorumque salubritate, ac medendi efficacitate plurimum præstare. Dum brachium meum, ut dixi, barbarorum telo transverberatum, ut illud a Pazanoir in Abipone, præ reliquis eminente exfugi protinus sinerem, turmatim in foro accurrentes fœminæ mihi svaferant, curationem celerissimam pleno ore pollicentes. Audivi consilium stupidum, risi, & ne illarum superstitionibus tribuere aliquid videar, cum indignatione rejeci. Alterum, ex quo damnandus hic barbarorum suctus, caput est, quod illum univertale adversus quosvis morbos remedium,

dium, Panaceam, & ut vocant, alexipharmacon existiment. Novi in Paraquaria Europæum rei medicæ plerisque aliis scientiorem, qui, quod herbam fumariam bibendam agris pluribus feliciter imperarit, Doctor fumaria ab Hispanis appellabatur. Indum, infirmorum curatorem, in Quaranico oppido S. Thomæ habui, qui, qualem medicinam huic, illive agro porrexerit? interrogatus mihi semper respondit: Verā benā illi præbui, mi Pater. Expertus is, hanc herbam unī quondam profuisse, quibuscunque infirmis, quocunque morbo laborantibus, sine discrimine porrigendam, profuturamque stupide putavit. Hoc stupidiores Abipones, sugendo, suffiandoque exterminari e corpore credunt, quidquid demum sit, quod dolorem, calorem, tumorem, molestiamve adfert agrotanti. Hanc rudium credulitatem fraudibus identidem novis alunt præstigiatores callidi, confirmantque. Dum enim agro sugendo se accingunt, spinas, scarabæos, vermes &c. ori suo clanculum injiciunt, & istas quisquillas post suctum quemlibet expuentes: In, inquit agro, ægritudinis tuæ causam, simul vermem, spinamve ore ejectam intento indice commonstrant. Quò visō in spem erigitur infirmus, & in ære absterfo reviviscit aliquando, dum exulare jam, a quo cruciabatur, pessimum hospitem opinatur. Opinio sola ut ægritudinis sepe, sic sanitatis origo præcipue fuit. Tantum corpus in animum, animus in corpus potest. Luce meridiana id clarius, experientis quotidianis, trecentis historiis confirmatum. Adhæc nil mirum est, si post repetitos diebus aliquot suctus dolor tandem extinguatur, qui sponte sua, soliusque temporis beneficio, nulla etiam medicina accedente, erat desiturus. Haud inficior, Abipones plerumque convalescere, nativo id debent robori, non præstigiatoris, qui eos luxerat, opera. Isti tamen,



ceu Soteri, ac Archiatro suo, instauratæ valetudinis gloriam, mercedemque religiosissime tribuunt, equos, arma, penulas, sphærulas vitreas, & siquid præterea in convalescentium est penu. Neque grati animi instinctu, metu potius id faciunt. Ea siquidem illorum mentibus insidet persuasio: Morbum suctu depulsum subito rediturum, suos nisi medicos pro viribus confestim remunerentur, fustuario, quam præmio digniores, quippe non raro nocentissimos. Vidimus eheu toties infantes teneros exangues, pallidos, languidos, morituriens, & paulo post mortuos, postquam illi veteratores repetitis per diem suctibus illorum corpuscula defatigarunt, melius dixero, exhausterunt. Anticyram profecto mittendæ matres Barbaræ, quæ post tot suorum funera nondum sapere.

Apud barbarissimos Payaques lege publica cautum, sancitumque e majorum instituto est, ut, siquis suorum morbo extingatur, medicus (Pay dicitur) qui ejus curationem suscepit, universi populi telis illico trucidetur. Et vero, ut sunt vindictæ studiosissimi, crudelissimæ legi crudeliter obediunt omnes. In urbe Assumptionis, ubi tunc versabar, ad Paraguayi fluminis litora infelix medicus infirmi mortem morte sua luit, hastis, sagittisque contubernalium suorum misere confectus. Quod si atrox Payaquarum lex apud Abipones quoque extaret, nã! pauciores illorum Galeni se se nepotes mentirentur; Recusarent enimvero, formidarentque periculosam medicandi professionem, medicique fungorum instar una nocte crescere istic desinerent. Certissimum equidem mihi, in singulis Abiponum contuberniis infirmis plures semper medicos numerari, qui nullo famæ, vitæque periculo, lucro utique certissimo ægrotantium lectulos obsident, corpora illorum, ac vires nullo morbi di-

scri-

scitamine exsugunt. De ægri periculo interrogati, lætissima quæque ominantur. Si prognosticis contraria eveniant, si æger occumbat, in promptu excusatio est: Morbum lethalem fuisse. Venefica alterius arte virtutem medicinæ suæ esse impeditam, superatamve. Et hac statur sententia. Nefas sit Præstigiatoris excusationes in dubium revocare.

Quamvis ille præstigiatorum factus præcipuum sit apud Abipones medicamentum, & fere unicum, habent tamen aliquas, ut somniantes de rebus habere solent, de remediis nostris ideas. Interdum, fatigatos æstu solis, vel calore maligno accensos sedum perferunt, aliquid sanguinis sibi detrahunt cultro quocunque vel brachio, vel suræ infixio. sunt, qui spina piscis (Raya is dicitur ab Hispano: *Epáranik* ab Abipone) pro scalpello phlebotomo usi, venam non infelicitè secant. Herbarum salutarium, quarum incredibilis istic multitudo, virtusque multiplex, vix nomina aliquot callent, videri tamen appetunt mysteriorum naturæ scientissimi. Hinc non tam sanitatis alienæ, quam famæ suæ studio ægrotantibus hæc, illave arborum folia, plantæ parum cognitæ radiculam pro medicamine propinant aliquando, cui pharmacopœus tuto inscribat: *Quid pro quo*, cum plerumque ejus naturæ sint ejusmodi remedia, ut obesse queant certius, quam prodesse. Molesto itinere defunctus in conceptionis oppido invaletudine tentabar aliqua. Adest vetula primi ob scientiam medicam nominis. Radicem vastam atrii coloris mihi porrigit, salutis anchoram fore spondet, si in aqua percoctam sumpsero. Exhortui sane ad talem medicinam, sed vehementius ad medicam, Megæræ imaginem.

Ut Abiponenſis lingua caret, ſic Quaranicà abundat plantarum ſalubrium vocabulis, earumque uſum præclare nòrunt Quaraniòrum non pauci. In oppido S. Joachimi ſane I. dum Ignatium Yarià infirmorum curatorem per cētennium novi, ac ut rem fatear, non potui non demirari ejus dexteritatem, felicitatemque. Is equidem oſſa brachii, pedifve confracta, ſuo loco repoſita, tabellis arundineis firmata quatuor herbularum ope breviffimo tempore ſæpius perſanavit, nullo prorfus claudicationis vitio remanente. Eſt & hederæ genus in ſylvis Americanis obvium, quod funis inſtar, digiti minimi magnitudine, colore ſubviridi ad fufcum accedente, arboribus adnaſcitur, varioque truncum complectens flexu ſerpit. Ab Hiſpanis ſuelda conſueta dicitur; In Europa num proſtet, quo nomine appelletur, doleo, me nescire, poſt longam rei indagationem. Planta hæc minutim concifa, cum aqua excocta, linteoli ope ſæpius applicata crus, brachiumve comminutum prompte conſolidat, feliciterque. Complures me vidente hoc remedio perſanati fidem rei faciunt certiffimam. In urbe correntina matronæ Hiſpanæ caniculi pelle recenti recens fractum pedem circumligant, & remediis aliis omnibus excluſis perfectiffime ſanant. Medicamentorum, quæ ad purgandam alvum, ad ciendos ſudores, ad bilem abigendam, aut ad humores noxios depellendos faciunt, nullus omnino apud Abipones uſus eſt, cognitio nulla. Clyſteris ne mentionem quidem ferunt. In S. Hieronymi oppido Hiſpanus miles e medicastroꝝ numero quiſpiam rogatus a Patre Brigniel, ut Abiponi ægrotanti mederetur, enemate opus eſſe, pronunciavit. Syringem admodum vix ſenſit ægrotans, e lecto proſiliit furibundus, arreptaque hafta ſtraviſſet militem medicum, nſ fuga cele-

celerrima sibi consulisset. Terrore subito in furias converso Hispanus senex nobis cachinnantibus, quidquid usquam conviciorum, ac maledictorum est, in ægrum ingratum evomit; Ex inferno potius, ajebat, evocate, Patres mei, dæmoniorum pessimum ad hanc bestiam curandam. Hem! medicinam offerenti mihi necem intentat barbarus, syringi hastam opponit. Armis tam imparibus ecquis certamen ineat? Hæc, & plura alia ille. Neque a Quaraniis, ut Clystere utantur infirmi, unquam impetrabis. Tabacæ Hispanicæ, quæ Hispali conficitur, pulveres, quos naribus injicimus Europæi, Indi passim auribus medicandis inferciunt, dum eas scilicet Cœli pluvii, ventive acrioris injuria male affectas advertunt. Quamvis ex iisdem tabacæ pulveribus per nares attractis voluptatem experiri se se, minime inficiuntur. Et vero a nobis identidem eos petiere. Concubia sæpe nocte adfuerant Abipones, mihi que expergefacto: *Da mihi tabacum Tachkaué yabogég*, Clamitabant. Surrexi. Dedi, quod petiere. Insentium instar sunt barbari, & fiducia erga patrem, & audacia ad petendum, quidquid in mentem venerit, plenissimi. Si repulsam ferant, irritantur, beneficiis dein pluribus vix tandem placabiles.

Præstigiatores, ut morborum dominium, donumque sanitatis penes se esse, significant, verba sola, medicamentis omnibus exclusis, ad ægros quovis persequendos sufficere, magnifica ostentatione affirmant. Ad infirmi lectulum confidentes arbitraria carmina, ceu magicum quid, decantant jam ad Avium suum dæmonem ægro placandum, jam ad manes ex inferis evocandos, quorum opera infirmandas, exterminandasque spondent quantascunque infirmitates. Hinc, ethi superos flectere nequeant,

Acherontē movere posse miris artificiis, veteratores isti a stolido vulgo creduntur. Sed venia digni videntur creduli barbari, cum viri cetera sapientes medicam virtutem solis verbis concesserint. Plinius l. 28. c. 2. refert ex Homero: Ulyssē sauciātē fœminæ sanguinem carmine inhibuisse Theophrastus ischiacos: Varro podagricos: Cato membris lutosos verficulis quibusdam juvari, affirmant. Quid quod Theophrastus Paracelsus l. 1. phil. Sagac. c. 6, ausus sit dicere: Naturam vires suas in verba imponere, sicut in herbas, & radices. Ast apage aniles fabulae, nugas superstitiosas, nigro dudum notatas calculo, papyro candida indignas. Abiponum medici, tot fallaciarum architecti, quam parum suis ipsi artibus confidunt, tum denique palam faciunt, cum morbo correpti non a collegis suis, sui similibus, sed a quovis potius Europeo Consilium, remediumque sibi deposcunt. Malunt ægrotantes medicæ artis, quam sani jactabant, ignorantiam fateri, quam morbo succumbere. Ea tempestate, qua inter Abipones egeram, medicæ artis fama præ cæteris claruit Pariekaikin, præstigiatorum princeps, Hic Pleuritidis quadam specie tentatus, immodicisque caloribus æstuans non Collegarum suorum aliquem, me potius, ut sibi mederer, accersivit. Pulveres cornucervi calcinati cum aqua hordei cocta illi sanitatem, mihi apud Abipones contubernales medici famam attulero. Sed maluissem esse, quam putari medicum. Nulla equidem re citius barbarorum tibi devincies animos, quam medendi dextertate. Putant nil ignorare illum, qui morborum naturas, remediaque noverit. Fidem habebunt in rebus, quæ ad religionem pertinent, atque adeo morigeros se, ac faciles præbunt. Divinus ipse servator, cum in terris ageret, in sui admirationem

rapuit mortales, quod non animis duntaxat, sed & corporibus humanis mederetur. Illius imitatione quotquot Barbarorum institutioni operam dedimus, medicorum, Chirurgorum, pharmacopœorum penuriam maxima, qua potuimus, virium contentione, remediis parabilibus, librorum medicorum lectione, aliis quibusque industriis supplere conabamur, ut miseram illam, a vitisque superstitionibus cæcatam plebeculam a præstigiatorum sinu abstraheremus, quos religionis sanctæ præcipuos obices ubique gentium sumus experti.

Incredibilis est, quæ Quaranicis in oppidis gerebatur, ægrotantium cura. Pleraque illorum quatuor, aliqua sex, vel septem incolarum millia numerant. Pro multitudine, vel paucitate istorum plures, paucioresve Indi ægris curandis designantur, herbarum, remediorumque familiarium cognitione aliqua imbuti, quamvis iis haud liceat Missionario non consulto, arbitrarias medicinas adhibere. Baculum altum cruce insignitum manu semper circumferunt, & Curuzuyà seu crucem gerentes vocantur propterea. Illorum est sub auroram per plateas unicuique assignatas totum obire oppidum, ægros lustrare, & si quis recens in morbum inciderit, resciscere. De his omnibus Missionarius, antequam sole exoriente præsentibus omnibus sacrificet, edocetur, & quibus remediis utendum, quæ Sacramenta cuiusvis ministranda, significat. Ipso meridie ex illius culina Caro elixa cum pane ex flore farinæ triticæ candidissimo ad ægrorum singulorum (Triginta interdum, aliquando plures, vel pauciores decumbunt) domos mittitur. Ægri singuli semel quotidie, & pro morbi periculo sæpius visitantur a Missionario, quem bini minimum pueri semper comitari

solent. Nihil prorsus, quod ægrorum seu animis, seu corporibus conducere, desiderari possi sumus unquam, Quibus industriis id sane impetratum, ut plurimi convalescerent; Cæteri vero, quorum morbus medicinæ vires superaverat, sacris ad beatam mortem præidiis tempestivè muniti, nobisque præsentibus vivere desinerent. Explodendus itaque hoc rursus loco notissimus Bougainvillius, qui in urbe Boni aeris per homines vel nobis malevolos, vel ignorantes misere toties circumventus scribere ausus est: Quarantos plerosque morbo, in quem inciderint, extinguere, paucissimos e morbo recreari, De variolis, morbillisque duntaxat id verissime affirasset. Causas alio jam Capite adnotavi. Ad hæc noveris, per Quarantorum oppida ternos, certè binos fratres nostros laicos Chirurgos Europæos, in re medica commode versatos non Missionariis modo, sed & Indis ægrotantibus utilissimam sæpe operam navasse, quamvis ob longissima terrarum intervalla, quibus oppida fere sejunguntur, haud semper ope sua indigentibus præsto esse potuerunt.

In nos itaque, quorum intererat Indorum animos curare, corporum ægrorum curatio recidit. Et vero propitio Numini in acceptis referendum semper putavimus, si quando remediis minimis maximi sæpe morbi profligabantur; curtissima enim supellectili pharmaceutica nostræ ædes pollebant. Sulphur, alumen, sal, tabaca, saccharum, piper varium, adeps gallinarum, tigridum, boum, cervorum, ovium &c. pulvis pyrius quam multiplicem utilitatem ægris præstant! vix abit dies, quo istorum aliquid ab Indis non peteretur. In promptu esse oportet tres cucurbitas totidem unguentis instructas, Viride est unum (Mohâ hobî dicitur) ex sebo, & tri-

triginta aliquos herbis conflatum. Alterum nigrum (Mohâ hû) flavum tertium (Mohâ yû) Quodlibet horum, ut ex alia constat materia, sic aliis, aliisque, quos Indi experientia nôrunt, usibus destinatur. Herbas item saluberrimas, quæ vel sponte sua passim nascuntur, vel ab Europæis plantatæ, in promptu habemus, quales sunt: Borrageo plantago, fumaria, verberna, salvia, Malva, Buglossum, virgæ aurea, origanum, seu Mayorana, mentha, absinthium, nardus, &c. &c. Rorismarini, rutæ, artemisiæ sylvas apud Quararios, deprehendas. His adde arborum nobilissimarum jam cortices medica virtute insignes, & Europæis in pharmacopoliis pretiosissimos. Quis nescit, lignum sanctum, Quajacan, corticem Peruvianum, Quina Quina dictum ex arbore, quam Indi nostri Chiquiti pizdès vocant, Rhabarbarum (Alexandrino persimile) sassafras, sarsaparillam, Mechoacan, jalapam, tamarindos, cupaiba, aliaque multi usus balsama, zingiber, sanguinem draconis, & quæ non alia magni nominis medicamenta in Paraquaria seu nasci, seu parari. Taceo, varia lapidum, quos piedras Bezâr Hispani vocant, quique seu in humanacorum, seu in alcium stomachis passim reperiuntur. Tot pisces, tot amphibia, tot feræ campestræ, sylvestresque medicos in usus aliqua sui parte egregie Americanis serviunt. Aguaràquazû canis aquatilis auri instar flavescens nigra per medium tergi linea distincta pellis corpori applicata dolores ischladicos (vulgò sciaticos) mirifice sedat, & adversus ventris tormina, me teste, ingens adfert levamen, præsertim colicam patientibus. Pelleem ejusmodi ob perspectas ejus utilitates ex America attuli, sed in navi furto mihi sublatam doleo etiamnum. In flumine Parana inter Quararioa oppida Virginis Lauretana, & Corporis Christi pis-

cis (nomen memoria excidit) reperitur, cujus officulum quoddam in pulveres redactum, & cum aqua potatum stranguria laborantibus prompte opitulatur, quibus alias crocus noster Europæus (quantum pollice, & indice capi possit) vino coctus, haustusque præsentissimum remedium, me svafore, spectatoreque sæpissime fuit. Quin & ferè cæterum noxiæ medicinas suppeditant Americanis. Attingam paucula Cataplasma ex crocodili adipe confectum plagas persanat. Ejusdem stomachus siccatus, & in pulveres comminutus, si bibatur cum aqua, calculi dolores comprimere dicitur. Crocodili dentem e collo, vel brachio suspensum passim gestant & Hispani, & Indi, creduntque se hoc præsidio contra serpentium ictus defendi. Icti a serpente pulverem e crocodili dente cultro abradunt, & aquæ immistum bibunt. Ab Indis id factitari ipse vidi, quamvis certiora, præsentioraque remedia vulneratis a serpente alio loco patefaciam. Lapilli, qui in crocodili stomacho inveniuntur, in pulveres contriti, potatique dolores calculi, qui in renibus sentiuntur, levant. Tigridum ungues calcinati, cum alumine pariter calcinato, permixti, & in pulveres soluti si denti exeso, molestoque imponantur, dolorem, ut jam alias dixeram, omnem extinguunt penitus. Et mea, & plurimorum Europæorum experientia probatum sane remedium. Adeps tigrinus momento vermes expellit ex capite, vel quavis corporis parte, si illi loco, unde egredi ob multitudinem, locique angustias tentant, illinatur. Muscæ vulgares, ac domesticæ, hujatibus nil omnino dissimiles, sæpe per interdiu dormientium nares, buccamve in caput irrepunt, ibique excremento suo, veluti semina quodam producunt vermes in medio obesos, utrinque in acumen subrum desinentes, cætera candidos; longitudi-
 ne-

ne annularis digiti unguem æquant, circulisque, veluti annulis quibusdam ambiuntur. Paucas intra horas plus, quam vel comprehendi, vel credi possit, augeſcunt numero, partemque, quam infederant, capitis corrodunt. Multitudine nimia conferti jam, compressique, & seu cavernæ suæ angustias pertæsi, seu deficiente sensim alimento exitum moliantur, tentantque, qua qua possint, erumpere. In extrema cute punctulum rubicundum eruptionis, quam cupiunt indicium est. Non ipsum illud punctulum, sed ejus peripheria ungenda est adipe tigrino, cujus fætorem teterrimum haud ferentes vermes duplicata virium contentione ossa, carnemque obstantem pertundunt denique, &, qua facta via, erumpunt ad unum omnes. Obstupui profecto, steteruntque comæ, meisque vix fidem habui oculis, dum ex capite Indi Gregorii Piripostî in S. Joachimi oppido tantum Vermium acervum prodiisse conspexi, quos petasus meus nequitiam caperet; Necdum assequor, qua ratione hominis caput tantæ vermium multitudini seu recipiendæ, seu alendæ par fuerit. Ex hoc tamen incredibilem tantillo in spatio compressionem vermium licet arguere. In summitate, seu fastigio nasi superciliis interjecto portam sibi cavarunt, sed adeo angustam, ut non nisi singulis exitus pateret punquam interrupto ordine sibi avidè succedentibus. Vulnus tenue protinus coaluit, carnis tamen modico hiatu cicatricis instar remanente. Indus quoque edacissimorum hospitem exercitu innumerabili liberatus adipi tigrino, quo sæpe alias, semperque pari felicitatè alios persanavi, recuperatam valetudinem tribuere nil dubitavit. Sed audi majora. Illud tintinnabulum, quod serpens veneno mortifero plenissimus caudæ adnexum circumfert, nobile medicamen est. In pulveres enim redactum dentibusque exesitis in-

ctum

lilem ægris operam identidem navaverimus; id denique impetravimus, ut Abipones, quoties invale-tudo se illis insinuabat, neglectis illis suis præstigia-toribus spes suas omnes in nostra ope collocarent, nostraque medicamina superstitiosis illis quam lon-gissime præferrent. Mihi diffidens, deque aliorum vita anxius nunquam præcipiti manu medicinam æ-grotantibus obtuli. Adversus aeris injurias ut de-fenderentur; A' noxiis escis, potibusque ut absti-nerent, prima hæc mihi, ac princeps cura. Dapes salutare, quas potui, mea e penu præbui. Dixit nil proficiente medicamentum denique longo usu exploratum, quod si prodesset nihil, nihil certe obesset, porrexi. Nostra comitate, beneficentiaque deliniti ægrotantes barbari sacro se tingi latice patie-bantur; Prius equidem, ut primum morbo tentati sunt, baptismi metu in sylvarum latebras vel refuge-runt ipsi, vel a suis deportandos se curabant. Annis posterioribus summa voluntatum inclinatione, fidu-cia pari in nos propendebant plerique omnes, & si qua se medicina a nobis recreatos aliquando memi-nerant, eandem contubernalibus suis morbo ingruen-te adhibendam poposcere. Ex uno conjectura fit de cæteris. Fructus, figura ac dulcedine amygdalæ par in calidiori septentrionem versus Paraquaria nascitur, a Quaraniis Mandubiquazû, ab Hispanis Piñon del Paraguay, a medicis Ricinus Americanus, ficus infernalis, Nux cathartica appella-tur, quod comestus simul vomitum ciet, simul al-vum promptissime purgat. Primos, qui in Para-quariam olim venerant, Hispanos festive decepit. Dulcedine capti hunc fructum esitarunt avide, & quem cibum putarunt, maximo omnium risu medi-camen experti sunt, quod armis duplicibus huma-num oppugnat corpus, humoresque seu superfluos,

seu



seu noxios via duplici citra cunctationem expellere consuevit. Ejusmodi nuces ternæ, quaternæve Abiponibus, quibus purgatio necessaria videbatur, a nobis datæ sunt. Luculentum ex earum usu levamen nemo non capiebat. Inde factum, ut, quotquot stomachi gravitatem sensere, hanc sibi medicinam a nobis ipsi flagitarent. Idem de aliis remediis sentiendum. Prisci moris tenaces vetulæ passim fremuere, dum suas aliis medicinas risui jam esse, quæstusque sui fontem exaruisse animadverterant. Præstigiatores, qui ægrorum prius & corpora & facultates exsuxerant, ceu fuci inertes vulgo spernebantur.

Infinītus sum, si cæteros, quibus Americani populi utuntur, medicandi ritus persequar, quorum alii Europæorum risum mereantur, indignationem, admirationemque alii. Strictim, veluti per transennam memorabo aliquos. Patagones, & qui Australes Magallanici territorii plagas pervagantur, cæteri barbari ægrotantis corpus a malo dæmone insidendi, putant. Illorum medici tympana, in quibus terribiles visu formæ depictæ, circumferunt; Hæc ægro assidentes, vociferatione adjecta, pulsant identidem, dæmonem de morbi genere vel consulturi, vel ex ægri corpore ejecturi. Si quis morbo occumbat, illius cognati medicum diris modis insectantur, ceu mortis authorem. Si quis optimatum Cazi- quiorumve moriatur, medicos omnes, ni fuga præcipiti dilabantur alio, contrucidant. Stulta commiseratione ducti moribundos, necdum mortuos, sepeliunt interdum. Horum aliquem adhuc spirantem & tumulo protraxit Pater Mathias Strobl, ultra decennium Australes inter Barbaros versatus. Mbaya- rum, seu Quaycuris ferocissima natio medicos suos
Nigie-

Niglenigis appellat. Cucurbita ingens fructuum variorum, ut manu exagitata sonitum edat, seminibus duris plena, umbella item ex fuscis struthionum plumis contexta illorum & præcipua insignia, & artis medicæ instrumenta sunt, quæ quaquaversus, ut noscantur, circumferre manibus solent. Imperare mihi haud possum, ut Chiquitorum medicos taceam. Risu digna sunt, quæ in historia Chiquitorum veteranus illorum Missionarius Joannes Patritius Fernandez scripsit. Præstigiator inedicus ægri curationem jam jam aggressurus exquisitis dapibus, pullis, gallinis, perdicibus stomachum refecit suum, ut ad perslandum, sugendumque ejus corpus anhelitum & robustiorem, & salubriorem sibi procuret. Medico liberaliter epulante ægrotanti triticum turcicum insipidum, ac semi coctum objicitur. Si illud fastidiat, nemo mortalium est, qui ad cibum sumendum hortetur miserum, ut adeo inedia, quam morbus plures conficiat. Primo accessu trecentis interrogationibus ægrotantem medicus fatigat: Quibus in locis, quærit ex illo, heri versatus es? Quas vias traversisti? Everso cantharo potum ex tritico turcico paratum fors tenere humi fudisti? Quid? Si testudinis, cervi, apri, aut alterius feræ carnem canibus devorandam imprudenter objecisses? Fateatur horum aliquid æger, bene est. reponit medicus, morbi causam tenemus. Illius feræ anima ad vindicandam injuriam corpus ingressa tuum te jam excruciat, cheu! Hæc dolorum, quos sentis, origo est. Delphica hoc dictum ex tripode a barbaris putatur. Nec mora. Curationem orditur. Partem corporis afflictam exsugit iterum, iterumque, ac tertio. Mox triste Carmen deblaterans loci, ubi æger decumbit, solum omne clava quatit, ut minitabundo strepitu perterrita feræ illius, cujus carnem cani objecit,

anima

anima ex ægroti corpore discedat. Stupide id a veris pelle medico spondetur, stupidius ab ægro expectatur, vivida tamen, quæ imaginario in remedio collocatur, ægri fiducia interdum obtinetur, morbo aliis de causis evanescente. Crudelior ægri curandi consuetudo apud Chiquitos eosdem grassabatur.

Uxorem ægrotantis mariti trucidarunt; Hanc, enī maritus decumbat, causam esse, rati. Hac e vivis sublata illum protinus convaliturum, perperam credidere. Sæpe alias, quænam præstigiatrix ægrotanti morbum accersiverit, medicos consulebant suos. Hi jam vindictæ, jam utilitatis suæ studio abrepti illam, istamve, ut lubuit, ream pronunciarunt. Nec opus erat argumentis ad hoc probandum. Præstigatoris sententia & oraculum & classicum genti credulæ fuit. Armati concurrunt undique ad miseram misere necandam. Tales olim erant Chiquiti adhuc sacrorum nostrorum expertes. His nostra dein sub disciplina imbuti tum ob virtutis christianæ, bellicæque exempla, tum ob eximiam artium plurimarum cognitionem Hispanis admirationi dudum, & adversus alios barbaros auxilio semper fuisse. Rudes animulæ, quemadmodum noxi humoris intemperies in corpora possit influere, haud intellexerant, neque quantum alvi purgatio, sanguinisve detractio ad restituendam valetudinem conferret, unquam perspexere. Ast nostris aggregati coloniis, experimentoque suo convicti quotidie præstigatorum fallacias aspernantur. Hac demum ratione mulierum securitati cautum est, quarum vita seu marito, seu quocunque alio ægrotante pro medicorum versipellium arbitrato identidem periclitabatur. Hactenus de morbis, medicis, & medicinis Abiponum; Jam, quæ mortis ratio, dispiciendum.

CAPUT XXVII.

ritibus, qui Abiponum mortem comitantur, qui consequuntur.

Tors mortalibus plerisque formidolosa : Abiponi-
us universis formidolosissima. Mortis ne memo-
ria quidem ferunt, minus morientis aspectum. Hinc
ubi de cuiuspiam vita conclamatum est, ex illis
litum ædibus aut fugiunt ultro contubernales, aut
remanentes ad ægri curationem vetulas fugantur,
et lugubri morientis spectaculo mœrorem animis
irrent, mortisque metu, dum dimicandum cum
vitis, vitæ discrimina posthac recusarent. Idcirco
extorres contuberniis vel alieno in tentorio, vel
dio, quod sæpius videram, noctes agunt complu-

Cum rarissima sit apud istos naturali morte de-
gentium experientia, mortis jam jam imminenti-
s ignostica ignorant. E tantilla cibi abstinentia, ex
itio ægri pertinaciore, vel insomnio vitæ occasum
cimum animo prælagire, seque, suosque fallere
sueverunt. Nam: *La' chig reer. La chig rkenne,*
ga' Jam non loquitur. Jam non comedit. Jam mori-
idem his barbaris significare videtur. Ut pri-
m de moribundo percrescit rumor, vetulæ seu
pinquitate generis affines, seu medica arte con-
uæ ad ejus confluunt domum. Passis capillis, re-
taque ab humeris veste decumbentis stipant latus,
c atque hinc longo ordine ejus circumstant le-
rs II, T ctum,



stum. Dextra cucurbitam, suum illud crepitaculum, continenter exagitant, & ad illius tristes modulos violento pedum motu, brachiorum jactatione, vocisque contentione maxima lamentantur. Quæ vel ætate, vel artis medicæ fama præcellit reliquas, morientis capiti proxima tympanum militare ingens, horrendum, horrendo cum murmure reboare facit identidem. Altera, rerum omnium, quæ ægro accidit, speculatrix per intervalla corium bubulum, quo æger tegitur, removet, ejus vultum observat, & si quidem spirare adhuc videatur, aqua frigida liberaliter perfundit, quem in finem pelvis aqua plenus sub lecto collocatur. Hæc dum primum videram, ægrotantis scilicet miserabar sortem, quem si non morbi violentia, at certe intolerabili foeminarum ejulatu, tympanique perpetuo strepitu extinguendum metuebam, vel corii bubuli durissimi pondere opprimendum. Noveris equidem totum, quantum est, corpus a capite ad calcem bubula illa pelle velari, quæ tabulæ crassitudinem æquat, gravitatem superat non raro, Commiserationis obtentu tanta in animam agentes crudelitate utuntur, ne scilicet illorum angustias in extremo vitæ articulo videre, ne gemitus exaudire circumstantes foeminae cogereantur. Sæviunt, ut sibi parcant. Affligunt, ne affligantur. Enimvero dum in nostram se tradidere disciplinam, quamvis a nobis admoniti frequenter, rogatique Barbari a barbaris his ritibus ne latum quidem unguem discessere, quod tamen progressu temporis impetratum denique præsertim ab Abiponibus Rükahë; Nakaikö-tergehe enim Cerimoniarum veterum multo sunt tenaciores.

Nisi moribundi respiratio, ut follis in Vulcani officina, eminus exaudiat; Si quando ejus anhelitus

tus vel tantisper interquiescat, jam animam exhalasse miserum, stentoria voce proclamant. Magni fiunt undique concursus. Omnium ore repetitur: *Chiskaka. Laqauá. Non est amplius. Mortuus est.* Confestim quotquot nuptæ in oppido mulieres, vel viduæ eo, quo prius dixi, habitu conveniunt ad commune lamentum. Plangore incondito, cucurbitarum crepitu, strepituque ollarum, quas damularum pelle obductas ceu tympana minora pulsant, dum complent forum longo ordine procedentes, extortisque lacrymis se fatigant, sæpe repentina personat vociferatio, quæ illum, qui mortuus lugetur, revixisse nunciat. Festiva exclamatione: *La nasatuge jam revixit*, omnium ora, auresque occupante, lugubris sceminarum ululatus conquiescit subito, quarum aliæ domum, aliæ ad ægrum in vitæ, mortisque confinio versantem properant, illumque ferali ejulatu tamdiu excruciant, dum denique e vivis exturbent. Primum a morte Princepsque circumstantibus negotium est, vita functi cor, linguamque radicitus evellere, cum aqua ad ignem coquere, canique obvio devoranda objicere, ut & ille, qui mortis author fuerit, quamprimum moriatur. Id superius jam exposui. Cadaver adhuc calens more patrio vestitum, pelle bubula circumvolutum loris coriaceis constringitur. Caput singulari strophio, vel quacunque, quæ ad manum est, lacinia obnubunt; Quem morem apud Hebræos vigiuisse tum ex historia lazari a servatore ad vitam revocati, tum aliunde liquet. Quaranicis Christianis etiamnum solenne est, eodem, quo cadaver, linteo caput velare haud aliam ob causam, quam ne patens omnium oculis demortui facies novum spectantium animis marorem offundat, tristemque illius, qui aperto in sarcophago ad tumultum effertur, refricet recordationem. Ut morientem spectare, sic



mortuum domi tolerare recusant feri Abipones. Nusquam tanta cum festinatione dapes ex culina ad mensam, ne per cunctationem bajulorum frigeant, adferuntur, quanta illi ad sepulchrum efferunt suorum cadavera; Hæc adhuc tepentia præparatis ad id equis deportantur illico humanda, Prævolant pernicious bucephalis, quæ tumulum cavent, funusque lamentis illustrent, lætæ mulieres. Quid si tibi in mentem veniat cogitare: Abiponum plures sepeliri, quia mortui putantur, re tamen ipsa mori, quia sepeliuntur. Miseros illos bubula pelle, qua ætissime circumligantur, aut terra, qua obruuntur, suffocatos tum denique exspirasse haud absimile vero est. Verum, cum cor evellant, linquamque e mortui corpore, dum sepeliuntur, de morte illorum nil porro dubitandum. Id tamen vehementissime suspicor, cor secari interdum semivivorum, qui sibi reddendi essent forsitan, ni necessario vitæ instrumento præpropere spoliarentur. Barbari, cum suorum tantopere ipsi accelerent sepulturam, nobis succensere ausi sunt, quod Christianis lacris initiatos Indos post obitum tot horarum spatio extra tumulum cunctabundi detineamus. Id tamen & legibus sacris, civilibusque, & prudentiæ maxime consentaneum. Ne, ut loquitur Andreas Quenstedius, *præpropere efferatur funus, videndum est; Nimia enim acceleratio quandoque vivos pro mortuis sepelivit.* Varius pro varietate gentium, morborum, temporumque hac in re fuit usus. Antiquissimo ævo non nisi quarto ab obitu die corpora humabantur, quod ex Apollon. Argonaut. II. patet:

At vero ornantes supremo funus honore
Tres totos condunt lugubri murmure soles,
Magnifice tumultant quarto — —

Con-

Contrahebatur id tempus, si funus immaturum, puta, si filius tener, si puella Patri chara efferenda esset; *Hoc enim casu, ut Tacitus annal. 13. festinationem exequiorum edicto caesar defendis, id a majoribus institutum referens, subtrahere oculis acerba funera, neque laudatione, aut pompa derinere.* Verum talis exceptio cultis gentibus neutiquam probatur hodie, apud quas legibus praefixa sunt differendi funeris tempora.

Antiqui jam in antrorum cavernis, interdum ad vias publicas, vel in montibus, saepissime intra urbes, quin intra aedes suas mortuos sepelivere. Abipones sylvas, lucosque pro sepulchretis amant a loco, quem insident, tantillum remotos, ne, si omnium oculis quotidie obversaretur, mortis acerbam memoriam identidem sibi ingererent, neve auram noxiis putrescentium corporum vaporibus praegnantem vivi haurirent. Hanc forte ob causam apud sicyonios olim nefas intra urbis moenia quempiam tumulare, ut refert, Plutarchus in Arato - Idem in variis Europae provinciis nuper interdictum. Id tamen lycurgi legibus non vetabatur, quod is spartiatas suos a pueritia funeribus spectandis, ne viri mortem in acie paverent, assuefactos desideraret. Eximia genus felicitatis autumant Abipones in sylva humari, & arborum sub umbra. Contra eorum vices dolent, quois subtesto sacrae aediculae sepulchrum obtigit, tales equidam Patris Captivos appellant. Ejusmodi sepulturae metu baptismum refugere initio. Scrobem porro, ubi cadaver collocandum, exiguae altitudinis fodiunt, ne terrae aggestae nimio pondere prematur, Tumuli superficiem arborum ramis spinosioribus implent, ut his aculeis tigrides, cadaverum quorumcunque appetentes, arceantur. In sepulchri summitate ollam inversam pro coronide statuunt, ne, si aquam mortuus



sibi velit, vas desit. Ex arbore tumulo propinqua vestem suspendunt, qua, si prodire e tumulo lubeat, indueretur. En fatuam stupidæ, sed benevolæ gentis providentiam! Viris hastam præterea juxta tumulum defigunt, ut venationis, bellicque instrumentum illis in promptu esset. Caziquis suis, aut militari fama clarioribus equos eundem in finem, non sine Cerimonia occisos, ad sepulchri margines collocant; Qui mos plerisque Barbaris equitibus in Paraquaria communis. Nostri, qui (quod alias memoravi) fretum Magallanicum versus Regia in navi missi; excensione facta trium Indorum equitum cadavera, equos totidem penes illos sudibus affixos deprehenderunt. Equi plerumque præstantissimi, ui mortuo, dum viveret, maxime in usu, atque deliciis fuerant, ad tumulum mactari solent. Hoc sane ridiculum, fateor, sed illud intolerabile, quod Scythæ Taurici suis cum Regibus illos una sepeliebant, qui iis in vita amicissimi, jucundissimique fuerunt, quibus in pignus amoris Reges ipsi auriculas abscindere solebant, ut Alexander Ab Alexandris L. 1. cap. 6. refert. Crudeliores illi Asiatici, qui conjuges vivas cum maritis mortuis contumularunt, tumuli perinde, ac thalamii socias. Neque temere id factum. Uxores ad mortem invisi mariti accelerandam non raro venenum porrexere. Nunquam, certe rarius id audebit femina, si marito mortuo sibi perinde noverit mox moriendum.

Sepulchrales Abiponum ritus risu liberali prosequaris, per me licet; At enim haud inficiaberis eos argumentum esse, quo animorum immortalitatem illos credere, probatur. Naturæ ipsius monitu impref-

pressum sibi habent, persuasumque, extincto corpore non una animum extinguui. Nôrunt, aliquid sui post fata superstes fore, quod duret semper, nunquam intereat. Res illa immortalis, quam nos animam dicimus, illi *Loakâl*, vel *Lkigibi* imaginem, umbram, Echo appellant, per mortem a corpore sejuncta quo deveniat, in quæ loca deferatur, num delictis fruitura sit, mulctandane suppliciis, id indagare haud solent. Magallanicæ regionis Barbari mortuos sub terra vivere, tentoria habere, venationi operam dare, struthiones mortuos ad eandem secum sub terra stationem descendere credunt. Istiusmodi deliramentorum expertes Abipones exanimato corpore superesse sui aliquid, esse alicubi opinantur; locum tamen, cæteraque se nescire, pleno ore consentunt. Defunctorum manes, vel umbras *mehelenkachiè* vocant, timent, & viventibus, dum ad res futuras expiscandas magico carmine evocantur, spectabiles fieri, ajunt, præstigiatorum scilicet artibus, astibusque circumventi. Me ad Paranz ripas subdio, ut moris istic, pernoctante dum Abipones viæ Comites Voces suas adversi litoris arboribus, anfractibusque impactas repeti audirent, id manibus, spiritibusque corpore vacuis, ac per illas solitudines errantibus tribuerunt, dum denique, quid echo sit, a me docerentur. Anaticules noctu turmatim volantes, ac triste quid sibilantes (*Ruili* vocantur) pro hominum umbris habent, & *mehelenkachiè* manes appellant. Ex his, aliisque, quæ alio loco attuli, animorum immortalitatem ab Abiponibus, etsi cætera rudissimis, credi, prudens conjectura est. Mirum sane, ac prorsus intolerabile illam a viris, qui supra vulgus sibi sapere videntur, in dubium vocari. sepulchris apponi ollam, vestes, arma, equos, veluti vita exutis usui futuros, aut necessarios, barbarorum deliramentum

est, sed ignoscendum. Nam & his affinia apud cultissimos Romanos usitata legimus. Urnis ollam vel amphoram, interdum plures, adjecerunt. Tumulo vinum, lac, mel, flores, mulsam, & quas non? insperere; Quin cœnam justam apposuerunt sepulchro a Manibus, ut somniaverant, absumentem, teste Ovidio fastorum II.

Nunc animæ tenues, & corpora functa sepulchris
Errant, nunc posito pascitur umbra cibo.

Incredibile, quanta religione sepulchri honorem suis procurent Abipones. Si quem sociorum in acie vident occubuisse, exanime corpus inediis ex hostibus rapiunt, patrio in solo rite humandum. Oneris tamen levandi gratia viam ingressi Carne nudant ossa: Illam, ubi ubi possunt, humi defodiunt; Hæc corio inclusa per ducentas sæpe leucas equo domum asportant, ubi demum iusta funebria peraguntur. Quodsi hoste premente relinquendum in acie Cadaver, de investigandis primo quoque tempore ossibus solliciti nullam Capiunt quietis partem cognati, dum quantovis demum labore, ac periculo illa inveniant. Hæc maxima dein celebritate, ut sequenti Capite dicam, ad suos equo revehere solent, patrioque in monumento locare. Eadem sane Veterum erat sollicitudo, ut peregre mortuorum seu cineres, seu ossa in patriam referrentur. Agrippina certe Germanici cineres Romam deportari fecit, quod Tacitus Annal. 3. memorat. Idem Ovidii exulis votum ex I. tristium 3. liquet:

Ossa tamen facito parva referantur in urna ;

Sic ego non etiam mortuus exul ero.

A' communi hoc cæterorum more nec Lacedæmonios abluisse docet Plutarchus in Agefilao : *Cum vero mos laconibus esset aliorum quidam peregre morientium cadavera illic funerata relinquere ; Regum autem domum referre. Spartani, qui aderant, cum mel ad manum non esset, cera liquefacta, Cadaverique circumfusa Lacedæmonem abduxerunt.*

Nec quocunque sepulchro contenti Abipones, ut Patres cum filiis, conjuges cum maritis, Nepotes cum avis, ac proavis eodem in tumultu quiescant, quævis familia sepulchretum ut habeat suum, id anxie curant. *Vetustate sanctiora fieri sepulchra*, ait Cicero Philipp. 9. Hæc natio cum terras olim infederit Septentrionibus propiores, in Boreali scilicet fluvii grandis Inatè ripa, istic majorum suorum extare monumenta nōrunt, & ceu divinum quid venerantur. Popularium suorum, qui ubi ubi demum perpetuas inter peregrinationes sepulti latuere ; ossa ossibus avorum adjungere solent, ac liquidissima cum voluptate commiscere. Inde est, quod illa toties refodiant, toties transferant, perque immensa terrarum spatia circumferant, dum denique in generis sui avito, Sylvestrique Mausoleo conquiescant ; Quod quidem non per epitaphia, cum literis careant, sed per notas quasdam arboribus incisas, aliaque a majoribus accepta documenta discernere solent. Jam inde a priscis illis, primisque seculis ad hæc usque tempora viris illustrioribus cordi fuit gentilitia sepulchra condere, quæ sibi, soboli, posteritatiq; dicarunt suæ. Talia Romani requietoria, vel familia-



ria, quia uni familiæ propria, dixerunt. Id sacra quoque confirmat historia pluribus in locis. Abraham speluncam agri juxta urbem Hebron emerat ab Ephron Hethæo quadringentis siclis *in possessionem* monumendi, ubi primum uxor ejus Sara, dein ipse Abraham, Isaac, Rebecca, & Lia, ac denique Jacob sepulti, qui infimis id a filio suo Joseph precibus flagitavit. Inspice libri Genes. Capita 47. 49. & 50. Adnotare hæc ex historia tum sacra, tum profana visum est, ut pateat, Abipones pleraque, quæ de sepulchralibus eorum institutis recensui, antiquorum exemplo fecisse, & quamvis cætera insigniter barbaros, præ aliis gentibus hoc in genere plus humanitatis, pietatisque in mortuos exhibere.

Fidem superant equidem inhumanitatis, quam varii per orbem populi in vita functos exercuere, exempla. De multis paucissima delibo. Hyrcani canes alebant, a quibus ipsi jam mortui discerperentur, ut Strabo l. II. refert. Scytharum alii, puta, Massagetæ, Derbices, Essedones humana cadavera pecudum carnibus commixta devorarunt; Alii ex arboribus suspenderunt. Æthiopes non nulli in mare deturbarunt. Persæ, ut Agatheus l. II. meminit, carnibus nudant ossa, utrumque per campos spargunt; Putant enim nefas mortuos in arca, vel urna condere, vel terra obruere. Si ad carnes hominum temere in campo abjectas non illico advolassent aves, illos fuisse improbis moribus, judicabant. Brachmaes vulturibus, Pærones piscibus, Parthi quibuscunque avibus, canibusve vita functorum carnes objecere, ossa tamen tumultu servarunt. His humaniores Æthiopum aliqui, queis sepulchra vitrea in usu. Babylonii dulciores, nam melle corpus exanime contegunt, si Herodoto fides. Magi Cera invo-

involutum cadaver tumularunt. *Ægyptiis* mos fuit, suorum corpora aloe, myrrha, cedro, melle, sale, cera, bitumine, resina, odoribus, & unguentis solerter condita, suisque clausa oculis domi suæ aservare. Hæc mumiarum *Ægyptiacarum* sen materies, seu origo, ut *Plinius*, *Pomponius Mela*, *Stobæus*, *Silius Italicus*, alique testantur. Sed meam miror patientiam in recensendis sepulturæ varietatibus, quas apud antiquitatum scriptores passim deprehendas. Eum in finem hæc adnotavi, ne sepulchrales *Abiponum* ritus rideas, cum magis ridiculos nationibus aliis fuisse, intellexeris. In *Americam* redeamus. *Brasili*, & *Quaranii*, gens *Paraquariæ* citra controversiam omnium numerosissima, uti confinium vicinitate, sic linguæ, ac morum similitudine conjunctissimi fodiendis pro sepultura scrobibus fatigari noluerant quondam. Quotquot satis cesserunt, eorum carnes sua intra viscera famelici condidere anthropophagi. Humanam equidem carnem tanta esuriebant aviditate, ut præ illa perdices, damas, apros, & quidquid cupediarum est, aspernarentur. Ad venandos homines excurrerant propterea. Captivorum, quos domi diligenter saginaverant, cædes publici convivii non titulus modo, sed pars nobilissima fuit. Carnibus devoratis ossa referabantur, quæ in farinam redacta novis epulis materiem, novas palato barbarorum delicias præbuere. Matres embrionem, quem immaturum abortione eiecerant, suavissime, quis invidet? esitarunt. Faciendum tamen, *Quaranios* subinde, avis suis humaniores, suorum cadavera in cantharis ex argilla fictis collocasse eo fere situ, quo fœtus materno in utero quiescit. Barbaros in *Mbae* vera quaesituros medias intra sylvas in campum, excisis nempe arboribus, arte factum incidi, ibique tres ejusmodi can-

cantharos, qui singuli hominem caperent, inveni, sed vacuos, fors inorituris præparatos. Cantharorum fundus Cælum, bucca solum spectabat. Mortalium nemo, ne umbra quidem, aut vestigium istie deprehensum a nobis, quamvis omnes sylvarum recessus longe, lateque perscrutatis. Sed a sepulchris ad exequias, aliaque, quæ funeri succedunt, properemus.

C A P U T XXVIII.

De Luctu, exequiis, funeralibusque Cærimoniis Abiponum.

Quæ ad luctus contestationem recepto a majoribus more factitant Abipones, alia ad defuncti memoriam abolendam, ad perpetuandam alia pertinere videntur. Quidquid utensilium fuit recens defuncto, excitato hunc in finem rogo palam crematur. Præter equos honoris causa ad ejus tumulum confossos minutas aliquando, si quas habuit, pecudes contrucidant. Ædes, quas incoluit, ex limo, & materia non inscite structas convellunt, diruuntque penitus. Vidua, proles, contubernales cæteri alio migrant; Illis, cum domo careant propria, in aliena sæpe, sæpe sub storeis miserrime aliquamdiu est latitandum. Malunt tamen Cœli injurias tolerare, quam contra gentilitias leges domum habitare commodam, sed chari capitis interitu funestam. Nuper defuncti

no-

nomen pronunciaſſe, crimen apud Abipones eſt nefarium, colaphis ſæpe mulctatum, ſæpe vulneribus, ac multo ſanguine piandum. Temulentos inter rixarum aliquando cruentiſſimarum ſemen id fuiſſe, commemini. Si tamen res ferat, ut de mortuo injicienda ſit mentio: *Vir, qui jam non exiſtit. Jealè, eknam Chiſkaeca*, inquiunt, ejusque, quem volunt, nomen pluribus verbis circumscribunt. Quodſi deſuncti nomen derivatum ſit ex vocabulo, ut grammatiſci ajunt, appellativo, quod ſcilicet animal, vel quidquid aliud ſignificet, illud vocabulum per præconem publicum mox antiquari, novumque a Vetula quacunque inventum ei ſubſtitui jam alias dixi, dum de Abiponum lingua diſſerui. Hinc novæ quot annis voces, ut fungi nocte una, ex ipſis Indorum moribus naſcuntur. Intra ſeptennium, quod apud Abipones conſumpſi, ter tigridis nomen mutatum eſt. Primum *Nibirenak*, dein *Apaiigebak*, demum *Lapri-fetæ* ideſt, *maculoſa*, *verſicolor* dicebatur. Hiſpanum olim *Kaamelk*, mox *Rikil*. Crocodilum *Pétuè* antea, poſt *Kaeperbak* vocarunt. Penes vetulas cerimonia- rum antiſtitas eſt nova, quæ ſomniaverint, vocabula veteribus abrogatis ſufficere. Anus rancidæ, quod mireris, arbitrio tota natio acquieſcit. Nemo unus eſt arrogantiffimorum Abiponum, qui morem non gerat. Nova rebus indita nomina per latiffime ſparſa illius gentis contubernia celerrime vulgantur, tantaque cum tenacitate ſingulorum cerebro inhærent, ut vel lingua, vel memoria fallente longo uſu receptas, nuper proſcriptas voces nemini excidere, jure admireris.

Quotquot cum deſuncto vel ſanguinis, vel amicitie vinculo conjuncti ſuis, quæ geſſere, nominibus privantur, novis inſigniantur. In S. Caroli,

ac Rosarii nova colonia e variolis decessit Caziquil principis Conjux. Ille prius Reváchigi, mox Oá-hari appellatus est. Ejus matri quoque, fratri, captivo, defunctæ item fratribus nova singulis nomina trecentas inter ceremonias imponebantur. Caziquil mater senicula melampum strigosum, & vel ipso, quem hausit, aere indignum in deliciis habuit. Facta hac nominum mutatione, quale demum nomen melampo illi suo obtigerit, ex senicula quæsi, ut scilicet absurdos eorum ritus a nobis explodi intelligeret, cum impediri id temporis necdum possent. Ob prolis parvulæ obitum pluribus sæpe familiis nova nomina induuntur. Caziquio occumbente viri, qui illi suberant, omnes prolixam comam attondent in mæroris significationem. Id quod a me visum, dum Ychamenraikin, Debayakaikin, Alaykin Abiponicæ gentis primates non eodem quidem die, ac loco, sed eadem fortitudine præliantes in acie occubuerunt. Marito viduatis mulieribus pariter crines tondentur, & quoddam pallioli genus, e Caraquata atro, rubroque colore tincta contextum imponitur, quod cuculli instar caput tegit, & ab humeris ad pectus defluit. Hoc palliolo per omnem vitam viduabus utendum, ni forte novi conjugii opportunitas tristissima perpetui luctus lege eas solvisset. Sacerdotem e Divi Francisci cœtu, cui ab observantia nomen, hospitem habui. Viso ejus cucullo: Nunquid hic quoque Hispanus conjugem luget suam? Abiponenses ex me forminx quærebant. Caput rasum, & cucullus illis interrogandi, nobis ridendi occasionem dedit. Abipon maritus conjuge viduatus, attonsis pariter capillis galericulum retis instar e Lana textum mæroris seu testandi, seu fingendi gratia gestare consuevit, quam a Cerimoniarum magistræ vetula, forminis Cæteris ejulantibus, viris compon-

tantibus palam recipit, rejicitque, ut primum coma
fuecreverit. Hæc sunt Abiponibus funebri luctus
officia, indiciaque. Equis in historia mediocriter
versatus pleraque hæc apud Romanos, Græcos, He-
bræosque viguisse, ignorat? Certe, quod funerum
occasione crines suos totonderint, insperferintque tu-
mulis, Homerus, Catullus, & quis non poetarum
meminit? unum pro omnibus audi Ovidium in epi-
stola Canaces:

Non mihi te licuit lacrymis perfundere iustis;
In tua nec tonsas ferre sepulchra comas.

Quod fœminæ attonso capillo; vestitu lugubri
luctum professæ sint, liquet ex Aecii Amphitruo-
ne: — — *Sed quam hæc est mulier funesta veste,
consu lugubri?* Ex illo etiam Virgilii Æneidos 9.

Evolat infelix, & fœmineo ululatu
Scissa comas — —

Quod viduæ olim Capita velaverint, patet ex
Luctu Cornelie Pompeii nxoris, de quo Luca-
nus l. 9.

Sic ubi facta, Caput ferali obnubit amictu,
Decrevitque pati tenebras —

Quidni, amabo, obnubendi capitis ritus seculo-
rum usu confirmatus apud Europæas quoque viduas
passim Civitate donatus hodie? circumspectis omni-
bus velum capitis minus moleste ferunt, quam ca-
pillorum jacturam fœminæ, quibus magnopere or-
nari

nari se nōrunt. Affirmat Stobæus in suis collectaneis: Ignominia notandas ob flagitium Regio jussu In Indiis tonderi. In Quaranicis Coloniae profecto supplicii instar est Crinium tonsura, qua procaces & pudoris oblitæ fœminæ mulctantur, aliis corrigi modis nō queant. Eadem in nonnullis Europæ provinciis consuetudo. Quanta, quæ ad hoc argumentum pertinent, ex divino Codice, ex profanis historicis depromi possent! Copia rerum obvia silentium svadet.

Verum illud denique videamus, quod quantumcunque de alienis mortibus mærorem Abiponibus abstergit, ipsamque adeo lugendi necessitatem reddit suavissimam. Epulum funebre antiquis, si quid aliud solenne. Hoc latini silicernium, & Cicero (Grenovio teste) circumpotationem vocavit. Nolunt ab hoc priscorum more vel latum unguem recedere. Cæteros, qui ad funus pertinent, ritus inviti exequuntur, istum volentissimi. Cadaveris tumulandi, lamentandique curam fœminis ultro relinquunt; Ipsi vero mel in sylvis conquirunt, compositionis publicæ materiam futurum, ad quam sole occumbente convolant universi. Dumque isti potando, vociferandoque occupantur, fœminarum longo ordine circumstantium chorus lamentando se fatigat. Cum nihil ciborum inferatur, epulum hoc funebre non convivium, sed combibium, vel cum Cicerone circumpotationem rectius dicemus. Nox omnis postquam bibendo consumpta abiit, tum enim vero luctus tristioris videas principium, cum illo suo nectare ad ultimam stillam exhausto, quod potro biberent, superest nihil. Fœminarum quoque lamenta novus, isque sincerior sæpe excipit dolor, dum maritos suos aut pugnis combibonum lividos, aut,

quæ

quæ compotationum corollariæ, vulnere ætuentes domum redeunt.

Ad quemvis certe de Abiponis morte tutorem, foeminarum nos miseratio incessit semper, in quas scilicet exequiarum molestiæ, funeris cura; sumuli, lassisque faciundi labor recidere solent. Præterquam enim, quod ab his utro agmine, unoque ore pertinaciter complorantibus efferendum, humandumque cadaver, tondendi vidui, viduæ obnubendæ, mutanda mortui cognatorum nomina, celebranda funerals compotatio, demolierendæ ædes; lisdem lamentationis publicæ novem diebus continuandæ fastidium est exhauriendum. Illa duplex est omnino. Altera, quæ per forum interditi habetur ab omnibus; si exilibus excipias, mulieribus: Quæ assignatis lustrui ædibus noctu suscipitur ab aliquibus, altera. Ad hanc non conflunt, nisi invitata. Si poëtæ epici, duri cantum auspicantur, Calliopem invocant, ab Apelle petendus mihi foret penicillus, & colores, ad exprimendam rite spectaculi funebri imaginem; Huic equidem exprimendæ totum cum Musis omnibus Parnassum, ipsiusque cum universis suis vocabulis Calepinum impari existimo, nisi & characteres musicos in subsidium vocaverit. Statis & ante & post meridiem horis in foro adsunt, quotquot in oppido, mulieres. Sparsæ per humeros Crinibus, pectore, scapulisque nudatis; pelle, vel lacerna e lumbo pendente. Voltus, oculorumque conformatio mærorisne, an terroris, plus spiret, nescio. Maculosa stigmatibus facies ad utrumque confert plurimum. Mœnades tibi finge animo, vel furias stygias, quales pinxit antiquitas, & rem acutetigisti. Neque eodem lamentantur in loco interditi. Forum omnes circumcurfant supplicantium ritu,



non binæ, sed singulæ, uno tamen agmine, longissimoque ambulantes. Ad ducentas quandoque numeres. Incedunt ranarum instar saltitando. Pedum motus brachiorum jactatio continua comitatur. Cucurbitam injectis variis seminibus crepitantem & dextra præferunt singulæ, & ad vocis modulos agitant. Illas excipe, quæ cucurbitæ loco ollam damulæ membrana clausam tympani instar bacillo tereti pulsan, strepitu, quam credere possis, absurdiori. Ternis, quaternisve cucurbitis singula ejus formæ tympanidia respondent. Quod maxime aures terret, vociferatio est una ejulantium. Cantillantium instar vocem modulate inflectunt, crispant, singultibus miscent. At vero id omne quis cantum dixerit? Tolerabilius, nisi plane fallor, lupi hujates ululant. Cantatis in hunc modum lugubribus strophis per intervalla conticescunt omnes, ac voce a summo ad imum præcipitante sibilum repente edunt acutissimum. Illarum cervicibus pngionem subito infigi, jurares, Quæ quidem repentina ejulatione furore se percelli significant, dira omnia imprecantur mortis, quam lugent, authori, quisquis ille demum fuerit. Interdum cantu intermisso, aliquid recitantium tono, paucos versus deblaterant, quibus demortui dotes, facinoræ extollunt, ac querula voce commiserationem, vindictamque superstitum ciere conantur. Sæpe alias planctui lachrimas admiscunt non dolore, sed consuetudine, lamentique impatientia extortas, dum utique mallent domi tandem conquiescere, quam repetito per plures horas itu, ac reditu fatigari, & diuturna gutturis contentione ad ravim usque clamitare. Pleræque defuncti munusculum, ceu memnosinon, aliquod, puta, struthionum plumas, globulos vitreos, cultrum, acinacem, & alia id genus circumferunt. Quædam
pa-

parentis sui, quem lugebat, femoralia (Gubernatoris Hispani quondam munus) manu gestabat per forum; Hæc Canis, cui vociferans nimium propinquaverat, facto in eam impetu rapuit. Abipones, puerorum, puellarumque turba publicos hos planctus, quos spectare sine risu Europæus nequeat, ceu religiosam functionem considerant, modestia, ac silentio reverentur. Nefas sit, foeminis lamentantibus illudere. Hæc interdiu per forum plangendi ratio. Sed noctes diebus necant. Tantus lamentandi furor. Juvat & planctum nocturnum strictim memorare.

Vesperascente Cælo in tugurio parentalibus desstinato congregantur, quæ invitatæ fuerint, foeminæ, quibus præstigiatrix vetula præest; Hæc Cantum, hæc ritus cæteros moderatur. Illius est duo militaria majoris formæ tympana alternis quassare ictibus, voceque lachrymabili funestum carmen decantare, reliquis eadem vocis mensura prosequentibus. Stygium hoc elegiarum genus, cucurbitarum crepitus, tympanorum boatui associatus ad Auroram usque producitur quotidie. Funebris hic planctus nulla re variatus ipsum durat octiduum. Nona demum nocte, si quam foeminam lugeant, ollæ, quæ illi usui fuere, non sine ceremoniis confringuntur. Cæterum jam non lessus tragicus, ut superioribus noctibus, sed ode festivior decantatur, quam anus tympanistris pleno rictu, voce profundiori, ac veluti minitante identidem interrumpit, sociasque cantatrices ad hilaritatem, vocisque majorem contentionem adhortari videtur. Id notis musicis clarius utique, quam verbis expressum planius intelliges. Nocturnis his lamentis per dies novem sol occumbens principium, oriens finem dare concevit. Stupenda sane foemi-

narum tolerantia, tot noctes infomnium; sed virorum magis, qui aëre inconditis vocibus, tympanis, cucurbitisque perstrepente quamvis, in utramque tamen aurem dormitantes rhonchos edunt. Scilicet ut columbæ turrium incolæ æris campani cinnitu quancunque nil terrentur; sic Abipones a pueris fœminarum planctibus assveti ad nocturnos strepitus dudum obsurgere. Mihi vero ad stagni ripam coxantes inter ranas somnum capere facilius erat, quam fœmineos inter ululatus. Præ his tamen, fateor, tympanidion illud absurdissimum aures insolentius excruciauit.

Nec solis funeribus hac ratione semel parentatur. Anniversaria sacra majorum suorum manibus eodem cum strepitu, atque apparatu faciunt religiose. Defunctæ matris recordatio mentem subeat fœminæ. Nec mora: crines solvit, cucurbitam arripit, & cum aliquot in luctus societatem adscitis mulieribus forum percurfat, Cœlum implet lamentis. Quotidianum prope hoc spectaculum. Paucae sbeunt noctes, quæ hinc, atque illinc per tuguria plangentes non exaudias. Hæc mariti: Illa filii: Alia patris, matrisve morti illachrymatur. Stantes id præstant, & ad plagam, ubi ille sepultus, converso corpore, cucurbitaque planctui semper consonante. Incredibilis illarum flendi lubido, promptitudo par. Seneca consolatur ad Albinam C. 15. Scripsit: *Sexui muliebri pene concessum est, imo datum in lacrymas jus, non immensum tamen, & ideo Majores decem mensium spatium viros lugendi dederunt. Abiponenses fœminæ hac Romanorum lege haud patiuntur luctum suum limitari. Lugent, dum vivunt. Plorant, quoties, & quamdiu volunt. Facilius equidem mulieribus flere, quam tacere. Hinc rarissima noctis silentia.*
Fre-

Frequentior tamen semper die appetente plangentium
vociferatio. Uno oscitante oscitare adstantes experimur;
Haud secus una suorum aliquem lamentante altera quo-
que lamentatur: Hæc tertiam admonet: Ista quartam.
Ut denique sub auroram lamentantium major, quam
dormientium numerus esse videatur. Illis in oppidis
lamentatrices plures, ubi plures viduz. Verum dum
ob Abiponis cujuscpiam obitum.

Lamentis, gemituque, & fœmineo ululatu

Tecta fremunt, resonat magnis plangoribus

æther. Virgil. l. 4. *Æneid.*

Neutiquam otiantur viri. Luctum, quem la-
chrymis, vociferationibusque profitentur fœminæ,
isti fundendo sanguinem hostilem, sæpe & suum,
contestantur. Qui enim sanguine propinquior vita
functo, alios, quot quot potest, commilitones con-
scribit ætutum, atque in hostes externos, quorum
manibus cognatus periit, ducit. Illius est, primum
in mortis authores impetum facere, neque nisi mor-
te acriter vindicata ad suos redire; Quamvis votis
facta non usque respondeant, cum isti barbari heroes
inultis sæpe hostibus, ingloriique revertantur.



CAPUT XXIX.

De solenni ossium translatione.

Restat pauca de Cerimoniis dicere, quibus ossa peregre mortuorum, dum patrium in solum, indeque ad familiaria sepulchreta transferuntur, prosequi consueverunt Abipones. Translationes hujusmodi plures a me visæ, ac risæ sunt. Referam in paucis celeberrimam Caziquii Ychamenraikin adhuc barbari a barbaris in acie cæsi. Locus pugnae quadraginta facile leucas ab oppido S. Hieronymi aberat. Et Caziquium nostrum sagitta interemptum, & hostem profligatum ex advolante nuncio intelleximus. Conceptus animo mæror de chari Ychamenraikin obitu quoniam lætitiæ sensum de luculenta victoria superessit. Nemo erat unus, qui de epiniciis plaufibus cogitaret. omnium animi in luctum, oculi in lachrymas, ora in lamentum solvebantur. Hoc illo temporis puncto a fœminis cæptum, dies, noctesque ihgenti cum strepitu nec sine sinceris lachrymis continuatum est, quæ cum ex ipso illarum corde scaturirent, haud subito, ut alias, exaruerunt. Hunc Caziquium, non paucarum conjugum maritum, in oculis semper ferebat muliebris sexus. Sub hæc alter adest eques, qui postridie sub vesperum defuncti Ducis ossa oppido inferenda, nunciat. Hæc carne nudata, quam in campo terræ mandaverant focii, corio clausa equo ferebantur. Ad hæc igitur pro merito

rito recipienda a præstigatorum principe Hanetrain, ejusque socio Lamamin facti apparatus, domus, ubi tristes exuvie collocarentur, designata, riteque instructa. Universa mulierum cohors ad tres leucas Funeri obviam properaverat. Ad ipsum oppidi ingressum talis fuit funebis pompæ ordo: Lugubre agmen bini præstigiatores duxere, equo nolis undique resonante, stragulis, ac struthionum plumis ornatissimo sublimes. Hastam manu jactabant, cui tintinnabulum æneum affixum, ut, quoquo se verterent, audiri non minus, quam spectari ab omnibus possent. Haud enim reliquis immixti, nec lento gradu incessere. Cursu præcipiti jam velitantium ritu sursum, deorsum procurrere, jam invadentium specie in semitam regressi turbæ cæteræ ordinibus se jungere solebant. Sequebatur fœminarum illo, quo dixi alias, habitu lamentantium comitatus, ut numero, sic concinno ordine visendus, at auribus intolerabilis. Tot cucurbitarum crepitus, tot variez molis tympanorum murmur, tanta vocum inconditarum discordia ipsum adeo Cœlum fatigare videbatur. Plangentibus ea lachrymarum vis sponte sua profluxerat, ut non tam charo capiti parentare, quam hac transituris ejus exuviis viam rigare, molli-reque putarentur. Vestem elegantem quadrilateram tapetis instar pictam sex hastis illigatam umbellæ loco totidem Abipones gestarunt, sub qua funebis ossium sarcina a viris item bajulabatur. Agmen clausit reliquorum, qui parte quidem victoria ovan-tes, sed amisso Duce mæsti redivere, Abiponum equestris turma. Equis ibant, hasta, arcu, pharetraque instructi singuli. Tonsis omnes crinibus, ut luctum profiterentur, qui in singulorum vultu legebatur. Hinc, atque illinc victorum tergo im-minebat puerorum, puellarum, mulierum, equis in-

fidentium manipulus. Hi, Indis hostibus vel truci,
 datis, vel fuga elapsis, bello recens capti fuere,
 Ut adeo lugubre cætera spectaculum non tam fune-
 ris, quam triumphi speciem referret. A' lateribus
 equorum, quæ nullus sessor, ad pascua sua post
 militarem expeditionem properantium multitudo in-
 gens visibatur. Vias omnes pueri, puellæque obse-
 derunt, gemituum immemores, spectaculi novitate
 percussæ. Ossibus in præparata æde collocatis per
 dies novem iusta sunt persoluta. Diurnis planctibus
 nocturnos quoque pro more addiderunt. Ne lamen-
 tatio ullo unquam tempore conquiesceret, per præ-
 stigiatores, qui hastam tintinnabulo resonantem ge-
 stant, ædesque percurant omnes, commoni-
 tæ mulieres singulæ, ut, quibus unicuique horis la-
 mentandum esset, nossent universæ. Campotatio
 funebris iterum, iterumque, ac pro defuncti Caziqui
 magnitudine magnifice, ut fieret, unica, & ad so-
 piendum marorem aptissima virorum sollicitudo fuit
 interea. Et vero: Potatunne liberalis a viris,
 num pertinacius ploratum sit a fœminis, arduum
 fuerit statuere. His domi pro more actis ex utro-
 que sexu delecti, qui dierum aliquot itinere ad gen-
 eilitium Ychamenraikin sepulchretum ossa comitaren-
 tur. patrioque humarent instituto. Ast noveris hæc
 acta fuisse a Barbaris, antequam sacris christianis
 initiarentur. Ad eum plangere modum aliæ alibi cele-
 bratæ officium translationes, nisi quod umbella ab-
 stinuerint, quam Ducibus duntaxat suis deberi arbi-
 trantur. Septem Abiponum per Hispanos trucidato-
 rum ossa uno allata sunt die, e quibus solertes
 compositis totidem hominum simulacra sinxere, pe-
 taso singulis calvariis imposito, vestibusque cuique
 aptatis. In tugurio vastiore structi ex arundinibus
 suggestus, in quorum apice collocata illa septem
 sce-

sceleta, novemque, diebus continuis hinc lamentando, inde potando colebantur; ad tumultos subinde suos transportata,

Fuerit per me Europæus aliquis, qui neglecta funeris sui cura cum Diogene flocci faciat sepulturam, illudque Virgilii repetat: *Facilis iobtura sepulchri*, vel aliud ejusdem: *Cælo regitur, qui non habet urnam*. Aliter profecto sentiunt Americani, quantumvis barbari. Inhumatum sub dio putrescere maximam autumant infelicitatem. Hinc vindicta ardentes hostium cadavera contemptim abiiciunt, ex eorumque tibis litnos, fistulasque militares sibi conficiunt frequenter, Calvaria pro poculo utuntur. Amicorum vero vel tenue osculum honorifice, dum possunt, tumultant, incredibilique honoris significatione prosequi consueverunt. Novimus, Quaraniis adhuc barbaros præstigiatorum suorum (Abapayè) exuvias, arculis custoditas, quoties migrandum fuit, circumtulisse quondam, & in illis, ceu sacris quibusdam prædiis, spes omnes collocasse. Hæc superstitionis barbaræ monumenta, sanctæque religionis obices, Missionariorum nostrorum opera tandem detecta, ereptaque, eorum manibus rogo injecta spectantibus cunctis in fumum abierunt. E' sylvis ad nostras colonias recens translati Quaranii nulla recitius discunt Romana sacra suspicere, quam dum suos honorifico apparatu, Cantuque solenni vident a nobis sepeliri. Quidquid honoris impensum Cadaveribus, superstites sibi impendi existimant, majoreque, quam credi possit, amore in religionem, ejusque magistros exardescunt. Undecim annorum, quos huic nationi erudiendæ insumpsi, experimento doctus id affirmo. Indorum meorum, qui in sylvas Mbaeverà quædam me comitabantur, senissimus

meam confirmavit sententiam. Is ut Caziquium sylvicolam ad amplectendam nostram in Colonia religionem impelleret, me præsente hæc illi dixerat: Frater mi, agebat, isti sacerdotes ingenti studio res curant nostras. Incredibili benevolentia in nos feruntur, cumulantque nos beneficiis quotidianis. En! vivos nos erudiunt, alunt, vestiunt; Mortuos tela candida indutos sepeliunt, & quod stupeas, ad sepulchrum nobis cantant. Inter præcipua nostri in Indos amoris argumenta exequiarum honestatem sapienter connumeravit, quam scilicet ipsis Barbaris adeo cordi esse non ignorabat. Postquam de morbis, medicis, medicinis, mortibus, ac sepulturis Abiporum prolixè disseruimus, ab historiæ meæ cursu ecquis alienum putabit de serpentibus, insectisque noxiis agere, quæ mortem multis inferunt, omnibus minantur? Jucundum erit utique Europæis nosse præsidia, quibus Americani seu adversus serpentes se tueantur, seu inflicta ab iis vulnera persanent, haustumque intimis sibris discutiant venenum.





CAPUT XXX.

De serpentibus insignioribus.

nucleatam, minutamque serpentum descriptionem, a me ne expectaveris. Mihi equidem, dum in America agerem, major fuit eos fugitandi, quam numerandi, contemplandique cura. Adnotabo tamen morabilia, exploratoriaque, quæ ad rem facere ebuntur. Haud enim serpentum, sed Abiponum oriam texere mei est instituti. Plura de hoc armento nosse si aveas, Clarissimum Linnæum, Quinnum Piñonem, Marcgravium, aliosque, qui omne trunt punctum, consule. Quamvis, ausim sponse, non pauca ex me intelliges, quæ istorum ne attigerit, fateberisque, læpe etiam olitorem vallopportuna fuisse locutum. Multi multa scripserunt de serpentino genere, qui tamen serpentem, nisi tum, fictumve, nusquam videre. Nos, quibus istis pars major effluerat in America, omnis generangues non modo passim obvios, sed eodem subbo domesticos habuimus, ac contubernales.

Serpentum, qui nomine, colore, mole, forma corporis, ac veneno differunt, viginti admodum xies numerat Paraquaria, Plures vicina Brasilia, cicon Quaranicum binis, si rite memini, foliis committitur singulas, ac earum proprietates explanat, tiores vulgo sunt : Mboytini, vel Mboychini.

Qui-

quovis alio serpentum genere icti servantur, veneno noliferi hujus anguis afflatis nihil omnino proficere experti sumus. Tales mors certa, quamvis lenta manet. Lethifera equidem veneni vis ex inflicto vulnere per omnes paulatim artus grassatur. Pedis, brachii, auris, oculique usum ex illo, quod serpens invasit, latere adimit, moxque ad aliud transiens eandem sensibus stragem, continuum deliramentum, dolores acerrimos infert, maxime in pedum, manuumque extremitatibus, quas sanguis veneno frigidissimo torpescens destituit, pallorque cadaveribus proprio deformat. Quæ quidem omnia ipse observavi in binis adolescentibus Quaraniis a tinnulo serpente vulneratis: Neuter istorum duo de vicissimum attigit ætatis annum, uterque robustus, firmæque valetudinis. Per duodecim primus, alter per quatuordecim dies me spectante, dolenteque acerbissimis cum doloribus conflictabatur, dum denique ambo succubuisent, veneni dominantis robore meditaminum longo usu explo-
ratorum virtutem eludente. Si quem ab ejusmodi serpente nolifero ictum, intellexi, cum illico, imminens delirium antevertens, sacris mysteriis Romano ritu ad mortem præmunivi. Indam ætate, ac viribus florentem ad extrema deduxit alias ejusdem serpentis morsus pestilens; Mortem, stupentibus universis, evasit quidem, sed membris omnibus capta vitam vixit tot annos quavis morte acerbio-
rem.

Ad confirmandam veneni, quod serpens nolifer circumfert, atrocitatem, efficacitatemque plurimum facere videtur epistola anno 1769. die 28. Septembris in Williamsburg Virginie oppido scripta, & subinde typis Vangelianis Viennæ in ephemeridibus Germanicis anni 1770. die 6. Januarii in lucem edita. Hæc ejus est summa: Mense Junio exeunte in Caroli-

na

na septentrionali comitatus Johnston serpens nola sua crepitans nocte concubia in domum irrepsit, ubi quatuor proles humi cubabant; Minimam feriit primum venenato dente. Ejulantis parvuli clamore expergefactus pater accurrit opitulaturus. Serpentem vidit simul, simul ejus ictum sensit. Interea, dum, quo mortiferam bestiam trucidaret, instrumentum circumspicit, alii tres filioli mordentur. Cum festinatione, diligentiaque maxima, quid quid medicamentorum suppetit, faucibus impensum, sed fructu prorsus nullo. Postridie siquidem Pater quaternis cum filiolis occubuit. Occubuisse omnes haud miror, miror plures dies non durasse illorum cruciatum, ut in Paraquaria fieri assolet. Sed nempe provinciarum, aeris, temperamenti varietas quemadmodum serpentum colores variat, sic virus eorum acuit, minuitve. Adhuc imbecilles parvulos seu veneni, seu dolorum vehementiæ citius succubuisse equis miretur? Illorum genitorem non venenato solum vulnere, sed & incredibili ob filiorum jacturam animi dolore extinctum mox fuisse, opinor, nisi mavis dicere, ex serpente actius forte irritato toxicum quoque nocentius emanasse, quod tantopere miserorum mortem acceleravit. Audi, quid Quilielmus Piso Batavus, primi nominis medicus, & ad explorandam Brasiliæ naturam a Batavis missus de nolisero serpente sentiat: *Articulus, seu extremitas cauda (illius verba sunt) in anum hominis immissa mortem infert confestim; Venenum autem, quod ore, vel dentibus infert, insulto lenius vitam tollit.* Postremum hoc meis in Paraquaria experimentis prorsus consentaneum; Primum rationi, & naturæ; Venenum namque per viscera introductum veluti via regia ad cor, vitæ sedem, expugnandum, opprimendumque festinat. Nullumne ergo, quæres, liberalis cæterum natura exitiali huic veneno profigan-

gando par remedium suppeditavit? suppeditaverit forte plura, quæ tamen humani ingenii sagacitas nondum detexit, Paraquariis certe ignota. Circumferuntur, haud ignoro, in libellis passim, & jaçantur veluti divinæ quædam in hunc finem medicinæ. Verum quotquot iis usi sunt, verba sibi data esse experiebantur. Ut adeo verissima Clarissimi Sydenhamii de ægrotantibus sententia: *Inferni curantur in libris, moriuntur in lectis*; apud illos potissimum locum habeat, qui a nolisero serpente feriuntur. Ad hos curandos Brasili cucurbitulas applicant, quibus venenatum vulnus amplificetur, exsicceturque. Interdum membrum a serpente læsum juncos lacapè circumligant, ne venenum ulterius serpat. Aliquando cauterium parti vulneratæ adhibent. Antequam venenum ad eor pertingat, æger haustu Tipiocæ munitus ad sudandum impellitur. Quibusdam Indis sacæ instar anchoræ est serpentis noxii caput contusum, vulnereque applicatum, cui remedio addunt jejuni hominis salivam, qua pars a serpente offensa identidem mulcetur. Galenus ipse, Plinius, Scaliger, & alii ejusmodi salivæ non vulgarem adversus venenatos morsus virtutem tribuisse, scribuntur. Verum num his omnibus remediis vel unus a serpente hoc pestilentissimo afflictus mortem arcuerit, non ausim affirmare, ausim tamen dubitare. Nam probatissimæ medicinæ, quæ in Paraquaria contra cuiusvis serpentis morium profuere, Cassæ fuerunt semper, quoties a serpente tinnulo læsis adhibita. Dicant, scribant alii, quidquid lubuerit, ego experientia crebra confirmatus cum Georgio Marcgravio, qui in Brasilia aliquamdiu versatus in sua Rerum naturalium historia ait: *Serpens est (Noliger scilicet) apprime venenatus, nec antidotum cognitum contra illud virus.* Verum quantumvis lethiferi sint hujus serpentis dentes, dum mordent, salutares tamen evadunt, dum medi-

cine

cina loco applicantur. Ferunt enim, Mexicanos his dentibus eorum pungere, ac cervicem ad capitis dolores avertendos. Ejusdem anguis adipe lumbos, aliasque male affecti corporis partes, atque adeo tumores quosvis utiliter oblini, putant. Caput quoque hujus serpentis collo agri alligatum gutturis doloribus mederi, dicitur. Nil repugno. Sed peregrinum nobis in Paraquaria id medicamenti genus.

Primum ab hoc locum qui meretur a nocendi facultate, est anguis duodecim, quandoque quindecim pedes longus, vastus corpore, colore cinerem imitans, atris, ut timeatur, punctulis variatus, sub ventre flavescens, & veneno peculiari, quod circumfert, infertque morfu, formidabilis. Brasili hunc Cucurucù, Quarani Mboÿpè quazù vocant; Ex effectibus eundem esse conjicio, quem Plinius Hæmorrhœam dixit; Hæmorrhoida alii. Frequentior hic, ubi calor, cœlique humiditas, serpentum altrices, dominantur. Virus istius per ictum artubus humanis infusum accendit venas, ebullientemque sanguinem per buccam, nares, aures, oculos, digitorum ungues, verbo, ex omnibus corporis portis, ac poris expellit. Id, præter alios fide dignos scriptores, Pater Patricius Fernandez noster in sua Chiquitorum, apud quos annis pluribus commoratus est, historia memorat, afferitque, viz aliquem ab hoc serpente interimi, cum major veneni vis cum ipso sanguine effluat. Ego (meum in scribendo candorem suspice) nec ejusmodi serpentem, nec ab illo ictum quempiam deprehendi, quamvis in Brasilia mihi propinqua non infrequentes esse, intellexerim, ubi caput ejusdem serpentis Cataplasmatibus loco inficto vulnere applicant Indi; Tabacæ item recentia folia obiter ustulata cauterii instar. Radices quoque ex Caspia, Jurepeba, Urucù, malvisco, jabo-

randy ad ciendum sudorem præbentur. Carnem hujus serpentis, capite, ubi maxima veneni portio residet, amputato rite paratam a Brasilis barbaris vorari, scribunt. In Paraquaria præter Mboÿpè quazum etiam Mboÿpe mihi visitur, quæ calami, quo scribimus, crassitudinem vix excedit. Quamvis minus corporis, plus tamen veneni habet, quam major hujus nominis serpens. Talem pedibus meis insidiantem diu, cum alia arma ad manum mihi non essent, cultello jugulavi, periculo animos mihi inspirante. Resectum caput pro trophæo fuit.

Yacantinà majoribus utique serpentibus adnumeranda est, periculosioribusque. Duas, interdum tres ulnas longa humani brachii crassitiem æquat. Ultimis caudæ vertebis innixa assurgit, ac volantis instar in obvios insilire consuevit. Quiririò ipso sui conspectu vel strenuissimos terret. Moles ingens corporis valde pecti, & præsentissimum, quo pollet, venenum terroris causæ. Hac, qua scribo, dextera binos ejusmodi in frustra concidi: In domus nostræ hortulo primum, Indis facem mihi præferentibus: In cubiculo meo alterum. Mboÿ hobi obscure viridis, maculis nigris distinctus, & sive longitudinem, sive latitudinem spectes, prægrandis, ac veneno nocentissimo prægnans campos passim insidet. E contrario Mboÿ quatia domesticos intra parietes potissimum deprehenditur. A venusta colorum varietate nomen habet. Mole est mediocris, sed veneno admodum atroci. In fluviis, lacubusque Hydri variz figuræ, magnitudinisque monstrosæ quam plurimi oberrant. Veneno carere putantur, formidandi tamen natantibus. Nam horrendi illorum dentes, quod arripuerunt, haud dimittunt. Corporis sui voluminibus, seu circumplexu animalia comprimunt,

ac occidunt. Horum e numero Mboÿroÿ; Serpens frigidus a Quaraniis dicitur, quod stationes frigidiusculas, umbramque amet. Alter Curiyü octo, sæpe novem ulnas longus, crassitie tantæ longitudini respondente. Hic hydrus lautas Indis epulas præbet. Præ cæteris memorabilior est serpens mole vastissimus, natura innocentissimus, nullique mortalium timendus. Ab Hispanis Paraquariensibus Ampalaba (credo, lingua Peruviana, seu Quichua) vocatur. A Quaraniis Mboÿquazu serpens magnus; a Brasilis Yboÿa: Ab Abiponibus Achikelfal: A Lusitatis cobra de veado serpens dorcadum: Crassitudine viri pectus superat; Longitudine hydros omnes. Colore spadiceo, varioque arboris vastissimæ truncum exprimit, musco undique refertum. Dum per Jacobopolitanum territorium iter facerem. ad lacunæ fluvio dulci haud procul ab oppido Socconcho adsitæ ripas equus, quo vehabar, terrefactus repente ex via resiliit. Quid terroris occasio fuerit? Adolescens Hispanus Comes interrogatus mihi reposuit: Ecquid, mi Pater, ampalabam serpentem in litore procumbentem non vides? Vidi equidem, sed arboris truncum, credidi. Equi terrorem porro, meumque ex equo lapsum metuens haud subsistendum mihi putavi, quo monstri immanis scintillantes oculos, breves, sed acutissimos dentes, caput horrificum, varii coloris squamas contemplerer. Multis tamen post annis duos hujus generis serpentes in Timbo ad lacus marginem pedes atente consideravi. Sub aquis degere solent, in litus tamen emergunt frequenter, quin & celsas arbores conscendunt aliquando. Nulli unquam hominum insidiantur, estque verisimillimum, illos veneno carere, saltem noxio. Uno tamen ore omnes & Hispani, & Indi affirmant, ampalabas Cuniculis, capreis, ac dorcadibus inhiare, quæ scilicet animalcula solo sibi at-

trahant halitu, rictuque patente, quin dentibus manderent, integra deglutiant; Quam ob rem hic serpens *cobra de Veado* serpens dorcadum a Lusitanis nuncupabatur. Ut vasto ad damas sorbendas gutturre, sic magna animi ad id credendum facilitate opus esse, cogitabis. Nunquam id a me visum, ingenue fateor; Non tamen ausim ejus rei veritatem in dubium vocare, cujus fidem idonei authores, testesque oculati faciunt. Ut alios taceam, Marcgravius Brasiliæ veteranus incola, ac solertissimus naturæ investigator: *Serpens hic (Ampalaba) vocatur a Brasiliensibus Mboý Guazú, id est, magnus; Nam vidi, qui integram cepream deglutiverat* ingenue affirmavit, cujus testimonio Hispani, Indique Paraquarienses consonant ad unum omnes.



CAPUT XXXI.

Plura de eodem argumento, & aliis
insectis.

Quod si illam Ampalabæ serpentis magnitudinem fabulosam, exaggeratamque existimes, Væ illis authoribus, qui multo incredibilia de hoc scripsere. Lege, si vacat, Aldrovandi Librum primum de Serpentibus, paginam primam, & hæc illius verba perpende: *In servia parte historie India Lusitanica* (suppono, de Brasilia sermonem esse) *legitur, quod ibi non longe a mari vasti reperiantur serpentes, fere semper in fluminibus degentes, quorum magnitudo a cibo arguenda est, quandoquidem cervos integros devorare dicuntur.* Lusitano historico consentit Hispanus Eusebius Nierenbergius noster in historia naturæ L. 12. cap. 17. ubi de angue stupido, Mexicanis *Canaubcoatl*, quem eundem esse cum nostra Ampalaba ex sequentibus colligo. Juvat illius verba, quæ ad rem faciunt, excerpere: *Hominis æquat crassitudinem*, inquit, eundemque dupla longitudine excedit. Incolit saxa, antraque (fors ubi amnes, & stagna desunt) & occurrentibus animalibus, ad se tractis halitu, viçitat. Accidit aliquando, ut indi iter agentes infederint ei, rati truncum esse (tanta est ejus vastitas, atque stupiditas) Nec intellexerint, quam instabili, terrificæque sedi insisterint, donec angue sensim præterlabente perterriti surrexerint. Innocens tamen esse dicitur, ac nullo pene noxius morfu.

Inventus est tantus hic coluber, ut octo & decem milites confederint in illo, trabem aliquam esse putantes. Vocant Hispani hos angues culebras bobas, colubros stupidos. Cervis insidiantur occulta i frondibus circa vias, qua cervi solent transire. Cum prope accedit cervus, vi spiritus sui attrahit ad se, ut magnes ferrum, nequeunte cervo evadere avidum os colubri (carent hoc imperio in homines) detentum halitu cervum complectuntur, circum compressione extinguunt, deinde adlambunt, & saliva sua linentes præparant, & condiunt, ut facilius glutiant, alioqui pilorum asperitas impedimento esset. Paulatim exsugunt illum integrum a pedibus usque ad caput, quod quidem propter cornua deglutire nequeunt, sed donec putrescat, in ore deferunt. Accidit interdum, ut formicæ patulum os ejus colubri subeant, eumque interimant, ulciscētes hoc modo cervicidam. Hoc genus venationis his stultis anguibz indulgit natura, alioqui nulla providentia esset tantæ ignaviz. Totæ æconomia, & census hujus *anguis est Spiritus*. Ita ad litteram Nicrenbergius, qui, quod sciam, nunquam vidit Americam, sed quæ asseruit, ex historicis Americanis accepit. Multa sane, quæ dubiam facere possent ejus narrationem, atque incredibilem, in toto hoc paragrapho se offerunt, illis maxime, qui res novi orbis ex Europæarum aspectu metiri consueverunt, & quidquid cogitatione non assequuntur, id fidem, naturæque vires excedere pronunciant illico; Quamvis plurima alia seu ab elementis, seu a formicis, apibus, elephantis, cæteri que bestiis fieri quotidie videmus, quæ, qua ratione fiant, haud satis intelligimus, naturali tamen virtute citra prodigium facta ultro fatemur. Serpentem ampalabam, de quo nobis sermo, tum mole, tum colore truncum prægrandis arboris, asserere, ipse spectavi toties; Ao illo dorcades, & id

genus animalcula ipso attrahi halitu, abſorberique, licet ipſe viderim nunquam, ſemper ab aliis audeſter affirmatur, quibus eandem prope, quam oculis meis, fidem me debere, exiſtimavi. Quod ſi eadem bellua ipſos quoque cervos in Mexicanis terris glutiat, eandem illic eo grandiore gigni, arbitror, quo majori Cœlum illud præ Paraquarienſi calore efferveſcit, ob quem forſitan & Cervi minores, quam Borealiſbus, frigidisque in provinciis. Cæterum modo, quo cervus ab ampalaba deglutiri queat, inveſtigando haud equidem cerebrum fatigabo meum; Hanc ego curam monſtroſo ſerpenti lubens relinquo. Neque illi, qui id totum fabulam putaverit, litem movebo unquam.

Quæ tamen memorata hæſtenus, veriſimillimæ evadunt, ſi modo vera ſint, quæ de portentofiſ ſerpentum magnitudinibus paſſim ſcribuntur. Ariſtoteles mentionem facit de vaſtiſſimis Africæ ſerpentibus, qui ad nautas devorandos triremem aggredi non timeant. Conſpecta illic fuiſſe taurorum oſſa, refert, quos ab iſdem hydris conſumptos, plerique opinabantur. Teſte Plinio L. 8. cap. 14. in primo bello Punico Attilio Regulo Romanorum conſule jubente apud Bagadram fluvium prope Africæ litus balliſtis, tormentisque, ceu oppidum aliquod, oppugnatum, expugnatumque eſſe a militibus ſerpentem, cujus corium longum pedes viginti ſupra centum Romam allatum eſt, ut Gellius narrat. In Indiis, quæ ſolem orientem ſpectant, ad ſternendos immanes colubros ducem cum copiis excurriſſe, excubitores in ſpeculis conſtitutos alios, alios, qui inſidias tenderent, equites, peditesque miſſos, hiſtorici non ſpernendi referunt. Serpentum triginta cubitos longorum Pauſanias meminit. Si ſtraboni fides indorum Rex Porus

serpentem ad decem cubitos extensum Augusto Cæsari dono dedit. Carolus Clusius in Exoticis suis pellem serpentis peregrini novem pedum Romanorum describit; Aliam ejusdem prope longitudinis apud Magnum Ducem Hettruriz sibi ostensam Aldrovandus ait. Alianus scribit, in novo orbe serpentium quorundam fauces tanto patere hiatu, ut capras deglutire integras possint, quin & tauros, Ravasio teste. Ex consalvi Ferdinandi Oviedo historia Generali constat, in Cuba Americæ septentrionalis opulenta insula nasci serpentes, qui latitudine femur virile, longitudine triginta pedes assequantur. In Uruquayo, uno ex tribus maximis Paraquariæ fluminibus, hydros spectari incredibilis magnitudinis, & in litore ambulantibus magnopere formidandos, novimus omnes, quotquot per illud flumen navigavimus. In Paraná fluvio principe ingentes perinde hydros erectis capitibus, gaudaque eminente natantes passim videas; Quaraniæ quondam Apostolus, eximisque virtutibus conspicuus Pater Antonius Ruyz Montoya Indum piscationis gratia umbilicotenus aquis immersum & ab hydro ejusmodi absorptum vidit, ut ipse scribit, quem tamen subinde in litore totum evomuit, sed ossibus adeo confractis, ut molares inter lapides contrita viderentur. Plura, quæ mihi ad probandum argumentum in promptu sunt, in medium adferrem, tuum ni fastidium metuerem. Haud tamen silentio mihi prætereundus immanis anguis, quem Quarani Moñay vocant. Corporis amplitudine, hiantè rictu, fulgurantibus oculis, dentium minacium serie, maculosa, squamisque rigentibus obsita pelle draconis refert speciem, & vel ab intrepidissimo citra terrorem spectari haud potest, neque citra periculum. Pater Emanuel Guttierrez noster in nova sancti Stanislai Colonia tunc Missionarius dum per Tarumenfes illas

solitudines iter faceret, Yuquirÿ fluvii ripas prætergreſſus horrendam hanc belluam cominus vidit. Hanc Indus quispian illius Comes loro prælongo, quo ad capiendos equos uti ſolent, illaqueatam, mulaque, cui infederat, raptatam dextre, feliciterque ſuſfocavit. Tantundem animorum Indis oppidi ſancti Joachimi non fuit. Hi ad viam adventuro Gubernatori Regio parandam a me miſſi paulo poſt meridiem trepidantes domum rediere, quod in denſiſſimo, ac inaceſſo nemore ad rivuli ripas latentem anguem monſtrÿ deprehenderint. Hauſtum animo timorem ipſo prodebant vultu. Tanti terroris cauſam rogati, verbis tremulis pro colore uſi, horrificum viſu monſtrum mihi depinxere. Abierant pauculi dies, dum eventu ſubito rem, ut erat, comprobata ipſe vidi. Gubernatori, qui poſtridie adfuturus vano rumore nunciabatur, honoris cauſa cum Indis aliquot primoribus obviam proceſſi. Equo, cui infidebam, ſemper alias morigero, placido, & ad quæque intrepidum uſus. Idem tamen, dum illi rivulo, ubi conſpectus nuper ille ſerpens, imminerem, ſubito furere, fugere, habenas negligere, calcitrare, extra viam me abripere cepit. Monſtrum nempe illic ſua in ſpecu latitans odoratu percepit ex omnium, qui me comitabantur, Indorum ſententia, qui & ſibillum belluæ ſe ſenſiſſe, aſſerebant. Vix enim credat Europæus, quanta odorandi facultate polleant equi, mulique ad remotiſſima, quæ humanos ſenſus fugiunt, percipienda. Aquam, ſi ſitiant, tigrides, ſocios ſuos, & ſi quæ alia vel fugitant, vel appetunt, eminus præſentiunt, ut ſæpe ſumus experti. Ferox hæc bellua monſtrÿ nullas, certe rariſſimas ſtrages quod edat, ratio eſt, quoniam abſtruſos plerumque intra lucos, ſolitaria litora, vel ab humanis conſpectibus remotiſſimas ſpeluncas deliteſcit. Interdum ſibilo formidabi-



li se prodit, Indosque venatui intentos de periculo commonet. Sibilare serpentes ex Ovidio quoque novimus, qui 3. Metamorphos: Longo caput extulit antro Cæruleus Serpens, horrendaque sibila misit.

Et si omne serpentum genus hac illac vagetur; alii tamen sub aquis, in cespite, nemoribusque alii, alii intra ædium parietes duntaxat, ac loca concava latebras querunt. Venustissime pictus, sed veneno violento turgidissimus Mboÿ quatiā, de quo superius, murorum rimas, vel ruinas pro latibulo habere solet. Fors Cenchridis illi nomen quadrat, de qua Lucretius L. 9. *Pluribus ille notis variasam singitur aluum.* In templo oppidi S. Joachimi quam plurimi id genus occisi, nunquam tamen aliis, aliisque subnascentibus eliminati sunt. Cum nusquam in tanta anguium coluvie securitas, per campos, sylvas, lacuum margines nunquam temere confidendum, svadeo, nisi loco undique lustrato, excussoque. Indi futurorum improvidi, periculorum fere immemores cum, ubi ubi in mentem venerit, humi se sternant, idcirco toties ab occulto serpente feriuntur. Fatigati molesto itinere, quod per sylvas Mbaeverā mecum pedite pedites fecerant comites, sub vesperum in statione procubuerant, ubi palmarum stipites putridos, tuguriorum reliquias quaquaversus humi sparsas observavi. Circumpicerent iterum, iterumque solum, quod non ætem acturi occuparent, monui; Truncatas palmas, insectorum pestilentium receptacula loco moverent suo, religioleque scrutarentur, vitæ suæ consulerent, hortabar. Hortatibus morem gerunt meis. Sub primo, quem removerant, stipite serpentem vastæ molis septemdecim ovis incubantem, & vel hoc nomine

mine periculosiorem me spectante detegunt. Mox alter, ac plures denique in conspectum se dedere. Ova tenui, candidaque pellicula, non cortice, constant, quernam nucem figura conica referunt, magnitudine superant. Sylvas illas, quæ Acaray, & Monday fluviis interjacent, cum calore, & humore abundant, serpentium pessimorum seminarium jure dixerò. Quoties istic, barbaros investigaturus, iter feceram, factor, plures uno die a me serpentes viſos, quam alibi mensibus integris. Vix gressum tuto fiximus; Jam dextrorsum, jam sinistrorsum nobis imminuere.

Mirabar sæpe, ad arcendos serpentes a quibusdam antiquis ignem svaderi, quo eos maxime allicium expertus. Caloris desiderio illos foco adrepere, clausis, calidisque cubiculis se se clanculum insinuare, passum vidimus. *Frigidus, o pueri, fugite hinc, læset anguis in herba.* Sapienter Virgilius anguem frigidum dixit. Galenus equidem non uno in loco frigidum serpentibus temperamentum tribuit; Ideoque frigoris externi impatientes Aristoteles affirmavit. Causam frigoris modicam sanguinis portiunculam Plinius assignat. Eo certe acriori frigore laborant angues, quo copiosiori, violentiorique veneno turgescunt. Hinc a serpente ictis mox sanguis constringitur; Corporis extremitates, cum ad illas circulando non pertingat, rigent, frigentque. Ecurr ova serpentina tenui, tenerrimaque pellicula teguntur, nisi ob innatum serpentibus frigus? Gallinæ equidem, quoniam calore abundant, ova firmi corticis edunt. Frigere serpentes, calorque inhiare, quotidiana nos id docuerunt experimenta. Per immensas Paraquariæ solitudines multis sæpe hebdomadibus sub diagenda noctes. Cælum nobis pro tecto, pro lecto

Solum est. Patente in campo pernoctaturi vixdum posito humi foco angues in propinquo latentes ad-repere vidimus se se Calefaciendi studio. Si quando noctes Australi vento frigidiusculæ ingruant, sub equorum stragulis, ephippiisque humi abjectis se abdunt, quamvis, nisi laceffantur, citra ullius noxam, cum præter calorem sibi quærant nihil. Hispani milites dum sub Auroram mihi equum instraverant, sub ephippiis meis, quæ mihi dormienti pro cervicali semper fuere, serpentem immanem, viridem, nigerrimis maculis distinctum, & in spiram convolutumprehenderunt. Ad talis, qui meo sub capite dormiverat, socii conspectum quis mihi animus fuerit, pronum est conjicere. Observavimus, serpentes stragulis lanceis equi sudore madentibus inhiare, quæ proin ad rem vendum periculum ab humanis corporibus longe removenda, Humo plusculum frigescente apricationis, solisque captandi gratia tuguriorum, quin & sacre ædiculæ testâ conscendunt serpentes, indeque aere noctu exasperato in cubicula maximo illic versantium periculo delabuntur. In recenti Conceptionis Divinæ Matris Colonia noctu dormiens sinistrum mihi pedem senseram constringi. Dolo expersfactus serpentem suræ implexum adverti, qui tamen valida pedis agitatione excussus cum strepitu humum decedit. Cum mihi luminis copia haud esset, nec dormire porro ausus sum, nec lecto exire, majoris periculi metu; Nam, quo loco serpens ille jaceret, per cubiculi tenebras videre mihi non licuit. Interea socius meus Josephus Sanchez tenui pariete a me divisus, clamoribusque meis excitatus accurrit; Candelam ardentem manu gerens serpentem sub lecto meo conspicatus, illi mortiferum caput securi obvia demessuit, Hic nisi periculi mei oculatus testis extitisset, quidni tota hæc, ut est,

[hi-

historia pro fabula, vel somnio habita fuisset. Quoties vesperi lumen infertur cubiculo, sollicitè claudenda fores; conspecta enim luce serpentes propinqui confestim ædibus irrepunt. Hi sæpe in cubiculis e latere cocto, vel saxo structis. imbrice tectis, nulla rima fatiscentibus, portis, fenestrisque solertissime clausis comparent repente, ut, qua parte aditum invenerint, nemo unus vel divinando assequatur. Scilicet serpens callidior erat cunctis animantibus terræ, quæ fecerat Dominus Deus, ut divinus ait Historicus L. Genes. cap. 3. Id dudum expertus sociorum meorum aliquis tanto serpentum metu correptus est, ut nunquam somnum capere auderet, nisi postquam mensam, sedilia, lectum, omnes cubiculi sui angulos baculo excussisset diligenter. Risi sæpe anxiam boni senis, sed non supervacaneam sollicitudinem. Ubicunque enim versabatur, serpentes sibi propinquantès deprehendit. Ut hominum aliqui præ aliis culicibus, pulicibus, cimicibus, sic serpentium incursionì magis obnoxii videntur. Quid si calidioribus eorum exhalationibus venenatæ hæ, ac frigida bestia attrahantur, allicianturque? Istæ quamvis ambulantes, sedentibusve timendæ sint, plus tamen dormientibus, quos dum motus expertes sentiunt, minus timent, & nil tale veritos per insidias feriunt plerumque.

Neque tamen desiderantur angues audaculi, qui aperto Marte obvios sibi quosque incessunt, saltando assequuntur, & nisi fuga elusi, vel armis strati, dentem ferociter infigunt. Plurimos variis in locis adversus me affilientes, hiante rictu, minaci lingua pedibus meis propinquantès, sæpius periculo, quam dexteritate majori, trucidavi. In ictus velocitate ad ejusmodi victorias plurimum est momenti. Procenturio Hispanus mihi affirmaverat, Ceutæ in Atrica serpentem gran-

grandiorem in comilitonem suam Dymacham equo insidentem affiliisse noctu, infixisque ocreæ illius dentibus venenum, necemque misero attulisse. Id neutiquam incredibile mihi visum, postquam e Scaligero didici, Circa Dertonam serpentem hasta fuisse interfectum, ejusque venenum per hastam ad intersectoris dexteram derivatum mortem illi, & cui insederat, equo accivisse. Affine huic experimentum de pastore Matthæus recitat. Venenato bestię expirantis halitu afflatum equum, sessorem, pastoremque illum, verosimilius puto, Pomponii Melæ nixus autoritate, qui scribit: Circa Rhymdacum amnem Bithyniæ continentem angues gigni lævissimos, qui in campo apri-cantes hiant sæpius, & supra se volitantes aves anhelitu afflant tam pestilente, ut ex aere mox decendant, avidisque subinde anguium faucibus glutiantur. Idem Petrus Maffei noster in Historiis Indicis confirmat, En illius verba Lib. 2. *In eadem regione (Cananoris in Indiis orientalibus) Serpensium, & anguium adeo seter, ac noxius est halitus, ut afflatu ipso necare perbibeantur.* Hæc ut ut verissima esse, permittamus, nunquam tamen dubitavero, venenato serpentum morfu plures, quam halitu perire. Mihi equidem Indis conquiendis, imbuendis, alendisque semper occupatissimo Serpentina lecare corpora, eorum artus, structuramque curatius inspicere vacavit nunquam; Illi, quorum id erat negotium, asserunt, viperarum, serpentiumque dentes a radice concavos, curvosque esse, & in cuspidem bifidam definere, e qua, dum irriantur, venenum ejaculantur, in illa dentium caninorum penes radices cavernula asservatum. Neque tamen id omnibus commune putes, velim Innoxios enim, mitesque, quod de Hispaniola scripsit Ælianus, serpentes Paraquaria procreat, qui vel veneno carent, vel lubricitate nocendi, nisi a prætereunte offendantur, Nam

Nam & mulsis sua bilis inest. Homines iratos passim Teutonica lingua venenatos dicimus, bile scilicet ebulliente. Ex mente quidem Plinii venenum serpentis nil aliud est, quam fel, quod sensim per venas ad vesicas oris pervenit, ubi secus dentes continetur, iisque in obvios vibratur. Quod si enim per totum se corpus effunderet, totum animal venenatum esse oporteret. Quod longe a vero est, cum serpentes plurimi capite, cauda, felle, ac visceribus rejectis pro cibo, imo pro cupediis habeantur ab Americanis plurimis, quibus equidem id non invideo.

Serpentes alias ova parere, alias foetus vivos edere, quis ignorat? De ovis a me repertis paulo ante mentionem feci. Ex serpentinis cadaveribus sobolem serpentinam nasci, credunt Americani. Hinc angues quosvis a se interemptos ab ædibus longissime remouent suis, neque humi temere abjiciunt, sed arbori, sepibusve appendunt, ut aere, solisque æstu siccati, ac terræ humore destituti aliorum seminarium nequeant fieri. In finitima Paraquariæ Brasilia duo e nostris sociis anguem horrendum viû, sed jam exanimem ruri deprehenderant, cui anguis parvulus, sed vivus, adhæsit. Resumptis a primo terrore animis accessere propius, & exagitato baculis cadavre undecim anguiculi, inde scilicet nati, prorepserunt. Facti, quod mihi indubitatum, rationes physici discutiant. De serpentibus bicipitibus, coronatis, unicornibus, bicornibus &c, multa apud Albertum magnum, apud alios ejusdem ævi, quid si & apud recentiores quospian, inuenies, miranda potius, quam credenda. Ego quidem ejusmodi monstra nusquam deprehendi, nisi in veterum libris. Noim tamen esse eorum ex numero, qui, quæ non vident



rint ipsi, nusquam gentium existere impudenter affirmant. Quod enim nunquam vidit America, quotidianum forte, ac vulgare in Africa, Asiave. Non omnis equidem tellus fert omnia. Monstroforum tamen serpentium imagines, fabulosas, & in cerebro duntaxat hominum natas non possum non suspicari. Ut enim nonnullis lubuit historicis homines acephalos, in pectore solum oculos, vel struthionum pedibus instructos fabulari; Ecce serpentibus jam coronas, jam cornua, jam plura capita affingere, appingereque non auderent? Noverant profecto historiae suae eo plus pretii, plaususque a credulo vulgo tribuendum, quo rariora, incredibiliaque narraverint. Sæpe ab oculis delusi suis falsa pro veris scripserunt. Exemplum unicum pro multis sit. Serpens, quem Cæciliam, vel amphibænam; germanica lingua Blind-schleiche, Quarania Ybiyà dicimus, passim biceps ab authoribus fertur, ast perperam. In hunc errorem inducuntur sunt, tum quia & cauda, & lingua ictum venenatum infert; Tum quia caput, & cauda, quæ eiusdem sunt molis, ac formæ; vix discerni possunt, nisi obtutu fixo considerentur. Minutissima duo punctula habet pro oculis; Habet & anum sub caudæ extremitate. Corpus crassitudinem minimi digiti æquat; Longitudine palmum excedit. Coloris est vitrei candentis, annulis, lineisque ænei coloris eleganter variatur. Degit sub terra, formicisque alitur. Illius venenum magnopere formidandum.

Serpentigenum agmen claudant terna insecta ob venenum affinia. Scolopendra Hispanis Cientopies, Quaraniis Yapeuzà, Abiponibus Kapalkatai, corpus habet teres, ac Cylindricum, spithamam longum, geminum viri pollicem latum, cortice duriusculo, qui ad cartilaginem accedit, cinerei coloris tegitur, & capi-

capite ad caudam pedibus scatet, quos numerare nec volui, nec facile potui. Virus serpentino propemodum par alit, morsuque suo ut doloris, sic periculi multum creat. Post annos octodecim in Paraquaria jam exactos vidi denique, & sensi solo mihi nomine prius notam bestiam. Meridianem me meo in cubiculo momordit. Expergesfactus intervallum, quod digitum minimum inter est, & annularem sinistræ manus rubere primum, mox & tumescere, & dolere adverti. Augescente in horas tumore, ardoreque a venenato animakulo ictum me, dubitare porro non licuit. Sub vesperum medicinam, de qua inferius plura, applicui. Prima nocte cubiculo inambulans fibrilia inter instrumenta sub scamno latentia clangorem edi insolitum, percepi. Adhibito lumine scolopendram, quæ me feriit, deprehendi, mactavi, ac postridie in ambitu domus suspensam Indis exhibui; isti hanc pestem per domos, per campos, ac fluminum ripas a se sæpe videri, semper ob veneni perniciem reformidari uno omnes ore fatebantur. Scolopendram cum Onisco cave confundas. Hunc Quarani ambua dicunt. Vermis est fuscus, rotundus, digitos duos longus, pluma, qua scribitur, anseris vix crassior. Corpus pilis asperis, sed eleganter flavis vestitur. In capite maculæ candidæ hinc, & illinc duplici serie eminent. Octo pedibus curtis, sed crassis graditur. Quam corporis partem attigerit, inflammat vehementer, ut adeo veneni experts putari haud possit. Scorprios, Hispanis *Alacranes*, Quaraniis *Yapeuza* (quod nomen & Scolopendræ) Abiponibus *Kapalkatsilars* Scolopendræ matres, ab Europæis figura nil differre, veneno tamen esse mitiori, faciliorque curatu dicunt. In Paraquaria Scorprios rarissimos existere, opinor, cum plerisque provinciarum angulis peragratis per duo decennia nullum usquam viderim, neminem unquam

ab illis læsum, intellexerim, Illud memini: In Conceptionis oppido, Hispanum pecorum custodem, dum ægrotaret, domi nostræ decumbentem a Scorpio, qui ex pariete semel, iterum, ac tertio caput exeruit, fuisse perterritum, ejusque metu noctem insomnem egisse, manu contra bestiam sibi minitantem semper cultrô armatâ. Araneorum (Quaraniis *Nandu*, Abiponibus *aualinî*) species, figuræque variz ubique locorum se offerunt. Per parietes passim repentes videas, qui corpus tabulæ instar complanatum habent, & a Quaraniis *nandupe*, ab Hispanis *arañas chasas* appellantur. Abundant veneno. Cane pejus, & angue fugiendi aranei prægrandes, quos Hispani *arañas peludas*, id est, hirsutas, Quaraniis *Nanduguazu* grandes appellant iudem fortassis, qui a latinis phalangia dicuntur. Illorum corpus tres circiter digitos longum e duabus partibus componitur. Anterior pars major est, duos prope digitos longa, sesquidigitum lata, ac non nihil compressa. Posterior ad figuram sphericam accedit magis, ac tum magnitudine, tum forma nucem muscatam exprimit. Tergus perforatum umbilici supplet vices. Exilia duo punctula ocelli sunt fulgurantes. Dentes longi, & peracuti ob eximiam pulchritudinem a variis auro clauduntur, ad dentes scalpendos, ad alios serviunt usus. Tota aranei hujus cutis pilis curtis nigricantibus vestitur, qui tamen adeo svaves, ac blandi, ut, si tangantur, ferici videantur. Decem crura longa, pluribus, paucioribusve internodiis distincta, undique hirsuta numerat, quorum singula in forcipulam, qua cancri gaudent, desinunt. Hæc crura pedum, manuumque officio funguntur. Irritatus mordet obvios. Morsum, vix oculis spectabilem, humiditas quædam, lividus tumor, & qui inde consequitur, dolor acerrimus detegit. Aranei virus humanis corporibus ingestum non periculosum

modo, sed & lethale experti sumus; Remedia ad serpentinum vulnus perianandum opportuna pluribus ab araneo grandi ictis vix demum vitam servarunt. Hoc araneorum genus in sepibus, arborum cavernis, murorumque ruinis, ubi reliquorum more telæ texendæ insudant, potissimum delitescunt. De aliis Paraquariz insectis seu noxiis, seu molestis mox disseremus. Nunc ad remedia properandum. Nam ubi e veneno morbus, mora nulla periculo caret.

C A P U T XXXII.

De remediis contra venenatos insectorum ictus.

Quibus demum præfidiis jam adversus lethifera insecta se se tucantur mortales, jam receptum virus e corporibus depellant suis, hoc loco explanandum venit. Vetus codices liberaliter suggerunt modos arcendi serpentes, terrendique. At quis Americam aliquamdiu expertus illa veterum consilia pleraque non explodat? Quippe implendis librorum foliis utilia, nulli præterea usui futura. Paucula adferam. Timeri a serpentibus hominem, veteres quidam asserunt. Isidorus L. 12. origin. cap. 4. Timeri quidem hominem, sætur, a serpentibus, non tamen vestitum, sed nudum. Nam nudum duntaxat hominem dominum cognoscunt suum, ac verentur. Quod si ita, quis, amabo, ab anguium moribus liberior, quis immunior nudissi-

mis barbaris? qui tamen mordentur frequentissime. Ego enimvero a capite ad calcem loricatus undique longe tutiorem me inter anguium insidias existimabo. Si quis dormiens a serpentibus sibi male metuit, ex Avicennæ consilio domi suæ alat pavones, Grues, Cygnos, vel Ciconias serpentini generis inimicas aves. Quod si has perinde, ut olim Capitolii anseres totis noctibus vigilaturas, novero, serpentes propinquos nec suspicabor, nec dormiens sonniabo. Rutam, absinthium, artemisiā, abrotanum, libanotidem &c. infestas serpentibus herbas circa ædes plantandas, sudent alii. Morem gererem amicis monitis, nisi hac ratione vel lectus ad hortum, vel hortus ad lectum quotidie transferendus esset, quid si nullo operæ pretio? Nam serpentes plures, plures a serpentibus lauciatos nusquam vidi, quam in S. Joachimi oppido, cujus tamen forum, & plateæ omnes artemisia ubique pullulante sylvescunt. Nullus, quod sciam, in triginta duobus Quaraniorum oppidis est hortus, qui ruta, roremarino, absynthio, & quibus non aliis herbis non abundaret; At sub his quot, quantique angues delitescunt! ut extra serpentum timorem tuto cubes, ignem tibi propinquum statue, alii hortantur. Jam dixi, serpentes natura frigidos calorem appetere, ad focum, ad lucem candere properare. Galenus suffimentum ex radice lilii, aut ex foliis oregani imperat. Alii ex pelle, cornuve cervi, ex veteramentariorum coriis, ex cornu capreae, vel dorcadis, ex elephanti dente, vel pelle, ex nasturtio, sulphure, bitumine exustis fumum quorumcunque anguium terrorem ac exilium esse affirmant, confirmantque experimento Romanorum: Milites Catonis in Africa a serpentibus usque vexati accenso ebulo, Galbano, centaurea, abrotano &c. periculo se, molestiaque priori expediverunt, Lucano teste L. 9. de bello Civili.

Con-

Concedamus, ejusmodi rerum fumantium exhalatione teterrima fugandos serpentes; Sed nos quoque ex ædibus eadem de causa fugituros, nemo dubitet; Ecquis enim nostrum nares mephiti tantæ pares sibi polliceatur? Ad hæc fumus operosum, & fluxum adversus serpentes remedium, fuerit. Durabit serpentium metus, ac absentia, dum fumus duraverit quovis auræ impulsu mox dissipandus. Ad perpetuandum fumum ignem alere perpetuum oportebit; Hic labor, hoc opus, & solis profecto vestalibus tolerabile. Num erit quispiam, qui in diuturnis per vastas solitudines itineribus has herbas, has, fumæ scilicet materiam, quisquillas bajulare aut velit, aut possit? Ex Plinii, lucretique mente jejuni hominis saliva serpenti mortifera est, si ejus faucibus injiciatur. Ita sit. Sed nunquid majus operæ compendium fuerit, tutiusquæ, serpentem stipite, vel quovis demum modo obtruncare, quam ejus, ut conspuere saliva possis, fauces aperire? Quis adeo intrepidus, vel potius adeo stupidus, ut id ausit? Adeo dexter, ut cura noxæ periculum id possit?

Dicam, quod sentio. Probantur mihi præ istis veterum industriis Americanorum adversus serpentes remedia, tum quia expeditiora, promptioraque, tum quia illorum utilitas longo usu explorata. Haud tamen hæc omnia semper tam certa pronuntiavero, ut illorum usus utentium expectationem, ac vota nunquam prorsus eludat, quæ quidem prærogativa neque exquisitissimis Europæorum concessa est medicamentis, ut quotidie experimur. Quarani Christiani, quoties ad Barbaros in sylvis conquirendos me comitabantur, allium recens, e cingulo suspensum gestabant. In tanta serpentium, quos spectavimus, frequentia nemo unus meorum læsus

ab iis fuit. Indorum exemplo allium e filo pendulum habui ad lectum semper, postquam, ut dixi, dormiens a serpente fueram invasus. Alii odorem serpentibus adversari, & veteres docuerunt, & rustici nōrunt, qui amphoris, in quibus lac asservant domi, alliorum succum affricant, ne serpentes, lactis avidissimi, clanoulum irrepant. Hanc tamen de allii virtute a me conceptam fiduciam haud medio-criter imminuit sociorum meorum aliquis, qui serpentem plantæ allii inhzrentem in horto conspexit. Sed nempe aliam virtutem plantæ folia, aliam ejus radix, ac fructus ipse passim habere convovit. Quid si allium solum, non illius frondes serpens perhorre-scat? Abipones, Mocobiique equites vel e collo, vel e brachio suspendunt Crocodili dentem, in signo, ut sibi persuadent, quorumcunque anquium terriculum. Hos barbaros non pauci Missionarii, Hispani plerique imitantur, dentesque ejus bestię non levisæpe pretio mercari solent. Hispanos novi, qui dum cervinæ pellis segmen corpori admotum suo circumferunt, serpentinis se ictibus nunquam obnoxios, putant. Et vero cervos, dorcadesque innato odio in serpentes ferri, videmus. Cervorum, dorcadumque seu pelle, seu cornibus serpentinos averti ictus humano & Corpore, omnis certe antiquitas opinabatur. Nec defunt, qui manus, pedesve suos raphani succo perungunt, seque adversus venena munitos, credunt. Hæc vel singula, vel omnia aspernari non ausim, quia Americanorum sunt experimenta. Profunt istis multa, quamvis eorum virtus necdum perspecta sagacissimis Europæis. Prudentis est, his Americanorum industriis, præfidiisque nunquam tantum confidere, ut cantus esse desinat, & periculi obliviscatur, quod a serpentibus ibi maxime, ubi nullum apparet.

Que-

Quapropter omnibus, ut circumspeditione pro viribus utantur, Americanis author essem. Si quando meridiandum in campo, pernoctandumve, stationem sibi deligant dumetis, arundinibus, cavernis vacuum, a stagnorum, amniumque ripis remotiorem. Circumferant oculos. Adultum gramen, truncos putridos, fruticum, rupiumque latebras iterum iterumque excutiant, sicubi confidere lubuerit, vel cubare. Hujus consilii fere immemores Indi serpentinis se se dentibus propinant frequenter. ut glans locum, quem e quercu decidens occupaverit, tenet; sic illi, ubi ubi eos quiescendi lubido incesserit, impropide se humi abjiciunt. Nulla serpentium aut cura, aut formidine in utramque dormiunt aurem, ac vel ideo serpentino ore sauciati cum ejulatu expergiscuntur persæpe. Iter nudis pedibus prosequentes oculos speculandis per aerem avibus, simiisque in arbore ludentibus affigunt, dum periculosum, quod calcant, solum ad passus singulos contueri oportebat: Abipones, quia equites, quia circumspectores, rarius a serpentibus offenduntur. Quaranii, quia pedites plerumque, quia minus providi, frequentissime. In S. Joachimi oppido, ubi Cælum æstuat magis, tellus paludibus, rivis, sylvisque cingitur, copiosior venenatorum animalculorum progenies existit. Vix una hebdomas abiit, qua Indos aliquot a serpentibus læsos non videremus; Indas multo rarius, quia hæc domi occupatæ campos, sylvasque rarissime percurant, quia cautiore, timidioreque; Nisi forte tibi in mentem veniat dicere: foeminas præ inaribus seu amari, seu formidari a serpentibus, atque idcirco rarius invadi. Toto, quod in dicto oppido egi, octennio a serpentibus variis icti sunt quam plurimi; sed, quod stupens, præter juvenes duos ab angue nolifero enectos, nemo oc-

cabuit; omnes uno, eodemque remedio feliciter
 perſanati fuere. Aures jam, animunque adverte,
 dñm Cœleſte illud, ac prodigio ſimillimum medica-
 men. veneni mortem, vitæque veneno infeſtorum
 tibi patefacio, tam ignotum extra Paraquariam,
 quam ſalutare Paraquarienfibus. Flos eſt candidiſſi-
 mus Europæo lilio, ſi frondes, ſtipitem, folia, odo-
 rem conſideres, omnia ſimillimus, niſi quod iſto
 aliquantulum ſit minor. Ab Hiſpanis nardus dici-
 tur. Quocunque in ſolo provenit; quavis anni par-
 te viget, nec Cœli ſiccitate longiori, neque pruiniſ
 marceſcit. Hunc florem a ſerpente afflictiſ ſaluberri-
 mum nec in horto Europæo, neque in libris, qui
 de floribus agunt, uſpiam deprehendi. Quid, quod
 & herbariæ artiſ ſcientiſſimi a me toties rogati hunc
 florem penitiſſime ignorant. Omnes nardi ſpecies
 diligenter ſpeculatus nardum noſtram Paraquarienſem
 ad nullam illarum referri poſſe, perſpexi. Quid ſi
 eſſet nardus Celtica, ſeu ſpica nardi Italica, flos San-
 ctæ Magdalenz? De hac enim Joannes Woyts in
 Gaſophylacio medico-phyſico affirmat, contra mor-
 ſus venenatorum animalium, & febres peſtilentes
 eam plurimum conducere. Verum illius deſcriptio
 nardo noſtræ Paraquarienſi neutiquam convenit. Idem
 author mentionem facit de *Flore indico liliorum arbo-
 reſcente*, quem D. Heſſe in Hollandia den India-
 niſchen Blumenbaum appellari aſſerit. Dicitur can-
 didiſ liliis ſimiles, & fragantiſſimi odoris flores
 habere, & hyeme juxta; ac ætate virere, ſed figura
 myrti arboris ſimilitudinem referre. Ex quo palam
 fit, hunc florem Indicum a nardo noſtra omnino
 diſſerre; cum qua nullam pariter affinitatem hæbet
 nardus Peruviana, quam ſereniſſimus, & omni ex-
 parte celeberrimus Princeps Wenceslaus Liechtenſtein
 Vienna Aultriæ, Liquori innatantem, ſuo in pala-
 tio

tio mihi exhibuit. Clarissimus Nicolaus jacquin botanicæ in Vindobonensi Academia magister, ab Augustissimo Cæsare Francisco olim ad lustrandam Americam missus, quid demum nardus illa Paraquariæ celebris esset, ignorare se, candide fatebatur. Quamvis igitur, quo nomine appelletur ab Europæis populis nostra illa nardus, adhuc nesciam, illius usum explicabo. Radicem hujus floris siccata, recentemve in particulas tenues comminutam vino cremato aliquamdiu immergimus. Idem subinde liquor cum radice partim vulnere, quod serpens infixit, applicatur, partim, vulnerato bibendus porrigitur. Una vice id præstitisse sufficit plerumque. Quod si tamen id iterum, ac tertio repetieris, veneni vis extinguitur, tumor evanescit, vulnus coit. Quo citius hoc remedium adhibueris, eo facilius, eo certius veneni progressum cohibebis. Constanti octodecim annorum experientia edoctus cæteris quibusque medicamentis hoc præferendum, affirmo. Hoc equidem de veneno cujusdemumcunque (Noligerum excipio) serpentis semper triumphavit. Indorum, quos ista nardi radice persanavi, numerum inire haud possum; Possum tamen asseverantissime dicere, illius usum nunquam cassum, irritumque fuisse. Indum Quaranium humi cubantem ruri serpens momordit, dente natibus infixo. Ad oppidum meum ut adrepsit miser, sacris a me prædiis ad mortem præparatus est, quam & vulneris intumescens atrocissimus dolor, & insolens, quem dolor extorsit, ægri ejulatus comminabatur. Non nisi paucæ vini cremati guttæ mihi supererant domi, has ergo cum nardi radice vulnere, vulneratoque adhibui primum. Mox, cum virus necdum e corpore exterminatum acerrimus dolor indicaret, radice cum vino simplici, quod

cremato substitui, denuo usus post triduum convalescere, vidi.

Neque tam parca fuit natura, ut præter nardum, quæ nec omnibus nota, nullum præterea adversus serpentum ictus remedium miseris mortalibus suppeditaret. Varia apud varias gentes sunt in usu. Ex plurimis paucula memorabo. Tabacæ folium eximia adversus serpentinos ictus virtute pollere, nemo unus inficiabitur. Quaranium cum sociis in itinere meridiantem binis in dextro pede ictibus anguis vulneravit. Medicinam rogor. Nardum utique, si ad manum fuisset, porrexissem. Multas ab oppido leucas absumimus. Consilium in arcna. Ut imposito ori tabacæ folio confestim exfugat, utrumque vulnus, vulnerati patrem seniculum, hortor. Is id a se jam præstitum, respondet. Tabacæ accensæ fumum ut inhalet vulneribus, iisdem mansam prius dentibus tabacam cataplasmatibus loco applicet; Vulneratus ipse tabacam ut mandat, ejus succum glutiat, ejusdem fumum arundine liberaliter hauriat, moneo. Phialam cremati vini (quod maximi ad curanda varia in itineribus est usus) potandam præbeo. His denique reculis compressum virus, vires ægro tantæ, ut baculo nixus, cætera incolumis, iter nobiscum ad oppidum prosequeretur. Vini cremati ardore pestilens veneni frigus retunditur, sanguinis, ac stomachi Calor mirum in modum restauratur; Ad utrumque certius impetrandum multiplex tabacæ usus plurimum confert. Nam, ut P. Josephus Gumilla expertus est, serpentes, si eorum faucibus tabacæ folium intrudatur, protinus emoriuntur. Ex eodem authore novimus, in novo regno Grætenfi Americanos pulverem pyrium vino cremato admixtum ad curandos serpentum morsus bibere, ac cura-

curari. Nec mirum: Calidis frigidum venenum expelli. Abipones, Mocobii, Tobæ, equestres Paraguarizæ populi, ut primum a serpente ictos se sentiunt, vulneri ceram virginem, nondum igne excoctam, admovent, quæ scilicet haustum corpore venenum sibi attrahere putatur. Alias illud a suis medicis exsugi, petunt. Interdum cultro Crocodili dentem radunt, scobemque illam cum aqua bibunt, simul patenti vulneri Crocodili dentem integrum arctissime adstringunt. Hoc se remedio affirmant confanari. Eadem Hispanorum fiducia. Pharmacopœus noster cordubæ Tucumanorum istam Crocodili dentium virtutem experturus, eandem veneni atrocissimi portionem cum carnis bubulæ frusto binis canibus objecit. Horum unius collo Crocodili dentem alligavit, non item alterius. Hoc secundo post horas pauculas extincto primum superstitem ope dentis illius, salvumque extitisse, narrant. Istis tamen omnibus induci nunquam potui, ut spes meas in Crocodili celebrato dente collocarem. Canis a serpente tacti collo plumas struthionis circumdant Abipones, idque remedium a suis se accepisse majoribus mihi asseverarunt, meliora scilicet ignorantibus.

Magnis in Cœlum laudibus passim effertur *Piedra de cobra lusitanis*, seu lapis serpentinus cinerei, interdum nigri coloris, variæ magnitudinis. Magnes venenorum creditur; Nam ut ille ferrum sibi attrahit, sic lapis hic venenato vulneri applicitus virus omne absorbet. Eundem in finem porro servire ut queat, lacti immergitur, in quod venenum a lapide haustum effundi, ajunt. Mercium Indicarum nundinatores huic lapidi pretium ut adderent, illi patriam, originem, & nomenclationem affinxisse, videntur. Ajunt enim, illum in quibusdam solum Magni Mogo-

goris provinciis in serpentis, quem cobra de capello, appellant, visceribus inveniri. Re tamen ipsa clarissimo Kämpfero, aliisque videtur arte factus, & nil aliud, quam segmentum ossis cervini, vel bubuli semivisti, aut calcinati esse, id quod ex illius poris vel obiter inspicienti patet. Ast nempe felem pro lepore, vitrum pro adamante, pruna sicca pro tamariudis vendi ignorantibus, neque novum, neque rarum est. Quidquid demum sit, quod piedra de cobra vulgo dicitur, illud cuti humanæ, & vulneri adhærescere, expertus sum. Num venenum exsugat, adhuc ignoro. Neque etiam contendo, in aliqua orbis plaga serpentem existere non posse, e quo forsitan lapillus erua ur, curandis serpentum vulneribus idoneus. Sicubi talis existat, vero est simile, a mercatoribus ad ejus imitationem quæstus gratia animalium ossa ope ignis concinnata, calcinataque, uti videmus, fuisse. Ejusmodi fraudibus quoties eheu circumveniuntur creduli Europæi! lapis, qui in stomacho hystricis reperitur aliquando, magni est in medicina usus, maximique in Europa pretii. Hystrix, quæ vulgo Porcospin, a Germanis Das stachel schwein, Porc-epic a Gallis vocatur, & herinaceorum instar aculeis in tergo tegitur, in Indiis orientalibus, ac præsertim in territoriis Malacæ est frequentior. In hujus stomacho, uti lapis Bezoardicus varius apud alces, huanacos, bicuñas, rupi-capras sæpe deprehenditur, lapis quidam pomi instar globosus variz molis interdum procreari solet, qui reticulo ex filis aureis scite circumdatus, dum ex Indiis adfertur, trecentis, sæpe quadringentis florenis germanicis Ulyssipone venditur, quod, eadem in urbe dum anno 1748. per septem menses classẽ præstolatus versabar, ex viro illustri intellexeram; Idem mihi significavit, per homines Europæos, quæ-

quæstus avidos, in Indiis hystricis occisæ viscera sicca-
ri, comminui, & nescio, quibus admixtis, ita com-
poni, ut illa denique massa indurescat, ac pretiosi
lapidis, qui in hystricum stomachis coalescit, figu-
ram mentiatur, magnoque subinde pretio veneat
in Europa. Lapidis isti si non eandem, saltem ali-
quam ad curandos morbos virtutem habere putantur,
qua genuini, & naturales solent pollere. Viderint
emptores, viderint medici. Mihi profecto omnis
usus hujus lapidis (la piedra del porco) etiamnum
est peregrinus. Quis nescit, rerum Indicarum mer-
catores pari fraude, ac lucri aviditate tabellas atra-
menti sinensis sinensibus characteribus insignitas (quæ
architectis potissimum sunt usui, & a Gallis Encre
de la Chine, a Germanis Tusche vel chinesische
Dinte appellantur) frequentissime imitari, ac confin-
gere, sed a peritioribus facile dignosci a genuinis.
Putatur id atramenti genus ex terra nigra resinosa,
vel, ut celeberrimus Trigautius noster illarum gen-
tium Apostolus autumat, ex fuligine, & fumo olei
olivarum a sinensibus parari. Sed hem! la piedra
de cobra quantum me a via abduxit! Multos tamen
non pigebit hoc nosse.

Allium venenatis moribus insigniter mederi,
prisci medici existimarunt. Avicena fatetur illius uti-
litatem sibi dudum compertam. Matthiolus quoque
allium esitandum, vinumque dilutum a serpente ictis
svadet. Vomitum procurare, theriacam aliquam su-
mere, vulnus frigida abluere, ac demum regionem
vesicæ calentibus spongiis fovere tales jubet præterea.
Si Volaterrano credimus, quem Mizaldus Centuria
8. adfert; In rustici dormientis fauces, nescio, quis
anguis irrepperat; Ille somno excusso aliorum esu
convaleuit. Quantum adversus venena possit allium,

experimento id comprobatum meo accipe. Indus Quaranius, dum horti sepes componeret, a latente ibi araneo hirsuto, quem supra descripsi, morsus in pede est. Dolorem sensit, sed imprudens silentio concoxit. Veneno vires exerente suas femur sibi magis magisque intumescere, ipsum jam torqueri stomachum advertit, ac periculum, quod erat, suspicatus denique a me opem poscit. Jusculum ex carne bubula, quam copioso cum allio coquendam jussi, exhaustum ab ægro virus, tumorem, doloremque confestim repressit. Neque Dioscoridis mihi improbatum consilium, qui a serpente violatis succum raphani potandum propinat. Eodem suco, ne quis serpentinis assultibus pateat, lavandas manus antiqui svaferunt. Nam & autoritate physicorum, & experientia constat, non succum modo, sed ipsum quoque raphani odorem serpentibus, Venenisque magnopere adversari. Columbam vivam incisam vulneri a serpente inflictio alligant aliqui, vel gallinam dissectam. Ab his absorberi venenum, credunt. Gallinæ hædum cultro divisum substituunt alii, vel capræ recens enectæ ventericulum. Nonnulli caprino lacte locum a serpente vulneratum mulcent, narrantque rusticum lacti caprino pedem a serpente ictum identidem immergendo, convaluisse. Caseum caprinum vulneri applicatum tantundem valere, asserunt. Partem veneno infectam medulla cervi, vel fimo bubulo perlini vult Dioscorides. Galenus cornu cervi calcinatum, & in pulvere redactum cumque aceto mixtum applicat. Vegetus sinum suillum recentem cum melle Attico, vino, lotioque humano subactum commendat, vulneri scilicet venenato illitum. His orbis veteris contra venenum remediis orbis novus, America, nova, medicinæ principibus magistris ignota quondam, remedia adjecit herbas,

hirudinum instar sibi inhærentibus torquentur, & sui
 impotes, & sessoris immemores in rabiem efferari,
 toties vidimus. Majus tamen per sylvas a vespis
 quibusdam majusculis periculum, quorum acumen
 ut persentiscunt equi, furunt doloris impatientia.
 Tortore crudeli ut se liberent, excussis habenis
 sessorum excutiunt sæpe, sæpe, qua qua possunt,
 abripiunt, humi se volutant. Hinc contractæ mul-
 torum tibiz, allisa arboribus, vel saxis capita, fusus
 per viam cruor. Mihi quoque eadem de causa,
 maniveto licet cætera mulo insiderem, pereundum
 fuerat, ni Indus pernici equo advolans opem tul-
 lisset, qui me mulo furioso, mulum vespa pertina-
 ci liberavit. Ipsos quoque homines insectantur
 vespe. Fixo aculeo dolor vehemens, tumorque la-
 tissimus succedit. Parti læsæ glebam obvii cespitis
 recentem pro remedio applicant plerique. Mihi nun-
 quam profuit. Maxillam testor meam. Me absen-
 te in domus nostræ aream vespe convolarunt innu-
 merabiles, & in modum pitæ grandioris conglobatæ
 stipiti inhæserant. Ne a transeuntibus territz spar-
 gerentur, & in nostra se cubicula insinarent, Ve-
 ritus, sclopum nitrato pulvere liberaliter fartum in
 vesparum globum exoneravi. Repentino tonitru
 percussæ diffugerunt omnes unica, quæ cæterarum
 nomine audaciam ulcisceretur meam, ad vultum
 meum advolante; Hic bestiz spiculo confixus hor-
 rendum in modum intumuit. Tumori par dolor
 successit, noxque ob doloris vehementiam omnino
 insomnis. Conquerentem me postridie, & reme-
 dia, quibus usus sum, enumerantem placidissime ri-
 sit Abipon vetulus. Eccur, agebat, Pater, adipe
 bubula tumorem non perungis tuum? vetus id no-
 bis, certumque est medicamentum. Morem gessi.
 Nec mora: Tumorque, dolorque eodem die eva-



medicina fuit. Hæc de venenatis ictibus, eorumque remediis eo animo scripsi historicus, ut, quid in Paraquaria moris sit, intelligant Europæi, non ut illis utantur. Medicis, Chirurgisque, si illorum copia fuerit, se ut permittant, iterum, iterumque hortor. Domestica enim illa, ut vocamus, vulgi remedia, cum importune sæpius adhibentur, morbis ipsis periculosiora evadunt frequenter. Si quæpiam a me scripta non probant medici, per me rideant, dummodo adferant meliora. Multa Europæ accommodata, quæ neutiquam Americæ, & Americanis, noverint. Plurima artis medicæ regulis consentanea nunquam patietur Abipon barbarus. Utatur medicus Europæus cucurbitulis ad scarificandam partem corporis veneno infectam, utatur scalpello, caustico, ferro candente, hirudinibus &c. his non proficientibus mors ægri consecuta non in serpentis venenum, sed in medicantis sævitiam, ignorantiamque a barbaris rejicietur.



CAPUT XXXIII.

De aliis infectis noxiis, eorumque
remediis.

Totam *Aegyptum* cum universis, quæ vindex Deus congefferat olim, infectis in *Paraquariam* immigrasse, jures. Quin plura & nocentiora, & molestiora hic invenias, quæ *Aegyptiorum* nemo usquam spectaret. Præ serpentibus, scorpiis, scolopendris, araneis hirsutis &c. muscas domesticas, hujatibus omnia similes, metuendas mihi, fugitandasque semper putavi. Cave, hyperbolen existimes. Ex animi mei sententia id prorsus affirmo. Muscarum ejusmodi agmina passim circumvolitant. Domi, forisque famelicis his te bestiis obrui videbis. Centies repulsæ centies redeunt. Dormientibus per aures ad interiora capitis penetrant, lentes mox excernunt innumeras, vermium innumerorum seminarium futuras. Hi utrinque acuti, rubeique, cæterum corpus candidi; In horas augescunt numero, & quid quid carnis, succique in capite, erodunt; Deliramentum denique ac mortem, ni medearis, certissimam sensim accerfunt. Hispanum novi ludi publici magistrum, cui tota cum naribus consumpta facies, capitisque pars anterior cucurbitæ instar a vermibus excavata. Musca unica, quæ in dormientis nasum irrepsit, vermium erat origo, principiumque calamitatis. Neque rarum hoc, aut infrequens. Ver-

C A P U T XXXIV.

Ejusdem argumenti de insectis continuatio.

Vtraque America, qua æstuoso Cœlo torretur magis, vermiculum gignit, naturæ monstrum, multorum quotidie gemituum, non paucarum mortium occasiunculam. Pulicis, qui quidem cogitari possit, tenuissimi speciem refert, cumque subsiliendo imitatur; Hinc a Quaraniis Tû, vel Tûngay pûlex malus dicitur. Ab Hîspanis Pique, a Lusitanis bicho dos pes insectum pedum, a Mexicanis Nigua, ab Abiponibus Aagfani mordax vocatur. Tam exilis est, ut vel ab oculatissimo, nisi clarissima luce, percipi haud possit; Tam mordax, ut a quovis, ni saxeus, ni ferreus sit, debeat sentiri. Tam aculeato rostro armatus, ut calceos, ocreas, cothurnos, quaslibet vestes pertundat. Extimæ cuti inhæret tantisper, mordacissimo mox cum pruritu ipsam carnem penetrat; Illic veluti sub cuniculo latens sphærica, albescenteque vesicula se circummunit, quam ovulis, seu minutissimis lendibus implet. Hæc vesicula si plures dies sub carne toleratur, ad magnitudinem pili nostri Grandescit. Vulgare hoc spectaculum. Quo diutius hæc vermiculi vesica humano corpori inhæserit, eo magis indices doloris sensus obtunditur, ac hebetatur. Ad hunc hostem sua e statione exturbandum pueri sano aptissimi. Hi enim eximia, qua pollent, oculorum acie punctulum rubens, vermiculi carnem ingressi, vesti-

conjungerentur. Ex repetitis enim culicis mbarigue ictibus vermes majusculi enascuntur perlepe, qui num suam originem pestilenti aculeo, num humori venenato, an, nescio, cui seminio relicto debeant, an ipse culex, carne penetrata in vermem convertatur, ut Indi putant, non ausim decernere. Vermes uno in loco nunquam plures uno generari, id novi. Illius experimentum audi. Canem, meum in itinere comitem, custodemque, ejulare identidem, se se Scalpere, ac mire affligi adverteram. Coniulti Indi socii vermibus illum lacerare, respondent. Præsentem me, & inspectante canem faucibus, pedibusque loro colligatis humi sternunt. Utraque manu, ubi tumor prominuit, carnem fortissime comprimunt, vermemque ibi latitantem magnò impetu exilientem, eiciunt. Decem & septem totidem e locis prodire albi coloris vermes, semine pomi crassiores, pollicis virilis unguem longi. Mihi rem ad id temporis incognitam obtusescenti: Sibi idem non raro evenire, Indi omnes uno ore testantur. Quæ quidem res ejusmodi insectorum, præsertim curationis, metum non medicem mihi iniecit. Et vero minutissimos vermiculos, muscas, quas oculatissimus ægre videat, prorsus exiles pluribus exitiales fuisse, omnis novit Paraquaria. Pater Felix Villagarzia, quem & novi in sanctæ Rosæ oppido, & pro merito colui, dum Ytatynguas Indos, sancti Joachimi Colonix subinde incolas, per Tarumensia nemora diu, multumque conquereret, oculo laborare cepit, & ob fistulam, vermesque inibi identidem enascentes annis pluribus ad obitum usque dirissime excruciatum est; Cœli ardentissimi per saltus vento impervios æstus, varii generis culices tantorum dolorum originem exstitisse, nemo ignoravit. Sed jam paulo majora canamus.



Eto jam in Paraquaria Sexennio id de nomine duntaxat noveram. Delatus ad S. Ferdinandi recentem Coloniam & videre, & pati, & execrari hanc pestem capi. Abipones ipsi, quamdiu per Chacum sparsi pro arbitrio vagabantur, hos vermiculos ignorarunt, sed denique per Hispanos urbis Correntinae, quam istorum pulicum metropolim jure dixeris, dictae Coloniae conditores misere iis infecti sunt, allatamque sibi, ut olim variolas, calamitatem tantam lamentati. Qui in loco his infectis obnoxio versantur, quovis minimum biduo pedes puero cuiquam inspiciendos porrigant. Sæpe hi pulices cuti necdum perterebratae insidentes citra molestiam intercipiuntur. Si recens carnem ingressi videantur, non illico acu expungendi; Timendum equidem, ne tenue pulicis corpusculum acu rumpatur, ejusque caput carni validissime infixum carni inhæreat, quod dolores incredibiles, pus, & ulcus certissimum adferet. Rerum peritiores diem integrum expectant, dum vermiculus vesica sua clausus tuto, totusque erui subinde queat. Id quod a meridie melius præitatur; Horis enim matutinis cum aura sic asperior, humidiorque, caro, quæ acu aperienda est, plus illa offenditur, dolor, & ulceris periculum semper augebit. Quotidiana pedum inspectio commodi habet plurimum, etsi & molestiæ non nihil, quam tamen insigniter cumulabis, si hanc tui curam in longius tempus rejeceris. Una sæpe sessione decem, viginti, plures ejusmodi vermiculos acerbissimo cum dolore idem tibi puer acu expunget; Digitis plerisque & unguibus perforatis, plantis laceris ægre gressum figes, pedibus pure manantibus tui neglectum, inspectionis dilationem tute accusabis, diuque lues. Novi complures multis hebdomadibus idcirco lecto affixos. Et me, & alios non nili baculo innixos ambulare potuisse diebus plurimis,

rimis, eheu meministi! Vidi pedum usu omnino destitutos omni prorsus remedio caruisse.

Haud inficior: hos vermiculos pedibus potissimum insidiari. Sæpe alias tamen per cæterum corpus majori cum periculo serpunt, jam in brachio, jam in genibus, & ubi non? Nidum sibi parant. Plura tibi in aurem dicerem, quæ scribere, erubesco. Canibus, cum humi cubent semper, plus negotii faciunt hæc insecta. Dentibus suis pro acicula usi illa dexterrime eruunt, vulnusque lingendo persanant. Aliquando tamen exesis pedibus & exulceratis claudicant diu. Sues, simii domestici, feles, capræ, ovesque ab iisdem pulicibus insolenter vexantur, haud tamen equi, muli, asini, boves, qui seu ungularum, seu pellis duritie adversus communem hostem se se defendunt. Illud Americanis curandum maximo opere, ut cavernam, quam pulicis excerpti Vesicula occupaverat, vel pulveribus Tabacæ Hispalensis, vel cinere, vel smigmate oppleant diligenter. Alii aut oleo ex olivis expresso, aut ex boum pedibus extocto, alii aliis reculis eum in finem utuntur. Periculosum est ejusmodi industrias negligere. Vulnus enim acutum, & infectum, quod expunctum fuit, veneno infectum exulcerabitur, pus concipiet, & si inflammatio, vel nimius pedum motus accesserit, in gangrænam denique, vel ignem S. Antonii desinet. Adept Gallinacea parti lææ illita, alligatumque brassicæ folium ad ardorem temperandum, me teste, sæpius profuit. Experientia certum est, alios præ aliis frequentius ab hoc insecto vexari, difficiliusque quocunque demum remedio contanari; In vario sanguinis, humorumque temperamento discriminis hujus ratio fundatur. Scribunt, Brasilienses ad vermiculos hos a se avertendos pedibus suis illinere oleum ex glan-



glandibus necdum maturis, quæ in arbore Acaju nascuntur, expressum. Nautæ nautica pice se ungunt eundem in finem. Nos hujus, aliorumque insectorum metu tibialibus ex ovilla pelle confutis utebamur omnes; Sed vana, imbecillaque hæc esse arma, experti sumus.

Pulices Europæ vulgares, ætheris instar per ceteros orbis tractus diffusi, in Paraquaria non adolefcunt tantum, sed velut nativo in solo impotentissime dominantur. Cum a canibus copiosissimi soleant procreari, Neteguink Loapakatè pediculi canis ab Abiponibus dicuntur. Illud singulare, quod alicubi ipse campus herbis undique vestitus affluat pulicibus. Per Paraguayum flumen navigantes si quando in litus meridiaturi, pernoctaturive exscendunt, quamvis in nitido cubent cespite, ubi nullum aut hominis, aut canis vestigium usquam fuit, pulicibus nigrescentes singuli ad navim redeunt aliquando. Idem a me in campis ad amnem Inespin, alibique observatum. Si hæc in viridi campo, in aridis cubiculorum pavimenti nec latere, nec lapide, nec tabula stratis quid expectabimus? Ejusmodi in cubiculis apud Abipones septem egi annos, ubi cum infinita pulicum colluvie diu, noctuque mihi conflictandum fuit. Remedium adversus pulices ex America petis? Unitum, quod ubique gentium, suppetit, Patienria. Columella, Athanasius Kircherus, alique opinabantur equidem, herbis odoriferis quibuscunque cum aqua coctis, ac per solum effusis hos vermiculos non fugari modo, sed & enecari. Quarani certe hunc in finem herbam, quam Caarè vocant, vehementissimi odoris, in aqua coquunt, eaque fervente rigatum cubiculum semel, ac iterum verrunt. Quod si hac industria pulices intereant, illorum stragem non herbarum odori violento, sed

sed aquæ ferventi, qua aduruntur, scopis, quibus exturbantur, tribuendam existimaverim. Sint ædes pulveribus, canibusque vacuæ, sint ventis crebris perviæ, in hoc adversus minutiora insecta plurimum est præsidii. Albis illis, queis a pedibus nomen, vermiculis extra capillos vix apud Abipones est locus. Indæ mulieres, dum per suorum capita pediculos Venantur, quotquot capiunt, glutunt; Si pinguiorem ceperint, assidenti sibi feminæ vorandum muneris instar propinant perinde, ut nos tabacæ pulverem alter alteri. Hunc Barbararum morem barbarum dicerem, nisi & ab Hispanis matronis plebejis idem facitari in Paraquaria, ipsius spectassem toties. Næ! Europæorum nemo Americanis has invidet cupedias!

Cimicum, quales in Europa, abunde est in Hispanorum coloniis; Per Indorum oppida nullum contexi unquam. Ab Abiponibus Pata dicuntur. Cordubæ, alibi que per Tucumaniam cimices volantes, quos Binchuccas vocant, passim oberrant. Interdum sub testorum, arcarumque rimis quieti delitescunt, noctu Cælo sudo, ac tranquillo turmatim advolant bellum cruentum moturi dormientibus, e quibus tantum sanguinis exugunt, ut nemini dormire, ejulare omnibus libeat. Parti, cui insident, ardorem imprimunt intolerabilem, & cremare potius corpus, quam mordere videntur. Maculas purpureas, tolerati doloris indices, instrumento caustico inductas jurares. Quindecim dierum equestri, & per continuatam solitudinem, quotidianosque inter imbres arduo itinere fractus in S. Jacobi territorio oppidum salubina attingi; Enimvero quiescendi ea nocte non desiderium modo, sed & necessitas me tenebat. Verum extreme dormituri mihi nox illa omnis infomnis abiit. Artus omnes compungi, cruciari, ardereque sentieram,



doloris tamen insoliti causam nec cogitando, nec palpando assequabar. Nemo unus, quem consulerem, in propinquo fuit. Orto demum die quotquot rubris pictum me maculis videre, vices miserati meas volantes cimices tortores fuisse meos, mihi significarunt. Alio in itinere dum apud Presbyterum nobilem pernoctarem, sumpta levi cænula ille mecum, suisque cum domesticis vicinum in campum dormiturus concessit. Id in illo terræ tractu more receptum, necessariumque. Negant enim æstuosis noctibus sub tecto cimicibus scatente somnum capi posse. Felices Abipones, Quaraniique, qui volucres has hirudines ignorant. Mihi equidem istic nulla carum visa. Melopepones, nisi, ut primum maturuerint, decerpantur, cimicum fatidissimorum seminarium evadunt illi-
co, qui omnem late hortum depascuntur.

Perniciosa inter insecta haud infimum locum meretur bestiola, quæ ab Hispanis Garrapata, a Quaraniis Yatebú, ab Abiponibus òerèl appellatur, & indubie ad ricini speciem aliqua ratione pertinet, qui a græcis *αργύριον*, a Gallis Morpion, a Germanis Zek dici solet. Garrapata Paraquariensis lentem magnitudine æquat, interdum superat; Forma testudinem terrestrem refert; In tergo clypeum gerit testudinum more, sed figura ad sphaericam propius accedit. Coloris est fulvi obscurioris, & in parte varii; Corpus illius compressum, octonis pedibus breviculis, capite quadrato prominente, ceu rostro instruitur. Hoc cuti, carni-
que humanæ immergit simul, simul pedum uncinos affigit mordicus, & dum ex quacunque corporis regione sanguinem rostro sorbet, pruriginem ciet, ardoremque permolestum, quem tumor sequitur, ac sanies quatridduum sæpe, sæpe diutius manatura. Ulcus vero vix duas intra hebdomades persanabitur. Cum

ca:

caput suum in carne altissime defigat, arduum est bestiolam integram avellere. Quod si caput a corpore avulsum in carne remanserit, pessimo loco res erunt tuæ; Non nisi post diutinam puris ex pruriente ulcere fluxionem virus illud tandem ejicies. Campi, & præ campis sylvæ ab hoc & homini, & bestiis infesto insecto insidentur. Ubi putrida arborum, & cumprimis arundinum folia, ibi semina hujus bestiolæ, ibi colluviem deprehendes. Totum, ut primum humi recubueris, obsideri corpus, totum prurire senties. Quo plus illud manu scalpseris, eo certius ulcera augebis, doloremque. Una nocte sexaginta aliquot tum recentia, tum inveterata toto in corpore me numerasse, memini. Dum Barbarorum contubernia detegendi studio iter per sylvas in tertiam hebdomadem a nobis productum sæpius, non tigrides, non serpentes, non fauni (seu, ut ab Hispanis vocantur diablos del monte, & a Quaraniis Carugà) nobis curæ erant, noxiæ bestiolæ, quæ tum volando, tum rependo insidiantur obviis, sollicitudines nostras quotidie exacerunt. Conquerebamur identidem nobis non satis oculorum esse ad insecta decimanda, neque satis digitorum ad eadem propulsanda. Noctes abstergendo sudori, reficiendo corpori post diurnam defatigationem necessariæ evellendis, quæ interdum collegimus, Garrapatis, novisque repellendis vix suffecere. Hispani dum herbæ Paraquariensi parandæ in sylvis dant operam, ramorum ex arbore Caa fascibus onusti, & Garrapatis referti ad suum quotidie redeunt tugurium. Deposito ramorum onere una omnes ad propinquum lacum, vel amnem abiuri se se fessinant. Mox, ut quisque nudus, alter alteri se inspiciendum offert, alter ex altero inhærentes cuti Garrapatas excerpit. Ni quotidiana hac sui cura uterentur, sanie, ulceribusque paucos intra dies perirent.

Cervi, damæ, simii, urfi formicarii, canes, & quidquid demum ferarum seu campus, seu sylva educat, ut pilis, sic Garraptis horrent semper. Allata mihi ab Indo paucorum dierum damula, hanc cum admoto capite incautius contrectarem, Garrapata ex illa ad me transfiliens recta in auricam irrepsit meam, cui rostro & cruribus tenaciter adeo affixa hæserat, ut non nisi filo ferreo unci in formam inflexo potuerit avelli. Ad avertendum hoc insecti genus vel ad curandos illius morsus haud scio equidem Americanis remedium suppetere. Ungues a scabendo vulnere abstinere, id enimvero tutissimum. Varro de re rustica L. 2. cap. 9. contra ricinos adfert remedium. *Quidam nucibus Gracis (amygdala intelligit) in aqua uritis perungunt catulorum aures, quod ricini soleant (si hoc unguine non sis usus) eas exulcerare.* Garrapatz minores majoribus multo intolerabiliores.

Formicarum tum repentium, tum volucrium ut plurimæ sunt species, sic incredibilis per Paraquariam omnem multitudo. Strictim memorabo præcipua, mihiq; magis comperta. Formicæ ab Abiponibus Oëhega, a Quaraniis tahi nuncupantur, quamvis earum species singulas singulari quoque vocabulo distinguant. Formiculæ omnium minutissimæ, rubri coloris omnium sunt pessimæ, mordacissimæque. Ut magnes ferrum, sic illæ saccharum, mel, & quidquid dulce, appetunt, diripiuntque. Rerum ejusmodi penum adversus istas tueri ut queas, astu opus est, ac sæpe ingenio. Ex dulcium esu bilem augent suam, & veneno exquisito pollent. Cuti, ut primum insident, ictu acerbissimo pustulam imprimunt in plures dies cum dolore duraturam. Ex cucurbita, quæ herbæ Paraquariensis cum saccharo mixtæ poculum mihi erat quotidie, frigidam imprudens hau-

hausi, & cum illa formiculas innumeras cucurbitæ fundo inhærentes. Superi boni! quanto cruciatu is haustus, quanto periculo mihi stetit! Tot periculis terra, marique defunctus nunquam morti me videram propiorem. Guttur totum tumefactis tonsillis subito exulceratum, inflammatum, tantisque constrictum angustis, micam, guttulamve transmittere per biduum ægerrime ut possem. Adhæc reciprocandi spiritus difficultas maxima, nulla fandi, nulla somni copia fuit. Ipso assumptæ in Cælum Deiparæ festo ab altari mihi abstinendum. Plurima nequidquam tentavi, dum denique aqua cum hordeo cocta, melli sylvestri, acetoque admixta fauces identidem perluissem, collumque adipe Gallinacea unxissem aliquoties, gutturis tumor, ardorque evanuit, unaque, in quo versabar, periculum minime imaginarium. Ex iis vero, quas omnino deglutiveram, formiculis tanta pulmonum titillatio, tussisque exorta est, ut asthmaticorum instar nil prorsus somni, nisi sedens, caperem. Noctes sæpe integras tussiendo contrivi. Sulphur carbonibus candentibus injectum, haustusque ore sulphuris vapor unicum mihi levamen fuit; Ope hujus phlegmate ejecto tussis aliquamdiu sedabatur. Exeunte demum Septembri iter equo ingressus, postquam sub dio pernoctavi aliquoties, auræ liberioris beneficio convalui, & nocturna illa tussitatio penitus conquievit. Ut formicularum rubentium virus discas, ut ex periculo non prius inspecto bibere quidquam, caveas, hæc mea fata tibi significanda putavi.

Minimis his formicas, quas quidem videre mihi licuit, maximas subjungo. A Quaraniis Jzau vocantur, non humanis corporibus, sed ædificiis, quæ subruunt, formidandæ. Sub templis, sub domibus



quibusvis immmani labore cuniculos agunt; Per sinuosos mæandros terram altissime cavant, glebamque effossam, ut corpore, viribusque valent, foras evehunt. Alis subinde succrescentibus, quoties nimbos densiores præsentiant, quaquaversus turmatim avolant, sed eadem, qua Icarus olim, infelicitate, hoc tamen discrimine, quod hic in mare, illæ madefactis pluvia alis in terram decidant, pereantque. Tolluntur in altum, ut lapsu ruant graviore. Illa porro terræ spiramina, per quæ commeari prius formicæ consueverant, præcipientem ex imbre aquam admittunt; Hac formicarum specus inundantur, terra ædibus substans exeditur, pilæ lignæ, quæis murus, tectum, trabesque sustentantur, labant primum, & nisi eas æctutum fulcias, cum domo procumbunt denique. Non rarum hoc Paraquariensibus spectaculum. Totus collis, cui S. Joachimi oppidum incubuit, formicarum seminariis, tumultisque horrebat, & subterraneis cuniculis undique suffodiebatur. Domus nostra, templumque illi adjacens multum molestiæ, tantundem periculi habuit propterea. Altare princeps in plures sæpe dies nulli ad sacrificandum erat ului; Cælo enim pluvio latentes formicæ ex antris suis longo agmine advolabant, & cum volatum diuturnum non ferant, in sacerdotem, aram, sacram suppellectilem decidere, conspurcaruntque omnia. Obstructis diligenter, per quas especubus suis eruperant, decem portis, poltridie viginti alias sibi aperuere. Vespere quodam sævissima tempestas oborta. Horrendis ignibus micabat Cælum, tonitribusque remugiit. Nimbis strepitans auxit terrorem, domusque nostræ aream declivem in lacum videbatur convertisse, cum ipse murus aquarum cursui obstitet. Socius meus in meum se recepit cubiculum. Adest interea Indus ædituus. Solum in templo dehiscere,

pa-

parietem findi, inclinarique, trepide nunciat. Arrepta lampade accurro. Vix extra cubiculi limen egressus terræ hiatum, conspicio. Nil tamen periculi mihi suspicans in ipso aræ principis loco terra ad magnam altitudinem desidente humerotenus demergor subito, sed eadem celeritate, cum ædituus manum mihi porrexerit, ex illa voragine eluctor. Sub aræ enim maxima metropolim condidisse suam formicæ videbantur. Caverna illa multos cubitos alta longe, lateque excurrit, ut cellæ vinariæ speciem referret. Toties multo Indorum labore congesta terra ad illam implendam, toties a formicis denuo effossa est. In illa omnium trepidatione Indi, quotquot poterant, accersiti, qui dehiscens templi parietem tignis, Trabibus, tubicinibusque suffulcirent. Et vero, ut sunt Quarani egregia in Deum pietate, ac insigni in Patres suos obervantia, strenuam per multas horas navarunt templo operam, hinc sudore, illinc imbre continuo perfusi. Verum pro discriminis magnitudine in quantiscunque industriis acquiesci prudenter haud potuit. Hinc eadem nocte, socii admonitu, meo me e cubiculo migrare oportebat, quod iisdem trabibus, ac tignis ita cum templo erat conjunctum, ut hoc ruente illius ruina vitari neutiquam posset. In insulis Quayanz provincie finitimis rupes, montesque a formicis exesos, muros passim subrutos, incolas suis ex ædibus ejectos, legi. Facile inducor, ut hæc credam, similia his, quin & incredibilia expertus.

Quantum formicæ possint, in Paraquaria planissime didici. Imbecilles, & si cum plerisque aliis insectis conferas, exiles sunt singulæ; Verum numero, labore, ac concordia formidabiles evaserunt, seque ipsis fortiores. Minima quamvis, si multiplicata,

ta, nunquam spernenda. Ipse Oceanus e Guttulis coalescens en quam minax, quam truculentus est! vidimus per campos, maxime, quos Parana flumen aluit, formicarum tumulos pyramidi Saxeæ simillimos, ternas, pluresve ulnas altos, basi latissima, materia, quæ durite lapidem æquat, persolida; Hi domus annonariæ, hi formicarum turres sunt, e quarum culmine subitas eluviones despiciunt, ac fluitantia segnium bestiarum cadavera tutæ speculantur. Vidimus alibi immensam planitiem formicariis tumulis humilioribus ita consitam, ut spatium, ubi equus citra cespitationis periculum pedes figat, nusquam inveniat. Latissima sæpe formicarum semita in campo cernitur, Xerxis legiones illac transiisse, jurares. Tumulos illos pyramidales prius solerter Cavatos Hispani pro furno ad coquendum panem adhibent aliquando; Nonnunquam eos commolunt, ac in pulveres redigunt, qui aqua rite subacti ad pavimentandas domos egregie valent. Ejusmodi pavimenta lapidem referunt, lapidis instar durant, & pulicem, aliorumque insectorum procreationem impedire dicuntur. Sed formicarum, quas rei domesticæ inferunt, strages accipe. Longissimo, cujus finem frustra expectaveris, ac denso agmine ad saccos tritico refertos accurrunt, & continuato diebus, noctibusque (si illunes non sint) itinere modios aliquot sensim asportant. Fructiferas arbores, ni earum stipitem cauda vaccina circumplexes, ut ascensum impedias, foliis nudant omnibus. Segetes quascunque attendent, crederes falce demessas. Vinum permodicam, quod ad altaris usum vix sufficiat, cur per quadringentarum leucarum spatium chilensi e regno in Paraquariam advehendum? Formicæ innumerabiles vites, vineasque, cæterum latissimas, depascunt. Hispani certe nec vino insensi, neque vinearum cultu-

turam pertasi sunt. Primo Americæ aditu colendis vitibus operam addixere suam, ast nullo operæ pretio in Paraquaria. Cum annuos conatus formicarum voracitate deludi viderent, tantusque sudor vineis impensus ne una quidem vini guttula pensaretur, omnem subinde de vitibus curam abjecere, eadem, qua anates, potione contenti, nisi illis crematum e saccharaceis cannis, vel vini aliquid chilensi e provincia allatum obtingat aliquando. Extra Cordubam, Riojam, & Catamarcam Tucumaniz colonias vix tantum racemorum suppetit, vinum confieri ut queat, quod pro sacrificio diebus etiam maxima religione celebribus sæpe desideratur in locis, ab urbe Boni aeris, & Tucumauia remotioribus. Plus aquæ lustralis Europæorum frontibus, quam vini Paraquariensium Gutturi aspergi, extra dubium est. Vini penuriam potu ex tritico turcico, vel fructibus parato Hispanorum vulgus interdum supplet. Si quando formicas assiduitate quotidiana e vineis exterminari contingat, Columbarum Sylvestrium, Vesparumque immensa agmina enascentes forte uvas consumunt. Cæterum ut vineis, sic hortis exitiales esse solent formicæ varii generis. Quid quid oleris, aut leguminis severis, ad radicem usque depascuntur. Plantam teneram hodie terræ mandas, cras incassum quæres. Piperi tamen, quia acrioris saporis, parcunt. Carnem seu crudam, seu assam, si in cubiculo relinquis, mox formicarum gregibus nigrescentem invenies. Quidquid quisquiliarum est, mandunt, ipsa scarabeorum, bufonum, anguium cadavera. Aviculam caveæ inclusam, cui caro pro pabulo fuit, a formicis devorata ad cubiculum rediens invenit. Neque dormientium corporibus abstinent. Te noctu in utramque aurem dormitante, nocte concubia, jam ex pariete, jam ex pavimento prodibit

formicarum exercitus, in lectum eluctabitur, teque, ni fugias ocynus, omni ex parte compunget. Experto mihi tuto credas. Id Quaraniorum in coloniis perfrequens. Hinc ardens tota nocte candela. Nam papyri folia accensa, formicarumque adventantium agmini injecta unicuique ad eas arcendas remedium putantur. Lusitani recepto dudum adagio formicas Brasiliæ reginas dictitant. Nos easdem Paraquariæ dominas sumus experti, Nicolao illo, quem Paraquariensium Regem finxerunt, utique potentiores. Plus negotii fore dixero in his, quam in barbaris omnibus sub jugum mittendis. Quidquid enim industriarum, astutiarumque excogitatum adhuc, ad illas fugandas tantisper, non ad eliminandas valuit. Conductis hunc in finem ingenti sumptu operis disturbatæ formicarum cavernæ jam injecto igne, jam egestis earum ovulis; Postridie novæ detectæ alibi eodem in horto. Fimo suillo, Calce, lotio, vel origano earum antris immisso recedunt equidem, sed in propinquo novas sibi fodiunt specus. Sulphur cæteris remediis præferendum. Illius usum, quem a lusitanis docti sumus, jam accipe. Latibulum formicarum, quas in horto, vel agro sentis tuo, præcipuum explora, Foramini majori, per quod terram subeunt, acerram cum accensis carbonibus immitte; folle admoto flammam excita, fumumque ingesto sulphure. Foramina cætera, unde fumum exire notaveris, limo recenti obstrue diligenter, fumo sulphureo exitus porro ne pateat. Tum quidquid sulphuris in promptu est, folliis ope inflamma, & fumo specum totam permeante fornicas, quotquot illic latuerint, universas suffocari oportebit. Feliciter id a pluribus peractum in Paraquaria. Sed quid? si in illis solitudinibus desit sulphur? si desit patientia? Deerunt uvæ, arborum, camporumque fru-

fruges. Vastabunt omnia formicæ quascunque cultorum industrias elusuræ, solo sulphuris fumo intereptione delendæ.

Plinius libro II. Capite 31. refert: In quibusdam Indiarum orientalium tractibus grassari formicas magnitudine lupis Ægyptiis, colore felibus similes, sed cornutas. Tales, tantasque nunquam vidit Paraquaria, fateor, quid si in historicorum fabulantium cerebro duntaxat natas, nusquam gentium visas? Haud equidem is sum, qui ausum in Plinii verba jurare, quippe cui familiare monstrosas magnitudines, parvitates, virtutes, formas rebus peregrinis affingere. Sed quamvis minutiora sint formicarum Paraquariensium corpuscula, viribus tamen, armisque abundant ad humanos artus laniandos, lacerandosque. Opportune mihi in mentem venit, quod Svetonius de Nerone ob flagitia nocturnis terroribus exagitato scripsit Numero 46. *Nūquam antea, ait, Somniare solitus, occisa demum matre vidis per quietem, navem sibi regenti extortum gubernaculum: Trabique se ab Octavia uxore in arctissimas tenebras, Et modo pennatarum formicarum multitudine oppleri: Modo &c.* Haud abs re cum stygios tortores formicas somniavit Nero diu noctuque infestas, semperque intolerabiles. Quod Nero somniaverat, in Paraquaria cheu tot annos experti sumus. Nam seu domi, seu ruri agentes, a formicis identidem affilientibus pertinacissime vexabamur, maxime si irritentur. Ut enim nōrunt aliena invadere, sic se, suaque solent strenue tueri. Arbor quædam ab Hispanis formicaria appellatur, ab Indis Chiquitis Auci n' occepez. Lignum illius molliissimum a formicis omni ex parte cribri instar pertrebratum, ac habitatum. Cave, hanc arborem vel eminus digito contingas. Nam infinitæ formicarum



cohortes veluti classico audito, qua data porta, ruent ad te miseris modis dilacerandum, nullam cutis tuæ partem relinquent intactam, adeo illarum multitudine, quod Nero somniaverat, opprimeris.

Verum injurius sum formicis, si, postquam earum noxas minutius, quam cogitaveram, exposui, beneficia, quæ præstant, reticerem. Aliquæ majoris molis in posteriore corporis parte globulum gestant pinguedine candidissima refertum, quam e multis collectam, & igne eliquatam butyri instar & Hispani & Indi cum voluptate edunt. Vidi sæpe, aut nunquam has cupedias invidi, nunquam appetii. Formicæ aliæ minuscule in arbutis, quæ fructus quabyrâ mihi fragrantissimus commendat, ceram deponunt natura candidissimam. Constat ex micis minutis, quæ colliguntur, & liquefactæ candelis, quæ aræ servant, parandis adhibentur. Cera hæc accensa odorem exhalat quovis thure suaviores; quia vero mollior, cito liquefit, & quamvis quavis alia cera duplo pretiosior, præ quavis alia citius consumitur. Non desunt formicæ, quæ resinæ fragrantis particulas ad sua receptacula convehunt, thuris loco servituras. In quibusdam Asiæ tractibus aurî micæ ex auriferis montibus a formicis colliguntur; Incolæ aurum rapturi illarum specus, thesauri scilicet arcas, invadunt sole plurimum æstuante. Verum formicis opes suas acriter defendentibus vacuis sæpe manibus recedunt, atque adeo pedibus ad maturandam fugam magis expeditis. Quædam formicarum species urforum esca est, qui propterea urfi formicarii appellantur, & ab hujatibus omnino differunt. Verum de his plura alibi. Dudum mihi in mentem venerat optare, ut, qui in Europa philomelis, alaudisque pabulum suppeditant, in Americam navigarent,

rent, ovulis formicarum naves maximas oneraturi. Ingenti certe cum quæstu redirent, simul illis provinciis Americæ optime consultum irent.

Bufonum quoque prægrandium (Quaraniis Cururî, Abiponibus Hiymeya, Hispanis Zapo) incredibilis est frequentia desertis maxime in locis, vel recens habitatis. In oppido conceptionis ad fluminis falsi ripas ex amne Narahagem a nobis translato, sub vesperum plateæ omnes a confertissimis bufonibus adeo erant obsessæ, ac lubricæ, ut non solum, sed glaciem ambulando calcare nobis videremur. Sacellum, nostra tuguria, verbo, omnia complebant. Ex tecto in pavementum, in lectum, in mensam decidere non raro. Per parietem reptare nôrunt, & muscarum ritu ascendere, descendereque. Cum focus culinaris non editiore in loco, sed humi, alatur, in ollas, ac lebetes quandoque irrepunt bufones. Ex vasculo æneo aquam ferventem in subjectam cucurbitam, quæ phialæ vices agit in Paraquaria, effundere. cæpi, mox cum herba Paraquarica, & saccharo commiscendam. Aqua modica, & attriti coloris fluebat. Inspecto vasculo bufonem cum aqua coctum attonitus deprehendi, qui aquam tetro colore imbuît, & ex illa tantum intumuit, ut os vasculi angustius clausisset omnino. In colonia Rosarii ad stagni majoris ripas a me condita eadem bufonum colluvies. Sacra ædicula, dum rem divinam facturus accesseram, bufonibus innumeris horrebat quotidie, & licet plurimi mactarentur horis singulis per biennium, eorum numerus non minui, quin augeri indies videbatur. Bufones alii, quos Hispani escuerzos vocant, Europæis altero tanto majores præter molestiam etiam periculum afferunt se offendentibus.

Vin.

quotidie piscabar. Aliquando, dum otium fuit, aquam per linteum transmissi. Abiponibus, quæ natæ, lavari, ludere in stagnis quotidianum negotium, hirudines undique adhærescunt; Alter alterius manu, ut primum ex aquis emergunt, perpurgetur. Id mirum, nemini unquam has bestias per quoscumque demum meatus in corpus irrepsisse. In oppido Rosarii post nimbum procellosum plateæ omnes hirudinibus refertæ videbantur. Quod spectaculum, quia nunquam alias nobis visum, admirationi omnibus, ac risui fuit. Abipones tamen, qui nudis semper incedunt pedibus, acerrime sunt conquesti, quod sibi, quoquo euntibus, hirudines mordaces tenaciter se affixerint. Verum exigui hic cruciatus temporis fuit. Nam post horæ unius intervallum molesti hospites ad unum omnes disparuere. Ad vicinum stagnum eos properasse, verisimillimum.

Vespertilioes, quos Quaranii Mhopi, Abipones Cahit appellant, prægrandes in rupium antris latent, perunulti in campis, domibusque vagantur & incolis, & bestiis formidabiles. Ut Maffeus noster de rebus Indicis refert libro 2. folio mihi 35. in Cananore vespertilioes visuntur dentibus, & rostro vulpinis, milvii magnitudine, & exquisitioribus epulis accensentur. Quemadmodum vespertilioes in Cananore hominibus cibum, sic in Paraquaria homines potum præbent vespertilionibus. Hi equidem se cubiculis clanculum insinuant, & si quos bene sopitos, ac male tectos nanciscantur, jam ex eorum pedibus, jam e brachiis sanguinem exugunt, sed titillatione tam savi, ut mulcere potius dormientes, quam mordere videantur. Vulnus enim, quod dentibus inferunt, alarum agitatione refrigerant. Expergefacti ex sanguine stragulis asperso vespertilionis

sq.

factum præcessisse intelligunt denique. Vultus soli
enti inflictum ut dolore, sic periculo plerumque va-
cuum est, nisi a muscis humida captantibus occupa-
tur. Vel hoc nomine vespertilionum morsus equis,
mulisque fere sunt periculosiores, cum enim eorum
tergus faucium affilientibus identidem muscis pateat,
vermibus ex illarum seminio enatis, &, quod ex his
consequitur, profundo ulcere conficiuntur sæpe. Ad
hæc vitanda recenti vespertilionum morsui calentes
cineres actutum insperguntur.

Murium, gliriumque (quos Quaranius Anguâ,
Abipon Patagnik vocat) non seminarium modo,
sed & campum elysium esse Paraquariam verissime
quis dixerit. Ex quotidiana tot bouum occisione tot
carnis rejectanea ubique suppetunt, ut, si glires
hujates ægre, quod rodant, inveniunt, istic epulas
diu, noctuque in promptu habeant, quibus illos
ali, & supra, quam credi possit, augeri, necesse
est. In urbe Boni aeris sole occumbente glires sciur-
tis nostratibus majores e priscis parietibus in aream
turmatim prodire quotidie vidimus attoniti; Quingen-
tis plures uno sæpe in agmine cum sociis ipse nu-
meravi. Cordubæ Tucumanorum bos pelle, visce-
ribusque exutus, cætera integer e trabe pendebat in
scriniariorum officina. Hanc ingressi mane fratres
Laici bovem, quantus erat, gliribus nigrescere emi-
pus conspiciunt, quantumque carnis illa nocte con-
sumperint, observaturi propius accedunt. Dilapsis
metu innumeris, dum manu carnem contrectant, in-
tra illam tot dentibus cavatam tricenoglires, ceu in
cuniculo latitantes deprehendunt. Quo audito tanta
me incessit carnis a gliribus erosæ nausea, ut biduum
vomitus metu triclinio abstinere, pane contentus.
Quod caro dein loco magis idoneo, mundiusque

servaretur, is abſtinentiæ meæ fructus exſtitit non
 poenitendus. Innumerabilis glirium exercitus ex
 Auſtralibus Boni aeris campis conferto ordine adven-
 tans Tucumaniz agros, horrea, domicilia imple-
 vit, vaſtavitque omnia non raro. Amnes ſibi ob-
 ſtantes citra trepidationem nando ſuperarunt. Im-
 menſam camporum planitiem, per quam illis iter,
 veluti plauſtris tritam, compreſſamque reliquere. Pa-
 raquarienſes ruricolæ glirium multitudine terri-
 ctis tuguriis, omni ex parte patentibus, fugam
 malunt, quam arma capere. Adeo quantumvis im-
 bellis; quantumvis imbecillis turba numero ſuo ſæ-
 pe evadit formidabilis. Neque putes, velim, glires
 Paraquarienſes bubulæ ſolum carni inhiare; Humi-
 nam quoque appetunt, videnturque anthropophago-
 rum de genere. Nam in utramque aurem dormien-
 tes mordent non raro, & vero dente hæud pigro.
 ſociorum novi aliquem, cui meridianti glis inſidiatus
 iterum, iterumque digitum momorderat. Manum
 ſanguine manantem iſtius ipſe ſpectavi. Nihil præ-
 terea ſcrutorum, aut quiſquiliarum eſt, quod non
 corrodat, clepantque, ac ſua condant in peni-
 vel nido ſerviturum, vel cibo. Sericeas ligulas e
 libro precum horariarum ſacerdotilium ſuffurati eas
 parandis ſuorum incunabulis impendere. Strophia,
 vittas, tibialia, lineam, lancæve cujuſcunque uſus
 ſupelleſtilem auferunt, ſuumque transferunt in lati-
 bulum, pro culcitra, ac ſtragulis ſibi ſubſternendam.
 Moleſti hi furunculi non damnum modo domeſticis,
 ſed & incendiî periculum domibus minantur quoti-
 die. Nam candelas e ſevo ardentes noctu aſporta-
 re audent faucibus, & ad ſpecum ſuum properantes
 Hiſpanorum ruricularum mapalia accendunt ſæpe.
 Multum mihi propterea negotium facieſſivere in no-
 va Roſarii colonia. Non uno nomine lux nocte
 alien-

alenda fuit. Sevo deficiente, oleo ex boum pedibus excocto utebar hunc in finem. Laminam cum ellychnio ardente noctibus prope singulis glires e lampade humi locatâ abripuerant, frigescens mox oleum sorbillaturi. Ad coercendam istiusmodi audaciam ellychnii Laminam catenula ænea adjecto ferri pondere lampadi adstringere dein oportuit. Contra fures jam viribus utendum, jam astu.

Frequentissima, & propemodum annua Parauariz calamitas sunt locustæ (Abiponibus Aorkaſi) visu horridæ, vastique corporis; Nam medium digitum longitudine excedunt. Infinito earum agmine propinquante terrificæ caligo ex ultimo horizonte erumpit, sol obnubitur, lux vel meridiana obscuratur, nubem atram, nimbo, turbine, fulminibus prægnantem imminere iurares. Sæpe Abipones mei correptis armis in acie constiterunt, quod eminens visæ locustæ speciem referebant pulverem, quos hostilis barbarorum equitatus effusissimo cursu advolans per viam excitare consuevit. Ubi ubi confederint locustæ, agros frugibus, arbores foliis, campum herbis, & quod inde consequitur, homines juxta ac bestias pabulo spoliant; soboles, quæ relinquant, numerosissima stragem alterum in annum continuat, miserasque auget. Adventans locustarum exercitus ne ad solum devolet, agrosque varia semente confectos depascat, tympanorum strepitu, vociferatione populi, sclopetorum fragore, ramorum per auram jactatione continua impeditur. Quo si arceri nequeant, Quaranicis in oppidis, quidquid hominum est, in illis humi colligendis, necandisque occupatur. Uno sæpe die multos modios his bestiis plenos læti vidimus, easque jam ad focum, jam ad aquam condemnauimus. Abipones malunt locustas



vorare, quam demergere, vel cremare. Hinc illæ advolantes, quotquot possunt, ex aere humum deturbant virgulis longioribus, lisdemque ceu veribus affixas lento igne afflant, vorantque eadem, qua nos perdices, vel ficedulas, aviditate, non promiscue tamen omnes, famellas siquidem solas pro esca sibi deligunt, masculis reiectis. Neque est, cur his barbaris succenseamus. Nam locusta levitici capite undecimo, versu secundo & vicesimo mundis volutibus adnumeratur. Hinc Judæis, Æthiopibus, Libyis, Parthis vel elixa, vel tosta, & in pollinem redacta, quin & sale ac fumo durata locusta pro cibo fuit, si fides habenda Diodoro siculo, l. 3. c. 3. Plinio l. 6. C. 30. & Divo Hieronymo l. 2. contra Jovinianum. Si tot populi *ἀνθρώποι* locustarum edaces exstiterent, ecurrerem dubitemus, locustam, quæ Divus Joannes Baptista in solitudine, ut sacer refert codex, vesceretur, veram locustam, non herbam quamdam sic dictam, non piscem, aut cancrum fuisse, uti quibusdam scriptoribus interpretari, opinarique visum, qui jam *ἀνθρώποι*, jam *ἀνθρώποι*, jam *ἀνθρώποι*, jam *ἀνθρώποι* legendum putarunt, cum in animum inducere suum haud possent, locustas usquam esculentas fuisse, quod ipse ego hisce oculis apud Barbaros spectavi. Infinitus sim, si cætera, quæ Paraquaria scatet, insectorum genera persequar. Ex iis, quæ memoravi, conjectura sit de aliis, quæ brevitatis studio omitto. Molestior fere minutissimorum animalium, quam tigridum, leonum, crocodilorum infectatio; Hi aut fuga eludi, aut sterni armis queunt, non item illa, at certe rarius, difficilisque. Maxime ista nocent, quia minus videntur; Formidabiliora feris grandioribus, quia numerosiora, verius dixero, quia innumerabilia. De insectis noxiis, quæ mortem, morbum, veldamnum quod-

quodcumque accersunt, hoc loco scribere mihi fuit propositum. Quantus mihi campus pateret, si insecta quoque innoxia seu gradientia, seu aquatilia vel obiter enumeranda forent. Quanta, superi boni! muscarum, vermium, apum, crabronum, fucorum, cicadarum varietas, ac frequentia! Quam multiplex cincinnelarum diversitas noctu stellarum instar passim collucentium! Aliæ bruchi magnitudine alarum jactatione, aliæ solis ex oculis lucem vibrant, quæ libro legendo sufficiat. Quædam solis natibus splendorem edunt. Vermes quidam majusculi toto corpore coruscant. Ligna, arundines, arborum folia, plantarum radices, postquam computruere, in territoriis maxime humidis adamantum, pyroporum, smaragdorum, chrysolithorum, rubinorum &c. more lucem viridem, rubram, flavam, cæruleam noctu spargunt, mirumque in modum oculos oblectant. Quotidianum hoc nobis in sylvis, Mbas vera Acaray, & Monday fluvios inter sitis, spectaculum noctu fuit. Ejusmodi reculas, quas lucere observaveram, humi collectas ad oppidum asportavi æneum, ubi tamdiu luxerant, quamdiu humidæ; Aqua affusa madefactæ splendorem recuperarunt pristinum, qui tamen aqua nil porro proficiente, desit denique. Ejusmodi phosphoros nusquam deprehendi per reliquam Paraquariam. Ut flores campum, sic papilionum innumeri rivorum, sylvarumque margines magnissima colorum varietate exornant. Verum de his, aliisque insectis & multi & accuratissimi libri prostant, ac in omnium manibus versantur. Nobis ad Abipones redeundum insecto quovis Paraquariæ nocentiores. Postquam enim plerique omnes Barbarorum populi Hispanorum jugo cervicem submisere, Abipones indomiti resecandis Hispanorum cervicibus usque occupabantur, hoc præsertim, quod agi-

CAPUT XXXV.

De militari Abiponum ingenio.

Quibus jam coloribus militare Abiponum ingenium expingam, anceps hæreo. Imagini, quam diuturna Barbarorum istorum experientia mihi impresserat, vox nulla omnium respondet, quibus latium abundat. Bellicosi, impigri, prompti ad res gerendas Sunt Abipones, id equidem nemo vel Hispanorum negaverit. Magnanimos tamen eos, impavidosque dicere, vix audeo. Nam & ipse Cicero 2. Philipp. Strenuum a forti distinguit: *ut cognosceres se, ait, si minus fortem, at tamen strenuum.* Historiam de Abiponibus scribere mihi est aninus, non panegyricum. Historici est rem nudam sine fuco proponere; Orationi permittitur ea, quæ ad commendationem non pertinent, silentio præterire, jam coloribus uti, si res poscat, jam pallio ad tegendas, quæ laudibus obstarent, labea. Ingenuus sum, dicam more meo, quod sentio. Nolle præfecto Divæ veritati, cui opellam sacravi meam, vel bilem movere, vel risum.

Bellicæ virtutis famam maximopere ambiunt Abipones. Totis ad arma animis aspirant. Hastam, arcum, omne telorum genus dexterrime vibrant. Equo, si quisquam alius, volare nōrunt. Belli asperitates, Cœli injurias, inodiam, itinerum molestias nemo tolerat constantius. Metuenda nautis, navi-

busque flumina nando trajiciunt intrepidi. Vulnera sua, ceu aliena, sine gemitu spectant lacerati. Omnia hæc norunt, quæ universi per Europam bellatores suspiciant, paucissimi imitentur. Unum id scilicet ignorant Abipones: Mortem aspernari, gloriam per pericula sibi conquirere. Martios jactant animos, sed purpuream vomere animam nimio opere timent. Strenui sunt, fortes dici nequitiam possunt; Istorum enim est, etsi fractus illabatur orbis, nil formidare, vincere, aut mori velle. Vincere quidem semper volunt Abipones; nolunt tamen mori. Dicia devovebunt victoriam vel unius suorum vita emptam. Respuunt epinicia, quæ lessus misceri debeat. Triumphum recusant, quem vel unius viduæ, orphanive lugentis suspiria committuntur. *Pro patria sit dulces mori licet, æque decorum.* Vivere pro patria dulcius esse putant cum Ovæno poëta. Americani hi bellatores perperam se se Martis progeniem jactant, quippe quibus adeo insolens mortis timor. Næ! ego illorum nomina heroum alio nunquam adscripserim, Plutarchus in Persæo Macedonum Rege *φιλοψυχίας* nimium vitæ amorem acriter reprehendit, morbumque minime Regium appellat; Decet equidem magnos viros magno animo mortem contemnere. Fateor tamen ingentium nobis vitæ servandæ studium haud culpari a sapientibus, dummodo nimio ejus amore cæcati nil turpius faciamus, patiamurve. Vitam spernat, qui vitæ pretium ignorat, vel vitæ uti nescierit. Tanti porro vita est, ut Tullius Cicero formicam pulcherrimæ urbi præferendam existimaverit, quod in urbe sensus sit nullus, in formica non modo sensus, sed etiam mens, ratio, memoria. Eadem ratione ductus Augustinus libro de a. anim. in Manichæos musicam quamlibet sole ipso præstantiorem affirmavit.

Et

Et Salomon Eccles. 9. v. 4: *Melior est canis vivus Leone mortuo*, edixit. Cum igitur maximi facere vitam suam quemque oporteat, excusandus videbatur historicis Pheres, qui pro filio suo Admeto Thessaliae Rege mori recusaverat, illud forte Euripidis cum animo suo identidem reputans: *Longum apud inferos tenuis est. Hac autem vita brevis est quidem, sed dulcis. Neque duabus animabus, sed una vivimus. Chæra lux hæc Dei, Chæra!*

Ad vitam temere prodigendam præcipites nemo sane Abipones dixerit. Divam præ quovis Numine securitatem, præliorum arbitram, adorant, quam nisi certe sibi propitiam nõrint, nunquam in arenam descendent. Martis aleam ancipitem, dum possunt, refugiant. Semper minantur aliis, semper timent sibi. Nihil admodum fortunæ tribuunt. Hinc antequam expeditionem bellicam susceperint, loci naturam, hostium numerum, temporis rationem anxii de sua incolumitate iterum, iterumque circumspiciunt. Periculum quodvis, quin & periculi suspicio hastam illorum e manibus excutiet, ac quantumvis furorem protinus restinguet. Agis spartanorum Rex, ut Plutarchus in apophtegmatibus laconicis memorat, magnifice se jactabat: Milites suos Lacedæmonios bello fervente haud quærere, quotnam hostes, & quam fortes habeant, sed, ubi sint, rogare solitos, ut illos cominus invadere queant, & profigere. Nunquam tam cæco impetu in pugnas feruntur Abipones. Festinant lente, quia suspecta illis omnia. Neque classica canunt, nisi rebus omnibus diligenter exploratis. De securitate sua facti certiores fulminis more irruunt, jam Hannibalem callidum, jam Fabium cunctatorem imitantes. Nõrunt audaces a fortuna juvari quidem aliquando,



CAPUT XXXVI.

De Abiporum armis.

Nemo unus istorum claro apud suos nomine, ni-
béllica virtute emineat. Hinc arma idonea, nitida,
& dum res polcat, expedita ut sint, singulorum cu-
ra. Ad se se defendendos, offendendosque hostes
arcu utuntur cumprimis, & hasta. Lignum illis
nascitur patrio in solo, nusquam alibi per Paragua-
riam visum, purpurei, dum recens est, coloris.
Neserge dicitur, & Chalybem duritie æquat. Arbo-
rem illam findunt, frustumque oblongum inde ex-
sectum cultro, vel si is desit, acuto lapide teres effi-
ciunt. Crederes, torno a fabre elaboratum. Re-
ctum porro ut evadat, ad ignem identidem cale-
factum duos inter stipites hac illac contorquetur.
Hac methodo Abiporum hastæ confiunt, Sarissis
Macedonicis vix minores. Nam quinas, senasve
ulnas longitudine excedunt, utrinque in cuspidem
desinentes eo fine, ut, si una hebescat extremitas
hastæ, altera ad ictum supersit, utque etiam humo,
dum in campo pernoctant, insigi possit. Quon-
dam, dum illis peregrinum ferri nomen, ligneis
pugnant hastis, interdum cervi cornu mucronis
loco illis præfixere, Fennos, priscum Germaniæ po-
pulum, aliquomodo imitati, de quibus Tacitus:
*Fennis sola in sagittis spes, quas, inopia ferri offibus aspe-
rant.* Verum postquam ab Hispanis jam vi, jam præ-

pretio mucrones ferreos obtinere Abipones, eos hastis dexterrime inferunt, ac in illorum, a quibus acceperant, eadem abutuntur. Hastas ferro instructas illi Catlaan; Hispani Lanzas appellant. Jam jam præliaturi mucronem sebo perungunt, ut altius, promptiusque corpori immergatur. Ad quatuor palmos hostili sanguine spumantes lanceas vidimus aliquando; Tanto eas nisu barbarorum coloniam nostram invadentium lateribus impegerunt Abipones. Istorum tentoria, tuguriaque cum fere humiliora sint, ad eorum limen lanceas defigunt suas, ut, quoties res ferat, sint in promptu. Quot lanceas videris, totidem bellatores noveris istic habitare. Ut Europæi interdum duces ad tegendam eopiarum suarum paucitatem, supplendamque bellicæ suppellectilis penuriam tormenta e ligno ficta, pictaque in aggeribus collocarunt, quorum scilicet conspectu hostis numerosior terreretur; sic nos eodem militari astu usi hastas ex arundine, ex ligno obvio obiter paratas per Abiponum absentium ædes defiximus, quibus eminus conspectis hostium præcursores delusi oppidum præsidiariis abundare suis nunciaverant, cum ex hastarum numero numerum virorum arguissent. Bellica hæc fraus barbaris ad assultum jam jam accinctis terrori, nobis saluti fuit non raro. Adeo ut Europæis in castris, sic Americanorum in tuguriis frequentius, feliciusque ingenio, quam manibus pugnatur. Pergama, quæ viribus non poterant, Græcorum dolo capta. Illud quoque laudi tribuendum Abiponibus, quod non modo in armis suis concinnandis mirifice solertes, sed & in iis ornandis, purgandis, poliendisque quotidiani, ac prope nimii sint. Hastarum mucrones adeo splendescunt semper, ut argenteos eos diceres. Pudit me sæpe Hispanorum, dum illos armis vilissimis, squalidis, inep.



ineptis instructos coram Abiponibus deprehendi, a quibus jam eorum paupertas, jam segnitie explodabatur. Arundinem, sudem rudissimam, stipitem nodosum, arboris ramum, lignum obvium undique tortuosum pro hasta plerique adhibent, pro illius mucione gladii, cultrive fracti particulam loro circumligant. Opulentioribus duntaxat ignivomæ sunt fistulæ, ast plerumque vitiosæ, ac ad terrendos, quam necandos hostes utiliores. Ad hæc perpaucos invenias, qui sclopetis uti feliciter nōrint. Verum adverte, me hæcenus de agricolis Hispanis, qui contra Barbaros militare jubentur, differuisse. Legionarios enim milites extra urbes Boni aeris, & Montevideo in amplissima Paraquaria nusquam videris.

Arcus sagittarii ex eadem arbore Netergè, uti hastæ, conficiuntur, justamque viri staturam æquare solent longitudine. Nervo enim relaxato, baculi instar rectissimi sunt, nullamque, quam Turcorum, Tartarorumque arcus habent, curvitatem præseferunt. Nervus, seu chorda arcus ex vulpis visceribus plerumque, aliquando ex filis, quæ palma quædam suppeditat, fortissimis textitur. Tela ejaculatori, ut arcus chordam validissime intendere queant citra manus dolorem, eam lignea, ut ita dicam, chirotheca præmuniunt. Pharetra e junco contexta laneo varii coloris filo ornatur. Sagittæ ulnam unam, & palmum longæ constant arundine, cui mucro vel ex osse, vel ligno durissimo, vel ferro præfigitur. Mucrones lignei præ ferreis terribiliores, ossei vero (ex vulpis tibia parantur) longe formidabilissimi; Dum enim evelluntur, vitri instar fere franguntur, paræque corpori inhærens tumorem generat, ulcusque acerbissimum, quod saucio nullam relinquit quietis partem. Lignum quodvis nativo quodam veneni genere imbu-

imbutum præ ferro plus adfert doloris, tumorisque. Expertus id scribo. Lignea ejusmodi sagitta, qua brachium meum a Barbaris Natakēbitis transverberatum, manus vulneratæ sudorem, veneni alias indicem, copiosum per horas aliquot induxit. Abipones vulnere meo, veluti suo, indolentes, quod telo ligneo, non osseo sim læsus, mihi pleno ore gratulabantur. Et vero sauciorum, quorum vulnera toties curavi, assidua tractatione sagittarum discrimen planissime didici. Ferreæ, utcumque sint, reliquis benigniores, innocentioresque vulgo putantur. Nullo unquam veneno suas inficiunt sagittas Abipones, quod apud complures Americæ populos usu receptum. Jam alias dixi, Chiquitos, bellicosam Paraquariæ nationem, formidari a finitimis Barbaris vel eo nomine, quod, si illorum sagitta extimam cuticulam feriat, sanguinisque guttulam eliciat, diffuso mox per omnes artus tumore paucas post horas sauciato moriendum sit nulla vulneris medicina, vitæque spe relicta. Venenum tam atrox, quod sagittæ mucroni illinunt, ex ignotæ nobis arboris cortice soli Chiquiti conflare norunt, reservato sibi ad hunc diem crudeli mysterio. Non fuisse unum aliquem, hoc qui arcanum artificium ex illis seu extorqueret, seu eblandiretur, sæpe mirabar. Etiam dum venantur, telis eodem veneno tinctis feras quasunque necant, & resecta solum, quæ vulnerata est, corporis parte impune comedunt, quemadmodum & Indi Quaranii bobus, vitulisque lethifero serpentum morfu extinctis citra noxam, ac formidinem Vesce consuevere, sola, illa, quæ serpentis dente violata est, particula rejecta. Barbari quoque fluminis Urinoco accolæ præsentissimum virus a se paratum sagittis adspargunt suis, ut Pater Josephus Gumilla, prolixè refert in sua historia, Apud Par-

hos,

stat. Sic Ovidius l. 3. trist. elegia 10. Canit de Getis: *Pars cadit hamatis misere confixa sagittis; Nam volucris ferro tinctile virus inest.* Horatius item: *Veneratis gravidam sagittis pharetram dicit.* Quibus ex rebus toxicum confecerint, Baricellus ex Langio, Plinio, & Aristotele nos docuit. Verum religione tantus pestilens artificium, ne quis eo abuteretur, reticendum putavi.

Plumæ, quæ sagittarum promovent volatum, ex alis corvorum sumuntur, quos venaturi dum excurrunt Abipones, bellum præ foribus esse; intelleximus; Ad hoc enim sagittas fabricando se præparant. Plumæ singulæ arundinis extremitati fibra fili tenuissimi utrinque alligantur. Vilelas, seu, ut ab Abiponibus vocantur, Raëgranraik insignes Paragariz sagittarios nemo non suspicit. Isti plumas non filo, sed glutine, quod ex vesica piscis Vagre parant, scitissime affigunt, mucronem vero levissime inferunt arundini, qua industria periculosissimæ evadunt illorum sagittæ; Nam dum arundo ex vulnerati carne evellitur, mucro solus carni remanet infixus. Quaranii minus superstitiosi jam psittacorum, jam aliarum avium plumas applicant sagittis. Dum ad propositam metam quadringentis plures eodem temporis puncto eas ejaculantur, hincumque delapsas, vel tabulæ infixas mox colligunt, ex plumarum colore suam quisque cognoscit. Quævis denique natio in arcubus, telisque formandis methodum observat propriam. Breviores sagittæ longioribus sunt periculosiores; Cum enim in velitatione difficilius videantur, difficilius vitantur. Longioribus ea videtur esse prærogativa, quod vi majore, & ad scopum multo remotiorem pertingant. Abipones in sagittis vibrandis esse ver-

fatif-

fatissimos uti certum, ita neutiquam mirum est; Nam a pueris arcui assuecunt, & adhuc dum infantes volantem aviculam sternere norunt. Ludicro in certamine, proposito victoribus singulis præmio, pomum citrinum longissime distans meta fuit. Pro tanto sagittariorum numero sane paucissimi aberrarunt, stupentibus, qui spectatores aderant, tantam peritiam Hispanis. Etiam Quararios inter ejusdem artis scientissimos invenias. Carolus Morphy Regius Paraquariæ Gubernator. Hybernus origine, Lutetiæ Parisiorum omni scientiarum, artiumque liberalium genere liberaliter imbutus, apud Hispanos militari virtute dudum conspicuus, victoriarum, quas celeberrimus Petrus Zeballos a Lusitanis reportaverat, omnium particeps, vir morum suavitatem, integritatemque eximiam ad me in S. Joachimi oppido inviserat anno 1767. quadriduum meis in ædibus commoratus. Ad fallendum a meridie tempus militari hospiti militare certamen publico in foro exhibui. Nongenti aliquot sagittarii Barbari equo infidentis simulacrum ligneum pro scopo habuere. Incredibile, quam destinato ictu plerique caput, vel pectus attigerint, longissimo quamvis multorum passuum spatio a meta distantes. Plurimi equites cursu effusissimo advolantes idem seu hasta, seu sagitta præstiterunt. Tanta admiratione, tantisque laudibus Indorum meorum dexteritatem prosecutus est Gubernator, ut jucundissimum illi spectaculum postridie iterum iterumque fuerit repetendum. Ipse victoribus singulis manu sua porrexit munuscula, quæ ego e domesticis oppidi penu suppeditaveram, scilicet cultros, forficulas, globulorum vitreorum fascies, cruculas deauratas, telam variam, & alia ejusmodi. Mihi equidem certum, exploratumque, Indos sagittarios præ quovis jaculatore sclopetario certius, feliciusque collineare. Quo-



tidiana venatione ad arcum dexterrime tractandum crudiuntur, qui illis adhucdum sylvicolis escam subministrabat. Næ! inepto sagittario, epulantibus cæteris, & sæpe, & multum foret esuriendum. Fames & optimum cibi condimentum, sed & optima artium variarum magistra. Hinc Indi ut sunt voracissimi, sic & sagittarii insignes. Simios in summo Celsissimarum arborum culmine lusitantes, psittacos, & quidquid avium, vel ferarum fiebat illis obviam, toties me præsentē uno ictu stravere, quin & pisces flumini diaphano innantes.

Multa sagittarum varietas. Aliæ aliis sunt longiores, crassioresque, feris scilicet majoribus necandis destinatæ. Mucronum item multiplex forma. Alii plani, & rectæ cuspidis: Hamati alii vel uno ex latere, vel utrinque, quidam quadruplici hamorum serie aculeati. Ejusmodi sagittarum genus non ab Americanis inventum, sed Getis, aliisque per orbem antiquum populis fuisse usitatum ex versu illo Ovidii paulo ante allato liquet: *Pars cadis hamatis misere confixa sagittis*. Sagittam quomodocunque hamatam e carne nunquam extricaveris, ni illam prius utraque manu circumagas ea fere ratione, qua liquor Choccolaticus tereti lignello ad spumam exagitur. Qua quidem sagittæ circumvolutione viam aperies ad hamos e carne extrahendos, sed quanto doloris sensu! Horreo equidem meminisse. Hamo enim triplici, quo vulneratum me dixi, telum horruit. Quod si mucronis confracti vel minutissima particula carni inhæserit, chirurgicis instrumentis deficientibus, tum enimvero summa calamitas sauciatum manet. Si quando sagittæ reliquias stationem corporis carnosiorum uti femur, brachium &c. occupare viderint Abipones, vulgari cultro frustum carnis cum inhaerente par-

particula ipsi refecant; Sæviunt in se, sibi mederi dum cupiunt; Nam vulnus vulnere curant, medicina, quæ ipso morbo acerbior, utuntur. Celeberrimus Cazi-
 quius Ychoalay, cujus frequens recurret mentio, cum veterano æmulo Oaherkaikin acerrime dimicans periculose sauciatus est, sagitta ossea ossi occipitis prope cervicem impacta. Illius, dum extrahebatur, fractæ pars magna occipiti clavi instar alte infixæ remansit. Augescente in dies dolore nobis authoribus ex S. Hieronymi oppido ad urbem sanctæ fidei sexaginta leucas distantem equo profectus miser curandum se stitit Chirurgus Lusitano ex sancti Francisci familia laico. Curationi incisio præmittenda fuit, ut osseus sagittæ mucro in occipitis osse latens forcipe chirurgico apprehendi posset, ac evelli. Feliciter res omnis peracta est, quamvis non sine acerbissimo dolore. Cruentissimum laniatum non modo, quin vel gemitum ederet, aut doloris indicium, magno animo toleravit Indus, sed & chirurgum cruciatus nimii metu cunctantem, tergiversantemque identidem hortatus est: videris mihi, ajebat, timere? Nil timeas, quæso, sece, terebra, age pro arbitrio omnia confidenter. Hastis, sagittis, sclopetis vulneratus toties doloribus dudum assuevi. Extracto demum osseo mucrone vis sanguinis ingens, veluti aperto epistomio, defluxit. Spectaverat hoc serena fronte Indus, & liberatori suo gratias, quas potuit, maximas egit. In ædibus, ac conspectu Hispani nobilis hæc gesta sunt, qui Ychoalay sibi dudum amicitissimi & tolerantiam stupuit, & sanitatem incredibili cum voluptate aspexit.

Aciem ingressuri, aggressurique hostem sagittas aliquot, sibi maxime probatas, a reliquis sejungunt idui, qui majoris momenti videatur, subinde im-

pendendas. Priscarum is gentium mos quoque fuit. Ad hunc alludens Ilias dixerat : *Posuit me sicut sagittam electam : In pharetra sua abscondit me.* cap. 49. v. 2. Scilicet ut nautæ providi anchoram cæteris firmiorem sacram appellant, urgentique reservant periculo; sic bellatores Americani unam aliquam, exploratissimæ virtutis, sagittam in promptu habent, data occasione jam ad se tuendos, jam ad alium, cujus mortem cumprimis optant, trucidandum feliciter explo- dendam. Dum aves, aliasque minores feras non interimere, sed vivas capere volunt, sagittis utuntur, quibus pro cuspide globulus vel ligneus sit, vel cereus; Hoc feræ tunduntur quidem, sternunturque, haud tamen necantur. Si quando via recta telum ad designatum scopum dirigere nequeant ob qualecunque, quod medium intercedat, obstaculum, id arcuatim, ictu nempe in arcum curvato ejaculantur, uti quandoque in castrorum oppugnatione pyrotechnici jacere solent e mortariis pilas igneas. Istis profecto ad incendendas ædes neutiquam indigent Abipones. Hi enim Gossypium, aut aliud stupæ genus ardens sagittarum cuspidi affixum contra tecta lignæ, vel straminea evibrant, & quidquid voluerint, etsi longissime distans, protinus inflammant. Plura Hispanorum oppida tristi hoc artificio in cineres abire. In oppido Rosarii, quod Abiponibus condidi, ædes meas straminibus limo denso liberaliter circumvestitis tegendas curavi, quæ scilicet flammam vicinorum Barbarorum sagittis injiciendam respuerent. Speculam ligneam, e qua hostium identidem affilientium motus tempestive observari possent, eundem in finem coriis bubulis contexti. Neque is conatus spes meas delusit.

Hastam, & arcum præcipua dixi Abiponum arma, sed non sola. Nam præter hæc tres globos lapideos corio vestitos totidem loris in unum denique eoeventibus illigatos dextro circumagunt brachio, moxque istu certissimo vibrant, quorum impactu & homines & feræ vel enecantur, vel certe sic illaqueantur, movere se porro ut nequeant, hasta, cultro-ve mox contrucidandæ. Formidable hoc armorum genus (Hispani *Las bolas*; Abipones *Noahbarancas* appellant) apud Australes Magallanici territorii Barbaros locum habet præcipuum, ut superius in libro prodromo fusiùs scripsi. Hispanorum vulgus, quin & Indi, ac æthiopes promiscue omnes, quoties equo in campum excurrunt, hoc globorum lapideorum instrumento jam ex ephippiis, jam e cingulo suo pendente armati passim videntur. Et vero magno omnibus est usui. De clava lignea, quam Hispani *Mancana*, Abipones *Püele* vel *Hepiginrankas* vocant, & jam domi pro ludo, jam foris, dum bello, venatui-que dant operam, pro cædibus patrandis adhibent, capite septimo: *Cur Abipones tam vegeti, & vivaces?* uberius egi. Fundam, cujus peritia egregia in Quaraniis commendatur, nihili faciunt Abipones. Pueri duntaxat ad terrendas, sternendasque aviculas illa utuntur aliquando. Isti & arcum habent, cui pro chorda tela est tres digitos lata, ex materia cannabi simillima contexta, hæc manu intenditur, & globuli ex argilla ficti sagittæ iastar excutiuntur ad aves, feræ-ve minutiores cædendas. Tubus ille ligneus (Germanis *Blasrohr*) ex quo globuli, vel clavi filis sericis, vel lineis ad volatum juvandum instructi ore efflantur, ne de nomine quidem Abiponibus est notus; Usitatus tamen, ut audio, Indis quibusdam Peruvianis apud Moxos, ac Baures degentibus. Isti, clavis ferreis cum destituantur, spinas crassiores, succo ve-

pedites, nisi necessitate compulsi, cum illis congregiuntur. Eminus malunt, quam cominus hostem invadere, cum vitæ suæ identidem timeant, caveantque. Punctim crebrius, quam cæsim feriunt. Quamvis plurimi enses habeant seu ab Hîspanis emptos, seu bello creptos, paucissimi tamen illis in velitatione utuntur. Postquam Abiponum armamentarium inspeximus, haud pigebit, opinor, eruditos audire, quibus nominibus illi arma sua, & cætera, quæ ad rem militarem pertinent, insigniverint.

Arcus. Netelîanfê. Eodem nomine vocant sclo-
pum. Derivatum videtur a *Nese*, quod tempestatem significat.

Arcus chorda. Netelîanfê Lkacîhê.

Sagitta. Lanaihâ. Idem nomen tribuunt glandi plumbeæ, quam etiam *Lpetâ* vocant, quod granum significat.

Pulvis pyrius. Netelîanfê leenîa, quod farinam sclopi denotat.

Hasta lignea sine ferreo mucrone, quæ Dardo dicitur ab Hîspanis, Netergê, quæ vox reipsa arborem exprimit, ex qua hasta conficitur. Eadem hasta lignea etiam Lohetê ab illis appellatur.

Hasta cum ferreo mucrone. Catlaân. Hæc vox etiam mucronem ferreum solum notat.

Culter. Lataîan. *Illius cuspis,* Lapachik. *Acies illius.* Ylêîâ. *Manubrium seu capulus* Lay.



pones illi, qui olim pueri ab Hispanis bello capti, educatique fuere, quique adulti aut heri sui venia, aut fuga clam elapsi ad gentiles suos demum rediere. Præterquam enim quod ægriore in Hispanos sint animo, ac vindictæ sitientes, pro ea, quam nacti sunt, locorum, linguæque Hispanicæ peritia, impune in ipsis Hispanorum oppidis versantur, illorum amicos se se mentiuntur, quin, cum eorum lingua, amictuque uti soleant, pro Hispanis passim habentur. Hoc artificio securi vel in ipso meridie, publico in foro circumspectant omnia, omnia, quæ ad propositum facere putaverint, expiscantur; viros militares negotiorum causa absentes, vel ad iter propediem expeditos, plaustra copiosa mercibus onusta vident, quorum deducenda sint, audiunt, quæ subinde per immensas illas solitudines ab accurrentibus ad prædam barbaris facile diripiuntur, nemine aurigarum, custodumque cædem impediente; His parum armorum, minus animorum esse solet plerumque. Quantarum eladium instrumenta fuerint seu Abipones captivi ab Hispanis transfugæ, seu Hispani ab Abiponibus capti, nemo unus est, qui id ignoret.

Itinere defuncti exploratores postquam visa, compertaque rite suis nunciaverint, bellica consultatio simul, simul compotatio de more indicitur universis; Siccis equidem faucibus ad recte deliberandum haud satis sapere sibi videntur Abipones. *In vino*, ut Strabo de Persis affirmat, *de rebus gravissimis deliberant, & hæc firmiora putant, quam quæ jejuni statuerunt.* Eundem compotandi morem a cretensibus, Græcisque omnibus de belli, pacisve negotio consultantibus receptum fuisse, Iustus Lipsius testatur. Expeditionis suscipiendæ author Caziquius pocula inter sententiam promit suam, cæterorumque hac super re opiniones

Miles Hispanus. Nauachèk.

Sagittarius Nainʼanak. Sagittarius perisus Uíychàk
Imperius Patenʼaik.

Locus pugnae Nahamatʼalàtè; vel Naleatʼalàtè,
vel Kimitʼalàtè.

Pugna Sagittariorum. Noàtarek.

Pugna hastarum. Nahamatʼrek, vel Noaaraiʼanrek.

Pugna ebriorum, qui colaphis mutuis corant. Ne-
margetrek.

Bello captus. Loàk.

Timidus, fugax. Netachkaik, Natergèk. Yakalò.
Nematanʼaik.

Belli dum Nelaicyfat,

Inter necio, strages Lanamichiriñi Yoaliripi.

Spolia Retapʼrankatè, vel Auaraiʼankatè.

Tympanum militare. Lamelgè.

Si quis Abiponum hostili occumbat manu, ut ardens est apud Americanos vindictæ studium, atque adeo legis instar, sanguinis propinquitate cum demortuo maxime conjunctus mortem ulcisci solet. Illius est vel populares, ac contubernaless suos invitare, vel externos quoque ad armorum societatem vocare, in hostem ducere, & dum aggressio facienda, primum in aciem prodire. Sic filios Patrum, Patres filiorum vel nepotum necem vindicasse, vidimus. Ut opem ferre amicis nationibus, sic ab illis petere interdum solent, seu dum bellum parant ipsi, seu dum ab aliis metuunt, quibus se solos imparcs existimaverint. Verum enimvero, quod Europa experitur toties, parum sane roboris est, ac fiduciæ auxiliaribus in copiis. Indorum maxime desultoria esse solet, ac fluxa amicitia. Cum enim, quæ cum vicinis iniverunt, foedera utilitate metiantur, repente amicissimis terga vertunt, quavis emolumenti tenuissimi spe præponderante.



Equis vel per inaccessum fluminis litus, vel per sylvarum latebras tantisper relictis, ne sui indicium faciant, jam manibus, pedibusque ferarum instar repantes, jam dumeta inter, jam arborum inter ramos latitantes eminus, cominusque observant omnia. Quid quod noctis obscuritate tecti ipsis quandoque Hispanorum ædibus propinquant, intusque colloquentium sermonem auscultando excipiunt aliquamdiu. Etsi Hispanicæ linguæ nescii, saltem num viri, num scæminæ complures istic commorentur, ex verborum pronuntiatione coniectant. Per sua se vestigia ne prodant, assultusque hostilis ingerant suspicionem, pellium segmenta pedibus affigunt suis, qua quidem astutia humani gressus notæ aut dissimulantur, aut abolentur. Sæpe, ut res procul positas perspiciant, jam arboribus, jam dorso equi, ceu scabello, pedibus insilunt. Raro unicus, bini plerumque, sæpe terni exploratores emittuntur. Hi noctu in varias se se vias distribuunt: Hac ille, iste illac excurrit. De statione, de tempore, quo rursus conveniant, paciscuntur. Stare pactis ut possint certius, jam avis, jam feræ alicujus voces e condito imitantur, e quibus alius alium agnoscit, ac denique deprehendit. Ast & hoc altu astute utendum; Si enim nocturnis horis vocem avis imitentur, quæ interdiu duntaxat, non item noctu audiri solet, fictam esse a Barbarorum speculatoribus, experientia norunt Hispani, atque adeo tempestivis cautionibus hostilem subinde assultum eludent; Quin, si equus in promptu iis sit, animusque intrepidus, speculatores pedites nullo negotio assequantur. Id, quamvis perraro, accidisse, meminimus. Sæpe alias ramis arborum confractis, gramine altiori varios in nodos colligato se se jam antegressum socius socio significat. Nemo sane felicius, faciliusque exploratorum partes agit, quam Abi-

po-



num æstuante iter ingrediuntur, non uno agmine juncti, sed sparsi. Sub vesperum tamen in statione, quam condixerant, eadem conjunguntur.

In Europa bellum suscepturo Principi haud sufficiet plumbi, ferrique supellex; opus est auro, argentoque, quo commeatus, annonaria penus, copiarum stipendia procurentur. Nihil equidem istorum summo Abiponum Stratego curandum. Illorum quivis equis copiosis, hasta formidabili, arcu, sagittarum fasce nunquam non instructus est. Unica hæc illis belli instrumenta. Demessa Hispanorum capita, abducta eorum ex prædiis equorum, mulorumque plura millia, rapti matrum e sinu filii, & quæ inde ad illos redit, clari apud suos nominis gloria Abiponibus militantibus pro stipendio simul, simul pro trophæis sunt. Et si colonia, cujus aggressionem meditantur, leucas ducentis plures absit, binos duntaxat equos quisque præ se agit, tertio vehitur ita, ut alternis & laborent & quiescant singuli. Alienum a se putant annona onustos quantamcunque viam ingredi. Quod ad cibum, potumve faciat, asportant nihil. Olim assos cuniculos pro viatico habuisse dicuntur, necdum scilicet in venatione tam exercitati, & equis minus tunc instructi. Hac ætate hasta, quam manu gestat Abipon, feras, quæ vescatur, obvias sternit. Si sylva fructus arborum neget, campus struthiones, struthionum uno in cumulo congesta ova innumera, apros, cuniculos, damas, cervos, leones, tigrides, radices edules, perdices, & quid non? Suppeditabit. Aer avibus, rivi, lacusque vario anatum genere, porcis aquatilibus &c. abundant. Tela in promptu sint barbaro, dapes nusquam deerunt. Solæ palmæ, quibus solum omne superbit, variam præbent cicam. Ut expeditior cuique venatus,

tus, prædaque locupletior obtingat, nunquam turmatim incedunt, sed solutis ordinibus, ni propinqui hostis suspicio id dissuadeat, late per campum sparguntur, eodem rursus, ubi seu meridiandum, seu per noctandum, in loco colligendi. Norunt equidem stationes suas, ubi scilicet aquationis, lignationisque pro foco alendo opportunitas, & quod præcipuum, ubi citra insidiarum periculum tuto delitescant.

Cucurbitas, taurina cornua, quæ in Paraquaria jam lagenæ, jam scyphi vices agere solent; superfluum sibi onus existimant. Aquam enim vel cavis manibus haurire, vel admotis labiis vertagorum more sorbere malunt, & si quidem dulcis fuerit, pro salerno potabunt. Sæpe stagna præsto sunt, & vasti gurgitis flumina, sed quorum unda sale prægnans, interdum sefe amarior stomacho torquendo, quam mactandæ siti aptior, & ne ipsis quidem bestiis tolerabilis. Cultrum ferreum necessarium sibi itineris instrumentum putant, lapillum item pro illo exacuendo, bina ad hæc lignella, quorum affricu mutuo vel equo insidentes ignem promptissime eliciunt. Solent enim campos accendere, ut feræ adulto sub gramine latitantes ignis metu profiliant, & ab illis cæcæ, assæque jam cœnam, jam prandium subministrent. Cotem, binaque lignella suis sub ephippiis abdita circumferre solent. En! his reculis Abiponum suppellex omnis definitur. Felices profecto, qui cœrere sciunt tot Sarcinis, tot plaustris, quæ in Europa ut ararii hirudines, sic exercituum impedimenta & vocantur, & sunt haud dubie; Incredibile enim, quantum militem impediunt sive, dum assequendus, insequendusque hostis, sive dum fugiendus. Abipones nostri sub dio dies, noctesque agunt. Jam Cœli æstu torrentur, jam nimbis plures in dies productis lavantur. Nudum caput

cante, Barbarorum examen formidabile coloniis nostris incubuisse. Nunquam plus timendus hostis, quam dum minime timetur.

C A P U T XXXIX.

De assultu, & quæ hunc præcedunt,
industriis.

Suspiciendæ sunt, quas aggressioni præmittunt, anxie cautiones. Minutatim, quidquid accidere sibi posset, præmeditantur. Opinionibus ne fallantur suis, præstigiatorum suorum aliquem itineris socium, expeditionisque moderatorem sibi adsciscere consueverunt. Hunc, quippe quem & rerum futurarum præscium, & absentium conscium putant, identidem consulunt, ad insaniam usque creduli ceu Apollinem Delphicum venerantur. Ab ejus ore pendunt omnes, ejus nutibus morem gerunt summi, ac infimi Romanis veteribus superstitiones, qui auguribus, aruspibusque non consultis nunquam nisi bellum auspicari. Præstigiatoris Prædictionibus eventus si haud responderit, nemo unus erit, qui illi succenseat, vel porro diffidat. Hallucinetur quotidie, luculenta spoliolum portio, qua ejus mendacia Abipones remunerantur, illi obtinget domi. Si postridie facienda sit aggressio, centum oculis, quo loco res sint, circumspectant, nec, nisi postquam periculo vacare omnia compererint, ad propositi ex-

cutionem animos adjiciunt denique. Loco extra hominum conspectum posito superfluum equorum agmen, ephippia item cum frenis relinquunt, adjectis eorum custodibus. Vultum vario ad terrorem colore inficiunt, ritu apud priscos Teutones, & plerosque Americæ populos recepto. Ad augendam, ut illi quidem sibi persvadent, hostium trepidationem coronam e psittacorum plumis textam alii, alii galericulum e lana rubrum globulis vitreis, vel e limacum concha fictis relucentem, nonnulli prægrandem alam vulturis capiti imponunt suo. Abiponem novi, qui pellem cervini Capitis cornibus horrentem suis cassidis instar vertici accomodabat suo, quoties pugnandum. Quidam rostrum avis Tunka concavum, & spithamam longum naribus suis illigaverat dimicaturus. Minus animorum illis inesse semper adverti, quos de adsciscendis formæ terriculis magis sollicitos observabam. Maxime intrepidi his neglectis nudi omnino, quanvis fucata semper facie, hostium tela expectant. Id tamen mos fert omnium, quod equo, quem quisque probatissimum habuerit, nudo seminudi insideant, frenique loco lorum ejus faucibus adstringant, pro habenis servitutum. Pondus, & quidquid equi retardare possit pernecitatem, rejiciunt, ut ad impetum seu faciendum, seu declinandum se videant expeditiores.

Tempus aggressioni suscipiendæ opportunissimum putant illud, quod, vel principium diei, vel extremum ita tamen, ut lucis tantum affulgeat, quantum ad res omnes oculo discernendas suffecerit. Sole enim aut recedente, aut jam jam redeunte domi plures, quos scilicet obtruncant, inveniunt, eosque semno fere oppressos, cum interdiu negotiorum causa, ubi ubi demum, extra ædes suas plerique

que versantur. At enim alienis cædibus sub Auro-
ram, vel vespertinum peractis cautiores denique Hispani
periculosa habere ea tempora cæperunt, ac vigilan-
ti cura Barbarorum prævertere molitiones. Qua re
perspecta Abipones novo ut astu eos deluderent, de
more, institutoque suo deeedendum quandoque sibi
putarunt, & sæpe sub meridiem nil tale suspi-
catos oppresserunt, quoties rei e voto ge-
rendæ spes affulserat. Abiponum exemplo
idem Mocobii, Tobæ, cæterique barbari præstitere
adeo, ut in Abiponum coloniis quoque nullam
diei partem eorum insidiis, vel insidiarum suspi-
cionibus vacuam porro numeraremus. Horis ta-
men nocturnis vix audent invadere quempiam; Ti-
ment equidem tenebricosis in locis unum aliquem,
a quo conficerentur, latere. Meum forte cubicu-
lum, lumine destitutum noctu amice ingressi terre-
bantur illico, & : Quam nigra est tua domus *Kemou
nenogin Greëvigi*, vel *La naà! nenekáuvagi* pavidi ex-
clamarunt. Patente tamen in campo tenebras haud
reformidant, dum equos abigere, excubare, cam-
pum speculari, &, quidquid sit, aliud agere illis
collubitum. Ferocissimis Barbaris oackakolòt, quos
vulgo Quaycurus, vel Linguas appellant Hispani,
id peculiare est, quod præter aliorum morem noctu
plerumque in colonias irrepant, sæviantque. Præ-
mittere solent suorum aliquot, qui fudes ad loci se-
curitatem terræ infixas evellant clanculum, ut cæte-
ro subinde agmini pateat accessus, incolæ somno
oppressis, nihilque minus quam eadem suis cervici-
bus impendentem somniantibus. Vel hoc nomine
equestris hæc natio late sparsit terrorem. In nostris
certe coloniis idcirco noctes innumeras est vigilatum.
Arii, bellicosissima quondam Germaniæ natio, no-

Et quoque præliari solebant, ut Tacitus refert: *Arrii super vires, quibus enumeratos paulo ante populos ansecundans, truces, infæ feritati arte, ac tempore lenocinans. Nigra scuta, tincta corpora, atra ad prælia noctes legunt, ipsaque formidine, atque umbra feralis exercitus errorem inferunt, nullo hostium sustinente novum, ac velut infernum aspectum; Nam primi in omnibus præliis oculi vincuntur.* Aggressionem porro non eodem semper modo exequantur Abipones. Si colonia Christianorum invadenda, clanculum, viis incognitis, ac citra strepitum propinquant. Multiplici equitum ordine vias cingunt omnes, nullus ut relinquatur incolis effugii locus. Pedites alii contuberniorum portas perfringunt. Quod si id periculosum sibi existiment, eminus sagittis, quicquid ardens Gossippium, aliudve stupæ genus præfixum, magno numero vibratis accendunt ædes, quæ, si stramento, vel materie tectæ, illico exardescunt, flammisque incolas involvunt. Quotquot incendii terrore extra tecta profiliunt, hastis, telisque conficiuntur, certe, nisi pueri, ac puellæ, captivitatem non effugiunt. Qui domesticos intra parietes barbarorum metu se continent, misere cremantur. Certum, ut ut incredibile, barbarorum manus præ igne formidari magis. In oppido Jacobi Sanchez, urbi Correntinæ propinquo templum cum Sacerdote ad aram operante, Indisque fœminis, prolibus, ac viris pauculis (Cæteri enim rure occupati aberant) in cineres abiisse a Barbaris accensum, omnes novimus. Locum, ubi hæc olim peracta tragœdia, ipse, dum iter facerem, spectavi. Præter diruti oppidi vestigia & arbores manu confitas nil jam restat. Plures alii per Tucumanæ, Assumptionisque tractus colopi igne sagittis Barbarorum injecto, quam eorundem hastis consumi maluerunt. Obtruncatis, captisque omni-

bus, quidquid usui esse possit, abripiunt alias Abipones; Quin & plurima, quorum usum ignorant, ne Christianis porro prodesse, asportant vel confringenda mox, vel flumini injicienda. Memorabiliores strages, quibus universam prope provinciam annis superioribus funestaverant, loco suo dein' recensendas, hic prætermitto,

Si quando Hispanorum phalanges adoriri visum Abiponibus, equites hi præcipiti in illos cursu invaduntur non condensatis Europæorum more ordinibus, sed ita laxis, ut in varios divisi globos simul a fronte, simul a tergo, & lateribus eodem tempore contrarios premant, & protensa supra equi verticem hasta obvium quemque contrucidant. Vibrant ictum, sed ne recipiant, eadem, qua assiliere, velocitate resiliunt, mox resumpsis animis in aciem iterum, iterumque redituri. Quisque sibi dux. Suum quisque sequitur impetum. Equum varios in gyros celerissime circumagere nōrunt, sibi que incredibiliter morigerum habent. Corpus suum ex equi tergo pedibus suspensum schœnobatis instar hac illac contorquent, jam, ne feriantur, sub equi ventre abdunt penitus. Hoc potissimum astu plumbeas eludunt glandes. Nam Hispani sclopo ictum destinantis oculos continua situs variatione fallunt, fatigantque. Statariam Europæi militis pugnam damnant omnes, illumque insanire dicunt, qui eadem in statione quietus persistat, pectusque suum, veluti metam, advolantibus globis ultro obijcet. Suam in assiliendo, resiliendoque promptitudinem saluberrimum bellicæ artis documentum, pleno ore affirmant. Barbarorum volubilitatem, ac ingenium qui rite noverit, nunquam in illos sclopum exonerabit, spes nisi certa alicujus ferendi appareat; Postquam enim

enim innocens sclopi tonitru citra ullius suorum stragem audierint, excusso armorum Europæorum metu plus audebunt scilicet. Quamdiu te sclopo intento minitanti sibi aspexerint, male sibi metuent, de se servandis, quam de necandis aliis magis solliciti.

Præproperam, temerariamque in sclopo explodendo festinationem multis exitio, circumspectam, providamque cunctationem saluti fuisse plurimis, nostræ ætatis exempla docent. Iuvat aliqua horum perstringere. In Sancti Jacobi de storea territorio Abipones sub auroram ex rupe præcipiti, ac salebrosa, quam nullus unquam pes hominis, nullus equi calcaverit, equites repente delapsi Hispanorum oppidum (las barrancas appellant) invaserant, neque arduum illis fuit negotium, dormitantes incolas jugulare. Hilarius centurio, mihi paucis post annis perfamiliaris, tum Barbarorum ululatu, tum ejulatu lugubri morientium expergefactus domus suæ limen occupat, sclopo in hostiles manipulos semper directo. Nemo unus omnium ausus est illi imminere. Vel hac sola fulminis comminatione se, suamque servavit filiolum, tot inter vicinorum funera superstites. Stationem, ubi hæc acta, idem centurio transeunti mihi commonstravit. Hispanus alter in agro urbis Correntinæ dum aream domus suæ sudibus obiter munitam Abiponum agmine cingi videt, sclopum illis (quid si pulvere nitrato vacuum?) obvertit, jam his, jam illis minitans. Ad frustrandum, quem destinaverant Barbari, assultum, satis id, superque fuit. Centurionem novi, cui Gorosito nomen, Jacobopolitanos inter milites optime meritum. Sclopo is utebatur, e quo scintillam

nunquam expectaveris. Cur illius reparationem non illico mandaret? roganti socio: Haud sibi necessariam videri, reposuit. Satis est, ajebat, sclopum etsi inutilem ostentari Barbaris, quippe qui solo ejus aspectu terreantur. Neque enim illum vitio laborare, intelligunt. Se inutili hoc sclopo instructum velitationibus non paucis & impune & gloriose interfuisse. Neque opus est mihi alienis experimentis, testimoniisque. Ipus ego sclopo armatus, quin eum vel semel exploserim, irruentium Barbarorum turmam toties per septennium absterrui adeo, ut sacræ ædiculæ, Domusque meæ sepibus ne propinquare quidem auderent, minus vim inferre.

E contrario quam res sit plena periculi, sclopos inconsulto exonerare, tum sæpe alibi, tum potissimum, me in Paraquaria agente, in recenti quadam Indorum colonia, ubi pauci milites prædarii ob crebras Barbarorum incursiones Tucumanæ finibus invigilayerant, experti sumus. Oppidulum hoc Mataguayi rebelles omni telorum genere sub vesperum invasere. Milites in subita trepidatione, quidquid fistularum ignivomarum fuit, adversus Barbarum agmen exonerarunt, at suo, non hostium damno; Hi enim, nullo ad onerandos porro sclopos spatio concessio, inflammatis stupa ardente sagittis domos accenderant, militesque inde in aream profugos hamatis telis confixere, præcisa undique effugii opportunitate. Bini Sacerdotes nostri, qui sacra ibi curaverant, Franciscus Ugalde Cantaber, & Romanus Harto Navarrus, florentissimæ ambo ætatis, mei quondam Cordubæ contubernales, dum & morientium militum salutem, & vitæ suæ consultum ibant, eadem inter domus septa Barbarorum furorem senserunt. Primus equidem telis lethalibus saucius, moxque

con-

conflagrantis sacrae aedulae ruinis sepultus in cineres omnino abiit unico ejus officulo superstite, cui subinde alibi in templo parentatum; In Caelum quoque abiisse visus est omnibus, qui eximiam ejus religionem, suavissimamque morum integritatem semper suspexerant. vitae illius historia Matrili typis edita, Viennae Austriae in latinam linguam traducta est. P. Romanus Harto primi socius (Eadem mecum navi Ulyssipone in Paraquariam translatus) duabus licet sagittis lateri alte inhaerentibus vulneratus noctis subsidio e domus sepibus in propinquam sylvam reptans & barbarorum oculos, & mortem evasit. Sanguini innatans suo, vulnere dolore, & quae inde enascitur, siti acerbissima excruciatu noctem arbores inter sub dio egit, fœdissima tempestate, nimbo, turbine, tonitribusque horrendam. Qui opem ferret, nemo unus mortalium praesto fuit. Albescente Caelo in campum prorepens militem, qui pridie equo profugerat, Numinis singulari beneficio conspexit, a quo equite ad Hispanos, longissime distantes tandem deportatus, persanatusque fuit. Quenam, amabo, tot funerum causa, tantaeque tragoediae origo existerat? Militum pauculorum in scloplis vacuandis in tempestiva festinatio. Inanis strepitus solum aerem feriebat, Indisque animos addidit, ut seposito motu audacius irruerent, Hispanisque tempus ad sclopos implendos necessarium negarent. Pluribus pulvis nitratus, quo uterentur jam, defuisse, dicebatur praeterea, omnibus animus, subito Barbarorum adventu, habitationum incendio, ac tot funerum subinde aspectu incredibiliter consternatis. Prompte, sed provide Barbarorum impetus est reprimendus. Utendum celeriter armis, sed reservandum semper aliquid, quod subitis belli casibus subsidio esse queat. Indi enim in omnem nocendi occasionem intenti
nullo

nullo negotio opprimunt seu inermes seu armis perperam utentes. Hinc si triginta milites catapultarii stationis defensionem suscipiant, in tres dividantur classes, oportet ita, ut decem catapultas in hostem irruentem exonerent suas, decem onerent, totidem alii oneratas reservent. Qua ratione si alii aliis jaculando successerint, illis implendi catapultas tempus semper suppetet, & Indis nunquam deerit causa metuendi. Id si sibi cordi sumplerint documentum, nã? triceni catapultarii trecentis Americanis fugandis, fundendisque pares se experientur. Quod si trecenti jaculatores eodem omnes tempore sine aliqua hostium strage catapultas solverint, a triginta barbaris superabuntur, ni forte in destinando ictu feliciores illorum aliquot stravissent. Abipones equidem, ut cæteri Americani plerique, visa sociorum aliquantula cæde, qua qua possunt, elabuntur. Provincia, quanta est, illis fugientibus angusta videtur. Adversus avium arbori incumbentium catervam glandes plumbeas vibra. Si modo binas, ternasve straveris, satis est. Avolabunt cæteræ. Sic uno, alterove Barbaro occumbente, reliqui omnes exterriti pedem referent ætutum. Adeo vitam suam præ quavis victoria pluri faciunt. Quid igitur causæ esse, putem, cur passim ab exteris metuantur? Dicam.

CAPUT XL.

Quibus modis formidabiles se reddant
Abipones, & quando jure formidandi sint.

Natura meticulosa cum sint, arte formidabiles se reddunt. Innatam aliis magnanimitatem Barbari jam strepitu buccinarum, jam infidiarum astutia, jam incredibili velocitate, jam fucata ad terrorem facie, jam hirsuto versicoloribus plumis capite supplere conantur. Abipones certe, ut sæpius memini, sive invasuri alios, sive ab aliis invadendi his artibus uti consueverunt, quas illi hostis territandi instrumenta existimant, ego rectius nativi eorum timoris argumenta sum interpretatus. Variarum avium plumis jam cristæ instar erectis, jam coronæ speciem referentibus caput insigniunt, ad pugnam, veluti ad nuptias ituri, & jam de victoria certissimi, qua quidem fiducia observata hostem animos desponsurum arbitrantur. Hæc plumis ornandi capitis consuetudo ut antiquissima, sic populis prope omnibus communis est. Galearum apicem plumis varii coloris veluti cristatum passim videmus. Hinc illud Virgilii 12. l. *Æneidos*: *Tum Galeam Messapiabilem, Cristisque decoram induit*. Et aliud alterius poetæ: *Galeam quassabant rubra minuantem vulnera Crista*. Quid quod Cymbri, Teutonæque præter volucrum pennas hiantes, belluarum ferocium fauces galearum suarum cono adjecerint,
ut



ut in acie truculentiores viderentur. Hunc sane in finem pyrobolarii Europæi, flos peditatus, mitram urfina pelle horrentem; Equites quoque petasum plumarum fasciculo insignem gestare solent etiamnum. Si Jovio historico credimus: *Cassanus Bassa* (qui quindecim millium Turcarum ductor Austriam superiorem est depopulatus) erat inter omnes insigni *Crista* conspicuus. Fuit ea ab aurea vagina in fronte exsurgens ala vulsuris, quæ ut ab omnibus nosceretur &c. Ab aliis historicis non *Cassan*, sed *Hassan Bassa* appellatur.

Plumis fucum adjiciunt dimicaturi Abipones. Nam vultum jam albo, jam purpureo colore inficiunt, sed plerumque atro. Fuligo, quam ex ollis, cacabisque radunt, id præstat officium. In itinere, nulla ubi fuliginis copia, ignem excitant, ejusque fumo, ac carbone comminuto ad se tingendos utuntur. Fructus arboris, quam urucuy dicunt Quarani, rubrum colorem præbet, etiam lanæ tingendæ utilem. Materia, qua subitis in casibus se pingerent, deficiente, linguam spina pertundunt, sanguineque ubertim profluente faciem imbuunt suam. Haud eadem omnibus figura. Hi solam frontem, illi unam maxillam, alii utramque infuscant. Sunt, qui retortis in spiram ductibus totum, quantus est, vultum exarant. Nonnulli oculos duntaxat duplici circulo insigniunt. Aliqui atrata penitus facie æthiops mentiuntur. Larvas stygias illos putares, & Plutonis ex aula. Vel quotidiana consuetudine mihi familiarissimos haud agnoveram, dum propinquantem oppido hostem repulsuri tanta colorum varietate se contaminavere. Hic quoque mos populis cæteris Paraquariæ, maxime equestribus quotidianus, imo & præcis Germanis, quod ex verbis, quæ superio-

riori capite, recitaveram, Taciti liquet, qui ait: Arios noctu præliari, nigris scutis uti, corpora sua coloribus tingere, ipsaque formidine atque umbra ferilis exercitus terrorem inferre, nullo hostium sustinente novum, ac velut infernalem aspectum. Nam primi in omnibus præliis oculi vincuntur.

Non oculis modo hostium, sed & auribus terribiles se reddunt Abipones. Velitationibus equidem lituis, tibiis, cornibus, buccinis ut sono, sic materia, figuraque discrepantibus præludunt. Corneæ remugiant, clangunt ligneæ, osseæ, ex tibia majuscularum avium, vel bestiarum quodrupedum paratæ, acutissime sibilant. Arundineæ absurdum edunt stridorem. Facti ex cauda animalis (quod Hispani *armadillo*, Quaranii *Tatù*, Abipones *Pautklai*, vel Katoifai, vulgus Paraquariæ *Kirikinschù* vocant) undique Cataphracti, præfixa arundine litui militares non aures modo, sed omnem latissime auram complent fragore horribili. Verba me deficiunt buccinarum singularum fabricam, usumque explanare cupientem. Illud certissimum, quot milites, totidem buccinatores Abiponum in acie numerari. Horrifonis his classicis ululatum confociant Barbarum, quem admota labiis, celeriterque identidem retracta manu ciere nòrunt. Huic affine videtur, quod Tacitus de Germanis præliantibus memorat: *Affectatur præcipue asperitas soni, & fractum murmur objectis ad os scutis, quo plenior, & gravior vox percussu intumescat.* Audi & Ammianum Marcellinum libro 16: *Cornu, & Braccati usu præliorum diuturno firmati eos jam gestu terrentes barritum civere vel maximum; qui clamor ipso fervore certaminum a tenui susurro exorians, paulatimque adolescens extollitur risu fluctuum caustibus illis formæ.* Ab utroque authore ululatus ille militaris commode ex-

pri-

primitur, quem Abipones oris iterata percussione edere consueverunt. Cæterum fervente pugna vociferatio cunctis prope nationibus solennis fuerat. Polybius L 15. *Romanos more patrio in prælio simul vociferari, & gladiis ad sensa allisis strepitum edere, testatur.* Huic consonat Cæsar 7. de bello Gallico: *Hostes committunt prælium utrinque clamore sublato.* Turcæ etiamnum inconditis clamoribus illud suum: *Allaba Schikir* laudetur Deus, repetunt, in oppositam sibi aciem quoties incursant. Timentur a novitio milite, a veterano, qui arti militari, & experientie suæ confidit, ride tur. Abipones turmatim irruentes elata voce elamitare solent: *Labarâlk! Labarâlk.* Eamus, Eamus, uti Quarani ad strenue agendum se se hortantes. *Yabâ! yaba.* Mokobii: *Zokolâk! Zokolâk!* Hispani: *Vamos*, vel *Vamemos!* idem aliis vocibus repetunt hostem aggressuri. Galli: *Allons! Agite.* Euge iterum, iterumque pronunciant pleno ore. Quamdiu configunt Abipones, tum ad declinanda, tum ad destinanda tela oculos in omnem partem circumferunt, raucoque gutture, crispata veluti voce minitabundi illud identidem pronunciant: *Hò-Hò-Hò*-quo hostem provocare, seque ipsos ad iram accendere, contendunt. Europæis etiam in castris tubarum, tibiaeque clangorem, tympanorum boatum ad animandum, gubernandumque exercitum simul, simul ad hostem territandum adhiberi, extra dubium est. Plures tamen victorias silentio, quam strepitu partas fuisse, ut nostra ætate, sic olim, nemo unus inficiabitur. Hoc utinam sibi cordisumerent Hispani Paraquarienses, quibus perinde, ut Barbaris, solenne est, vociferando assultum auspiciari. Franciscus Barreda Hispanus in provincia Bætica natus, Regii Tucumanie Gubernatoris in S. Jacobi territorio triginta circiter annos vicarius, vir
rebus

rebus præclare gestis clarissimus mihi crebro conquestus est: Nunquam se a suis impetrasse militibus, ut Barbarorum contubernia invadentes Vociferatione abastinerent, iisque taciti per insidias imminerent, ne vel fugam capere possint, vel arma, dum imparati opprimuntur.

Bellator prudens hostilem strepitum, qui pugnam vel præcedit, vel comitatur, serena excipit fronte, spernitque, probe gnarus, tubarum, tympanorumque quamvis horrifico sonitu aures duntaxat, non corpora feriri. Dolendum maximopere, atque adeo mirandum est, Abiporum terribiles visu formas, ac vociferationem inconditam sic formidari a barbatis etiam Paraquariæ colonis. Non solum eorum oculos, auresque percelli, sed & animos adeo turbari, sæpe vidimus, ut jam sui impotes non de præsidiis cogitent, quibus vim vi repellere, sed opportunitatem, qua fugam tuto capere possint, anxii circumspiciant; Qua quidem ratione vitæ interdum consulant suæ, famæ, ac securitati non item. Tanto enim audentiores indies evadunt Barbari, quanto impudentius formidantur, fugiunturque. In ipsis toties urbibus trepidatum est, dum Abipones atrata facie truculentos, toto corporis habitu terribiles, equis perniciousibus advolare, ferales inter buccinarum stridores vociferari, dextra immanem jactare hastam, sagittarum fascibus onerari, cædem anhelare, spirare incendia, trecentas mortes, captivitatem, vulneraque ferocibus oculis minari vago solum rumore, & sæpe vano intellexerant incolæ. Vidisses ultro, citroque concursantium greges, & proximam sibi mortem lamentantium hoste, a quo trucidentur, necdum vel eminus conspecto. Non imbellis modo sexus, sed viri etiam militaribus titulis insignes ad

templa lapidea, abstrusissimas in latebras convolarunt, qui si frontem, sclopumque hosti obvertissent, terror omnis Panicus, fugatis levi negotio barbaris, in risum erat desiturus utique. Sola interdum de Barbarorum vicinitate fama trepidationis publicæ origo fuit. Ante annos haud plurimos in Boni aeris metropoli forte vulgabatur sub meridiem die Dominico, Barbarorum Australium, quos ibi Serranos, Aucas, vel Pampas vocant, numerosum agmen in urbis, nescio, quam plateam irruisse. Conceptus ex falso rumore timor adeo animos omnium occupaverat, ut prope alienata mente, obcæcati terrore, delirantium instar calles omnes percurrerint, impleverintque mæsto clamore. Barbarum enses eorum cervici jam admotum, de vita conclamatum esse, jurasses. Nonnulli ad loca tutiora properantes ob violentam cursitationem capillitii, petasi, pallii jacturam fecere. Hæc inter equites præsidarii, qui urbem omnem lustrarent, missi Barbarorum nec umbram, neque ullum extare vestigium, renunciarunt. Quo audito turbatis incolarum mentibus serenitas rediit, nemoque fuit omnium, quem vani terroris non puduisset, poenituissetque. Ejusmodi spectacula, Barbaris impune per provinciam Grassantibus, in sanctæ fidei, Cordubæ, Assumptionis, salta &c. urbibus quotidiana, certe frequentissima fuerunt. Vulgus enim timidum, quidquid rumor incertus afflavit, pro certo habet, & ubi tuta omnia, periculum suspicatur. Illud, quod in correntina urbecula accidit, præ aliis memorabile, ac risu dignum. Abiponum catervam irruisse, ac in platea, cui a rosis nomen, cædibus jam jam occupari, sub vesperum repente fama percrebuit. Nec mora: Maximi ad templum nostrum, muris fa-xeis validum, fiebant undique concursus. Ipse (cognomen illius, ac filios novi) supremus armorum

præ-

præfectus; sed jam vetulus, vetularum complorantium turbæ immixtus gemitibus illic, ac precibus indulgebat. Hic, hic, agebat, in divinis ædibus, in Jesu Christi præsentia moriendum est nobis. Has militis minime militares voces indignatus Presbyter sæcularis, qui forte advenerat, homo ætate florens, & strenuus: Juro per Christum, reposuit, haud quam nobis moriendum est. Quærendi sunt hostes, & mactandi. Hæc ait, & fulminis Ocyor alis in obvium equum insilit, sclopo armatus ad eam urbis stationem, ubi Abipones sævire jam dicebantur, excurrit opis ferendæ studio. Ast en! universos illic incolas pacatos, quietos, alte dormientes, nihil de Abiponibus somniantes deprehendit, rumorisque terrifici falsitatem trepidantibus adhuc in templo cæteris subinde detexit. Viden', quantum sæpe terrorem Abiponum non forma modo, ac præsentia, sed etiam fama Paraquariensibus injecerit, obscuris licet authoribus sparsa.

Duo, mihi longo rerum usu exploratissima, omnium animis alte impressa vehementer cuperem: Indos nunquam formidandos minus, quam dum maxime terribiles, majorique cum strepitu spectandos se se præbent. Horrificus enim ille, dum affiliunt, Barbarorum apparatus eorum timiditatem prodit. Virtuti suæ, viribus, armisque diffusi fucum varii coloris, avium plumas, buccinas, vociferationem, aliaque, quæ sibi adsciscunt, terricula victoriæ adjumentum fore, opinantur. Verum vel mediocriter animosus quisque, & obiter armatus illa omnia metu dedignatur suo, & cœu futilem umbram intrepidus contemnit. Id primum. Nunquam plus timendos Indos, quam dum nobis timere videntur, id alterum quod affirmo, documentum. Latent quandoque,



tacent, nullum sui indicium præbent. Hoc silentium, ut malacia imminenti procellæ in Oceano, aggressionis proximæ prognosticon esse solet. Præsto erunt propediem, & sui securos repente oppriment. Mortem, cuius ministri sunt, imitantur. Adfunt, quando minime expectantur. Hinc suspectiora semper illa tempora, locaque, quæ omni vacare periculo videntur. Fervente pugna in præcipitem se sæpe fugam effundunt Abipones eo potissimum consilio, ut Hispanos ad sui insectationem pelliciant, & quo integris non poterant, turbatis mox ordinibus divisos contrucident. Inde factum non raro, ut qui victores sibi videbantur, victi fugitivis succumberent. Rationem hujus assignat Vegetius L. 3. cap. 22. *Quia adversus fugientes major audacia, & minor cura est. Necessario autem amplior securitas gravius habere solet discrimen.* Cautissime igitur premenda Abiponum fugientium vestigia. Qui terga vertere, iidem protinus frontem, hastamque se insectantibus obvertent Parthorum more, de quibus Justinus L. 41. *Cominus in acie præliari nesciunt, obsessasque expugnare urbes. Pugnant aut procurrentibus equis, aut terga dantibus. Sæpe etiam fugam simulans, ut incautiores adversus sua vulnera insequentes habeant. - - - Nec pugnare diu possunt. Cæterum intolerandi forent, si quantus his impetus est, vis tanta, & perseverantia esset. Plerumque in ipso ardore certaminis præliq̃ deserunt, ac paulo post pugnam ex fuga repetunt, & cum maxime vicisse se putes, tunc tibi discrimen subeundum sit.* Justinus de Parthis scribens bellissimam Abiponum dimicantium imaginem efformavit, qui sane Hispanis multo periculosiores, dum fugiunt, quam dum in acie configunt. Ad paludes, ad sylvas, ad viarum anfractus, ad montium fauces, ad saxeta, vel dumeta fugiunt, quæ quidem loca equorum habilitate confusi, nandi, equitandique eximia peri-

peritia adjuti promptissime transmittunt, ubi Hispani insequentes, dum vestibus, sarcinulisque suis impediti, equis idoneis sæpe destituti cum aqua, cœno, aliisque viæ salebrose asperitatibus luctantur, in manipulos divisi nullo prorsus negotio hastis confodiuntur. Non raro, ut alios taceam illorum astus, edita jam strage, ædibus jam spoliatis, cæsisque incolis abitum fingunt Abipones, fugamque accelerare videntur. Dum multas eos abesse leucas credideris, assultum repetunt, superstites Hispanos, qui periculo se defunctos putaverant, repente opprimunt, & quotquot possunt, obtruncant. Ut adeo certissimum sit: Nunquam plus timendos Barbaros, quam dum timere videntur. Et meo toties, & aliorum experimento doctus id usque affirmo.

Hispanis ut ut plurimis pauculi Abipones metuendi sunt, si in angustias redigantur, clausi undique, effugium illis nullum ut superfit; Tum enim vero ad se se tuendos extrema audent. Quidquid præ manibus, in arma convertunt. Mortis timor in furorem, sanguis in bilem abit. Trepidatio sagacitatem inspirat, animosque, & hinc præ quantavis magnanimitate reformidanda. Nolunt inglorii, neque sine multorum mortibus mortem oppetere. Rectissime sentit Vegetius L. 3. cap. 22. *Clausis ex desperatione crescit audacia, & cum spei nihil est, sumit arma formido.* Ad id comprobandum plura mihi in promptu sunt experimenta; ed tria commemorasse sufficiet. Abiponum quispiam, cui adstans conjux sagittas, & his consumptis, obvios stipites ministrabat identidem, a Jacobopolitanorum militum corona cinctus tantum negotium facessiverat unus omnibus, ut non nisi post accepta, inflictaque multis multa vulnera eadem in statione persistens tandem occubuerit, Hispanis,

parunt. Ychamenfaikin, quantum nomen apud Abipones: totius agminis ductor prima mox aggressionem sagitta vulneratus victoriam morte sua funestavit. Ex quo palam fit, paucos licet, licet numero, armis, ac viribus inferiores, multitudini timendos esse, si a circumstante agmine cincti, locorum angustiis ita compressi fuerint: nullus ad fugam exitus ut pateat. Cum moriendum sibi esse videant, desperatione rabidi nolunt inulti mori. Vindictæ ardens studium e timidis audaces reddit, illisque pro armis est. Hinc vitam, cuius spem abiecere, non nisi multorum mortibus venalem offerunt hosti. Ipse adeo tigrides, dum illarum fuga intercluditur, serviunt atrocius. Sapienter existimavit scipio: Hosti fugienti viam esse indulgendam. Huic monito morem gerunt plerumque Hispani Paraquarienses, saepeque liberalius, quam conveniat, Barbaris effugii libertatem concedunt, indignantibus quamvis eorum tribunis. Franciscus Barreda, paulo ante a me laudatus, in tricenis, quibus dux præfuit, in Barbaros Abipones, Mocobiosque expeditionibus id expertus fuit. Hi locorum, ubi sua habeant contubernia, opportunitatem captant sagaciter. Fere situm deligunt, ubi vicinam sylvam a tergo, lacum, rivum, vel paludem a fronte, campum pro equorum paucis a lateribus videant. Ejusmodi Abiponum contubernia quoties invadenda fuerant, imperasse se suis (Aiebat mihi dictus Barreda) ut illa ex ea parte, qua sylvam respiciunt, cingerent, ne suam ibi securitatem Barbari more suo invenirent; Ast milites suo imperio nunquam paruisse, querebatur, probe gnaros, sublata fugiendi opportunitate periculosissimam sibi cum hoc hostium genere dimicationem, victoriamque admodum dubiam fore.

CAPUT XLI

Quinam Hispanorum militum nomine
veniant in Paraquaria.

Quoties militum Paraquariensium mentionem facio, de militibus legionariis, & bellica disciplina imbutis me loqui, cave, existimes. Tales enim seu pedites seu dimachæ ad litora solum fluminis argentei stativa habent sua, castrorum Boni aeris, & Montevideo urbium prædarii. Equites ad Barbaros Australes arcendos, coercendosque sæpius excurrere jubentur, Pedites navibus impositi clandestinam veterarum mercium nundinationem argenteo in flumine impediunt. In cæteris amplissimæ Paraquariæ coloniis coloni ipsi militare solent, dum hostiles Barbarorum incursiones vel detinendæ, vel in eosdem suscipiendæ fuerint. Quodvis territorium singulorum urbium aliquot tumultuarii militis centurias, centuriones, ac procenturiones numerat, quibus singulis Magister campi (Maestre de campo) & summus excubiarum præfectus (sargento mayor) præest. Omnium moderator, & archistrategus est Gubernatoris vicarius, qui pariter summus iudex; quod Hispani his verbis exprimunt: *Theniente de Governador, justicia mayor, y Capitan de guerra*. In quavis præterea urbe centuria est, quam centuriam centurionum emeritorum *la compañía de Los Capitanes reformados* appellant. Istorum est Gubernatoris vicarium, quoties

expeditioni interest, comitari, ejusque veluti prætoriani milites reputantur. Multi horum honorarii sunt solum, quia centurionum, imo nec militum partibus unquam functi. Hunc sibi titulum emunt, ut eximantur belli oneribus. Nam solum, dum Gubernatoris vicarius ad bellum proficiscitur, excurrere debent. Cæteri quique vel a Regio Gubernatore, vel ab ejus vices agente ad expeditiones bellicas evocantur. Nullum illis a Rege stipendium, aut vestimentum. Suis quisque armis, equis, ac cibariis instructus militat, quoties, & quamdiu præfectis visum.

Hispanos militari virtute præstantes, semper strenuos, acerrimosque bellatores omnis ætas, omnis provincia experta est. Qui veteris, novique orbis historias pervolverit, eximia eorum facinora ignorare haud potest. Hispanis heroibus enumerandis nulla arithmetica, celebrandis nulla rhetorica par esse videtur. Ingenio prompti, manu strenui, ad belli labores impigri, in periculis terra, marique intrepidi, cæli cujuscunque, ærumnarumque patientissimi, animi magnitudine nemini secundi ea ubique terrarum patrarunt, quæ majorum expectationem, posteritatis fidem, & prope humanas vires excedere videantur. Nil exaggero Hispanorum laudes, vel merita. Tot illa sunt, tantaque, ut verbis a me æquari neutiquam posse, potius doleam. Reportatæ de bellicosissimis nationibus victoriæ, subactæ bello provinciæ, amplissima, opulentissimaque Americæ portio sub jugum missa Hispanæ fortitudinis testimonia, monumenta, & ut verbo dicam, trophæa sunt luculentissima. Invidere ista vicinæ gentes poterunt, negare nunquam, nec eripere. Injurius sit nobilissimæ, & militaris rei gloria florentissimæ nationi, qui secus sentiat. Binis, & quod excurrit, decennis Hispanos inter in America sum

ut ex pumice aquam extundas citius, quam ex illis vel ignis scintillam. Vitiis aliis, atque aliis laborant; Nam in diuturnis itineribus jam stipiti, jam saxo aliduntur, jam madefiunt, jam alio labefactantur modo; Sub dio semper, Cælo sæpe pluvio, noctes agendæ, natatu transmittenda ingentia flumina, equitandum per paludes, per sylvas salebrosas, per rupes. Inde scloporum haud optime custoditorum ruinæ. His adde suppellectilis variæ, quæ ad sclopos onerandos, exonerandosque pertinet, jam penuriam, jam corruptionem his mililibus persequentem esse. Verum etsi omnes sclopi partes sint numeris omnibus absolutæ, ac vitii expertes, ignarius lapis decies chalybi allisus decies jaculatoris fallit expectationem. Silices ad scloporum usum peridoneos varii coloris passim profert Paraquaria; Nigerrimi, rubicundissimique, quia igniculis pluribus prægnantes, cæteris præstant etiam Europæis; Ast hominem, qui ignivomos hos lapides rite scindere norit, ac scloporum usibus aptare, nusquam illic reperias. Sic aliis quoque in rebus liberalem frustra naturam experitur Paraquaria, multis tamen, quibus carere vix possit, semper eget, quia arte, artibusque destituitur. Variis in Colonis milites hostis adventuri rumore perculsi turmatim ad nostras confluxere ædes, lapidesque ignarios, qui nobis quoque rari, & pretiosi, infimis precibus mendicarunt. Centurionem itineris comitem integro mense habui. Quoties seu meridiaturi, seu pernoctaturi ad focum consedimus, sclopo suo coriaceis funiculis ligando occupabatur, quibus trochleas ferreas, clavis instrumenta, dudum perditas supplebat.

Quoties vel nostra ætate trecenti milites, dum fulmina minitantes Barbarorum stativa aggrediebantur,


tur, vel Chalybe rubiginoso ignem negante, vel nitro pulvere humido flammam recusante sclopos explodere vix pauci poterant, a Barbaris egregie explosi omnes, multi hastis confossi fuere. Folia implerem notis, quas deploravimus, ejus generis historiis. Binas, quippe recentiores, adfero. Per S. Jacobi territoria Abiponum manipulus grassabatur. Triceni, qui eorum motus observarent, milites missi, sed sub auroram per insidias ab irruentibus repente Barbaris oppressi, & ad unum omnes misere obruncati sunt. Sub dio noctem egerant. Sclopis male custoditis copiosa roris humiditas pulveres pyrios adeo corripit, ut accendendis iis ne ipse quidem Vesuvius sufficeret. Hæc cladis origo a viginti Abiponibus juvenculis illatæ. Ducenti ex Assumptionis urbe milites Tobarum ferocium contubernia invaserant Fulgentio de Yegros ductore. Ab hac expeditione ad oppidum Rosarii reduces militum præfectos lamentantes alios, alios publico in foro me audiente per jocum gloriantes, obstupui, quod ipso in assultu Barbarorum sclopos suos sibi refractarios, ac prorsus inutiles sint experti, scilicet vel rubigine obductos, vel madidos. Maximam noctis partem in sylva arbores inter rore plurimo stillantes in equis consumpserunt, ut albescente mox Cælo non observati hostium stativis incumberent. De hac expeditione plura alibi. Ex stragibus Provinciæ per Abipones identidem illatis, quas dein ordine referam, argues & arma militibus, & milites armis plerumque deesse.

Tumultuarios, & extemporales Paraquariæ belatores armis vel servandis, vel tractandis neutiquam assuevisse uti exploratum nobis, sic mirandum nemini. Idem nostratibus ruricolis, imo & civibus, dum

pente in milites transformantur, usuvenire experimur. Aliis equidem seu artibus, seu operibus per omnem ætatem distinentur. Militaris institutio nisi præceperit, militem idoneum quis in castris speret? Bellicæ disciplinæ experta multitudo campum numero implebit quidem, sed una penum vacuabit annonariam, nullo hostium damno, nullo patriæ emolumento. Multi sæpe adversus Barbaros excurrunt, sed solo nomine milites, solo nomine Hispani. Si quando pinguioris fortunæ, locoque meliore nati Coloni, quibus arma, armorumque scientia, ad excursions bellicas evocantur, alios, quos ære conducunt, sæpe ineptissimos sibi substituere consueverunt. Alii, ne tantisper conjugis amplexu carere, ne hostilibus telis exponi debeant, militares præfectos præmiis corrumpunt; Quo fit, ut armorum egentissimi, ignorantissimique, qui inermes ruri degunt, belli onera potissimum sentiant, Barbarisque pugnacissimis, objiciantur luculento provinciæ damno, & Hispani nominis dedecore. Plebeji cum pauperes sint, militare jubentur opulentioribus ad rei familiaris curam domi relictis. Cumque illi iterum iterumque excurrere, pluresque subinde menses extra ædes suas consumere cogantur, se ipsis pauperiores evadunt quotidie, suaque cum familia miseriis conficiuntur.

Si ab expeditionis duce sclopis instruantur aliquando, eos finita expeditione, quin vel culicem mactassent, labefactatos reddunt plerumque. Hunc certe in finem ab Assumptionis urbe ducenti sclopi insignes, cum suo quisque pugione, ærarii publici sumptibus procurati sunt. Vix triennium abiit, ex ducentis soli sex, qui porro usui essent, restabant, destructis cæteris. Pugiones aut deerant, aut, quia assandis carnibus, secandisque lignis in itinere adhibiti,

ti, igne emolliti, fractive. Cordubensium præfectus Regius ad flumen tertium forte excurrit, de Barbaris Pampis hostile quid suspicatus. Collectis rure militibus sex pyrii pulveris portiones papyro clausas, & singulas singulis sclopi ictibus destinatas porrexit. Herorum istorum quispiam confestim omnibus his sex portionibus sclopum farcit suum, & dum ad summum ejus tubum haud impletum esse videt, haud satis sibi pulveris pyrii datum, sclopi sui fistulam nondum plenam, Præfecto suo queritur. Miles alter Paraquayensi ex territorio tres pulveris pyrii portiones sclopo intrusit, cumque papyrus, qua clauderentur, obstruxerit forameu fistulæ, per quod flamma ingreditur, tentatis nequidquam ictibus explodi haud potuit; observato per socium errore Martius ille Dameta me adstante liberaliter a commilitonibus explodebatur. Plerique, cum theca sclopetaria careant, illas pulveris nitrati portiones papyro discretas pessime custodiunt, rumpunt, conterunt, madefaciunt, & non raro humi effundunt. Plurimi, dum suo se more armant, bubulo in cornu nitratum pulverem, alio in marsupiolo globos plumbeos, vel plumbi frustra circumferunt. Papyri loco, quæ pulveri, globoque stipando adhibetur, Gossipio utuntur alii, alii musco, vel stupa, aut quidquid demum præ manibus, injiciunt. Plerique hunc in usum lanam ex lanceo ephippiorum stragulo evelunt. Tota hæc rerum necessariorum supellex cum tot servetur in locis, ut singulæ alibi, atque alibi sint conquirendæ, incredibile est, quantum temporis spatium in sclopo onerando absumant. Tantæ cunctationi cum exigua in collineando dexteritas accedat, id denique impetratum est cheu! ut ignifera Europhæorum armia eo liberius indies ab Abiponibus spernantur, quo plus olim timebantur. Magnifice se



circumspiciunt innocui hi milites, faustos se, fortunatosque putant, dum, quod prodigio simile, sclo-
pum suum fumantem viderint, tonantem audiverint,
etsi, ne pilo quidem hostium læso, solum aerem at-
tigerint. Mihi indubitatum prorsus, Paraquarienses
equo strenuo insidentes hasta, enseque plus posse,
quam sclopo. Si quæ Barbaris illata strages, hanc
ferro, non plumbo tribuendam, e vulnibus patuit.

Eccur igitur, quæret aliquis, rudes hi coloni
ad armorum tractationem non erudiuntur? Dudum
id a bonis omnibus optatum, sæpe, sed casso labo-
re, tentatum, sperandum nunquam. In vanum ce-
cidere multi multorum conatus. Jam, qui belli ar-
tes docere possint, jam, qui doceri velint, desidera-
bantur. Me itic agente jussu Regio Franciscus Gon-
zalez equitum protribunus cum aliis præfectis mili-
taribus ex Hispania missus est ad Boni aeris urbem,
ut numerosissimos illius agri colonos bellicis discipli-
nis institueret. At enim, qui discipuli esse vellent,
magistris defuere. Hispani opulentiores, qui in ur-
bibus, coloniisque honestioribus degunt, militiæ as-
peritates fere recusant; Cæteri per prædia remotissi-
ma sparsi pecoribus tuendis, augendisque dant ope-
ram; Hæc enim præcipuæ sunt Paraquariæ opes, &
cum metallorum fodinis, sæpe etiam commercio de-
stituantur, unicæ. Tantis leucarum spatiis distantes,
jam fluminibus, jam sylvis, jam immensa camporum
planities a se divisos in unum, ubi bellicas artes edo-
ceantur, locum cogere, arduum est, & centum diffi-
cultatibus implicatum negotium. Prima vice ad
militarem scholam evocati aderunt complures, novi-
tate Europæorum, quos ridere solent, equitum al-
lecti, non discendi animo. Altero die exfatiata sci-
licet videndi curiositate multo pauciores numerabis

Ter-

Tertio demum vix decadem. Jubeantur Regio nomine institutioni bellicæ interesse, imperio minas licet admisceas, nihil admodum proficies. Absentiam alii alio ex capite excusabunt. Hic vel suum, vel suæ conjugis, aut prolis morbum causabitur; Iste vias, imbrem, fluviumve, quod cælo procelloso transitum negaverint, accusabit; Ille itineris, negotiive, quod differri nequeat, obtendet necessitatem. Alii denique sibi haud collubitum fuisse, proterve fatebuntur. Hæc ita esse Franciscus Gonzalez, mihi familiaris diu, in urbe Boni aeris comperit, ubi otiosus dudum, sed otium pertæsus, desidebat cum suis.

Quid si, inquis, ad coercendos Barbaros Legionarii ex Hispania milites singulis in Coloniais excubarent? Neque id quidem probavero. Provinciæ latissime, longissimeque patenti vel justus exercitus vix sufficeret, & in tot partes divisus quid tandem contra hostium multitudinem poterit? Ejus generis milites jaculandi, pugnandique scientia Americanos superabunt, sed, quia Europæi, ab his natandi, equitandi peritia, itinerum, æstus, sitis, inediaque tolerantia longissime superabuntur. Tentoriis, plaustris, cymbis, vel pontonibus, quibus isti carere non possunt, impediti circumvolitantes equites Barbaros non assequuntur, minus illorum contubernia, quæ ducentas leucas ab urbibus absunt interdum. Sane Hispani dimachæ, Boni aeris præsidarii, perinviti adversus Australes Indos excurrabant, quippe a quibus vulnera sæpius, quam victoriam retulerunt. Legionarios pedites urbi sanctæ fidei ab Abiponibus, Mocobiisque olim propemodum oppressæ suppetias missos nihil admodum profuisse, nemo ignorat, Barbaris scilicet statariam pugnam cum pedite callide subterfugientibus. Haud nego, Pizarro, Cortesio ducibus ab Eu-



ropæo milite Indos innumerabiles Cafos, fugatos, sub jugum missos, sed Indos adhuc pedites. Si Abipones, Mocobios, Tobas, Quaicurues, Serranos, Chiriguanos, aliosque Paraquariæ equestres populos oppugnaturi redirent hodie iidem heroes, plus certe negotii, minus Gloriæ illis ausim polliceri. Primos illos, qui Americam attigerant, Hispanos equo sublimes, ferro indutos, ensibus fulgurantes, ignivomis fistulis tonantes, mysticibus hirtutos imberbes Lodi, nudi, inermes, aut solo ligno armati, novum hominum, qui mori nescirent, genus rati vel fuga declinarunt, vel, si fugere haud licuit, obsequio sibi devinxerunt. Qui hodie bellum movent Hispanis Barbari, quotidie illos vinci, ac mori posse vident, hastis ferreis, equis pernicibus ad eorum impetus eludendos, quin ad eos, dum lubet, impetendos sagacissime uti norunt. Persequuntur illos, & assequuntur; jam fugant sibi infestos, jam fugiunt. Fulminatrices illas scloporum fistulas, quas sæpius nec tonare, sæpius, casto fulmine, nil præter innoxium crepitum edere experti sunt, jam raro sibi periculosas, metuque suo indignas credere paulatim incipiunt. Usque adeo tempus ut res cæteras, sic belli rationem, nationum mores, institutum, animos immutat. Centum Indos a decem olim Europæis profligatos, fugatosve, legimus; Hac ætate decem Indis affilientibus centum Europæos fugisse, toties vidimus. Neque id rarum esse spectaculum, quamvis incredibile videatur, ex iis; quæ porro mihi scribenda restant, planissime cognosces.

Ego quidem, longo rerum Paraquariensium usu edoctus, sic existimo: Homines Americanos, si bellicis artibus, armis idoneis, suppellectili necessaria instruerentur, ob nativam equitandi, natandi, cæsi, belli-
que

que asperitates tolerandi habilitatem præ Europæo milite utiliore aduersus Barbarorum incurſiones operam navaturos. Per univerſam Paraquariam paſſim videas adoleſcentes & origine, & nomine, & animo vere Hiſpanos, Sagaces, agiles, intrepidos, robore, ac proceritate conſpicuos, equites, ſi qui uſpiam, ad ſtuporem dexterrimos, e quibus ſi quovis in territorio una conſtaretur centuria, & a Præſectis ſtrenuis gubernata ſtabili gauderet ſtipendio, nã! Indos hoſtes ad frugem, ad Hiſpanorum amicitiam facile revocandos, amicos in officio retinendos, colonias a vexationibus reſpiraturas exiſtimavero. Quod ſi ex quaternis, vel quinis ejusmodi centuriis, quoties periculum urget, conjunctis agmen conſtaretur, nulla Barbarorum, quamvis numeroſiſſima, ſtativa ſilli inexpugnabilia forent, dummodo exploratæ virtutis, experientiaque dux præſuerit expeditioni. Quinquaginta circiter ejusmodi Equites, quos ſanctæ Fidei civitas ære ſuo aluit, & Blandenges vocavit, rem ſæpe præclare geſſerunt. Petrus Cevallos clariffimus Hiſpanienſium copiarum Dux delectos ex Paraquariæ Coloniis equites in illo contra Luſitanos bello ſibi magno uſui fuiſſe, iterum, iterumque palam affirmavit. Eorum in equitando celeritatem, in trajicendis ſine navi fluminibus promptitudinem, incredibilem in omnibus alacritatem Marchioni Valdelirios me adſtante magnopere dilaudavit in Quaranico S. Borgiæ oppido. Ejusmodi equites, qui in ſingulis Hiſpanorum excubarent coloniis, partim ex arario Regio, partim opulentiorum Hiſpanorum ſumptibus facile ſuſtentarentur, quorum maxime intereſt prædiorum, commerciique ſecuritatem a Barbarorum incurſionibus ſartam, teſtamque conſervari.

CAPUT XLII.

Quæ Cæſorum fors apud Abipones
victores.

U^t primum haſta a ſe ſauciatum quempiam procumbere tenſerint Abipones, prima illis cura eſt, morientis caput amputare. Incredibili id præſtant celerritate. Anatomes experientiſſimis magiſtris certe palam præriperent. Non jugulo, ſed cervici cultrum infigunt, ictu certo, breviffimoque. Quamdiu ferro omni caruerant, concha, piſcis Palometæ maxilla, fiſſa arundo, lapis ſolerter exacutus illis pro cultro fuere. Noſtra quoque ætate cultello ſæpe tenuiſſimo caput, velut ſi papaveris eſſet, reſecare norunt ea promptitudine, quam vel Europæis in carnificibus, licet enſe inſtructis, raro deprehendas. Longo uſu, exercitatione quotidiana hanc ſibi dexteritatem Barbari compararunt. Quotquot enim hoſtes trucidant, totidem ſere capita domum aſportant vel ephippiis ſuis, vel cingulo crinibus alligata. In tutiora poſtquam loca ab hoſtium ſuſpicionem remoti ſe receperant, allata capita pelle nudant. Ab una aure ad alteram infra naſum cutem incidunt, eamque una cum capillis ſcitiffime, citiſſimeque avellunt. Abſtractam ſic a calvaria pellem ſecco gramine ſarciunt, quæ aere paulatim exſiccata capillitii arte facti imaginem refert, ac trophæi inſtar a ſingulis conſervatur eadem ſollicitudine, quæ Europæi crepta hoſtibus ſigna ad perenne

victoriæ memoriam sacris in ædibus posteritati solent ostentare. Cuicunque Abiponum plures ejusmodi pelles domi, is militaris gloriæ fama reliquos præcellit.


Cranium quoque cæsi hostis, os illud scilicet verticis, quod calvam dicunt, asservant aliquando, festivis in comotationibus pro poculo adhibendum more apud alias quoque gentes passim recepto, ut ex historicis compluribus liquet. Inde forsitan Ambrosius Calepinus occasionem nactus est dicendi in verbo *Cranium*: *Est calva capitis, & poculi genus, calvæ figuram referens.* Wayerlinkius genus illud poculi, quod Teutones Topf, & olim forsitan Kopf, Galli vero corrupta non nihil voce *coupe* vocant, antiqui moris, cranii nempe pro poculo adhibendi, vestigium putat. Aventinus certe, si fide dignus, Germanos quondam ex humano cranio bibentes vidisse se, testatur. Herodotus L. 4. Scythas cælorum hostium pelles, victoriæ suæ indices, circumtulisse, eorumque Calvariis pro poculo uti solitos, memorat. Galli prælio defuncti hostium demessa capita ex equorum cervicibus suspendere, ac denique in domus suæ postibus suffigere solebant olim, ut Strabo L. 4. Geograph. Scribit. Belgas præcos eodem fere ritu allatis hostium capitibus domus suæ limina ornavisse, Diodorus L. 5. cap. 9. refert. Severini in Hungaria castris propugnator in partæ victoriæ signum duo plaustra Turcarum capitibus onusta Budam, regni metropolim, misit, ubi anno 1492. Proceres Uladislaos Rege jubente congregati. Ita Bonfinius L. 2. decadis quintæ. Neque miror, tantam fuisse semper in amputandis, adferendisque hostium capitibus populorum sollicitudinem; Certissima enim hæc trucidati hostis documenta. Holofernis caput a Judith resecum,

allatumque de ejus morte dubium omne Bethulienſibus exemit. Haud omnes, qui vulnerati procumbunt in acie, illico mortuis ſunt adnumerandi. Multi, ut vitam ſervent, veluti exanimis commilitonum inter cadavera ſe abdunt aſtute. Mocobiſ poſt crucentam cum Abiponibus velitationem illorum celebrioribus primipilis, quos exſpiſaſſe viderant, capita amputarunt ad augendum triumphi apud ſuos ſplendorem. Duobus e vulgo Abiponibus juvenculis, quos haſtis terebratos undique dudum occubiſſe putarunt, necdum exſaturata rabe violentas manus injece- rant, uni auricula, alteri duobus digitis crudeliter mutilatis. Sed hem! perſanatis Vulneribus paucas poſt hebdomadas ambo incolumes in S. Ferdinandi oppido comparuere hac ſolum ratione infelices, quod nec huic nova auricula, nec alteri novi digiti ſuocreverint.

Ychoäläy, formidable olim Hiſpanis nomen, Abiponum campeſtrium dux illuſtris poſtquam Debayakaikin Abipones ſylveſtres inter facile principem ſibi per annos ſeptendecim infeſtum in acie demum obtruncaſſet, illius, & aliorum primi nominis commilitonum capita publico in foro e furca, hunc in finem parata, ſuſpedit, quæ a ſeminis quotidie ſub vesp̄erum non ſine lugubri carmine ad tugurium quodpiam deportata, ne a Debayakaikini amicorum aliquo noctu cleperentur; Sed primo diluculo ruruſ ſurcæ infami affixa fuere. Dies aliquot id continuatum, dum denique, neſcitur, a quo, clanculum ſublata ſunt. Id probri genus vindex Ychoäläy in præcipuum totius nationis ducem, ſibi ſanguine propinquum, ſed tot dimicationum, cladiumque authorẽ ſtatuit, ut illius ſemper turbulento capiti jam palam illuderetur, cujus manus plurimarum cædium, latrociniorumque instrumenta exſistere, id quod

quod clarius tibi fiet, dum de S. Hieronymi oppido mihi sermo fuerit.

Execraberis utique hanc in secandis hostium, deglumbendisque capitibus atrocitatem Abiponum; Sed tuus, opinor, mitescet animus, rudesque Barbaros venia aliquantulum dignos judicabis, si tecum reputaveris, id eos & majorum suorum instituto, & plurimarum per orbem gentium exemplo agere, quæ faciendi in hostes opportunitatem nactæ omnem humanitatis sensum videntur abieciisse, putantque sibi victoribus in victos omnia licere, ut adeo crudelitatem quamvis militaribus virtutibus ausint adnumerare. Præter ea, quæ paulo ante de Scythiis, Belgis, Gallisque veteribus ex variis historicis recensui, alia, quæ ad hoc argumentum pertinent, memoranda veniunt. Scythæ, aliique Asia, ac Europæ ferociores populi, teste Herodoto L. 4. N. 64, primi, quem ex hostibus jugularunt, sanguinem potant, reliquorum capita Regi adferunt suo. Ni enim hostium caput aliquod quis exhibuerit, omni ad captas bello prædas jure excidet. Pelles ex hostilibus capitibus detractas jam equo suo, velut trophæis, ornando appendunt, jam ex pluribus consutis sibi vestem, jam equi stragulum concinnant. Sunt, qui pellem cum ungibus ab hostis dextera avulsam pro sagittarum theca adhibent, quippe bestiarum corio crassiore, candidioremque. Ipsius ego vidi pellem Tartari exploratoris belle concinnatam, quem in obsidione Viennensi anno 1683. interceptum Germani milites excoxiarunt. Non pauci Scytharum pelles ab hostium corporibus abstractas, subactasque sibi, equisve tegendis impenderunt. Elias Skeed in Libro de religione veterum germanorum gallorum &c. hunc capita hostium glubendi ritum omnibus prope, quæ



soli orienti propiores habitant, nationibus solennem fuisse, affirmat. Quid si ad hoc probandum illa verba in Cantico Moysis Deuteronomii libro, cap. 32. vers. 42. fors aliquid valeant: *Inebriabo sagittas meas sanguine, & gladius meus devorabit carnes, de cruore occisorum, & de captivitate nudati inimicorum capitis.* Caput hostium pelle nudatum hoc loco intelligi, verius mihi videtur, quam caput galea nudatum, ut quidam arbitrantur memores consuetudinis, juxta quam cæsis hostibus, vel captis cassides detrahebantur, ut nudis capitibus victorem exercitum captivi sequerentur. Alias aliorum interpretationes nec ignoro, nec impugno. Innumeræ sunt, quas alii per Americam Barbari in hostes a se vel interfectos, vel captos exercere solent, crudelitatis formæ. Hiroquei in Canada immanitate vincunt cæteros. Ex hostium necdum extinctorum capitibus sæpe pellem avelunt. Noster Josephus Lafitau inter illos Barbaros diu versatus in libro suo: *Moeurs des sauvages Américains &c.* linguis variis toties typo dato fatetur, vitam a se mulierem origine Gallam, gallo nuptam, plurimumque prolium matrem, quæ capite ab Hiroqueis excoriato dudum superstes, sospesque fuit, a Gallis propterea *la sene pelée* dicta. Plures alii hanc capitis excoriationem passi citra vitæ jacturam dicuntur. Nonnulli Indorum Canadensium totum, quantum est, occisi hostis corpus excoriant, ejusque exuvias, veluti victoriæ, ac fortitudinis testimonia circumferunt, ostentantque. Interdum detractam hostili manui pellem in tabacæ thecas convertunt, quæ in canada provincia *Sacs a posum* a gallis vocantur. Tantus quamvis mortuos laniatus maneat corporum, optabilius tamen, tolerabiliusque fuerit in acie occumbere, quam ab Hiroqueis abripi in captivitatem; Hac licet sæpe brevissima quavis alia morte videtur

accr-

acerbior. Ex captivis enim bellicosiores, quos reformat, infantes, vetulos, vetulasque, a quibus in itinere molestias sibi fore prævident, primo mox die, ac veluti in acie cremant. Alios, atque alios diebus posteris, ut ad accelerandum reditum sint expeditiores. Si insectantium hostium timore fugam præcipitare eos oporteat, morarum impatientes captivos singulos singulis arboribus alligant, vicinasque accendunt arbores, ut lento igne torreantur, intereantque, certe, si quando flamma languidior illis parceret, inedia certe extinguntur. Captivos reliquos, quos sibi utiles domi fore existimaverint, constrictis fune brachiis abducunt. Noctibus singulis, ne tenebris ad fugam abuterentur, singulos pedibus, manibusque (figuram literæ X exprimunt) expansis, funiculoque totidem sudibus adstrictis custodiunt; His addunt funem duplicem longiorem; Altero collum, pectus altero vinciunt, circumligantque. Hujus extremitatem herus Barbarus manu complectitur sua, ut, si captivum fugæ cupidum de vinculis se extricare suis conantem sentiat, expergiscatur. Acerbissimæ, & siquid aliud, Intolerabiles miseris noctes videbantur. Totum prope corpus nudi equidem ab infinito advolantium culicum, vesparumque examine dilaniabantur, cum pedes, manusque vincti, motus omnis impotes adversus hos tortores tueri se se nequitiam possent. Calamitoso itinere defuncti victorum in patria vel ad miserabilem servitutem, vel ad rogam damnantur. Hæc, pluraque id genus refert noster Lafitau fide utique dignissimus; Nam, præterquam quod ipse Hiroqueos inter versatus sit diu, fatetur, se cætera, quæ scripserit, omnia accepisse a Juliano Garnier Sacerdote nostro, qui annos sexaginta aliquot eidem nationi Christum, humanitatemque docendæ impendit, linguarum Barbarum scientissimus,

mul-



multa expertus, plurima passus, religionis amplificandæ studio, ac quotidianis in se ipsum rigoribus demum consumptus. Familiari hujus consuetudine, institutioneque dictus Lusitan diligenter utebatur.

Eadem prope feritate Australis Americæ Barbari in captivos animadvertunt suos. Brasilienses certe illos aliquamdiu saginatos non sine multis ceremoniis inspectante, & plaudente populo clava capiti impetita enecare solent. Dissecti corporis artus festivum universo contubernio epulum præbent, quo non stomachum duntaxat, sed & ardens in hostes suos vindictæ desiderium cupiunt exsatiare. Sunt equidem anthropophagorum ex genere, perpetuisque adversus finitimos bellis impliciti. Nefas sit hoc loco Mammaluccos silentio præterire, homines vel Europæos Brasiliensibus cum foeminis conjunctos, vel talibus enuptiis in Brasilia prognatos. Illi Christianos se se jactabant equidem, sed venandis, capiendisque christianorum gregibus semper occupati præ quovis Barbaro sæviebant. Captivorum, quos scilicet lusitanis in Brasilia ad Sacchari, aliasque officinas perutiles ingenti cum fœnore venditaverant, negotiatio impia unicum illis negotium fuit. Ab hac hominum colluvie (ut fufius in libro prodromo explicui) aliquoties centena Quaraniarum millia partim crudeliter trucidata, partim in captivitatem abrepta fuere, qui incredibili nostrorum hominum labore per sylvas conquisiti, in oppidis, quæ condiderant, collocati, ibique sanctam religionem, mores, artesque congruas docti fuerant. Ferro, plumboque, & mille fraudibus armati hi prædones Quaranos ligneis duntaxat armis instructos oppressere. Uno sæpe die, eodemque ex oppido plures seu Neophytorum, seu catechumenorum centurias, ut pecorum greges, abigebantur, mul-

nullo ætatis, sexusve discrimine. Quotquot ad fugam aut procliviores, aut aptiores visi, loris, funibus, catenis vincti rapiebantur interdum, sole præcipitante in altas, quas adventantes eum in finem foderant, scrobes conjiciendi quotidie. Decrepiti, morbo imbecilles ne reditus celeritatem retardarent, ipso in itinere variis modis interempti. Proles lactentes, ne matribus porro oneri essent, partim manibus discerptæ, partim ensibus in centum frustra sectæ, partim solo allisæ vias passim omnes funestant. Pudet, pigetque plura dicere, quæ cogitari a lectore facilius, quam a verecundo calamo exprimi possint. Nefarios hos Indorum Paraquariensium venatores crudelitate, lascivia, lucri cupiditate æstuantes omnis historicus, qui partium studiosus non fuerit, teterrimis coloribus pinxit; Quodnam tamén horum scelerum apud illos principatum obtinnerit, arduum sit, sententiam ferre. Relege, silubet, quæ de Mammalucis in libro Historiæ prodromo adnotavi. Haud reticendum hoc loco singulare crudelitatis genus in captivos, quod Barbari Australes, agro Boni æris finitimi excogitarunt. Si quem hostium in campoprehenderint, ira effervescente haud illum enecant, sed pede utroque mutilato istuc relinquunt, ut motus omnis ad viam prosequendam impos lenta morte dirissimos inter dolores contabescat.

Ab atroci hac in captivos, vel mortuos hostes sæviendi consuetudine, quam in Indis aliis averfamur, longissime absunt, abhorrentque Ahipones. Interficiunt, sed eos duntaxat, quos pro hostibus habent suis, quos sibi vel perniciosos experti sunt, vel periculosos porro, sibi que infensos, opinantur. E vulnere morientes neque torquent, neque excruciant. Hispanorum, Inderumve contubernio expugato
nun-



nunquam promiscue incolas trucidant omnes, quotquot possunt. *Ætati teneræ*, imbelli sexui parcent plerumque, nisi accepta injuria vehementissime irritati internecione dignos arbitrentur universos. Avulsas a cætorum capitibus pelles, facinorum suorum testes domum asportant, ne inglorii, ad suos redeant; Illis tamen ad se, vel equum tegendum, ut quidam solent, non abutuntur. Bello captos, equisque suis impositos & in itinere, & domi comitate, benevolentia, beneficentiaque incredibili plerumque prosequi consueverunt, quod superius cap. 13. de Abiponum moribus, & consuetudinibus, uberius explanavi. Ex quo sane intelliges, Abiponum captivos sorte sua contentos vivere, sed sæpissime ad heri sui offensam, Hispanorum perniciem, suumque exitium turpissime abuti, ac ipsis denique Barbaris evadere deteriores. Optaveram persæpe, ut Patres familias, Præfecti militares, magistri tam faciles, tam beneficos se præberent suis famulis, militibus ac discipulis, quam sui studiosos, amantesque Abipones experiuntur captivi. Hurones, Hiroqueosque, etsi cæterum Barbarie insignes, bello a se captis nihil admodum molestiarum domi suæ facessere, nisi eorum sint ex numero, qui primis ab adventu diebus optimatum sententia ad rogi-
um crudelem damnantur, Pater Lafitan testatur.



C A P U T XLIII.

De Abiporum armis, & aciei forma,
dum aliis cum Barbaris configunt.

Hostes dispares disparia sæpe arma, aciem disparem svadent; Alia, atque alia, tum quibus offendimus, tum quibus defendimur, belli instrumenta poscere videntur. Abipones sane, quoties sibi cum Hispanis configendum, in equo celeri, hastaque firma plus præsidii, plusque ad victoriam momenti inesse existimarunt semper. Hinc thoracibus, quos ex alcis pelle concinnatos pro lorica adhibent, abstinere solebant; Nam hi præterquam, quod contra pilas plumbeas securitatem præstant nullam, fugientium perinde, ac assilientium celeritatem pondere suo retardant. Arcus quoque, dum adversus Hispanos excurrunt, negligunt. Enimvero deliramenti genus foret, arcus sclopiis, lignum plumbo, sagittas glandibus opponere; Hæ enim feruntur longius, quamvis sagittæ feriant certius, eoque periculosius, quo lignum, ossaque, e quibus componuntur, humanæ carni præ plumbo magis noxia, & infesta. Quod si tamen domi suæ ab externo, quisquis sit, hoste invadantur Abipones, arcubus utuntur suis feliciter; Horum enim, quam a pueris didicere, scientiam quotidiano per omnem ætatem belli, venatusque exercitio sic perficiunt, ut ictu certiori, quam sclopo Hispani, quidlibet attingant. Oculorum testimonio convictus toties, id audenter affirmo.

Sed

Sed fingamus, per Abiponum contubernia de
 adventuris propediem Barbaris spargi rumorem. Si
 vires suppetant, animique profligandis hostibus pares,
 ad cognoscenda eorum itinera fidi speculatores qua-
 quaversus emittuntur. Reliquis interea curarum pri-
 ma est, potionem ex melle, vel, si in promptu sint,
 ex siliquis græcis apparare, computationi publicæ
 mox servituram. Nunquam equidem aut in consul-
 tando perspicaciores, aut in dimicando acriores sibi
 videntur Abipones, quam quando fuerint insigniter
 temulenti; Namque tales, ut ipsi quidem autumant,
 pericula non videre, vel si videant, contemnere:
 Paucos multis se adversariis objicere: Vulnerum acer-
 bitatem nil admodum sentire: Vitæ nescios mortem
 oppetere; Conloptos in pectore Mavortii furoris
 igniculos expergeri, ajunt. Et vero certissimum
 id nobis videri posset, si, quod Samianus Strada no-
 ster, in sua de Bello Belgico historia, de Martino
 Schenckio laudatissimo apud Belgas & Duce, & mili-
 te scripsit, in metnoriā revocamus. *Arma nunquam*
(ait L. 10. decadis secundæ, folio mihi 633.) accu-
ratus trahabat, quam quam effuse potus, ac vino amens.
 Idem prorsus, quod Schenckii, Abiponum esse in-
 stitutum, fatum idem, sæpissime comperi. In
 S. Ferdinandi Colonia certis authoribus accepi-
 mus, hostile agmen ex Tobis, Mocobiisque com-
 positum magnis itineribus adversus nos adventare,
 biduique minimum intervallo adfuturum. Attoniti
 hoc nuncio, non territi Abipones consultando, com-
 potando, cantandoque ante victoriam triumpho as-
 sultum præstolabantur multorum paucissimi. Equis,
 ut ad manum semper essent, intra oppidi septa con-
 clusis, vultu ad terrorem picto, poculum manu al-
 tera, altera sagittarum fascem complexi biduum con-
 sumperant. Dominica Quinquagesimæ illuxit. Ter-
 tia

tia a meridie hora Barbarorum equitum turma in conspectum se dedit eminus. Abipones licet post tantam computationem neque mentis, neque gressus satis compotes arrepta hasta feminarum ope in paratos affiliunt equos, per campum nullo ordine sparsi horribiles inter lituorum ululatus in obvios hostes cursu effusissimo invehuntur felicitate tanta, ut illi abjecto mox vastandæ coloniz proposito adjacentibus in sylvis securitatem quærent suam. Verum ab instante undique, & obstante Abipone via exclusos alios alio fuga abripuit. Hi gressum citatissimis equis accelerare: Ille procurentium terga premere conatus. Non pugna, sed hinc fugientium, illinc fugantium cursitatio fuit. Pernicite equorum certatum magis, quam telis, quæ quidem ultro, citroque mittebantur, sed quia ictu parum destinato, citra multorum noxam. Victores nostri non nisi multa jam nocte ad coloniam redire, quin sub auroram aliqui, incolumes præter unum, cui clava caput contusum, omnes, omnes sereni crapula, quod mireris, non dormiendo, sed currendo, pugnandoque exhalata. Quot hostium in tanta insectatione sauciati, quot cæsi fuerint, fateor, me ignorare. Ducentis plures a septuaginta temulentis in fugam actos fuisse, luculentæ victoriæ instar nobis erat. Sed jam cæteros, quos Abipones pugnaz præmittere solent, apparatus, videamus.

Procuratis, quæ ad computationem dimicationibus præviam pertineant, omnibus eo suas cumpri-
mis sollicitudines convertunt, ut equorum suorum agmina hostium oculis, manibusque subducantur. Melioribus, qui ad belli usus prompti, & veluti in conspectu sint, vicinas intra sepes reservatis reliquos iis in stationibus collocant, ad quas vel fluminum altioris



ripæ, vel sylvarum objectu, vel viarum ignoratione difficilior hostibus patet accessus. Latebras quocque, ubi vigente adhuc periculo uxores, liberosque, ac ceteram imbellem turbam abderent, circumspiciunt. Integras sæpe Indorum familias in fluviis, lacubusque palustres inter juncos anatum more demersas, soloque capite prominentes a se detectas Hispani mihi reserebant. Ut primum de hostis propinquitate rumor apud Abipones percrebuit, fucata illico facie telorum falces, lituumque militarem e cingulo suspensum circumferunt semper, quem concubia potissimum nocte instant identidem eo consilio, ut excussa timoris suspitione confictus avidi, vigilantesque ab hostium emissariis, cognoscantur. De hostilium copiarum propinquatione redditi certiores aliis, atque aliis rationibus sibi consulunt. Si pro adventantium numero pauciores se se videant, calliditate infirmitatem suppleant suam. Ne ad suscipiendam aperta fronte pugnam adigantur, variis artibus hostem a stativorum suorum prohibent accessu. Obviam facti jam hostem imparatum per insidias opprimunt; Jam multiplicato tubarum militarium tumultu numerosos sibi mentiuntur; Interdum cornicinibus, buccinatoribusque pluribus remota in statione a tergo relictis se antecessores solum, ac partem pone sequentis agiminis fingunt; Jam Hispanorum, si quas habent, vestibus induti comparent aliqui, Hispanosque milites propinquos sibi fore subsidio, persuadent. Ejusmodi dolis circumventi relictæ præliandi consilio iter relegunt hostes non raro. Tantillæ artis est, Americanos natura meticulosos territare. Pugnam recusant, nisi de victoriâ certi.

At vero nullus sæpe strategemati locus est super. Interdum repentina hostium incursione compulsi, a-

lia

lias victoriae fiducia allecti statuunt denique certamen, pro quo committendo campum hosti adventanti obversum, contubernioque vicinum designatur, ut uxoribus, prolibusque suis forsitan periclitaturis praesto esse queant. Feciales quandoque ab hoste praemittuntur, qui belli causis expositis incolas ad pugnam laceffant. Sed, quod observatum a me saepius, buccinarum, cornuumque boatum, horridam ad arma provocantium vociferationem pro responso auferre solent. Dignum profecto, si quodquam aliud, Europaeorum oculis, cachinnisque spectaculum illa omnia, quae pugnam seu praecedunt, seu comitantur. Viderent sub conflictus initium praestigiatores aliquot equo sublimes, gestu corporis ridiculo palmarum ramos in gyrum circumagentes inimicum agmen ferali carmine diris devovere; Praestigiatrices item vetulas jam humi reptantes, jam leviter subsilientes petforum corrugata fronte, torvis oculis, rauca voce, nescio, quid ominis, vel execrationis deblaterare. Viderent Abipones illitis vultui coloribus truculentos, vertice avium multicolores plumas, manibus arma ostentantes, thorace suo testos alios, alios agilitatis gratia omnino nudos, gradu ad pompam composito, & quasi orbi terrarum minitantes in aciem coire. Montes videntur parturire, quamvis murem prodire ridiculum max videamus. Volunt isti heroes in acie constituti a Patre, coloniae curatore, lustrari, numerarique, numerare seipsos cum nesciant. Illorum ordines percurrens: *Sumusne multi?* Interrogabar identidem, quibus more meo: *Estis quam plurimi*, respondi, ne paucitate sua territi animos, spernque victoriae abjiciant. Quamvis certissimum experientia, oppidatum fere a numerofo hoste fuisse invasa, cum paucissimi incolae domi superessent, reliquis venationis gratia longe, lateque iparsis. Sed nempe sagaces



Barbari affiliunt, dum præfidiariis nudatam coloni-
am suis e speculatoribus intellexere. Aciem, si locus
id ferat, quadratam statuunt. In medio sagittarios,
utramque ad alam hastatos collocari, aliquando ob-
servaveram. Alias & hastis & arcubus instructi singu-
li promiscue aciem occupant. Mocobii, Tobæ,
Quaikurui, etsi equites, equis tantisper in conspectu
sepositis, pedites manus conferunt. Cazikius, aut
alter quivis spectatior, qui præsit omnibus, & pugnam
moderetur, equo insidens in fronte aciei consistit pri-
mum; Sed inchoata jam pugna tam equo, quam
statione illa relictis immixtus aliis configit. Abipo-
num duces fere pugnacissimi sunt, ac ante ceteros
strenui. Cum ducum exempla plus ponderis, quam
verba habeant apud militem, qui libentius ducem
suum acriter dimicantem sequitur, quam eminus ad-
hortantem.

Initio confertis, mox, dum petendus vel arcen-
dus hostis, ita laxis stant ordinibus, ut quisque spa-
tium quatuor, imo sex cubitorum quaquaversus
habeat. Neminem eorum, dum configunt, videas
erecto corpore, vel quietis pedibus contulere. Irre-
quieti semper curvo in terram corpore, fixis in con-
trarios oculis ictus vel declinandi, vel designandi
causa hac illac cursitant. Ore minante simul, simul
hostem provocando solenne illud suum: Hò hò hò
repetunt voce ab imo ad summum ascendente. Ma-
num dextram identidem terræ affricant, ne chorda
arcus non volentibus e lubricis sudore digitis effluat,
qui, sudore pulveribus soli absterso, utique asperan-
tur. Neque Indi Europæorum morem, qui glan-
dium procellam eodem tempore in objectos hostes
temere effundunt, sibi putant imitandum. Singuli
singulos ad ictum solent destinare, ceu scopum; Hinc
alter

alter alterius oculos, motusque omnes sollicite circumspectare satagit, & dum a collineante aliquo peti se senserit, stationem dextrorsum, sinistrorsum saltans mutat priorem. In belli ducem, & bello illustriores multa multorum tela, quamvis raro impune, jaciuntur; Quippe ex istorum cæde in se plus gloriæ, in hostes plus terroris quisque prævidet redundaturum. Cum unus sæpe a pluribus ad ictum destinetur, etsi Argo sit oculatior, vento quovis agilior, securitatem nemo sibi audet polliceri. Ut adeo, si quis sospes acie excedat, fortunæ tribuendum sit sæpe, raro dexteritati, thoraci coriaceo rarissime; Nam hunc non hactenus modo, sed & validioribus telis cedere, ipsi vidimus, quæ nec lignum impervium, etsi lapide durius.

Sagittas ab hoste missas, si propriæ deficiant, remittunt. Exhaustis tamen, uti accidit, pharetris, animisque ipso certamine magis jam effertis, postquam arcu eminus depugnarunt aliquamdiu, hasta cominus incessunt se se vulnera declinandi, inferendique sollicitudine pari. Neque timendum tamen, ne humani sanguinis alluvione turgescat campus. Magna est equidem in lacertosos illis Barbaris ad vibrandos ictus brachiorum vis, ac ferocia, sed ad hos eludendos major pedum velocitas. Tota sæpe dimicatio cõminatione mutua, vociferationeque definitur, ut strepitus quidem multos exaudias, fluere tamen sanguinem videas rarius. Sauciantur interdum complures, paucissimi pro sauciorum numero occumbunt; Ni enim vel perfossum caput, transverberatumve cor ipsum fuerit, de vulneratorum vita conclamatum esse, nemo illorum somniat. Confractas costas, immania per artus reliquos vulnera nihil admodum habere seu admirationis, seu discriminis vulgo sibi persvadent, at-



rant. Enarratis, quæ pugnam arduam, victoriam luculentam facere videantur, minutatim cæteris, commilitones suos in acie vulneratos detegit denique. Ad singulorum nomina: vox *Teyreia* pauperculus cum gemitu repetitur a circumstantibus. Contubernalium, qui in acie occubuerunt, tragica enumeratio pro relationis epilogo reservatur, omnemque de victoria, de spoliis plausum in planctum convertit. Cum Abipones nefas putent vitâ functi nomen pronunciare, pugnae relator hunc fere in modum circumscriptione utitur: *Yoalè eknam oanerma Kamelèn Lauenak là chis kaekà*. Vir fœminæ Hamelèn maritus jam non est. *Yoale eknam Pachiskè Lesà la chishakà* vir Pachiskè pater jam non est. Sic cæteros, si plures obiere, enunciat. Facta vel unius suorum interfecti mentio omnem de quantacunque victoria jucunditatem, ut aqua ignem, exstinguit, ejusque vel recordationem reddit intolerabilem. Hostibus ad unum omnibus internecione deletis si Abiponum vel unus occumbat, victoriam, licet clarissimam, captivorum agmina, spoliolum supellectilem omnem diris devovebunt omnibus, quia vel unius suorum morte emptam. Hinc ille victoriæ prædicator nuncius, ut primum de contubernalium mortibus vel extimis labris mustitare cæperit, ab avidissimis diu auditoribus solus relinquatur aliis alio dilapsis. Mulieres universæ solutis, quos in funem colligere solent, crinibus, cucurbitis, tympanis arreptis longo ordine sibi succedentes forum omne percurrant, horrendoque cum ejulatu (ululatus diceretur rectius) in horas plures producto ab hostibus interemptos lamentantur, quod alibi de luctu, exequiis, funeralibusque Cerimoniis Capite 26. fusius exposuimus.

Abi-



Abipones ab expeditione reduces non uno agmine, sed in manipulos divisi contubernium ingrediuntur suum, sine ostentatione, si victores: sine maioris significatione, si victi, vel gravissime etiam sauciati; Nisi Cazikium suum, expeditionis ducem in illa amisissent. Tum equidem attonsis non nihil capillis redeunt ad luctum testificandum, Cazikiique demortui ossa carne prius nudata, uti & cæterorum, qui occubuerant, non sine funebri apparatu adferunt, quem cap. 27. curate descripsi. Bellatorum anxie expectatus reditus omnium ad se oculos, aures, ora, manusque rapere solet, his equorum agmina, captivos, prædas cæteras, victoriæ fructus aspectantibus; Illis de cognatorum incolumitate percontantibus; Aliis sauciorum vulnera, idoneamque illis curandis medicinam considerantibus; Fœminis omnibus plantu occupatis. Captivos, equos, mulos, reliqua, quæ quisque rapuit, sibi retinet: ni, ut moris apud illos, amicis malit largiri plurima. Uno sæpe itinere prædiis pluribus, campis amplissimis omni ex parte exhaustis plura equorum millia adferunt. Hos, nescio, quibus legibus, ea tamen ratione inter se partiuntur, nullus ut sit dissidiis locus. Diebus posteris equos, qui cuique in partitione obtigerant, avidissime periclitantur. Illos cæteris præferunt, quos velocissimos experiuntur, & alias fere, quæ equum ornant, pulchritudines parvi facere consueverunt. Videas quotidie adolescentum turbam cursu certare, imo & verbis contendere, unoquoque suum præ alieno laudante. Uti pomum recens, quod ipsi ex arbore decerpimus, sapidius putamus. Sic illi, etsi præstantiores domi habuerint, nuper adductos equos omnibus præstare, arbitrantur. Reportatæ de hoste victoriæ recordatio quantum illorum animos oblectat, tantum perturbat; Illos enim, quos clade affecerant



nuper, quamprimum ad vindicandas Cædes, rapinasque adfuturos, diu, noctuque timent. Hinc ad tranquillandam mentem, ad excogitandas propulsandi hostis rationes illis maxime cordi est, publicam de more compotationem illico adornare, certissimum illud, ut credunt, sagacitatis remedium, atque magnanimitatis instrumentum.



C A P U T XLIV.

De anniversaria Victoriarum memoria, & Compotationis publicæ ritibus.

Haud satis est Abiponibus, dum ab hoste redeunt, cruentis adhuc manibus recentem victoriam celebrare, ejus memoriam publica quot annis lætitia renovare solent. Cantu, potu, insaniis, quanta quanta illa est, definitur. Postquam mel, potionis materiam, copiosum e sylvis congersere singuli, anniversariæ huic cærimonix dies præfigitur, domus item, quæ convivarum par numero esset, amplior designatur. Ultimo, quod statum diem antecedit, triduo elegantiore convestitus pallio præconum aliquis omnia circumcursat tentoria; Ad singulorum ingressum festiva laborum percussione ab incolis fœminis salutatur; Ejus hastam, quam tintinnabulo æneo insignitam gestat, mater familias quælibet honoris gratia e venientis manibus accipit, redditque dein' abeunti. Ingressus domum præco humi disposito jam pulvino, ephip-

ephippiis, vel ferinæ pelli insidet. Conceptis mox verbis ad communem victoriarum concelebrationem, cantionemque patrem familias invitat. Digredientem solita labiorum percussione prosequuntur mulieres domesticæ. Eadem prorsus ratione contubernaliū cæterorum obit stativa, comitantium puorū turba semper stipatus. Præconis officio, quod Abipones Patritii detrectant, aspernanturque, proletario genere orti, ætate graves, & præstigiatorum nomine insigniti funguntur. Plebejū vocant omnem alienigenam, e majoribus Hispanis, aut nationis alterius Indis oriundum. Se se enim solos (Risum comprime) nobilissimos reputant Abipones, quosvis alios quasi obscuro, humilique loco natos superbissime, stultissimeque contemnunt. Hispana bello capta, sit nobili genere, ætate floreat, & forma, amasium Abiponem, minus maritum sibi speret, quia extera, & vel hoc nomine Abiponenſi impar nobilitati.

Domum interea futuro conventiculo destinatam tumultuario instruunt apparatu. Solum tigris dum partim, partim taurorum pellibus, queis insideant hospites, convestiuntur. Extemporalis moles ex arundinibus nullo artificio compositis assurgit, cui avulsæ ex hostium capitibus comatæ pelles affiguntur, ceu trophæa. Si quando sub dio extra tentorium victorias celebrare illis visum, in circulo, intra quem confident, solo infiguntur hastæ, e quibus trophæa illa pendent. Sole præcipitante invitati ad locum designatum confluunt, humique confidentes coriacea mulsi vasa in medio, suoque in conspectu habent, quamvis computationi non nisi sub Auroræ principium detur. Noctem enim omnem decantandis victoriis impendunt. Diu, multumque cogi-

tan-

tanti mihi idonea satis vocabula, quibus peregrinum nobis Barbarorum concentum exprimerem, vix totum Latium suppeditavit. Viva voce, characteribusque musicis facilius id, meliusque præstarem.

Nunquam omnes, sed bini concinunt, magno semper vocis sursum, deorsum currentis discrimine, alio alium jam præcurrente, jam sequente, jam interrumpente, interdum comitante. Nunc hic, nunc ille per breve intervallum conticescit. Alia, atque alia pro cantionis argumento modulorum varietas, soni in mazandros inflexio, atque liceat dicere, crispato multiplex. Qui citatiore Gutturis motu cantum modo suspenderit, modo protaxerit, modo gemitibus vel risu interceperit, qui soni gravitate tauri boatum simul, simul capellæ tremulam vocem æmulatus fuerit aptius, is enimvero omne tulisse punctum, is magnus Apollo dicitur. Nemo fuerit Europæorum, qui, nescio, quem mazorem, horroremque a Barbaris his cantoribus sibi afflari distitatur. Adeo ferali carmine aures feriuntur, ipseque adeo animus percellitur, nocturna caligine horridarum vocum tristitiam incredibiliter augeate. Cantorum quilibet cucurbitam oblongi colli ex frumenti turcici, aliisque seminibus injectis strepitantem manu circumagit motu ad musicos numeros accommodato. Interdum symphonicorum more sola cucurbita cantui præludit, alias cantoris sequitur vocem, rarius tantisper conquiescit. Id visum adnotare, ne infernalem hanc musicam suo carere artificio suspiciaris. Admiratione profecto digna videtur tanta vocum discordium concordia, duobus concinentibus. Neminem illorum in cantando hæsitare unquam, vel obmutescere, advertas. Et vero non subito calore, atque ex tempore, quidquid in buccam venerit, effundunt;

dunt; Quin diu meditati ad canendum accedunt singuli. Memoriz mandant, quod e labiis depromendum publico in cœtu. Cantilenæ nulla sunt lege metrica adstrictæ equidem, rhythmicum tamen quid sonant aliquando. Versuum numeros haud suo quisque arbitrio, sed pro argumenti, quod decantandum, varietate moderantur. Non nisi expeditiones bellicæ, hostium cædes, manubiæ ex illis captæ, oppidorum expugnationes, plaustrorum, prædiorumque direptiones, Hispanorum coloniz incolis exhaustæ, vel in cineres redactæ, ac aliæ id genus tragoediæ cantandi, lætandique materiem Barbaris præbere solent. Quæ cum loco, aut tempore, quo parta victoria, conjuncta sunt, non plebejo, sed exquisito stylo describunt. Veluti furore entheo perculli jam indignabundos, jam trepidos, jam minaces, jam festivos verbis idoneis, varia vocis modulatione haud inepte se fingunt; Jurares te modo Herculem furentem, modo Truculentum Plauti militem, modo Anchisen Pergamis suis illachrymantem audire. Quamvis, ne hilaria funestent sua, vix aliquam de Abiporum mortibus, vulneribusque inspergunt mentionem, totique sunt in hostium cladibus, funeribusque exaggerandis. Hæc dum epinicia tot horis decantantur, auditorum nemini nec hîscere, neque mutire, licebit unquam; Quin nocte ipsa somnum svadente, ne oscitare quidem videbis quæmpiam. Adeo heroum, facinorumque suorum laudibus capiuntur, ut somni immemores e cantorum ore pendeant omino.

Cum, Horatio teste, commune id cantoribus sit vitium, ut, nisi rogati, non cantent, & injussi nunquam desistant, de fine cantui imponendo quodvis cantorum par admonetur per fœminas, quæ a viris secretæ circumstant, & dum bini cantores horæ
qua-

quadrantem circiter impleverant, labiorum repetita percussione, satis esse, significant, hasque voculas: *Kla Leya* jam iussit, pronunciant. Admoniti morem gerunt illico, & magnificam rerum truculenter a se gestarum commemorationem hoc omnes claudunt epilogo: *Denique sales sumus nos. Gramachka akam*, ut oratores, dum finiunt: *Dixi*, & pœtæ: *Cecini* adjicere solent. Mox aliud par succedit prioribus, atque eadem ratione cantus ad auroram usque extrahitur. Tum enimvero mutata scena computationi principium datur, fessaque ac sicca Guttura Americano illo nectare recreantur, quod sive ex melle sylvestri, sive ex filiquis græcis aquæ injectis, & horarum aliquot intervallo viniscentibus compositum voluptatem adfert bibentibus, ac moderate sumptum incredibiles corporibus præstat utilitates, ut superius capite septimo uberius explanavi. Potum ex filiquis græcis maxime ægris, tabescentibusque præ omni pharmaco, senio confectis pro lacte esse, multorum experientia constat. Nam collapsas vires insigniter instaurat, quod in ipsis quoque bestiis passim hoc fructu vescentibus experimur. Fœminis tamen Abiponensibus alio præter aquam potu uti, nefas. Abstinentiæ hujus causam indagare, nunquam mihi in mentem venit. Solam consuetudinem pro lege esse, opinor, ut aliis in rebus. Divino tamen consilio ejusmodi morem apud Abipones stabilitum fuisse, conjicio, ut temulentos identidem maritos, dum mutuas in cædes ruunt, sobriez cohibeant uxores, quæ dum pacificationis studio digladiantium circulis se se inferunt, dum maritorum hastas, telaque cætera jam abdunt, jam eripiunt, plurium vulnera impedituræ, frequenter, graviterque vulnerantur. Adhuc cælibes, quamvis adultiores, a publico compotantium coetu excluduntur quidem, clanculum tamen mellea pocula

cula delibare illis integrum, uti & fœminis quibusque mel purum haurire, & filiquis græcis velci. Sapienter ab Abiponum majoribus cautum est, ne adolescentibus compotationibus publicis interessent; Noxas ex illorum vinolentia enascituras, exemplo suo docti prævidebant. Juvenes equidem ipso ætatis ardore ferventes, dum temeto quovis se se ingurgitant, ignes ignibus addunt, ut ovidius canit: *Es venus in vinis, ignis in igne fuit.*

Mel, ex quo potus confiat, in sylvis conquirere, virorum est. Totus labor potionis qualiscunque conficiundæ in fœminas recidit. Illarum est filiquas dum maturuere, ex arboribus sternere, equo domum deportare, in mortariis conterere, eis aquam, quam cantharis ex amne adferunt, affundere, pelles bubulas, quæ vasa suppleant, concinnare. Audi structuræ methodum. Amputatis pedum extremitatibus corium bovis quadratur. Quatuor ejus lateribus in duarum Spithamarum altitudinem elevatis, loroque colligatis, quidquid liquoris infuderis, fundo recipit, fideliter, quin Guttula effluat, complectitur. Corium eadem ratione dispositum, dum vasis agit vices, ab Hispanis *El uoque*, ab Abiponibus *Aâpè* vocatur; Dum ad transmittenda flumina cymbæ instar servit ab Hispanis *La pelora*, ab Abiponibus *Nesak* dicitur. Quomodo corio insidentes ab alio natante tracti lacus, fluviosque trajiciamus, jam alias significatum.

Mel, vel filiquæ Græcæ aquis immerse jam citius, jam tardius pro aeris calidioris, vel minus calidi, temperie optabilem illum græcæ acrimoniæ gradum attingunt, & sine rei alterius accessione quodammodo vineunt. Abipones, compotationis avidiores, alii, aliique coriacea illa vasa accedunt identidem, olfaci-



untque, num potio mellea maturitatem habeat suam. *Layam ycbam.* Jam jam vinescit, recedentes exclamant singuli. Dum denique his succedat quispiam, qui nato iudice, sententiam pronunciet: *La ycbam.* *Jam habes necessariam acidissem.* Quo vulgato destinatum in locum confluunt universi. Coriacea illa vasa multo ebulliente plena sex, octove puellarum manibus apportantur singula; Ista deposito onere, ne verbo quidem ad compotantes prolato ad suas se recipiunt ædes, dignissimæ profecto, quæ Europæis puellis modestiæ, pudorisque ingenui magistræ præficerentur. Primo vase necdum consumpto aliud adfertur, huic tertium succedit, quartum tertiq, ut adeo viri in exhaurienda, scæminæ in subministranda potione certare videantur. Nil mirabar, impigras in præstando obsequio mulieres, strenuasque esse, dum, quanto quævis solertior, tanto apud populares suos celebrior, tantoque de mariti gratia certior evadit. Repudiandas se jure timent, certe frigidius amandas, omnem ni moverint lapidem, ut sitientibus semper viris sua nunquam defint pocula, nunquam displiceant. Fatendum tamen, Abipones compotationum licet studiosissimos privatim, dum prandent, dum cœnant, nullo præter aquam potu quotidie uti. Quid, quod & noverim omnium ex melle, & filiquis Græcis potionum semper absternios, verum tam paucos, uni ut omnes annulo queant insculpi. Tales, cum eximia, rarissimaque abstinentia commendare debuerat, reliqui ut ignavos, degeneres, stupidosque averfantur. Et vero prosapia, militari gloria, authoritateque qui præcellunt maxime, eos maxime bibulos plerumque observavi. Adco ebriositas excellentiæ apud istos modo signum, modo instrumentum, vel premium esse videtur. Vix ullum videas compotanti-

tium circulum, cui Abiponum optimates, pro heroibus vulgo habiti, non affideant, præsideantque, quamvis oborta, ut solet, temulentos inter contentione a quovis infimæ notæ plebejo pugnis sæpe contundantur, postridieque compotationis plures, quam in iride numæres, colores circumferant vultu. Bellicosæ nationis primores perpotationibus immodicis plurimum indulgere, ut mihi certissimum, sic nemini mirandum, qui antiquitatis historias pervolverit. Ex illis equidem liquet, ubique gentium summos viros non raro vinolentia laborasse. Alexander Macedo, Holofernes, Antiochus magnus, (quanta nomina, sed quanti potatores!) Dionysius minor, Mithridates Ponti Rex, Cleomenes Spartanorum, Cambyſes Perſarum, Prusias Bithyniæ, Mezentius Hetruriæ, Attilla, Bela secundus Pannoniæ Reges, Demetrius Phalereus, Marcus Antonius, Maximinus junior &c. &c. natalium suorum, facinorumque splendorem vini intemperantissimo usu non obscurarunt modo, sed & propemodum extinxerunt. Ebrietatis vitium Catoni minori Julius Cæsar objecerat libris duobus, quos Anticatones vocavit. Confirmavit idem Horatius L. 3 Carminum: *Narratur, ait, & prisca catonis sæpe mero caluisse virtus.* Tiberius Nero Cæsar in Castris Biberius Mero passim dicebatur, quod vitium cæteris ebriositatem adjecerit. Monumento Darii, Histaspis filii inscriptum est: *Potui large vinum Bibere, idque egregie sustinere:* Sic Strabo L. 15. In omnium ætatum, provinciarumque annalibus maximos passim homines, belli, pacisque negotiis functos invenias, qui semper parum sibi bibisse videbantur, nisi nimium biberint, cumque in finem nati, ut biberent, non ut viverent, per jocum dicebantur. *Ecquis stupeat istiusmodi heliunum imitatores inter Barbaros reperiri in calentissimis Americæ tractibus?* Illis sane, quippe qui-

bus plus fitis, minus mentis esse solet, eo lubentius ignoscendum.

Interfectorum hostium, ut dixi, Calvariis interdum, alias cucurbita, sæpe cornu bubulo pro poculis utuntur. Europæorum morem convivarum salutis pocula libantium ignorant. Expeditionis bellicæ ideam proponat quispiam, & ad illam invitet affidentes, hi arreptis poculis: *La jam* exclamant, ratumque se, quod proponitur, habere haustu strenuo significant. Id quoque memoratu dignum: Abipones quamvis alias, ut Americani cæteri, voracissimos vix aliquid cibi capere, quamdiu dies, noctesque potando consumunt. Ex quo palam fit, & siliquas græcas, & mel, e quibus illa potio conficitur, magnas ad alenda corpora vires, & non modicam cum cerevisia similitudinem habere, cujus usu crebriore Europæos pinguescere, experimur. Ego profecto nunquam a me impetrare potui, ut, quamvis centies invitatus, vel semel illud Abiponum nectar labiis ad moverem, vomitum mihi certum declinaturus; Sæpius equidem observaveram, Siliquas illas, & mellis favos jam dentibus cibi instar comminutos ab iis egeri rursus, & in scutella, futuræ potioni miscendos, reservari. Existimant enim, illa siliquarum rejectanea, quippe salivis permixta, fermenti loco fore, quod reliquam massam celerius ad gratum saporem faciat accescere. Eadem ratione ducti Indi, Hispanique Paraquarienses triticum Turcicum (Quaranius *Abasi*, Abiponibus *Nemelk*, Hispanis *Máyx*) potui destinatum Vetularum dentibus comminui, curant. Nolunt eam provinciam demandare sceminis junioribus, quas similis humoribus scatere arguunt. Hic mos Americanis & antiquissimus, & universalis. Id qui noverit, poteritne stomacho, quamvis patientissimo, persuade-

re,

re, hanc potionem (Chicha dicitur a Paraquariis, Laagà ab Abiponibus) ut sine nausea admittat? Ipsa certe viscera mihi vomitu evertenda, metuerem. Hæc tamen spurcissima, quia vetularum saliva horrens potio plures in America procos habet, quam Helena olim Græcorum.

Computationis celebrandæ multas semper habent causas; Frequentiores sunt: Parta victoria, imminens pugna, iusta funebria, genetliaca de nato Caziqui filio lætitia, viduorum, viduarumve tonsura, nominis mutatio, Capitanei, qui recens inauguratur, renunciatio, hospitis insignioris adventus, nuptiæ, & quod frequentissime recurrit, bellicum de hostibus seu invadendis, seu evadendis consilium. Nam, quod alias dixeram, nunquam sibi plus sapere videntur, quam dum insigniter temulenti maxime desipiunt. Neque soli Abipones id sibi persuasum habent. Alii quoque populi eodem laborarunt errore. *De summa rerum inter pocula deliberant Persæ*, Herodotus L. I. ait. Perpotando ingenium exacui plures alii putarunt cum illo cretensi, cujus verba apud Gellium L. 15. cap. 2. *Vinum fomes est, atque incitabulum ingenii*. Confirmatur ovidii sententia: *Poetæ carmina, vino ingenium faciente, cavunt* - - Hanc Ovidii opinionem exemplis illustravit Horatius Libro I. epist. 19. Ait enim: Nullum boni coloris versum, aut qui placuisset, e poetis aquæ potioribus unquam fluxisse:

Nulla placere diu, nec vivere carmina possunt,

Quæ scribuntur aqua potioribus - -

Ennium, latinæ pœseos parentem nunquam, nisi vino bene madidum, carmina scripsisse.

Ennius ipse Pater nunquam, nisi potus ad arma

Profluit scribenda - - -

Homerum quoque, qui vinum tantopere commendavit, de vinolentia sibi suspectum esse:

Laudibus arguitur vini vinosus Homerus.

Quod si igitur potando ingenii acies obtinetur, quis inique ferat a Platone, sapientiae magistro, moderatas compotationes laudari, & ab Abiponibus tum maxime frequentari, dum de bello suscipiendo deliberare illis visum. Quamquam extra deliberationis tempora haud minus iis pocula sapiant. Adsit materia parandae potionis, causa, voluntasque potandi decrit nunquam. Promulsidem, cum mel quarentibus passim praesto sit, quavis anni parte in promptu habent, quae dulcedine ad alliciendos, robore ad opprimendos Indos plurimum quidem valet, pro illorum tamen numero cum tanta mellis copia raro suppetat, melleae istiusmodi compotationes fere perbreves sunt, & procellae subitae, vel turbinis instar durare diu haud possunt. A Decembri ad Aprilem usque, dum siliquis maturis nemora abundant, compotationis tempestas grassatur potissimum. His mensibus nulla a potu vacatio, intermissio nulla. Non cessant nocturno certare mero, putere diurno, ut Horatius L. i. epist. 19. canit. Dies nectuntur noctibus vix alio ad somnum, cibumve obiter capiendum intervallo, nisi dum ebrietate stupefacti humi concidunt, aut e somno expergefacti esurire se tantillum animadvertunt. Plerique post soporem brevissimum mente sibi vix dum reddita ad combibonum coetus, gradu saepe titubante, regrediuntur. Per omne id tem-

tempus eos rarissime sui compotes invenias, vivere illis bibere est, & *quanto plus biberint, tanto magis eos finire* diceres, quod teste Plinio L. 14. cap. 22. scytharum legati de Parthis affirmavere. Diogenes certe sua instructus lampade minus hic, quam in confertissimo olim foro Corinthi hominem inveniret, vel Abipones ebrios Corybantes crederet, qui, ut memorant antiqui, postquam c Gallo Phrygiæ fluvio bibissent, furore perculsi sunt, & quoties cybeles honoribus sacra fecerant, in rabiem versi sua cultris brachia dilaniarunt. At quid Galli fluvii unda ad Americanum vinum? Quid Corybantum furiae ad Abiponum temulentorum deliramenta? Isti equidem (causas alibi dixi) crocodili acuminatis ossiculis, spinis acutissimis pectus, brachia certatim compungunt, ipsam non raro linguam transfigunt. Quid quod nonnulli terebrant - - Sed apage. Scribere pudet, quod verecundiam adferat lectori, & quamvis certissimum mihi, aliis vix verisimile possit videri, & cum vitae periculo conjunctum. Profecto insaniae genus est, delicatissimos artus, sensuque acerrimo praeditos atrociter cruentari a Barbaris, ut se doloris sensu carere, ad sanguinis conspectum nil trepidare, vulnera pro deliciis habere alter alteri persvadeat. *Navis in usum lactis scyphis pugnare Thracum est.* Horatius dixit, ex quo historici colligunt: Scythas, ac Thraces suis in computationibus poculorum numero certasse. Apud Abipones ebrios quotidianum in cruciandis corporibus certamen. Familiaris de magnanimitatis prerogativa disceptatio. Hac vociferationum inconditarum, digladiationum, vulnerum, caediumque origo saepissime. Hac in velitatione terga vertisti timidus, forte alter alteri exprobrat. Hic probrum sibi minime ferendum ratus: Quid? Quid ais? *Hegà? Hegmèdè gracàregi?* replicat. A verbis ad

colaphos, ad hastas, ad sagittas, ni obstant alii, sensim venit. Sæpe orta duos inter contentio implicat, concitatque universos adeo ut arma arripiant singuli, jam hujus jam illius partes secuti in aciem prodeant duplici agmine, fraternæque acies, ceu hostiles, atrociter se se impetant, conficiantque. Haud infrequens compotationum tempore id spectaculum, in plures aliquando horas magna confligentium vociferatione, sanguinis effusione non minori productum. Adeo in tigrides convertit Americanos potus intemperantia, quavis circe crudelior.

Solenne erat spartanis, ut Plutarchus instit. Lacon. refert, servos inebriare suos, ebriosque, dum maxime ineptiebant, filiorum in conspectum adducere, ut visa eorum dementia vinum, ceu magicum liquorem, execrari discerent, quo scilicet homines in bestias transformantur. Quotidiana hæc Abipones compotantes inter metamorphosis, sed alias, atque alias temulentorum cerebro imprimens figuras. Hi solutissime cachinnantur ipsa hilaritate hilariores: Illi mærore oppressi plorant: Isti facinorum suorum recordatione inflati, thracone comico Terentii, & Plauti milite gloriofo minaciores insolenter se jactant: Plerique alii furibundi extrema obviis minantur. Novus, qui trienni filiolo, quoties ebrius, semper necem intentabat, & cum pedibus insistere haud posset, humi stratus ad conjugem adstantem verba fecerat maxima, ut per omnem viciniam exaudiretur, vocis contentione. Erat, qui temulentus baptismum sibi semper expetierat a nobis: *Tak nakarigi yemas! Grabalgali!* Propera, lava meum caput, identidem exclamans, etsi iobrius de baptismo nil unquam cogitaret. Alius præter morem suum, ad excolandas Patrum manus cum magna venerationis significatione

accurrit. Quidam nullius apud suos nominis, arcu, sagittisque instructus ad nostras adrepsit ædes, & : Num magnus mihi capitaneus, vir scilicet factis grandibus insignis videretur, minitabundus ex me percontabatur. Ego torvam interrogantis frontem, sagittarumque fascem veritus magnificam enimvero panegyrim illi pro responsione obtrusi semper, quamvis homo meticulosissimus despiciatui passim haberetur. Fuit, qui, quoties temulentus, toties de uxore repudianda, aliaque priori substituenda agebat, quod pluribus commune. Senex quispiam in S. Ferdinandi oppido, & genere, & factis inglorius dum a combibonibus plebejus, *Lanaraiik* vocitabatur, clamoribus absurdis, armisque ulcisci convitium frustra contendit. Nam uxor, pugnax vetula, furenti marito invigilaverat semper, ne combibonum vel pugnis vel mucronibus succumberet. Hinc illum pedibus, ceu temone apprehensum per forum raptabat, domique depositum ad somnum, silentiumque nequidquam hortabatur; Is equidem sociorum contumelia animo identidem recurrente nullam cepit quietis partem, neque vicinos sivit quiescere rauca voce illud usque ejulans: *Tà yeegam! Aym Lanaraiik? Tà yeegam! Là ribè labè. Papæ! Egone plebejus? Ego ignobilis? vindictam posco.* His efferatus cogitationibus in pedes erigere sese dum parat, hastam arrepturus ab irata conjuge iterum, iterumque humi sterneretur. Plurimum sæpe horarum is ludus cum incredibili pone habitantium fastidio fuit. Pauci indignationem comprimere, nemo risum tenere potuit. Idem feminis plerisque omnibus negotium, dum maritis arma, armis temulentorum contubernalium maritos subducere non citra vulneris sui periculum adlaborant strenue. Actum erat dudum de universa Abiponum natione, si ut viri mariti, sic feminae

etiam, ac adolescentes computationibus interessent, qui ad tranquillandos temulentorum, dum in mutuas ruunt vulnera, animos foeminis operam navare consueverunt.

Enimvero consuetudo illa, quæ apud Abipones viget mulieres, temeto quovis semper abstinendi, lex fuit Romanis mulieribus & antiquissima, & severissima. Audi Gellium L. 10. cap. 23. *Qui de victu, atque cultu populi Romani scripserunt, mulieres Rome, atque in latio atatem abstemias, & invinias (vini expertes) egisse, hoc est, vino, quod semetum prisca lingua appellabatur, abstinuisse dicunt.* Abstinentiam hanc non fuisse arbitrariam, sed lege imperatam ex aliis, quæ author eodem loco scripserat, luculentum est. *Marcus Cato: Si quid perverse, resque factum est a muliere, mulctatur; Si vinum bibit, si cum alieno viro probri quid fecit, condemnatur. Ecce! quomodo vinosæ mulier paria adulteræ fecisse judicatur.* Ob legis istius violationem acriter olim animadversum fuisse in quaspiam, scribunt. *Pompilius Faunus Faunam Faunam virginis myrceis ad mortem usque cecidit, quod contra morem, decusque Regium clam vini ollam ebibisset, & ebria facta esset.* Romulo adhuc superstite mulier, quæ vinum attigerat, impune a marito interfecta est, iudicibus ejus cædem excusantibus. Neque adolescentibus promiscuum vini usum permittendum temere, veteres existimarunt. Plato sapientiæ magister equidem in suis pro Republica perfectissima legibus juvenes annum duodevicesimum nondum ingressos vino interdixit. Alio loco suserat, ut juvenes coram senioribus vinum biberent, ne in temperantiam peccarent, utque, si in illam peccaverint, ab illis reprehenderentur. Platonis consilio morem gerunt Abipones juniores, utinam & adulti eorum sobrietatem imitarentur, ac Cretenesium

La-

Lacedæmoniorum, Carthagenensiumque exemplum, qui milites suos vino interdixerunt omnino, ut Alexander ab Alexandris adnotavit. Pescennius Niger bellica virtute ad imperium evectus copiis, dum in castris versabantur, vinum adferri, vetuit, & legionibus in Ægypto vinum sibi poscentibus respondit: *Nihil opus esse vino, quibus Nilus præsto esset.* Soli aquæ ut affvescant Abipones, id enimvero optari, sperari vix poterat. Piscibus, ut aquæ valedicant, facilius perivadebis. Bellatores sunt Abipones, sed & potatores egregii. Syraculanorum ebrietatem nonaginta interdum diebus non fuisse interruptam, Aristoteles scripsit; Abipones a Decembri ad finem Aprilis usque, quibus scilicet mensibus & siliquarum Græcarum copia, & quotidianæ diu noctuque compotationes, temulentos esse, & vix per breve intervallum sui compotes, affirmo. Eosdem menses bellico strepitu turbulentissimos quoque sum expertus. Pauci abeunt dies, quibus temulenti novas expeditionum militarium ideas non procudant, aut de hostium adventu rumores non circumferantur. Bibitur semper, semper trepidatur.

Quidquid flagitiorum, quæ in Americanos cadere possint, ex illorum animis evellas citius, quam nefariam hanc, & exitialem compotandi licentiam. Una ut conjuge contenti vivant Abipones: Cædibus, rapinisque, in quibus consenuere, ut abstineant porro: Avitas superstitiones ut aspernentur: Agro colendo, struendisque sibi ædibus ut operam navent, semper alias laborem exosi, id sensum perivadebis denique. Publicarum compotationum morem abolere, id enimvero opus, si quodquam aliud, perarduum, is annorum plurium labor, hoc negotium, cui perficiendo nulla par seu eloquentia, seu industria



stria illorum, quibus curæ, ac cordi fuit Barbaras gentes ad Romana sacra traducere, divinisque legibus conformare. Hoc nos annis pluribus apud feros Abipones, idem alii socii apud nationes cæteras Americæ experti. Improbo tamen labori improbam cessisse perpotandi consuetudinem, ac plerosque divinæ legi victas dedisse manus, læti passim vidimus. Abiponum ad pelles potu melleo plenas confidentium conventicula quid nisi imago sunt festorum, quibus antiqui Bacchum coluere. Alia dicebantur Ascolia a græco nomine *ἄσκος*, quod utrem significat; Utres enim vino turgentes his sacris adhibuerunt. Orgia dicebantur alia, a quibus nulla sceleris, furoris, turpitudinisque aberat nota, ut adeo vix senatus auctoritate abrogari possent impia hæc sacra. Qui primis seculis Christi religionem sunt amplexi, licet cæteras superstitiones, & simulacra dudum execrati a celebrandis Bacchanalibus ægerrime demum avertentur. Nostra utinam ætate nulla etiamnum Bacchanalium vestigia apud Christi sectatores, restarent!



CAPUT XLV.

De ritibus Abiponum, dum quis de re
militari bene meritus inauguratur, renun-
ciaturque Capitaneus.

Neque inter feras gentes sua virtuti defunt præmia. Homines se esse utut vix norint, honorificis gaudent titulis, quibus alter ab altero distinguatur, præ altero honoretur. Probissimam nobilitatem putant Abipones non illam, quæ sanguinis jure hæreditaria, & patrimonii instar, sed quæ meritis propriis comparata. Apud illos ut filiorum nemo patris sui nomine insignitur, ita nemo patris, avi, vel atavi factis egregiis nobilitatur. Nobilitas non generis, sed magnanimitatis, probitatisque in pretio iis est, ac honore. Hic Barbarorum sensus, quamvis Europæorum mori sæpe contrarius, sapientum disciplinæ, rationique consentit profecto. Nam, ut ille apud Ovidium metamorph. L. 13. vers. 140. ait: *Et genus, & proavos, & quæ non fecimus ipsi, vix ea nostræ puto.* Qui enim (ut Seneca tragædus in Hercule furente vers. 339. affirmavit) *genus jactat suam, aliena laudas.* Rationem hujus reddit Seneca philosophus: *Nemo in nostram gloriam vixit; Nec quod ante nos fuit nostrum est. Animus facit nobilem, cui ex quacunque conditione supra fortunam licet surgere.* Hinc verissimum illud Juvenalis satyra 8: *Nobilitas sola est, æque unica virtus.* Idem prorsus sentiunt Abipones. Non
e pa-

e patritiis natos, sed animi nobilitate conspicuos maximopere reverentur. Caziquiorum, Capitaneorumque, ut ajunt, suorum filios, ac nepotes naturali quadam propensione, ceu stirpis patritiæ furculos, prosequuntur; Eosdem tamen, si stupidi, si meticulosi, si asperis moribus, si absurdo ingenio sint, nihili prorsus faciunt, contuberniis regendis, expeditionibus militaribus præficiunt nunquam. Alius de vulgo, quos strenuos, sagaces, intrepidos, modestos compererint, sibi rectores, ducesque deligere solent. Quicumque virtutis bellicæ documenta dederint, bellicis honoribus non sine cerimoniarum, quas mox referam, apparatu initiantur.

Abiponum, qui necdum militari gradu insignes, nomina in varias desinunt literas. Recitabo aliqua. Novi, qui oahè, oaharì, kiemkè, ychohakè, Hema-kie, Rachik, Evofayeck, Neochiralari, Casiali, Laagalà, Caamefga, Tabañari, Melle, Ypiz, Ychoalay, Kebachichi, Hanà, Narè, Devork, Richivil, Rebachigi, &c, vocabantur. Postquam vero solenni ritu ob militaria merita in nobilium ordinem adscripti fuerint, relicto, quo adolescentes utebantur, nomine aliud obtinent, quod semper in syllabam *Is* terminatur. Et horum audi paucula: Debayakaikin, Ychamenfaikin, Alaykin, Malakin, Kebachin, Ychilimin, Ypirikin Caziquii omnes. Alii Geernfaikin, Hami-hegemkin, Nachiralarin, Laamamin, oaherkaikin, Nakalotenkodin, Neotenkin, Kepakainkin, Pazanoirin, Oapelkain, Kain, Kapalaikin, Kaamalarin, omnium universæ nationis senissimus, qui sacris undis a me ablutus dormiens subinde suaviter expiravit. Majorum instituto solenniter inaugurati *Hücheri* dicuntur, propriaque gaudent dialecto. Etsi enim popularibus utantur verbis, ea tamen jam interjiciendo,

jam

jam adjungendo varias syllabas adeo transformant, obscurantque, ægre intelligi ut possint. Hanc loquendi methodum dudum explicui. Non defuere, qui vel profapia, vel rebus præclare gestis illustriores modestiæ apud suos laudem captarent, nulloque unquam tempore adduci possent, ut recepto more Høcherorum numero adscribi se se paterentur, nomine, quod illis in pueritia obtigit, & linguæ plebejæ dialecto vulgari per omnem ætatem contenti. Hos inter primo utique loco commemorandi veniunt Ychoalay, & Kebachichi. Quanta hæc apud Abipones nomina! quanta Hispanorum in auribus fulmina! Rebachigi ex iis, quæ adolescens belli patrauerat, ambobus major futurus arguebatur passim, ni a lethifero angue ictus vivendi simul, simul vincendi finem intempestive fecisset. Nunquam is ad militaris honoris gradum, toties meritum, aspiravit. Ritus, quibus ad hunc alii promoventur, paucis completar.

Si cui cæterorum arbitrato talis decretus est honor, tolerantiam, communi omnibus experimento, prius periclitantur. Globulo nigro ejus linguæ imposito ipsum triduum domi confidere, filere, ac cibo omni, potuque abstinere jubetur. Aspera sane lex, svavissima tamen, si in memoriam revoces cruciatus, qui in flumine urinoco Indis quibusdam honorum militarium candidatis sunt subeundi. Craticulæ, cui subjecti ardentes carbones, imponuntur, &, quo calor esset, fumusque intolerabilior, palmarum foliis non teguntur modo, sed propemodum opprimuntur neri. Alios melle totum corpus perunctos, arborique alligatos apium, vespærum, fucorum, crabronumque morsibus exponunt. Plura id genus quæ Gumilla in suo flumine Urinoco illustrato amplissime

gradum plebejæ etiam scæminæ consequantur, ignoro; Responzionem absurdam metuens nunquam ausus sum interrogare. Veri tamen simillimum mihi semper visum, suffragantibus parentum, maritorum, vel fratrum meritis ejusmodi prærogativam mulieribus concedi, non ætatis, Venustatisve ratione. Audivi sæpe juvenculas patritiorum lingua fermocinantes; Matronas & rugis, & annis spectabiles vulgi ignobilis ore loquentes. Quamvis nullo plebejo liceat citra publicam auctoritatem nomen in *In*, vel in *En* desinens sibi arrogare, multi, multæque tamen Höcherorum dialectum affectant pro arbitrio jam ad ostentationem, jam joci gratia. Ut sæpe Europæum vulgus insolens seu vestitu, seu locutione nobilissimos quosque imitatur.

Nefas putant Abipones nomen suum palam pronunciare. Si quis illorum noctu portam pulsavit meam, interrogatus a me: quis es? *Miekakami*? Nil aliud respondit unquam vel decies repetita interrogatione, quam: *Ego sum. Gramachka aym*. Advenæ ignoti rogati a me, quo nomine vocentur, adstantem sibi socium impacto cubito, ut sui loco respondeat, admonent. Alter scilicet alterius nomen prodic, nemo suum. Nomen item nuper vitæ functi pronunciare, flagitii instar est. Quodsi nominandus tamen; *Ille, qui jam non est Eknam chiskaeka* ajunt, additis, cognosci ut possit, signis. Si quis inter pocula legis immemor demortui nomen proferat, cruentis sæpe altercationibus dabit occasionem. Et hæc profecto, ut grammaticis solenne, lis est de nomine. Id quoque ridiculum, scæminas complures nomine carere. Catalogum incolarum oppidi conscripturus viros contubernalium suorum scientissimos convocaveram. Ili de scæminarum nominibus interrogati respondere sæpius;

Pius: *Hac nomen non habet, vel illius nomen non est in usu jam. Chishacka localatoër. Chisluish localatoër. Chisâr eyga.*

Appendicis instar accedit; Indita sibi nomina ab Abiponibus perinde mutari, ut ab Europæis vestes. Causæ mutationis nominum esse solent vel facinus quoddam illustrius, vel obitus patris, filii, conjugis &c. ad luctum significandum propinqui omnes nomen vetus, cum novo commutant. Novi, qui progressu temporis sena, qui plura sibi nomina adsciverunt, sed priori semper relicto. Romani quoque jam a rebus præclare gestis aliis, aliisque nominibus insigniebantur. Inde Scipio Africanus, Germanicus, Numantinus, Asiaticus, cunctator &c. jam a corporis, animive habitu: Sic Crassus, Pulcher, superbus Pius &c. Sic apud Abipones: *Kauirin* lascivum. *Oaberkaikin* mendacem. *Ychoalay* rerum suarum tenacem. *Nee-râikin* potatorem significat. Filiis, filiabusque singula nomina a parentum nominibus penitus diversa obtingunt. Apud Quaranos jam Christianos filii patrum, filiz plerumque matrum cognomen sibi sumunt. Idem mos apud Xarthios populos quondam viguisse asseritur in commentariis Taciti ad usum Delphini editis. In tertia historiz parte, quæ jam sub prælo est, illatas ab Abiponibus, acceptasque clades, coloniarum, quas illis condidimus, progressum, ac vicissitudines, orta que ex illis Hispanorum emolumenta exponemus.


[illegible]

Menda sic corrige:

<i>Pag.</i>	<i>Lin.</i>	<i>Pro</i>	<i>Leg.</i>
16	6	Verficuloribus	— Verficoloribus
17	22	propiores	— propiores
29	20	crinium	— crinium
45	2	venialia	— venalia
67	15	Chyrurgo	— Ghirurgo
81	17	Propinguare	— Propinquare
95	30	Alieni	— Alicui
108	29	Inveterat amatrum	— Inveterata matrum
109	2	Arbortuumque	— Abortuumque
119	21	Quarentibas	— Quarentibus
123	34	motibu	— motibus
124	7	villosi	— villosos
—	8	proniffni	— Proniffimos
148	22	lmerfant	— lmerferant
—	30	Bellos	— Bello
174	14	lingul	— linguli
185	3	Quem	— Quen
191	22	El - rka	— Elerka
192	12	affecti	— affecti
—	24	layra	— Tayra
200	23	ille	— illi
210	14	liguam	— linguam
229	22	Arbitro	— Arbitrio
243	26	fauciat a vomitu	— fauciata vomitu
256	9	salubritatam	— salubritatem
263	1	veratus	— versatus
268	31	Numia	— Numina
284	6	Herhariaque	— Herbariaque
294	14	ui	— qui
316	9	serpentes	— serpens
317	4	jaculantur	— jaculatur
318	19	Meditaminum	— Medicaminum
323	11	lufitatis	— lufitanis
331	15	Insinuare	— Inlinuare

Fig.	Lin.	Pro	De
354	26	Har	Har
362	31	Entis	Gotis
364	4	occasinulem	occasinulem
376	6	Durite	Duritis
405	30	sericis	sericis
410	1	confusque	confusque
436	16	discrimen	discrimen
437	28	Ed	Sed
444	8	Europa	Europas
448	1	Pente	Repente
478	18	Protamit	Protamit
499	3	Localtoet	Localtoet

Si quæ alia minoris momenti menda, uti u. pro n;
t pro r, h pro b, vel vicissim collocata inveneris,
tute corriges, benevole lector, & Typothetæ veniam dabis.




JARIAE
eta.
sCorrigenda
ionario

epion
†
† S Raphael
† S Miguel
† S Ja
†
tius Late Territorii
ninis alluvione
lim Lacum
cere

la Plata

F. Afner fecit Vienna









UNIVERSITY OF MICHIGAN

F
2699
.A2
D63
v.2

Dobrizhoffer

Historia de
Abiponibus ...

010260